



W.8.877













IOACHIMI PASTORII

De

HIRTENBERG,

Protonotarii Apostol. Canonici Chelm. Decani, Parochi & Officialis Gedanensis, ac Pomeraniae Generalis. Praepos. ad S. Albertum, S.R.M.

Polon. Historici, Secretarii & Commisarii.

FLORUS
POLONICUS,

Seu

POLONICÆ HISTORIÆ
EPITOME NOVA,

Quintum recognita, aucta, & ad
nostri usque temporis bella
continuata,

Cum Gratia & Privilegio Sac. Rég. Maj. Poloniae




GEDANI ET FRANCOFURTI.

Sumptibus SIMONIS PECKENSTEINII.

Typis SIMONIS REINIGERI,

M. DC. LXXIX.



SERENISSIMO ET POTENTISSIMO
PRINCIPI AC DOMINO,
DOMINO

JOANNI III.

REGI POLONIARUM,
MAGNO DUCI LITHUANIÆ,
RUSSIÆ, PRUSSIÆ, MASOVIÆ, SA-
MOGITIÆ, KIOVIÆ, VOLHINIÆ, PO-
DOLIÆ, PODLACHIÆ, LIVONIÆ,
SMOLENSCIÆ, SEVERIÆ,
CZERNIECHOWIÆ.
QVE.

Dicat, Dedicat

AUTHOR

❧ ❧

*Serenissime & Potentissime Rex,
Domine Domine clementissime,*

Prospera & adversa vetustioris Poloniae non ingrato plurimis breviario antehac complexus, nunc ad propiora rebus praesentibus tempora accedo: eo magis invidiae futurus obnoxius, & tanto grandiori adversus veri inimicos praesidio indigens. Unde autem validius munimentum sperem, quam ab inclyto Sæ.
MAJESTATIS TUÆ CLYPEO?
Is TIBI gentilitius, & ante acceptum etiam Sceptrum, multo rerum gestarum splendore illustris, nunc à dignitate & fortunâ Regiâ longè augustius & robur & decus habet. Ab illo maxima quæq; beneficia sibi Respublica nostra non vanâ spe semper est pollicita,

DEDICATIO.

cita, & usq; non pollicetur modò. sed
& accipit. Sub prin a sceptri Romani
incunabula ANCILE, quod orevis
SCUTI genus erat, cœlo delapsum,
nascenti tùm Imperio longa felicitatis
incrementa promittere credebatur.
Non minora ex fulgente SCUTO
TUO omina dudum concepit, nec
deteriores ominum eventus sentiet
POLONIA TUA. Ex cuius qui-
dem id natum gremio, nihilominus
de cœlo profectum, explicantibus se
itendidem fatis credimus: cœlo quoq;
auspice in TE feliciter coronatum
pronis veneramur obsequiis. Prin-
cipes Poëtarum SCUTA Heroibus
suis à Vulcano fabrefacta, & iis gesta
Deorum, ac regnatricium Nationum
fata, Divinâ manu inscripta fabulaban-
tur, TUUM SCUTUM nihil fa-
bulosum, nihil commenticium habet
aut poscit. Ex ipsis Virtutum me-
ritis contextum, purissimis CHRI-
STIANÆ PIETATIS, SA-

DEDICATIO.

PIENTIÆ, JUSTICIÆ, FOR-
 TITUDINIS, MODERATIO-
 NIS, CLËMENTIÆ, AMORIS PA-
 TRIÆ luminibus fulgeſcit. Et hæc
 ornamenta omnis melior Orbis ultrò
 agnoſcit, ac colit, ipſaq; invidia cogi-
 tur fateri. Cæterùm dignis ea colo-
 ribus adumbrata poſteritati tradere,
 majoris eſt operæ. SCUTUM Achillis
 non niſi divino artificio procudi, non-
 niſi à Principe ingeniorum depingi,
 nec geſtari poſtea, niſi ſimilis Herois
 brachio potuiſſe creditum fuit. TUI
 quoq; CLYPEI pondus ac pulchri-
 tudo tot magnorum decorum coru-
 ſcans mole, tot egregiorum facinorum
 imaginibus fulgurans, non niſi cœleſti
 aliquâ pennâ figurari dignè, ac porrò
 ad poſteros deferri meo judicio poteſt.
 FLORUS tamen hic noſter partem
 decorum, quamquam ſubtimidè &
 quâdam religioſâ brevitæte, attingere
 auſus eſt, nec aliâ laborem hunc coro-
 nide claudi voluit, quàm laureâ ex au-
 guſtis

DEDICATIO.

gustis & fragrantissimis Virtutum ac
meritorum TUORUM floribus com-
positâ. At quantumcunque sudavit
Musa, vix tamen toto illo conatu ma-
jus quicquam assecuta videtur, quàm
ut melius jam intelligat, quibus rebus
dicendis impar sit. TE nihilominus,
REX SERENISSIME, cujus eximiam
bonitatem, & erga me, veterem Tuum
& hujus Reipublicæ servum, Clemen-
tiam expertus novi, opus hoc nostrum,
quintum jam recusum, & magno aug-
mento locupletatum, uti & alia, quæ
deinceps in publicum dare molimur,
non bènignè duntaxat suscepturum,
sed & REGIÆ AUTORITATIS
TUÆ CLYPEO adversus iniquorum
jacula validè tuiturum confido. Nun-
quam gens mortalium tam est fortu-
nata, ut de rebus iisdem idem semper
sentiat. Nec qui facta hominum va-
riorum calamo produnt, pariter omni-
bus placere possunt. Sæpè odia &
bella, quæ inter se inimicæ familiæ &

DEDICATIO.

gentes æmulâ obstinatione gesserunt, in historiam derivantur. Et Ô quàm rarò fit, ut Veritas æquâ omnium lance trutinetur, aut simili mentium acie pernoscat. Iniqua subinde judicia patitur misera, quia in malos ut plurimum iudices, affectus nempe privatos, infensos aut obnoxios, incidit. TE, SAPIENTISSIME REX, decens MAJESTATEM Prudentia ita supra ignorantia umbras, ita & ultra affectuum nubes evexit, ut nemo mortalium certa â dubiis, falsa â veris dignoscere rectius queat. Unde & hoc Historiæ compendium TUO maximè Divino iudicio, TUÆ etiam toto orbe spectatissimæ æquitati se humillimè submittit. Simul verò, qui autor ejus sum, alia pleniora, si fata nos meliora respexerint, daturum me promitto, ubi, si hæc epitome alicubi deficit, aut aberrat, defectus suppleri, errores corrigi poterunt. TIBI, REX SERENISSIME, compendioso nunc voto,

CASI-

DEDICATIO.

CASIMIRI MAGNI felicitatem,
CASIMIRI TERTII sceptrigeram
fecunditatem, SIGISMUNDI PRIMI
longævitatē à DEO OPT. MAX.
animo humillimo precor. Dab Ged.
postridie purificationis Divæ Virginis,
quo festo ante triennium, felix CLY-
PEUS TUUS Cracoviæ, solenni inau-
guratione coronatus est.

*Submisso affectu
scribebam
devotissimus Servus*

JOACHIMUS de HIRTENI
PASTORIUS, Proton. A
Chelm. Decan. Paro
lis Gedan. & Po
Præpos. ad
Hilfor

SARMATIA LAUREATA.

Perillustri Domino Autori
Inter solennes gratulantium plausus
Festivo Divinis. Tutelar. Die

Ab

ALBERTO BARTOCHOWSKI,
Profes. Rhet. in Coll. Gedan. S. J.
consecrata.

Nec Lechicus sterile scit ager. Tot tela,
tot inter
Fortune, ferrig³ minas, Fatig³ timores,
Luctantesq³ truci cum tempestate procellas,
Palladius cumulatur Honos: & Laurea, Laurū
Forrigit, avulsoq³ uno, non deficit alter
Pindarus, & simili frondescit Lechia Ramo.
Quam benè conveniunt, & in unâ sede
morantur

o cum Marte Toga, jurataq³ Musis
um nullis concussa procellis.

Tabulis, calamisq³ mucrones
udent Classica Plectris.

Hinc

SARMATIA LAUREATA.

Hinc Wisniowiecia, radiant adamantina*

Cera

*Sidera, Trejcia semper Fatalia Lune,
Inde triumphali Patriam Zamoscus * Hastâ
Sustinet, & Fatis humeros inclinat Atlantes,
Emeritis illustris Avis : quem, conscia tanti
Sidera Depositi, mediis rapuere triumphu,
Et solia admovêre Jovis, Patriq; Gradivo.
Hinc culto Lechicum calamo Lubinius orbem
Erigit, & Reges mediis interserit Astris,
Seu, cum Sigismunde tuam lachrymatur ad
Urnam,*

*Cygnéa seu voce canit tua Fata, Polone,
Metiturq; suis ingentia nomina Fastis.*

*Quis cultum Patriæ * Cyneam ? quis Ne-
stora dicat ?*

*Cujus purpureus pendeat ab ore Senatus,
Attica cum Patriis misceret verba Pyropis,
Atconitasq; suis raptaret vocibus aures.
Te loquor O Lechice Osfolini Gloria Spadæ,
Quem Tybris attovit stupuit de litore
Nymphis,*

Et consanguineo laudavit Vistula Ponto.

*Hinc calamis, hinc Marte viget Gens Le-
chica : ab ipsis*

*Sumit opes, animûq; Malis. Sub pondere tanto
Jam*

** Dux Wisniowiecius * Zamoscus * Osfolinus.*

SARMATIA

*Jam nutare Orbis potuit ; sed Lechia crescit
Casibus erecta, Occasusq; serenor ipso
Proficit, epoto bellorum sæpè veneno,
Et major contrà Eatorum fulmina surgit.*

Vix Lechum Lucina parit : jam ferrea

Martis

*Signa vocat, vagitq; Puer, nî Martius Horror,
Nî litui, clypeiq; truces, fera tela ministrent,
Et teneros recreent horrentia tympana fletus.*

Hic lituos vocat, ille tubas, hunc Clasfica

Belli,

*Hunc Laurus, calamiq; juvant, hic carmine
cunas*

*Increpat, & Cyrrhâ patriis lachrymatur in
ulnis,*

*Nî teneras siccet lachrymas porrecta papyri
Spongia, luctantemq; animam data pleetra
reducant.*

*Tu mihi testis eris : Lechiæ facunda vo-
luptas, (lona,*

*Cygne Deum, Terræ resonans Philomela Po-
O Amor! O Kochanowi! * Te sidera norunt
Cælestis Te novit Olor, novêre Planetæ.*

*Seu patrios sine felle Sales, seu Clasfica Martis,
Scû cæli stellantis opes, scû Nomina Regum
Threijciis narras fidibus, soboliq; parentas,*

Te

LAUREATA.

*Te Pueri, innuptæq; canunt cum Matre puella,
Scû cum barbaricas aspersit cana pruinas
Parrhasis, hybernûsq; foci risere lucernis,
Scû cum cœtocolus prospexit ab æthere Vesper,
Defunctoq; faces accendit Cynthia Fratri,
Et vigiles cœli excubias adamante notavit.*

*Sarmatico quoties vexabas pectine chordas
Vidimus, ut toto siluerunt barbita Pindo,
Et stupuit Pater ipse lyrae, dextramq;, fidesq;
Increpuit, dixitq; suis mala nomina plectris,
Vidimus Aonium toties jurasse Senatum
Per tua plectra, fidesq;, manumq;, & gemmea
doctæ*

*Fila Chelys. Tibi Gnosfiaca porrexit Olympus
Serta Nurûs. Eratoq; tubas submitit ab astris.*

*Quis te Sarmatica Decus immortale Ca-
mana*

*Twardowi, * taceat? cui pleno Patria Phæbo
Vela tument, acriq; tonat Lucanus in ore,
Scû cum sanguinei memoras decora alta
Gradivi,*

*Scû cum Leszczynia fabricas Capitolia Famae,
Threÿciâ fretus Cytharâ fidibusq; canoris.*

*Non tantum calamis, non tantum Thra-
cius Heros*

*Debet Homere tuis; non tantû Troja Maroni;
Quan-*

* Twardowius,

SARMATIA LAUREATA.

Quantū Twardowia Rex Vladislāe, Camena.
Vivis adhuc Lechici Princeps mitissime Sceptri
Vivis in aeterno saeculorum vivis in ore.

Post cineres augusta tui monumenta Gradivi
Twardowium sustentat ebur, latèq; per Orbē
Martia facta refert. Novit tua nomina

Maurus,

Novit pastus equo, novit tua tela Gelonus.

Tenē meae (Lechici brevior Cromere Gradivi)
Pastori * Cythara sileant? Te Balthica Thetys
Attonitis miratur aquis, cultog; coronat
Picridum sacra turba choro, Tibi nomine

Regum

Charta tumet, Mitrisq; Ducum, titulisq; su-
perba.

Ipsa tibi cunas niveis stravis se ligustris
Virtus, & Puerum roseo sacrasse Pudori
Dicitur, infantesq; manus, vocemq; sonoram
Pindaricis aptasse lyris, auroq; cedrog;
Inscripsisse suis Pietas Tua Nomina fastis.

Dum Balthis, dum Varta fluet, dum Car-
pathus Euros

Infraeto excipiet vultu, dum Vistula Lechi
Insano feriet trepidantia littora fluctu,
Scutaq; Threijcia, & pharetras, & fortia
volvet

* Pastorius.

Corpo-

CYGNUS COELESTIS.

Corpora, sanguineas inter luctantia lymphas;
Semper Honos, Fastig. Tu. Cytharæq; sonabūt.

Cecropiæ procul ite Toga, procul ite Ca-
mena

Non generat testudo Aquilam, non Noctua
alaudum.

Divitiis opulenta suis Lechea V. Lucris
Externæ nil lucis eget, nil indiga luna,
Sole potens patrio, pariter jurata Gradivo
Corda parit, pariter docta devota Minerva.

Ad Cygnum Cœlestem
Vt Flori Sarmatici, Historiogra-
phi, & Poëtæ nobilissimi Nomen, toto
Cælo differat celebrandum.

CYgne, Stellantis modulator Aulæ,
Cygne curarum facies Serena,
Lactei Syren maris, & Deorum
Prima voluptas.

Alitum Sidus: cui delicata
Ardet argento coma, cui pruinas
Candor insperfit, niveisq; sedit
Bruma lacertis,

Quid juvat tristes renovare Lesfos?
Innocens puræ Cytharæde lymphæ,
Quid juvat surdis cecinisse Cygne
Carmina ripis?

I, per

CYGNUS

I, per audaces Phaëtontis orbes,
I, per arduentes Jovis officinas,
I, reluctantis preme tortuosa

Colla Draconis,

I, nec irati Clypeus Gradivi,
Nec truci Orion metuendus ense,
Nec Leo, nec te Minor, atq; Major

Terreat Ursa.

I, per effusas Superûni plateas,
Hâc : ubi Primum Lechici Trionis
Sidus effulget : velut inter ignes

Gemma minores.

Hâc, ubi Cracus posito quiescit
Ense; bellorum satur atq; lauri,
Et suos, auctor, placidis penates

Ridet ab astris.

Hâc, ubi Vendæ pudor innocentes
Recreat Stellas, & amica cælo
Castra metatur, numeratq; fuso-

-Ex hoste trophæa.

Hâc, ubi Lechis fabricat beata
Lustra Premislus; clypeosq;, & enses
Ipse Fortunæ faber, in perenne

Mutat obryzum.

Hâc : ubi pulchro vehit axe Pīastus
Patriæ pacem, niveosq; mores :
Et suis, atro sine felle, Lechis

Mella propinat.

Hâc:

CŒLESTIS.

Hæc: ubi Reges Zemovitus inter,
Ponè Miecislos, medius recumbit

Hæc, ubi Lescò Zemomislianam
Prospicit Aulam,

Et Boleslaus redimitus astris

Illa sub plantis sua Regna spectat

Quæis Musurmanni dubias minatur

Cynthia noctes.

Hæc, ubi Scirpus Jagelonidarum

Surgit in culmos, Cereremq; cælo

Auream profert; & opima plenæ

Gaudia mæsis.

I per augustos, Olor, i per orbes

Quæ Korybuthi, sine nube, Luna

Auream spondet Lechiæ quietem, &

Gemmea lustra.

Differ Arctoi monumenta Fleri:

Pange: Non solus Tyberis disertos

Parturit Floros: parit & Polonus

Vistula tantos!

Non Padus magnum facit, aut Athenæ;

Ipsa sed virtus, & anhela doctæ

Indoles laudis, studiisq; vinci

Nescius ardor.

Vidimus, Magno Cicerone natum

Tybridis plenos vacuâsse fluctus:

Nec tamen jussum potuisse bina

Fundere verba.

Perge

CYGNUS CŒLESTIS.

Perge facundi celebrare Nomen
Nestoris: Fastos, Cytharasq; & acres
Pectinis nervos propera perenni in-
-scribere Cœlo.

Sola, quæ æternis, benè cautus, astris
Credis, hæc nullo moriuntur ævo.
Sola Fatorum pharetras, & iram, &
Fulmina rident.

Non diu ferri patitur lituras
Marmor incisum: pedibus sequentium
Deterit vulnus, pereunt Avitæ
Stigmata laudis.

Fallor? an vasti per aprica cæli,
Echo, Olorinos imitata cantus,
Distinet Soles: & anhela cursu
Sidera ludit?

Jam Tuos cuncti canit ore Fastos,
Jam canit dextram Cytharæ potentem,
Flore, Lecheæ brevior Cromere
Flore Lacænæ.

Scriberis, gemmis, adamante, & auro,
Scriberis, Magni Ciceronis heres,
Scriberis: Nestor Lechiæ, Maroq;
Scriberis alter.

Cui domi Phæbus, placidiq; dives
Ingeni cornu, cui viva Ceris
Cyrtha defudat, vitreoq; volvit
Flumine gemmas. PRO-

PROOEMIUM.

Polonorum natio, vetustissimis seculis,
 communi Sarmatarum sub nomine co-
 gnita, postquam à vastâ horum & non capi-
 ente se amplius turbâ discessit, magis etiam,
 quàm antea, fortitudine Martisq; operibus
 enituit. Formidata semper vicinis remotisq;
 populis, multis insuper sæc diu dominata, à
 nullo, nec Romano quoque, qui Orbi quon-
 dam imperare gloriabatur, subacta. Quin
 & ipsi huic, ut expressis multarum virtutum
 vestigiis, sic quâdam etiam Genii similitudine
 comparari merita. Quem à primo ortu, ad
 bella, & res gerendas ita unicè compositum
 habuit, ut, exemplo veteris Romæ, literato
 etiam otio non nisi seriùs assuescere potuerit.
 Unde factum, ut, quemadmodum triumphos
 alienos, & quæ hos comitari solebat, exter-
 nam scriptionum industriam, felicibus sem-
 per armis arcuit: ita ipsa artium diu negli-
 gens & expers, res Majorum & suas, nonnisi
 memoriâ ac narratione familiari sciret tra-
 deretq;: externis verò gentibus, victoriis po-
 tiùs & irruptionibus, quàm libris innotesce-
 ret. Equidem ante Jagellonem paucissimos
 hic literis eruditos novimus, certe unum tan-
 tùm, qui facta suorum posteritati tradere ag-
 gressus

gressus sit, Vincentium Cadlubcum; Virum Infulatū, ob antiquitatem, laboremque à nullo ante tentatū, venerabilem, quanquam aliqui Romana facundia cultu, seculi sui vitio, minus nitescentem. Sed post Jagellonem, institutamque ab hoc Cracovia disciplinarum officinam, nunc quoque, Viris Excellentibus insignem, subiit major animorum cultura, & hæc adeo cum renascentium passim literarum luce crevit, ut & superiori seculo hæc terra tulerit, & nostro etiamnum ferat ingenia, eruditione, imprimis floridâ illâ, & vite rebusque agendis aptiore, ad miraculum usque culta. Nec paucos etiam, qui res patrias decoris laboribus componerent illustrarentve, ætas hæc posterior profudit. Præter ceteros, quos silentio. hic veneror, Martinum Cromerum, Varmiensem Antistitem, dedit, virum ut loco illustrem, ita nulli historicorum seculi sui secundum, sive peritiam rerum, sive elegantiam Romani sermonis spectes. Quam utramque clarè ostendunt annales ejus, magnâ industriâ elaboratum & perpetuâ laude dignissimum opus.

Enimverò quia & extat jam rariùs, & diffusâ orationis profluentiâ grandius est, quam ut ab omnibus parari vel legi possit; incessit

& alius

PROOEMIUM

Et aliis ante me, Et mihi post illos studium,
 contrahendi, quæ ille operosius diduxit, in
 compendium, simulque eadem brevitate, quæ
 post illum in Poloniâ acta essent, attexendi.
 Eam ego operam ante quadriennium, cum
 fortè à lectione melioris ævi scriptorum re-
 centior essem, aggressus, ad exitum Sigismun-
 di Augusti, qui ultimus Jagellonidum ma-
 sculorum fuit, deduxi: magis tamen id, quic-
 quid esset, privato usui, quàm luci publicæ
 destinans. Quam revereri ego, ut par est,
 semper solitus sum, Et ut sustinere queat hoc,
 quod jam verecundia custodiam effringit,
 maximè metuo. Numisne formidolosum me
 ingenium aut tenuitatis conscientia faciat,
 nescio: sed multos profectò fore censores,
 multa Et hîc jam nunc video censuræ oppor-
 tuna: nec temerè forsan repertura veniam
 apud inhumaniores, Et quibus aliena sugilla-
 re volupe est. Multis non placebit ista, quæ
 maximè placere volui, brevitatis; quod desi-
 derium alicubi legentis non explebit. Sed
 forsan idem, si suussem prolixior, breviorẽ
 me voluisset. Ita enim plerumque præsen-
 tia in fastidio: quæ desideramus, in laude
 sunt: nec facile quid mediocre, utui sit, vi-
 detur omnibus. Plures, opinor, brevitatem

PROOEMIUM.

non culpabunt, sed vellent sejunctam à vitiis suis, obscuritate nempe, & incenditâ ex re unâ in aliam desultatione. Obscuritatis accusatoribus quod opponam, non habeo, præter difficultatem rei, maximis etiam ingenii agnitam. Rarisimis profectò datum, nullo perspicuitatis damno, paucis verbis multa complecti posse. Nec pictor facile parvâ in tabulâ homines sexcentos aquè expressos & cuius oculo obvios dederit, quàm si singulis tabulis singulos depingat. Et quis credat nuci inclusum Magni Homeri opus aquè facile legi fuisse, quàm aliquot arborum certicibus descriptum? Jam compagem scripti, si alicubi solutior videbitur, argumenti itidem ratio meritò defendet. Si Flori, aliorumque exemplo per bella tantùm vel seditiones domesticas voluisssem decurrere, rem unam uno capite tradidisset, fuissetque sine salebris oratio. Nunc, quia Regum vitam, factaque omnia, certe sciri digniora, memorare decreveram, in eâdem sæpè paginâ de nuptiis & funeribus, de comitiis pugnisque agendum, trahiciendusque subinde à Vistulâ ad Tanaim, à Smolensco Cracoviam stylus fuit. Genus dicendi, quod secutus sum, non excusabo hîc multis: frustra enim fecero, qui scio, suum cuique.

PROOEMIUM.

cnique & esse, & placere, & prout quodque
 ex alienis ad suum accesserit, ita aestimari.
 Castitatis quidem Romanae, quantum potuit,
 ratio habita est. Sicuti asperiusculum quid,
 aut insolens occurreret, damnari non prius ve-
 lim, quàm Florum, atque inprimis laudatis-
 simum historicorum Tacitum consulueris.
 Qui noviter tum mihi & cum curâ lectus, sua
 subinde aliqua, etiam non querenti, adscrip-
 sit. Quod publicè hic profiteor, nè me aliena
 pro meis venditare credas, aut procaciùs ali-
 qua carpas, tanquam mea. Caterùm Lati-
 nis auribus, ut tantò magis me attempera-
 rem, placuit etiam nomina quedam Polonica
 nonnihil ad mollietatem Romanam desistere.
 Quod quia Cromero quoque non rarò saluti-
 tatum, exemplo hujus laudari, saltem excu-
 sari merebitur. Sed præter cetera lacescent
 hic, nisi fallor, unguis censorios sententiae
 scripso huic alicubi intextae. Aliae frig-
 usculae, aliae & loco alieniore insertae
 videntur. Nec mihi sanè omnes plac-
 lassetque nonnullas, nisi fami-
 minùs displicerent
 iidem, ut meam
 fringerent
 quibusd

PROOEMIUM.

nulla reperiri aiebant, rigidioribus iudiciis
 minus satisfactura, nisi praevalida eorum, qui
 scripssent, autoritas censores timidos, &
 censendorum vel vitia faceret honesta. Prae-
 terea in magnis plerorumque operibus com-
 modior quibuscunque sententiis vel locus, vel
 latebra datur: cum potissimum sermones al-
 liorum identidem referant, qui gemmas ejus-
 modi pronissimè recipiunt, iisdemque lucis
 & dant, & debent non parùm. Nobis in ar-
 cto magis labor fuit, & si qua ingenii imbe-
 cillitas commisit notari digna, ea in propatu-
 lo, & ad cujusvis oculi ietum libelli exilitas
 exponit. Concionem vix unam alteramve
 inferere permisi mihi, nec alia, quae ceteris
 contigere, habere licuit adminicula, quibus
 se erigeret stylus. Quo majori jure mihi, qui
 laudem ex his non affecto, veniam saltem de-
 heri censeo. Parvum tu istud, quantum cun-
 cti, liberè licet pronuncies. Tale enim
 non Autori videtur. Nec diversum de hoc
 jubeat libelli frons, praeclaro flori-
 orum nomine superba. Nulla
 sed solam ob brevi-
 alios quoque ad
 hic praescri-
 auctores
 in

POSTERIOR PRÆFATIO.

in frontispiciis librorum præstruere sibi conantur, minus mihi laborandum existimo: apud eos inprimis, qui me nōrunt, hominem ingenio, vitæque instituto, à studiis partium alienissimum: sed & cum religiose aliorum, quibus fides habetur, vestigia presserim, illorum auctoritate, adversus falsi suspicionem tutus, opinor, ero, certè esse mereor. Vale.

Scrib. Anno 1641.

Lugd. Batav.

Ad eundem

LECTOREM

POSTERIOR

PRÆFATIO.

NOVAM libelli istius editionem novum fortassis decere videatur Proæmium. Sed pleraque, quæ olim juvenis lectorem in frontispicio monui, talia sunt, ut nec, hoc ætatis, habeam, cur magno-perè velim mutata. Si timida ætas causam tenelli operis sollicitè dixit, verecundiam illam nunc quoque, vergentibus annis, non improbo. Et nonnulla fortassis jam magis

requirunt, ægriusque obtinebunt veniam,
 cum in illo flore juventutis, ipso musteæ æta-
 tis beneficio pronissimam reppererint. Sed
 mihi relegere alicubi, & augere opus juve-
 nile, non retexere totum libuit. Et adeò
 impensè, supraque spem meam id hætenus
 placuit summæ etiam Orchestræ Viris, ut
 jure verear, nè mutata multum facies scripti
 fortunam etiam commutet. Quæ jam ad-
 dita sunt, si forte prioribus non omninò
 paria videbuntur, eadem, *Lector benigne*,
 ætatis diversitate excusata habe. Plerumq;
 non minùs in stylo annorum flexus cernun-
 tur, quàm in facie aut pilo. Nec in me
 primo aut solo hæc varietas apparuerit.
 Jam olim in summo Historicorum, Corne-
 lio Tacito observata est: cujus Historia al-
 liud, quàm Annales, habet filum dictionis.
 Illic floridior, tanquam succi-plenæ ætatis;
 hîc succinctior senescentis stylus fuit. Ego
 ut omnibus aliis rebus illo Historicorum
 Apolline inferior, ita hæc diversus sum,
 quod faciliùs mihi olim fuit sermonem
 concidere. Nunc freno magis indiget ca-
 lamus, prono impetu in copiam se laxans.
 Forte quod à copiosis Scriptoribus, quos
 subinde legere res jubet, aliqua ubertas af-
 fluit

fuit legenti: aut quia minus jam otii sup-
petit ad religiosam curam amputandi ea,
quæ videantur abesse posse. Quicquid sit,
QUINQUE REGIBUS huic editioni annexis
percontari iterum libuit vadam iudiciorum
publicorum, antequam cætera subijciam,
quæ, quò propius ad ævi nostri memoriam
accedunt, eò scrupulosiorem legentium cu-
ram subitura scio: eò & cautius Scriptori
examinanda sunt. Porro in pleniore Hi-
storiâ, tum scribendis, quæ pariter pleræque
ad Historiam faciunt, cotidiè epistolis, ali-
isque, quæ acervatim incumbunt, negotiis
ita occupor, ut pigeat ferè in compendium
redigere, quæ iusto opere exequi mallet, aut
si omninò ita continuandum sit hoc opu-
sculum, quò suum habeat colophonem, ea,
quæ restant, quàm brevissimè, velut Indicis
tantùm formâ, hîs, quæ jam accipis, adjun-
gere cuperem, tantisper, dum tandem ali-
quando curatius pleniusque descripta acci-
pias omnia. Interim recentiora illa, si non
perfecta penitùs & limata omnîa, at affecta
certè habere me non inficior. Sed ea ante
non habebis, quàm hæc benignè accepta in-
tellexero. Vale. Scrib. Gedani Non. Febr.
Anno M. DC LXXIX.

IN
FLORUM
POLONICUM;

Epigramma scriptum Anno 1639.

Slavica dum primis, Pastori, ducis ab
annis,
Et Lechi cineres exuviasque tui;
Et Craci imperium, magni incunabula Regni,
Tanta sub Arctoi sidere nata poli;
Tot formidatos, Bellonæ fulmina, Reges,
Nomina tot, nostris non temeranda modis;
Externum nil Roma legit. Se spectat in illis,
Eloquiumque operis materiemque sui.
Hactenus & solos tantum mirata Quirites,
Fassa sibi est populum se reperisse parem.
Et pariter Te, Resque super; dumque omnia
laudat,
Omnia Romanæ sunt, ait, ista manus.

MARCUS ZÜERIUS
BOXHORNIIUS,

Profesor in Academiâ
Lugduno-Batavâ.

AD POLONIAM.

Cum

Florus Polonicus Pastorianus

iterum ederetur.

Accipe *Sarmaticum*, Generosa Polonia,
Florum,

Quem Tibi PASTOR^I cura secunda dedit.
Prima eqvidem dudum, cupido plaudente
Theatro,

Lectores cepit, tota venusta, suos.
Pectora mirati tantæ fortissima Gentis;
Magnanimos Reges, egregiosque Duces;
Scriptorisque simul Genium, Calamumque:
fatentur,

Omnia Romana protinus esse *Manûs*.
Plaude Tuis felix, Invieta Polonia, plaude
Laudibus, & pulchrum tolle beata caput.
LECHEI Cineres, prisca Decora alta PIASTI,
Atque JAGELLONÆ Stemmata sancta
Domûs,

Et CASIMIRORUM dignissima Nomina Cedris,
Hac scribi gaudent se potuisse manu.
Jure Tuis igitur grata Hunc quoque *Civibus*
addis,

Quem magnus decorat *Cæsar* Honore pari:
Resque Tuas docto qui nobilitaverat ore,
Hunc Tuus ex merito nobilitavit amor.

O Marti pariter, pariter carissima Phœbo,
Judicii salve munere læta Tui!
Talìa quæ scripsit, non inferiora meretur,
Quàm, gerere hæc olim quæ potuere,
Manûs.

Ardua quos tollat Virtus, fecunda Virorum
Innumeros quovis tempore Mater habes:
Inclyta victuro qui Facta Volumine con-
dant,
Adspice, quàm raros Secula tota ferunt !

Scribeb. Gedani,

III. Cal. Jun. A.C. clobxc LXIV,

JOH. PETR. TITIUS,
Eloqv. & Poët. Prof.

In

Florum Polonicum,

Perillustris & Admodum Reverendi

DNI. JOACHIMI AB HIRTEN-
BERG PASTORII,

Protonotarii Apostol., Canon. Chelm.
Decani, Parochi & Officialis Gedanensis ac
per Pomeraniam Generalis, nec non Se-
cretarii, Historici & Commissarii Sæ.

Reg. Maj. dignissimi.

L

Flora suls svaves pratis miratur honores,
Semper odorifero gramine gaudet
humi,

Hortos Hesperidum, læti Viridaria Pæsti,
Laudat: sed *Florum* conspicit atq; stupet:
Quid mihi vobiscum *Flores*? quid lilia
fertis?

En omnis *Florum* gloria vestra cadit!
Sarmaticus vincit *Florus*, victorq; trium-
phat,

Conjunctim *florens* omnia solus habet.
Heroes Lechiæ loquitur doctissimus Heros,
Florentis Flori nomen & omen habet.

II.

Svaviloqvo grandis *Floro* quid, Roma,
superbis?

Desine: Sarmaticus jam tibi *Florus* adest,
Grandiloqvus, svavis, nitidus, mireque
difertus,

Qvem Musæ, Charites, Pallas, Apollo
beant.

Cedite Romani Scriptores, cedite Græci,
Florus enim Lechicus continet omne
decus.

III.

PASTORI Aonidum decus immortale Soro-
rum,

Jam quintò *Florum* doctior orbis habet.
Perlege *florentem*, Generosa Polonia,
Florum,

Flosculus haud toto pulchrior orbe datur.
Autoris nomē satis est super æthera notum,
Sidereo *Flori* defluit axe decus.

Erigida Parrhasium bacchatur Bruma per
orbem,

Non metuens frigus *flosculus* iste viret.

GEORGIUS HIRSCHMANN.

THUA-

Ulra Vistulam, qui limes est Germaniæ,
Orientem versus latè jacent Sarmatiæ.
Europæa prima, deinde Asiatica ad Septen-
trionem porrectæ, quæ Tanai fluvio & Mæo-
tide palude discriminantur. In Europæâ
Poloniæ Regnum situm est, quod etiam citra
Vistulam versus occasum ad Oderam seu Via-
drum usque protenditur, & Pomeraniam ac
Prusiam amplissimas Poloniæ ditionis bene-
ficiarias provincias, (quanquam & eandem
Imperium Germanicum sibi vindicat) Polo-
niam denique propriè dictam, à quâ toti Re-
gno nomen, inter Vistulam & Oderam am-
plectitur. Totum igitur Regnum ab Oderâ
ad Vistulam, & à Vistulâ ad Borysthenem,
hodiè Nieperum dictum, à Ponto Euxino ad
mara Balticum, ab extremis Lithvanorum
finibus ad Moscorum & Suecorum usque li-
mites extenditur.

In Europææ Sarmatiæ spatio maximæ ac
frequentissimæ regiones moribus ac linguâ
differentes, Polonia, Prussia, Masovia, Sa-
mogitia, Livonia, Lithvania, Volbinia, Po-
dolia in unum fortissimum Regni corpus coa-
luerunt. Polonia, cui à Pole nomen, quod vo-
cabulum planitiem & venationem sonat, eò
quod plana majori ex parte provincia, & ve-
nationi-

nationibus exercendis oportuna sit, in Majorem & Minorem dividitur, & ab occasu Oderam habet, & trans Oderam, Germaniam, omnium Europæ provinciarum maximam: à meridie Pannonias: ab ortu Lithvaniam respicit. Regio ferax, oppidis ac vicis & castellis frequens, fluviiis crebris irrigua, & adhuc generosâ nobilitate abundans; quæ armorum curam ferè cum literis conjungit. Itaque & Regionum visendarum gratiâ, Nobiles ac primores Adolescentes crebrò Lares paternos deserunt, & magnam secum doctrinæ copiam, & optimarum rerum usum non mediocrem ex peregrinationibus collectum domum referunt. Slavicâ linguâ utuntur, ut & in Germaniâ Boëmi, Silesii, & Moravi à Slavis è Roxolaniâ populis profectâ, qui circa Attile Hunnorum Regis tempora, vacuas Vandalorum sedes occupâsse, & in interiorem Germaniam victricia arma intulisse memorantur. Ab iis, ut genus, sic lingua propagata, bodiè quàm latissimè per Septentrionem & Orientem patet: eâque ferè præter eos, quos dixi, Vindæ, Baltico mari vicinæ gentes, Pomerani, Lusatii, Roxolani, Mosci, quorum non solum in Europâ, sed etiam in Asiâ latissimum est Imperium, Circassii etiam, Quinquemontani ad Pontum habitantes, Rasseia-

ni, Mæ-

ni, Mæsti, Serviani, Bulgari, Bosnonfes in Il-
lyrico, Dalmata, Istri, Carniolani, ac deniq;
Carinthii utuntur.

SABELLICUS Ennead. 8. lib. 2.

SLAVOS perhibent à Cimmerico Bosphoro, è
Sarmatiâ & Russiâ bipartitò egressos.
Partem unam ad dextram deflexisse Septen-
trionem versus, scissamque in dños populos,
Bohemos & Polonos, cum hos Lechus, illos
Cechus fratres ducerent. Alteram transmis-
so Istro, secundum Savum amnem, ad Dalma-
tiam usque sedes tenuisse, nihil mutato na-
mine. Occupârunt autem relictas à
Vandalis sedes Hispaniam
petentibus.

PRIVILEGIUM

JOANNES III

*DEI GRATIA REX POLONIÆ,
MAGNUS DUX LITHVANIÆ, RUSSIÆ,
PRUSSIÆ, MASOVIÆ, SAMOGITIÆ,
KIJOWIÆ, VOLHYNIÆ, PODOLIÆ,
PODLACHIÆ, LIVONIÆ, SMOLEN-
SCIÆ, SEVERIÆ, CZERNIE-
CHOVIÆ &C.*

Significamus præsentibus Literis
Nostris, quorum interest Universis &
Singulis. Cum Nobis expositum es-
set per certos Consiliarios Nostros, ac in-
primis per Venerabilem fideliter Nobis Di-
lectum JOACHIMUM PASTORIUM, Protono-
tarium Apostolicum, Canonic. Chelm. De-
canum & Officialem Gedanensem, ac per
Pomeraniam Generalem, Præpos. ad S. Al-
bertum, Secretarium & Commisfarium No-
strum, Spectabilem *Simonem Beckenstein*,
Civem & Bibliopolam Gedanensem, Flo-
rum

I
zum Polonicum quintò correctum & au-
ctum, nec non alia opera Historica, uti &
Palæstram Nobilium cum Panegyricis qui-
busdam & Carminibus, ab eodem Venera-
bili Pastorio concinnatis, propriis sumpti-
bus, typo eleganti in lucem edere velle, ve-
rerī autem, ne posteaquā hęc opera in lu-
cem prodierint, æmuli Typographi, eadem
recudendo in recentī, prænominatum Spe-
ctabilem Bibliopolam non solum sperato
fructu, sed etiam sumptuum notabilium
compensatione privent: Supplicatumque
Nobis, ut ejusdem Bibliopolæ libertati &
indemnitati, autoritate Nostra Regiā pro-
videre dignaremur: Nos proindē, prout
laudabili instituto supra nominati Venera-
bilis Decani & Officialis, ita etiam interces-
sioni ex parte prædicti Bibliopolæ Geda-
nensis factæ, benignè annuentes, eidem fa-
cultatem & libertatem cudendi seu impri-
mendi specificata supra Opera ac libros, ex
speciali gratia Nostra, ad annorum quindecim à data præsentī computandorum de-
cursum, concedendam &tribuendam esse
duximus, prout concedimus & damus hoc-
cè Privilegio Nostro, ita, ut intra decursum
præfixorum annorum, præter dictum Spe-
ctabilem

PRIVILEGIUM.

Etabilem *Simonem Beckensteinium* & ejus
 haeredes legitimos, nulli Typographorum,
 Bibliopolarum, seu negotiationem librari-
 am alio quovis modo in Regno, Provinciis
 & Civitatibus Regni Nostri & Magno Du-
 catu Lithvaniae exercentium, licitum sit,
 nominatos libros recudere, recusosve ven-
 dere, tam in toto quàm in parte, sub amis-
 sione exemplarium omnium & poena du-
 centorum Hungaricalium aureorum, Fisco
 Nostro & accusanti parti per medium ap-
 plicanda. Quod ad notitiam omnium,
 quorum interest, praesertim vero Officio-
 rum ac Magistratum Nostrorum quorum-
 vis, in Civitatibus Regni Nostri & Magno
 Ducatu Lithvaniae, majoribus & minoribus
 omnibus existentium, deducentes, manda-
 mus, ut saepe nominatum Spectabilem Bi-
 bliopolam Gedanensem, circa expressam
 speciali hocce Privilegio libertatem, ad ex-
 pirium praefixorum annorum conservent,
 in invectione & venditione praenominato-
 rum librorum in Dominiis Nostreis ac Civi-
 tatibus quibuscunq; non impendant, nec à
 quibusvis Typographis, aut Bibliopolis im-
 petri eundem, vel Successores illius per-
 mittant, pro gratia & sub poenis in Con-
 vulsores

PRIVILEGIUM.

vulsores Privilegiorum Nostrorum Regni
Legibus sancitis. In cujus rei fidem præ-
sentes manu Nostra subscriptas, Sigillo Re-
gni communiri iussimus. Datum favoro-
viæ die 26. Mensis Septembris Anno Do-
mini M. DC. LXXVIII. Regni Nostri An-
no Quinto.

JOANNES REX.



JOACH.







1814



JOACHIMI AB HIRTENBERG
PASTORI

F L O R I
P O L O N I C I

L I B E R I.

CAP. I.

D E L E C H O.

ANNO CHRISTI 131.

*Lechus primus Princeps. Quis status unus
Principum. mores Polona gentis. Gneina
condita. gentium Septentrionalium mi-
grationes.*

Primus Reipublicæ conditor ac
Princeps Lechus extitisse perhibe-
tur. Quem alii indigenam, alii
ex ultimis Ruffiæ recessibus, alii ex
Illyrico advenam fuisse tradunt. Sup-
A petunt

petunt argumenta, quibus colligere lice-
 rit, ipsum unà cum Czecho in Illyricum
 priuò, ubi Croatia, progressum ex vete-
 ri Lazorum Sarmatarum regione, cui Ze-
 chos olim, quà Circassi hodiè degunt, vi-
 cinos fuisse vel ex Procopii & Agathiae
 monumentis constat. Caterùm uti Patria
 Lechi ambigua, sic virtus non alio certio-
 re documento innotuit, quàm quod du-
 ctū ejus sequi, audireq; imperium inuasor
 novæ terræ Populus voluit. Erat tum
 sine lege Principis potestas, nisi quam ei
 vel natura poneret, vel genius populi, su-
 perba imperia facillime aspernantis. Nec
 propriis ex agris ille, sed annuo sustenta-
 batur proventu subditorum, securius
 quoque sic parentium Principi, qui sine i-
 psis vivere non posset. Nummus etiam
 hætenus in Poloniâ incognitus erat. Op-
 pida rara. Lechus quæ reperit, munivit,
 & ad nova struenda animum adjecit.
 Prima operum ejus Gnesna hodieque ex-
 tat, regia quondam Principis, nunc pri-
 mi Antistitis sedes. Quam moliendi ani-
 mum vel dedit vel auxit nidus regnatri-
 cis avium Aquilæ, felix nascentis Imperii
 omen. A nido nomen adepta civitas est,

avis insigne regni mansit. Bella quin aliqua gesserit Lechus, extra dubium est, aut certè perquàm felicem fuisse oportuit, cui novæ terræ occupatio nullò sanguine constiterit. Magnam ejus partem eo tempore à Bulanis, Venedis, aliisq;, quorum Ptolomæus meminit, habitatam, partem quoq; desolatam penè offendisse verisimile est. Incidit enim Lechi ætas in ea tempora, quibus Gothi, Alani, Vandali, Hunni, Italiam, Galliam, Hispaniam, & Africam, inundaverunt; eunte tum Româ in præceps, danteque exitio suo variis Imperiis initia nascendi.

CAP II.

DE PALATINIS XII.

Aristocratia instituta similis Decemvir: Rom. Leges tum condita, non scripta. Palatinorum ambitio & discordia. Finitimorum machinationes.

Nondum formam constantem, aut certum veluti vultum duxerat Polonorum Respublica. Facilis mutationi fuit, cum vel Lechus nullam sobolem, aut

non capacem sceptri reliquisset, vel populus libertatis pertinax, uni in omnes dare nollet imperium. Visum ergo est duodecim primarios viros deligere, munia Rei publicæ communi consilio exequuturōs: qui cum vernaculo nomine *Wojeroda*, id est belli duces dicti, hodie Latinè loquentibus Palatini vocantur. Ac hic magistratus & numero, & factis & fine deniq; haud multum ab similibus Decemviratui Romanorum est. Nam utrorumque & brevis potestas, & laudabilius initium, quàm finis fuit. Præterea, ut illi Romanam, ita Polonam Rempubl. isti, legibus certis devinxerunt. Quæ tum rudi adhuc seculo simplices fuerunt, & quia literarum cultura aberat, non tabulis, sed mentibus inscriptæ, solis in moribus observantium legebantur. Plurimum his institutis ornaverant Rem-publicam Palatini; sed hanc iidem mox gravissimè afflixere. Correpti enim ambitione, discordes agere ac raptare inter se Imperium cœperunt. Quod idem sic domi agrum non omiserunt mox infestare finitimæ gentes, jam pridem, ut fit, surgentem in viciniâ novam potentiam malè ferentes.

*Cracus invitus suscipit Principatum, suscep-
tum pacat. Cracoviam condit. Draco-
nem tollit. Sepulchrum illius.*

Laborante ita externis civilibusque
bellis Poloniâ, publicæ rei intererat,
ab uno rursus omnia regi. Aptissimus
ad id Cracus videbatur, vir opulentus,
Vistulæ fluminis accola. Sed is ægre per-
suaderi potuit, ut susciperet onus, quod
per se arduum mala tum publica aggra-
vaverant. Vicit tamē recusantis modesti-
am pertinacia deferentium. Ille turba-
tum imperium pacare aggressus, hostes
partim fœderibus, partim vi mitigavit.
Domini ambitionem, & si quæ alia supere-
rant, discordiarum civilium semina su-
stulit, ac ut porro compositiùs cuncta a-
gerentur, passim per provinciam disce-
ptatores privatarum litium constituit. In-
de novam ad Vistulæ ripam excitat ur-
bem, quam de suo dictam nomine Craco-
viam, relictâ Gnesnâ, regni caput dedi-

cat. Arcem imponit scopuloso monti Vavelo, qui hinc Vistulæ præterfluenti, inde subjectæ urbi imminet. Ad ejus radices suspensum rupibus antrum hodieq; conspicitur, quod Draco immane monstrum, & magna circumjectorum locorum calamitas, dicitur habitasse. Quem Cracus objectâ corporum pice ac sulphure effertorum escâ confecit. Moriens in Lassotino monte ultra Vistulam è conspectu Civitatis sito, sepeliri voluit, sublatò in collis speciem tumulo, qui hodie etiamnum extans, urbi nobilissimæ memoriam conditoris sui renovat conservatque.

CAP. IV.

DE LECHO II.

Parricidium Lechi. ejusdemque pœna exilium.

CRacus duos filios reliquerat. Quorum minor natus Lechus imperium, quod Craco fratri, jure ætatis, primò debebatur, rapere maluit, quàm expectare. Valuitque in tantum ambitio, ut regnandi causâ

causâ nec parricidii scelus admittere dubitaret. Eductum enim in sylvas, specie venandi, fratrem obtruncavit. Mox ut à se suspicionem cordis amoliretur, eundem quasi casu vel fato mortuum, multo luctu & accuratissimo exequiarum honore persequutus est. Sed nempe vindex scelerum Deus non permittit diu latere flagitia, aut fructu eorum gaudere authores. Enotuit Lechi facinus, ac missus in exilium est parricida. Sat grande supplicium ferre videbatur, si eo careret, ob quod parricidii reus esse non timuisset.

CAP. V.

DE VENDA VIRGINE.

AD ANN. CHRISTI DCCL.

Venda Princeps electa. matrimonium respuit. Rurigeri proci conatus & mors. Venda victrix se Diis Manibus devovet.

EX sobole Craci Venda supererat, ingens animi virgo & supra sexum suum prudens. Inde post infaustos fratrum casus digna Polonis visa est, cui sceptrum paternum daretur. Et hac veluti dote

destinabatur conjugio, per quod Poloni principem, & ex eo prolem acciperent, ne porro successor in dubio foret. Sed Venda princeps esse maluit, quàm principis uxor. Ambiebat eam Ritigerus è vicinâ Germaniâ Princeps, & spretus à pulcherrima virgine, conjugium, quod precibus impetrare non poterat, manu capere decrevit. Progressus ad fines Polonorum cum exercitu, hostilia minabatur, sic tamen, ut in hoste amantis animus emicaret. Processit obviam cum expeditis suorum copiis Virgo, omnia mutua ostentans, præter amorem. Dum legationibus morantur bellum, pudor incescit Ritigeri comitibus pugnare contra castissimam Virginem pro Principis sui libidine. Ergo abitum moliuntur. Dux ipse amore Virginis, simul irriti conatus pudore vecors, infelicem sibi manum infert. Venda triumphans Cracoviam ingreditur, nec contenta victimas alias obtulisse, se ipsam Diis Manibus devotam in Vistulam præcipitat, nobili contemptu vitæ, si tam digniori causæ impensa esset, quàm cæco impetu erroreque supersticioso videtur projecta.

DE XII. PALATINIS,
& PREMISLO seu LESCO I.

*Palatini iterum regnant. Premisli fabrica
ejusdem electio in Principem.*

VENDÆ castitas Polonis gloriosior,
quàm utilior fuit. Tota enim cum illa
stirps regnatrice, de quâ sola jam supere-
rat, intercidit: revolutaq; est Imperii
moles in Palatinos. Sed favit Fortuna
Polonis, ut cognitus recenti periculo Ma-
gistratus, antequam tempore corruppe-
retur, desineret. Infestabant tum Polo-
niâ Pannoniæ & Moravi, diu impunè,
donec à Premislo aurifabro, inusitatâ ru-
di illi seculo arte, multarentur. Fabrefa-
ctas ex corticibus arborum, & felle vel li-
thargyro illitas galeas ad oram sylvæ, in
arbuſtis truncisq;, castra hostium contrâ,
clam noctu suspenderat. Sole oriente
splendor galearum, exercitûs specie, o-
culis eminens spectantium illudens, exci-
vit quosdam hostium, qui prioribus suc-
cessibus feroces, tanquam ad expositam
prædam accurrerunt. Venientes cûmgaleas

leas non reperissent (cas enim Poloni interim removerant) fugâ elapsam credunt hostem & ad persequendum se parant. Sequutos in interiora sylvæ derepente ex insidiis circumveniunt Poloni, cæduntque: mox armis eorum indutis, castra quoque hostium invadunt. Machinatorum tam felicitatis doli Premislum admirati Poloni, Principem fecere. Regere debere visus est Rempublicam, quam servaverat.

CAP. VII.

DE LESCO II.

AB ANNO MDCLX. AD

ANNUM MDCCIV.

Certamen equestre de Principatu. Dolus Lesci. infelix auctori. aliterius Lesci electio. & mores.

SEd Premislus seu Lescus iste orbus decessit. Inde nova de Principatu contentio orta est. In quâ cum cætera discordarent, eò consensere voces omnium, ut fortunæ permitteretur electio. Selecti equis versicoloribus procurreretur ad metam, qui primus pervenisset, Princeps foret.

foret. Sed repertus est ex competitoribus, qui fortunæ arbitrio dolum interponeret. Is campi, in quo certandum erat, arenas tribulis ferreis clam noctu impedit, relicto sibi tramite integro, equoque etiam in casum soleis ferreis munito. Effusis in cursum omnibus lapsantes cæteri vel tardati, facillè victoriam impostori reliquere. Jamque adstrepì cœptum erat ut victori, ut Principi, cum paulò post fraudis compertus, pro principatu supplicium subiit. Fortè autem cum cæteri equites decurrerent, vir quidam tenuissimæ sortis idem stadium pedes, non sine risu astantium, ingressus fuerat, metamq; etiam post ipsum doli structorem tetigerat primus, quòd scilicet, antequam alii adessent, cum sodale, ludicro cursu, certamini velut præludens, quàm currendum esset, non sine pedum vulnere didicisset. Illum postea fato sibi ostensum rati Poloni, quanquam pauperem, & nec unius equi Dominum, principatu donarunt. Quem ille, dubites majorene felicitate acceperit, an industriâ administrarit. Stimulabat animum ipsa ignobilitas, ut quod stirpi deerat, virtute suppleret. A-

nimum fortem in hostes, in suos beneficium ostendit, habitum verò privati & modestiam mutatâ etiam fortunâ retinuit, ac ne exueret, pannos, quibus ante Principatum usus erat, subinde contemplabatur, sobriæ insuper vitæ inprimis studiosus, ebrietatisque osor acerrimus. Quasi sciret, magnis honoribus tentare fortunam mortalium mores, cautè egit, ne impar inveniretur.

CAP. VIII.

DE LESCO III.

AB ANNO MDCCIV. AD ANNUM MDCCX.

Lesci bella cum finitimis. pax cum Carolo magno filiis ejus Provincia distributa.

Gloriosam Lesci vitam similis mors. sequuta est. Fertur enim in prælio contra Carolum Magnum, cognatis Slavorum gentibus, Hunnisque opem ferens, occubuisse. Sed mox in successore filio virtus mortui patris resplenduit. Aspernata novitatem ejus finitimæ gentes assiduis bellis exercebant arma fortissimi juvenis, incitabantque ostendere, parùm inter-

interesse virtutis, quos numeret majores. Atque istos quidem hostes felicissimè ultus est, provinciis etiam quibusdam patrio regno adjectis. Cum Carolo M. missis muneribus pacem pepigit. Satis speciosum fuit Lescò, à magno illo Occidentis domitore non victum esse. Filios habuit complures, quorū unus Popielus in spem regni educatus: reliquis Marchia, Pomerania, Cassubia iisque confines Provinciæ distributæ sunt, hoc autoramento, ut Popielo hæreditatem suam integram relinquerent. Felix obiisset Lescus, si tam bonum hunc genuisset, quam bonus genuerat.

CAP. IX.

DE POPIELO MAJORE.

AB ANNO MDCCCX. AD ANN. MDCCCXV.

Popielus degener, mutat sedem regiam, citò moritur.

POpielus nihil à Patre præter Principatûs fortunam, accipit. Animus dissimillimus erat, ignavus, & ultra abdominis curas vix assurgens. Nec patria sedes
Cra-

Cracovia diu placuit degeneri. Situs urbis montibus cinctæ & Russorum Pannonumque assultibus opportunæ, persuasit homini, ut campestria Polonia planaue habitare mallet. Et quò simul fratribus propior esset, Pomeraniæ dominis, Crusphicia delecta est, Cujaviæ, ut hodiè dicitur, oppidum. Sed frustra vitæ vel securitatem, vel voluptatem hæc mutatione sedis quæsiuit. Aliquanto enim post repentino fato abreptus est, non bonus sine dubio princeps, nisi pejor filius patrem omnibus desiderabilem fecisset.

CAP. X.

DE POPIELO JUNIORE.

AB ANNO MDCCXV.

AD AN. MDCCCXX.

Popielus deterior Patre. deformis. uxore ejus pessima, ipsi inoperans. patruos veneno necant. à muribus devorantur.

POpieli filii adolescentia aliquandiu Patruorum Procerumque consiliis cohibita est. Mox non tutorum tantum, sed omnia honestatis fræna excussit. Juvenis in fœdas voluptates totus profluens, regere

ens, regere ab ingenio ineptus, & ex dominandi fortunâ nonnisi licentiam usurpans. Juncta erat animi ignavia corporis deformitas, raro in capite, & facie pilo perabsurda. Inde irrilum vocularumque subditorum incurrit, ut vulgari convicio *Chosfek* appellaretur. Spes adhuc tamen corrigendi juvenis in matrimonio supererat. Verum & hæc fefellit. Ducta enim è vicinâ Germaniâ uxor ad Principis solutissimos mores propria insuper vitia, avaritiam & crudelitatem attulit. Postremo quoque fœmina impotens vecordiam Popieli ita subegit, ut hic inania nominis, ipsa vim teneret imperii. Nec satis illi erat vivo marito imperare, nisi impolterum etiam sibi & filiis, quos duos ex Popielo pepererat, regnum firmaret. Diffidebat autem favori Polonorum, præsentem dominationem abominantium: sed inprimis Patruorum mariti gratiam in vulgus atq; auctoritatem suspectabat. Hos dum amoliri laborat, erupit in scelus, in quo fides annalium laboret, nisi tot seculorum consensu niteretur. Persuadet mulier nefanda marito, ut modesto æmulorum metu se suosq; liberos exsoluturus, dolo,

dolo, quem commenta erat, operâ commodaret. Ille, jubente ita uxore, morbum simulat, patruisq; advocatis, quasi mortî proximûs conjugē ac liberos commendat, Ipsâ interim, ut fidem morbi periculosi faceret, nulla non adhibente doloris imitamenta. Flexo in vesp̄eram die, Popielus manum, quasi tesseram affectûs sui ultimam, secessuris porrigit, & simul infelix poculum, quo paratum à muliere venenum continebatur. Illi conceptâ intra viscera morte abeunt, mox acti in rabiem, post ingentia tormenta exanimantur. Clamat mulier divinâ aliquâ vi tactos esse, ac recidisse in antores insidias, quas Marito suo struxissent. Mox corpora abjici jubet, odio quasi ipso & sævitiâ in nocentes innocentiam suam probatura. Et fefellerat fermè homines, sed minimè Deum, quî, si fides annalibus veterum, prodigioso planè & inaudito supplicii genere eos, qui patraverant, reos peregit. Nati quippe è cadaveribus projectorum mures, portentosæ molis, invadunt impiûm parricidam, uxorem & liberos. Non aqua, non flamma, non claustrorum latebræ, non auxilia mini-

strorum

strorum arcere hos vindictæ Divinæ satellites potuere. Ita tandem liberi Principis Lechus & Popielus, mox conjux, postremo ipse pabulum murium facti, documentum dedere posteris, non posse à mortalibus tam horrenda committi flagitia, quin horribiliores pœnas iratum Numen inveniat.

CAP. XI.

DE PIASTO.

AB ANNO MDCCCLXXX. AD ANN. MDCCCL.

*Comitia sine effectu. turba in Polonia. Pia-
stus pascit miraculosè plurimos. princeps
creatur. bene diuque imperat.*

Calamitates Poloniæ sub Popiello toleratas auxere post ejusdem exitium, orta de successore dissidia. Indicta Crusviçiæ comitia sine effectu dissuunt. Et poscentes regnum filii Patruorū, quos Popielus susceperat, adversos habebant Polonos. Interim omnia rapinis & latrociniis infesta erant, & mox per interna mala machinationibus finitimorum, nudum Reip. latus objectabatur. Coacti iterum

iterum Proceres, cum diu se variis contentionibus fatigassent, tandem eum eligunt Principem, quem nemo unquam speraverat. Is erat Piaſtus, Crufvicæ oppidanus, modici agelli dominus, ſed inter fortunæ anguſtias, vitæ innocens, & inprimis erga egentes promptus. Hunc narrant ſcriptores extremis Comitiiis, cū magnâ annonæ caritate laboraretur, reſeciſſe omnem eorum, qui ad comitia convenerant, multitudinem; nihil minuentibus inter tot avidas fruentium manus dapibus. eâdemque penſûs ſocunditate olim ab eo exceptum Principem cum univerſo aulicorum comitatu. Quo prodigio attonitos Polonos Piaſtum nequicquam reſiſtantem ſalutaſſe principem. An à credulâ antiquitate hæc falſo in miraculum corrupta ſint, non habeo dicere: certe non ſine fato potitum eſſe Principatu Piaſtum, principatus ipſe oſtendit, geſtus ab illo feliciffime, & ad ſeram poſteritatem, ordine non interrupto deductus. Quos enim poſt illum Duces vel Reges Polonorum ad Ludovicum Ungarū numeramus, illius ſoboles ſunt, & ad eundem nuper extincti Duces Lignicenſes

acBregenses, generis sui primordia referebant. Incurſiones hoſtiũ ad initia ſtatim ejus acq̃uieverunt. Latrocinia, diſſidiaq̃; interna, autoritate magis, quàm ſeveritate Piaſti compreſſa ſunt, comitante eum divini favoris opinione, quã nullum inſtrumentum ad regendam multitudinem potentius Principes habent. Cruſviciam, ſcelere humano, divinæque ultionis piaculo infamem locum, Gneſnã mutavit, vetuſtiſſimã Principum ſede. Hic obiit annum agens vicesimum ſupra centeſimum, ætate ſanè principibus viris inuſitatã. Sed hic quondam Agricola, frugalitatem prioris fortunæ etiam poſtea ſervaverat, gulæ & libidinum abſtinens, per quas plerique vitam præcipitant.

CAP. XII.

DE ZIEMOVITO I.

AB ANNO MDCCCLXI. AD

ANN. MDCCCXCII.

Ziemovitus à Patre confors imperii adſumitur. diſciplinam militarem conſtit. bella ejus cum Ungaris. Germanis. Pomeranis.

Piaſto

Plasto Repicha, digna marito conjux,
 dignum Patre filium Ziemovitum pe-
 pererat. Qui à Patre grandævo in con-
 sortium curarum jampridem assumptus,
 illo mortuo, magnis omnium studiis
 summum regimen accepit. Vir erectæ
 indolis, inedia, vigiliæ, algoris patien-
 tissimus; penitusque ad rem militarem
 compositus. Quanquam nec in pace
 obsolevit, munificus in largiendo, in pœ-
 nis lenitati propior. Simulac Patri suc-
 cesserat, gentis suæ fortitudinem ratione
 temperaturus, disciplinam militarē con-
 didit, creato militiæ magistro, & ordi-
 num ductoribus. Paulò post in Ungaros
 & Moravos, tandem & Germanos mo-
 vit, repetiturus provincias, quas illi Po-
 pieli nuper ignaviâ & interregni tumult-
 ibus usi, Polonis eripuerant. Atque hi-
 tum, Ludovico Balbo imperante, discor-
 diis internis attinebantur. Quò facili-
 us Ziemovitus non sua tantum recupera-
 vit, sed latius subinde evagante belli con-
 tagione, vicina aliquot loca traxit. Pari
 felicitate, quæ Prussi occupaverant, rece-
 pit. Inde in Pomeranorum, Cassubio-
 rumq; duces vertit, priscum Polonorum

ex Lescio III. sanguinem. Sed hic ali-
quantum victoriarum ejus cursus substi-
tit, recusante velut fortunâ adesse cogna-
tos suos oppugnant. Hi ergo locorum
inprimis præfidiis tuti, diu bellum sus-
tenuerunt, sagittisque etiam tandem, Zie-
moviti post insequuta mors, ac successo-
ris filii impar ætas, respirandi copiam
dedit.

CAP. XIII.

DE LESCO IV.

AB ANNO MDCCCXCII. AD

AN. MDCCCXCIII.

*Lesci impuber ætas. Curatores pacis studi-
um.*

MOriens Ziemovitus, cum XXXII.
regnasset annos, filium impuberem
Lescum reliquit, cui grati in parentis me-
rita Poloni principatum deferunt, datis
puero rectoribus, qui Reipublicæ interim
negotia tractarent. Hi scilicet incuriâ, seu
contemptu gloriæ sub alienis auspiciis
merendæ, neglexere cœpto à patre Lescio
contra Pomeranos bello insistere. Lescio
postea adulto occasio effluxerat. Et erat
mitis

mitis ingenio Princeps, quique pacem
quàm bellum mallet, patrium tueri prin-
cipatum contentus. Ne lenitatem hanc
ignaviam interpretemur, pacis artibus
effecit, in quibus & ipsis habent, ubi se
exerant bona ingenia.

CAP. XIV.

DE ZIEMOMISLO.

AB ANNO MDCCCXIII.

AD ANN. MDCCCLXIV.

*Hic quoque pacis amans. sero filium & cæ-
cum suscipit. cui restituta prodigiose lux
majorem Polonia lucem portendit.*

Quasi Polonorum animos Christianæ
mansuetudini sensim temperare vel-
let fatum; pacis amanti, Lescio similis fi-
lius Ziemomislus successit. Quippe &
hic leni silentio vitam transegit, nullâ re
nobilior, quàm filio. Quem sero partu
mater ediderat, & quasi ne sic quidem sa-
tis elaborasset natura, cæcum. Dubita-
bat penè pater talemne prolem orbitati
præverteret, nescius, quantâ per eam Po-
lonia beanda esset felicitate. Attigerat
annum

annum septimū puer, usitatum tum gentili ritu tondendæ comæ, & nominis imponendi tempus. Instruit Pater convivium, cui præcipui ex proceribus intererant, omnes ambiguo inter gaudium tristitiamque vultu, sed mox durantibus adhuc epulis donata puero repente oculorū lux novâ lætitiâ omnes perfudit. Novo illicò apparatu adornatur epulum: inditurque puero Miecislai nomen, quod nutricum postea blanditiæ in Miesconem detorsere. Interrogati super hâc re Arioli, responderunt, lumen Poloniæ portendi. Quod augurium secuta Christi religio asseruit, sed ut simul aliis omnibus auguribus silentium imperaret.

CAP. XV.

DE MIECISLAO I.
PRINCIPE CHRISTIANO.
AB ANNO IDCCCLXIV. AD
AN. IDCCCCXCIX.

Miecislao plures uxores. nulla proles. Christianam uxorem accipit. simul & fidem. Bella ejus pauca & infelicia.

Miecislai

Miecislai initia non illaudata equidē penitū, infra tamen expectationem Retēre suorum, quos tam insoliti eventūs augurumque vaticinia in spes non medicres erexerant. Immodicus libidinum, & ignavæ penē quietis juvenis, septem simul habebat uxores, tamen sine prole agebat. Ea occasio primum religioni Christianæ aditum in Poloniā aperuit. Sparsi enim tum fortē per regnum ex vicinis ditionibus Christiani, Principi arreperunt, prolem & felices successus pollicentes, si sacra hæcenus usurpata melioribus mutaret. Haud mora. Illectus ille tantarum rerum spe, an potius à numine tactus, uxores barbaras repudiat, & Boleslai Bohemorum Ducis filiam jam Christianam ducit, nomine Dambrawcam. Eam ad Polonos euntem comitatus est nobilis Bohemus, nomine Perstinus, primariæ in Poloniā familiæ Lesciniorum autor. Ejus filius Bozuta principem postea in eo Regno pontificatum Gnesnensem rexit. Frater Bozutæ filios & nepotes habuit, quorum alii pariter infulis, alii aliis Dignitatibus effloruere. Sed antequam Miecislaus cum Sponsâ suâ in manum

manum conveniret, publicè sponſus ſacra lymphâ Chriſtianiſmo initiatur. Mox officii ſui ducens acceptam purioris religionis facem ſubditis etiam ſuis præferre, Archiepiſcopos duos Gneſnenſem & Cracoviienſem: Episcopos hinc inde aliquot, paſſim verò ſacerdotes, templis conditis, inſtituit. Juvit pios hos conatus Johannes XIII. eo vocabulo Pontifex: à quo miſſus Ægidius Cardinalis, Episcopuſ Tuſculanuſ, conquiſitis ex Italia, Gallia & Germaniâ ſacerdotibus omnia ad Romanæ Eccleſiæ ritum ac leges compoſuit. Interim naſcitur Miecislao filiuſ, cui Pater Avî materni Boleslai nomen imponit, & adulto deinde, Ungarorum principi Geiſæ filiam Juditham jungit: cum priuſ Geiſæ, mortuâ Judithæ matre, ſororem ſuam Adleidam locaſſet, cujuſ cura prima quoque per Ungariam Evangelii vox inſonuit. Bella Miecislauſ vix ulla geſſit, quaſi ſatis gloriæ haberet, qui tot monſtra ſuperſtitionum debellaſſet. Cum Ulodimiro Ruſſorum duce parùm feliciter congreſſuſ, Premiſſam, Cervenum, aliaque aliquot oppida amiſſit. Miſerat porro Miecislauſ Ro-

nam Lambertum Antistitem Cracovi-
ensem, ut à Pontifice pro Polonia Prin-
cipibus Regii nominis decus atq; insigne
impetraret. Sed nondum tum postula-
to huic annuere Pontifex voluit, deside-
rans nescio quid in Polonis; Amorem
certè susceptæ religionis non potuit; qui
vel splendentibus illis gladiis, quos sub
Evangelici, ut vocant, textûs prælectio-
nem stringere consuevêre, satis
effulgit.



Boleslaus Chrobri; 999, — 1025.
27

FLORI
POLONICI

LIBER II.

CAP. I.

DE BOLES LAO CHROBRI.

AB ANNO IDCCCXCIX.

AD ANN. CIOXXV.

*Boleslaus ab Othone III. Imperatore Regi-
um nomen accipit. Bellum in Bohemos. in
Ruffos. in Germaniam. iterum in Ruffos.
paci aries.*

SUſcepta à Poſonis Chriſtiana Reli-
gio magnis mox præmiis remunc-
rata eſt ſuſcipientium fervorem. Ne
alia jam memorem, principes eo-
rum ad Regiam dignitatem eſſe-
res ut geſta ſit, pretium videtur altiùs re-
petere. Clarebat tum apud Bohemos
Woiciechus, ſeu, ut ab externis vocatur,
Adalbertus, Pragenſis præſul, vir qui vi-
tæ ſanctitate ſupra ſeculi ſui mores ſe ex-
tulerat. Hic cum lentiores ad Chriſtia-
næ Religionis obſequium Bohemos ex-
periretur, ad Ungaros proſectus, ut ſur-
gen-
B 2 gentem

gentem ibidem divini cultûs lucem fove-
ret, inde tandem ad Polonos venit, ubi
cum aliquandiu munere Archiepiscopali
functus esset, propagandæ religionis er-
gò ad ~~Polonos~~ ^{Polonos} abiit. Adeò nescit in ta-
libus viris quiescere divini amoris flam-
ma, pluribusq; ut luceat, Solis instar se
perpetuò circumagit. Sed Adalberti no-
vissimum hoc curriculum fuit, præclarum
inprimis gloriôsâ martyrii coronide.
Hanc enim dum gentem Christianâ im-
buere pietate nititur, barbara immanita-
te confossus periit. Ejus postea corpus
Boleslaus Poloniæ princeps Miecislai fi-
lius auro contrâ appensum à barbaris re-
demit: Quod Gæsnæ conditum, & mi-
raculorum famâ nobile, plurimos extero-
rum in sui cultum ipsumque etiam Impe-
ratorem Germanorum Ottonem III. ex-
civit. Hic verò in Poloniâ quæsitissi-
mis honoribus cultus, ut gratum se osten-
deret, diadema Regium Boleslao impo-
suit, remittens insuper, quicquid unquam
juris in Polonos prætendissent Imperato-
res. Adjunxit & affinitatis vinculum,
desponsata Boleslao filio Miecislao tum
adhuc impuberi Rixâ, quam Ehrenfrido
Rheni

Rheni Palatino soror Othonis pepererat. Magnas, ut apparet, in Boleslao virtutes deprehendit Imperator, quas tantis benevolentiae pignoribus coluit.

II. Sed idem, ut antè semper egregius, sic Rex factus dignos fortunâ gessit animos. Primum ejus impetum Bohemi sensere, qui fines Polonorum deprædati, primæ tamen vindictam culpæ pace oblata effugerant, ut repetitâ injuriâ acriorem mox experirentur. Boleslaus enim secundum jam irritatus, Bohemiam cum exercitu ingreditur, & oppidorum aliis impetu correptis, aliis expugnatis, Moraviam insuper sibi tributariam facit. Duce[m] ipsum excæcat, ut ad novas machinationes redderet ineptum. Inde reversus cum victore exercitu, in Russos movet, recuperaturus Patri Miecislao erepta, & Stopolci miseratus, qui à fratre Jaroslaio ditione exutus ad Polonos confugerat. Diu multumque Russiæ aperta populatus, occurrentem denique ad Bugum flumen Jaroslaum fundit, Kioviamque florentissimam tum urbem, occupatam Stopolco restituit. Abeuntem jam, tanquam reconfectâ, Regem vertit iterum in se Jaroslaus,

laus, opprimere sperans itineri magis
quàm prælio accinctos. Sed victus denuò
agrè ipse fugâ salutem reperit; exerci-
tus ejus magnam partem cæsus est.

III. His actis, ne otio torpesceret su-
orum virtus, sed exercitio perpetuo velut
focite acueretur, Saxones Boleslaus aggre-
ditur, Lesci III. nepotibus, Pomeraniæ
Dominis, infestos gravesque. Sed hi sub-
itâ belli procellâ perculsi, fugam magis
quàm arma circumspexêre. Unde terram
eorum impunè ingressus hostis latè omnia
ferro flammisque vastat, progressusq; ad
Salam usque, toto itinere victorem se o-
stendit, positis in ipso flumine columnis,
quæ Polonica virtutis Germanos admo-
nerent. Rediens inde Prutenos corripit,
Adaiberti interfectores, qui bello impa-
res pacem supplices petiêrunt. Igitur tri-
butum ipsis imponitur, mittunturque, à
quibus fidem Christianam discerent. Sed
hi nihil tum usque profecêre, hætenus
domitis barbaris, ut meliora docentes
ferre, nondum, ut sequi vellent. Inten-
to his Boleslao, resumpserat interim ani-
mos viresque Jaroslaus, audetq; invadere
Polonos. Rex procedit obviam, vene-
ratque

ratque in conspectum uterque exercitus
 apud Bugum flumen. Hic lixæ dum for-
 tē equos adaquant, prælio præludunt,
 quod increscente mox, ad famam tumult-
 ūs, utrinq; militum numero, acerrimum
 commissum est. Profligatis ibi victisq;
 Russis, itidem, ut Prutenis nuper, tribu-
 tum imperatur.

IV. Bellicas Boleslāi laudes minimè
 pacistempora detrivère. Jam primū quia
 adiutoribus opus est Principi, partem cu-
 rarum capeffituris, duodecim è Proceri-
 bus Poloniæ consiliarios sibi adscivit, vi-
 ros annis & sapientiā graves. Magna
 præterea ei sacrorum cura, magna justi-
 tiæ erat. Pauperes, si periculum esset,
 ne per lites in longum prolatas, vel advo-
 catorum penuriā, potentioribus obnoxii
 fierent, opibus suis juvabat. Arces, præ-
 fecturas & regni etiam longinqua sedulus
 obibat. Audita ejus vox: Reip- negotiis
 invigilantem gallinā se vesci, quàm
 deliciis omnibus circumfluum cujusdam
 ex suis adversa incuriā transmittere mal-
 le. Hicce moribus meruit Boleslaus, ut
 qui partæ Polonis Regiæ dignitatis autor
 fuerat, ejusdem benè administratæ abso-
 lutum æternumq; habeatur exemplar.

CAP. II.

DE MIECISLAO II. REGE.

AB ANNO CIO XXV. AD

AN. CIO VXXXIV.

*Hic Patri dissimilis. Tributa Bohemorum
& Moraviam amittit. Pomeranos vincit.
postea deterior indies.*

Boleslao mortuo in filium ejus Mieci-
slaum regnum devolutum est, segni
indole virum, imparemque tuendis, quæ
pater acquisierat. Primus ejus ac potissi-
mus labor fuit, quo Russos compescuit,
audita Boleslai morte rebellantes. Sed
hoc quicquid erat gloriæ à Bohemis mox
destructum est. Qui excussis tributis
Polonorum, Moraviam insuper Polonis
tum parentem sibi asservêre. Eam post
quidem ingressus est Miecislaus, sed qua-
si in id tantum, ut illam jam non suam
esse palam faceret; Adeò immaniter ea,
quæ patebant, vastavit, & mox nulla fe-
riò oppugnatâ urbe militem reduxit. Fe-
licius paulò post cum Pomeranis ^{rebellibus} pugna-
tum est, Belæ imprimis virtute, stirpe Re-
giâ, Ungari. Quem proinde generum
Rex

Manuscript: B, 1045.

LIBER

(Casimirus I. 1034-1058)

1044.

Rex assumptis, data ei in dotem Pomera-
niâ, cujus dux in prælio occiderat, & si
proxisset, provinciâ tamen privari re-
bellando meruerat. Post hæc Miecisla-
us ad solita voluptatum malumque ori-
um reversus, nihil dignum viro agitavit.
Extremò denique amentia correptus, nec
jam suo, sed uxoris, impotentis fœminæ,
ingenio utens, odia & contemptû omni-
um incurrit. Planè in hoc quoque post
tot omnium seculorum exempla fides fa-
cta est, Naturam, postquam magnos viros
produxit, veluti lassam in posteris desi-
cere.

CAP. III.

DE CASIMIRO I.

AB ANNO cīōxxxiv. Ad
ANN. cīōxli.

*Rixa regni administratrix aufugit. Casimi-
rus Monachus factus. revocatur. Ma-
sovios & Prussos domat.*

MOriens Miecislaus unicum reliquit
filium Casimirum, sub cujus ortum
Polonia magno terræ motu inhorruit.
Quod rarum illi terræ, mira fortunæ lu-
B 5 dibria

dibria nascenti, Polonis ingentia mala portendisse, postea explicantibus se fatis eventus ostendit. Decedente Patre tener admodum erat Casimirus. Dum ergo is adulesceret, Regia potestas penes matrem Rixam relinquebatur. Quâ abusa mulier in Germanos prona, hocque ipso Polonis gravis, cum invisam se sentiret, in Germaniam tandem, expilato fisco Regio & diadematibus ablatis, fugit. Casimirus ad Ungaros, inde ad matrem tendit, à quâ animi excolendi causâ Lutetiam missus, paulò post vitæ Monasticæ se addixit. In Poloniâ interim mira erat rerum perturbatio. Omnia latrociniiis cædibusque mutuis ardebant. Eâq; occasione usus Maslaus Regi nuper à poculis, provinciam regno abstraxit, quæ postea ab eo Masoviæ nomen accepit. Nec ab externis hostibus quies erat; Russis Bohemisque abolendæ priorum cladum infamiæ intentis. Tantis malis pressi Poloni ad Casimirum tandem respexere, Monachum jam, & Cluniaci in Galliâ agentem. Sed vix multis legationibus & precibus ab ipso, ut vellet liberari voto, à Pontifice, ut posset, impetratum est. Ex eâ

Masovia
+
+
+

eâ causâ imposita Polonis annua pensio *S. Petri*
 est, quæ sancti Petri nummus dicta fuit. *numm.*
 Et alia quædam dñi postea in Papalis be-
 neficii memoriam observata.

II. Exceptus magno suorum plausu
 Casimirus & Gnesnæ rex salutatus, fessis
 mox Poloniæ rebus manum applicuit.
 Dissidia inter Proceres oblivione mutuâ,
 seu amnestiâ sepulta fuere. Manifesti
 cædium ac latrociniorum puniti. In cæ-
 teros haud anxie quæsitum, *prudenter in-*
venisse bonos, quàm fecisse videri malebat.
 Sic illi nec contemptum impunitas scele-
 rum, nec invidiam pariebat cupiditas
 puniendi. Exin Jaroslaum Russorum Du-
 cem fœdere & mox adfinitate sibi jungit
 Casimirus, ductâ illius sorore Mariâ,
 quam pater Ulodomirus ex Anna Basilii
 & Constantini Imperatorum Constanti-
 nopolitanorum sorore susceperat. Postea
 Dobrogneva dictâ est. Firmatis ita domi-
 rebus in Masovios movet, eunte obviam
 Maslao. Committitur acre prælium, ad-
 dente pugnantibus animos hinc ira in
 perduelles, isthinc conscientia sceleris,
 quo veniæ spem absumpserat. Favit
 Fortuna causæ meliori, victusque tum

Maslaus aufugit, sed ut à clade post major rediret.

III. Habitabant tum Prussiam, quæ Lituaniæ jungitur, Jaziges, ferocissimus populus. Ad hos confugiens Maslaus in suo discrimine ipsorum securitatem periclitari facundè demonstrat. Moti illi hominem Masovia suæ resituunt. Casimirus properè copias contrà adducit, mox visa multitudine hæstium trepidare penè cœperat. Sed animum labantem somnium crexit: & quasi timiditatis notam deleturus Rex fortissimè postea pugnat: ita et suos hortando, hostem feriendo defatigatus ac penè semianimis in castra referretur à gregario, cui postea nobilitatis insignia contulit. Maslaum iterum vicum Prussi ipsi, ut cæde perduellis clementiæ victoris litarent, in crucem agunt, insultantes, ad alta nisum, ad alta pervenisse. Victoriâ hanc Prussorum deditio & optatissima toto regno quies secuta est: quæ afflictas ante Casimirum Polonia vires & per bella nondum penitus recreatas blandissime focillavit. Gravior erat Polonis tanta felicitas, quia ma-

*Prussi
se de
dant.*

gno constabat, quippe cujus autorem Regem multis calamitatibus, precibus & laboribus repugnanti velut Numini extorsisse videbantur.

CAP. IV.

DE BOLES LAO
A U D A C E.

AB ANNO CLO LIX.

AD ANN CLO LXXXII.

Bellum Bohemicum. Prussicum. Ungaricum. Russicum. Ungaricum alterum. Russicum alterum. Kiovia luxuriant Poloni. Boleslaus degenerat. Stanislaum occidit. in exilio sua manu perit.

EX tribus Casimiri filiis, qui Patri superstitites manserant, maximum natu Boleslaaum Regem Poloni assumunt. Juvenculus is adhuc erat, sed magnâ industriâ dole; & parem arduis conatibus ipso statum judicavit, cum imperium capellenti tot ostendendæ virtutis occasiones aperuit. Undique malè habiti à suis Principes ad Boleslaum confluxere, opem
roga-

rogaturi : id quoque providente fortuna, ut fortissimi juvenis auspiciis speciosam misericordiae famam circumdaret. Primum Boleslai impetum Bohemorum princeps Premislaus excivit, qui fratrem suum Jaromirum à Polonis receptum dolens, vastatâ immaniter Silesiâ ad Polonorum fines pervaserat. Sed eundem mox velut emissio aculeo fugientem secutus Boleslaus, illatas Polonis injurias in Moravis acerrimè vindicat, magnâ inde prædâ abductâ. Atrociora metuens Bohemus ad pacis consilia vertit, fratremque Jaromirum dato Pragensi & mox Olomucensi Episcopatu, Boleslaum ductâ ejus sorore Suentochuâ mitigat. Qui clemens ingenio non invitus bella ignoscendo transigebat, & tum aliud ad bellum vocabatur.

II. Etenim, dum his intentus agit Boleslaus; Pruteni rebellantes Pomerniam & Poloniae oram vastaverant, occupato Grodeco, quod prædam postvectantibus suffugium dabat. Rex cum suis advolans, cum hostem intra dictam arcem sylvarumque porrò ac paludum invia latentem elicere non posset, dolo aggredi-

greditur. Simulat fugam, moxque erumpentibus velut ad prædam Prutenis improvisò supervenit, cæditque palantes ac securos: hoc majori suorum virtute ac gloriâ, quòd Ossam flumen tranaturi tegumenta corporis abjecerant. Victorem inde Prutenorum Bela exul, cui amita Boleslai nupta erat, & ex Ungaris multi in Belam proni, in Ungariam traxêre. Cui Rex Ungarorum Andreas præter suorum copias, robora Germanorum Bohemorumque opposuit. Concurritur ad Tibiscum flumen, ambiguo aliquandiu Marte, donec Ungari ad Belam & Boleslaum transeuntes animos abstulere relictis. Plurimi tum ex his cæsi. Princeps Bohemorum Uratislaus captus. Andreas Rex è fuga reprehensus & malè ab Ungaris exceptus periit. In hujus solium cum Belam Boleslaus reposuisset, donatum præmiis exercitum, ipse gloriâ contentus reduxit. Magna sane illius hoc bello & planè ut sibi pugnantis fortitudo eluxit, cum alii victurus esset.

III. Reversus ab Ungariâ Boleslaus matrimonium init, ducta domum Visslava Russorum cujusdam principis filia.

At

At non diu hæsit inter curas nuptiales ;
easque ipfas si non bellum, belli tamen
apparatus interstrepuere. Russi illi in a-
nimo, nec patiebatur excidere Izaslaus
Kioviensium Princeps, qui tum, ejectus
a suis, cum Boleslao erat. Cœterum in-
choato bello Russi, & qui præcipue pete-
batur Visseslaus, haud sustinuerunt ad pu-
gnam consistere. Kiovienses quoque
conscientiâ trepidi magis de venia, quam
tuenda urbe laborabant, venientemque
Izaslaum etiam ambigua spe impunitatis
recipiunt. Ex iis septuaginta, duces nu-
per seditionis vita vel oculis mulctati. Bo-
leslaus dimisso in hyberna exercitu ipse
Kioviâ abiit, ut assiduos belli labores
breui quiete interjungeret. Hyeme ex-
acta eundem nescio quæ causa in Premis-
lienses concitavit. Cui venienti minora
in eo tractu oppida faciliè patuere ; Pre-
mislia obsidenda fuit, urbs hinc fluvio
Sano freta, inde vallis & hominum, qui
eò ex agris confugerant, numero. Etiam
cum occupata tandem esset, tamen refu-
gi in arcem obsessi, vix longa demum fa-
me, & quæ hanc comitantur, malis edo-
miti dedidère se, vitam prius pacti, &
quod

quod quisque uno onere secum efferre posset.

I V. In Ungaria interim Belam, quem paulò antè ad Regnum evexerat Boleslaus, illabentis forte cameræ ruina graviter afflixerat. Unde secuta mors æmulos ad spem regni crexit. Filii Belæ ad Boleslaum confugiunt, opem, & ut beneficium patri datum in filiis tueretur, rogantes. Ille quanquam cœptis in Russiâ bellis ægrè abstraheretur; cessit tamen obstinatis precibus supplicum. Veniens in Ungariam Boleslaus terruit mox Salomonem, Regis nomen usurpantem, ut Budæ se non credens Mosonum arcem ingrederetur. Interim Episcopi medios se interponunt, armorum incerta utrique parti, Belæ filiis Insuper belli patriæ illati infamiam demonstrantes. Initur pax his conditionibus, ut Belæ filii ducum titulo & tertiâ regni parte contenti, summum nomen Salomoni relinquerent.

V. Pacem Ungaris dederat Boleslaus, sed nondum sibi, Russi iterum vocabant, & Izaslaus, quem fratres denuo Kioviâ ejecerant. Venientis impetum primum Volhinia excepit, & in ea Lutzkum, quod Rex

Rex post sex mensium obsidionem demū expugnavit. Duci illius Igoro seu Gregorio venia data. Inde ad Kiovienses conversus Rex Vussevolodum cum exercitu obvium habuit. Cum ad pugnam venissent, laborare primò coitu dextrum Polonorum cornu cœperat; sed mox misso à Rege subsidio, restitutum est. Unde mutata aciei fortunâ pelluntur in fugam Russi, penè jam victores. Profligato hoc exercitu, Rex ad Kioviâ promovet castra, obsessamque aliquandiu expugnat. Cui quanquam iram victoris merenti parcitum tamen est, infelici planè clementiâ, & quasi ad id, ut esset, unde corrumpi Regis felicitas posset.

VI. Verè quòd Capua olim Annibali, id Boleslao per hyemem habitata Kiovia fuit. Hîc ille tot gentibus formidabilis, ille victor exercitus elanguit, otio scilicet hyberno ad malas libidines abusus. Nec stetit intra viros malum. Delata enim velut aurâ pestiferâ in Poloniam harum libidinum fama uxores quoque corrumpit, diu jam maritorum absentiam malè ferentes. Placuit fœminis nefandum vindictæ genus, ut libidinem libidine ulciscerentur.

rentur. Grassabaturque tum passim juvenum licentia, ut difficilis esset etiam pudentioribus castitatis suæ custodia. Unde Margarethæ cujusdam, quæ Nicolai Zemboicii uxor fuit, virtus laudatur; quæ cum duabus sororibus in turri Zemboviensis templi multo tempore latuit, familiâ illis per funem alimenta suppeditante. Cæterum auditis uxorum suarum flagitiis viri indignatione accensi, missionem petebant: hæc non impetratâ, clam, Rege nequicquam prohibente, domum dilabuntur. Rex desolatus à suis, metuensque ne cum tam paucis inter infensos agens, contemptum, ac mox periculum provocaret, sequi cæteros necesse habuit. Reversus fugæ autores capitali supplicio, cæteros publicatione bonorum, aut carcere diuturno multat. Nec à fœminis temperavit. Uberibus adulterarum, si quibus indulgentia maritalis pepercerat, horrendo vindictæ genere abstrahi sobolem, catulosque admoveri jussit. His rudimentis Boleslaus sævitæ initiatus non destitit postea in innocentes juxta ac noxios grassari: documentum omnino præbens, Exui inter crebra supplicia sanguinis

nis humani reverentiam, invisaque pridem crudelitatis usu tandem venire amorem. Mox & exactiōibus insolitis onerare subditos cœpīt. Palam denique adulter, Christinā nobili fœminā, marito Miecislao abductā ad fœdas voluptates abutebatur. Quid multa? in Tyrannum jam degenerabat, ille nuper optimus Princeps Boleslaus.

VII. Sed ut morbi, ita vitia nondum planè adulta sanari possunt, si manum admittant, præbeantve patientiam remediis. Boleslaus hic ferre penitus non poterat vitæ suæ censores : & Stanislaū Szczepanovium, Episcopum Cracoviensem, virum non minùs sanctitate, quàm gente nobilem, ulcera ipsius liberius tangentem pessimè oderat : quærebatque labem aliquam famæ viri adspargere : quo auctoritatem arguentis excusatiùs contemneret. Comperto tandem, cum diu rimatus nihil aliud reperisset, emptum à Stanislao agrum quendam, emptorem male acquisitæ possessionis per hæredes (nam venditor, paulò post acceptum pretium, obierat) jubet inquiri. Ut innocentiam suam probaret Episcopus, mortuum, cujus
ager

ager fuerat, Petricum (ut cum Cromero plerique alii tradunt autores) *suscitat*, decantatissimò per Poloniam miraculò. Boleslao nihilominus ad scelera contumaciam addente, pertinax quoque Episcopus fuit in monendo, & fortioribus tandem remediis agendum ratus, Regem à communione sacrorum prohibet. Ille magis etiam iratus, Episcopum sacris tum operantem interfecit, inflicto capiti illius tam valide gladio, ut exsiliens cerebrum templi parietes adspergeret. Percussus mox majori ab ipso Pontifice Romano fulmine, annum circiter post eadem exegerat, cum exosum se omnibus sentiens, & conspiratione etiam impetitus in Ungariam cum filio profugit, ubi cum aliquandiu vixisset, conscientiae torminibus impar & amentia correptus, finem supplicii manu fertur quæsisse. Alii alium Boleslai exitum memorant. Sed quisquis tuit, meretur lachrymas degener illius ex optima adolescentia posterior ætas: admonetque mortales fragilitatis suæ, cui adeò ipsa etiam, quam cuncti expetimus, felicitas periculosa est.

DE ULADISLAO HER-
MANNO.AB ANNO CIO LXXXII. AD
ANNUM CIO CIII.

*Fratris vices principis nomine suscipit. bella
ejus cum Pomeranis. cum Imperatore
Henrico. domestici tumultus. Filii ipsius
expeditiones quedam.*

EXacto Boleslao Audace, destitutum
capite Regnum, & Russorum tum in-
super incursionibus vexatum, frater Au-
dacis, Uladislaus, nomine principis in se
suscepit. Regis titulum refugiebat, seu
spe fratris redituri (nam mors ejus seriùs
demum vel sequuta est, vel innotuit) seu
metu Pontificis, qui Poloniæ, ut sacris,
ita Regis creandi potestate interdixerat.
Prima ergo illi cura fuit Pontificis inter-
dicta tollere, misitque in id legatum; qui
tamen nihil ampliùs quam libertatem sa-
crorum impetrare tum potuit. Post hæc
Uladislaus Miesconem fratris exacti fili-
um egregiâ indole juvenem ex Ungariâ
revocat, miseratione, vel metu, ne Ungarorum

rorum ope ad Paternum regnum nitere-
tur. Sed hunc sexto à reditu anno seu
mors fato propera, seu artes patris inimi-
corum, ultorem filium timentium, abstu-
lerunt. Uladislao duo erant filii, alter Sbi-
gneus ex matre impare natus, alter Bole-
slaus à detortis labris *Crivonsti* appella-
tus, quem Juditha mater diu sterilis, nun-
cupatis ingentibus votis à Deo impetra-
vit.

II. Cæterum Uladislai istius tempora
Pomeranorum Prutenorumque maximè
incurfiones insignierunt. Qui post mul-
tas demum expeditiones eò redacti, ut
quiescerent. Primum in illos bellum sine
sanguine stetit, cum territi fidem & ob-
sequium pollicerentur. Alterà expediti-
one res ad prælium devênit: quod tamen
æquis manibus patratum videri poterat,
nisi nocte, quæ pugnam diremit, fugisset
hostis. Tertius impetus circa Naclum
consumptus est, quæ arx Pomeranorum
post actam prædam fugientium recepta-
culum erat, nec potuit tum à Polonis ex-
pugnari. Postremo denique certamine
lassata hostis contumacia, redditis quæ
abstulerat, clementiam Uladislai invoca-
vit.

III. Dum hæc in Pomerania geruntur, conflaverat nescio quod fulmen in Polonos Imperator Henricus IV. Uratislao enim Bohemorum Principi dum Regiam dignitatem conferret, jus quoque in Poloniam, quod nullum habebat, dederat. Hujus ergo filius Prædislaus, quasi sua sibi vindicaturus, Poloniæ fines invasit, vastavitque. Quem missus à Uladislaio Secechus Cracoviensis Palatinus, impiger militiâ vir, repulit fortiter, & actis per Moraviam prædis gravissimè ultus est. Ivit tum impetratâ à Patre veniâ Sececho comes principis filius, Boleslaus, novem ferè annorum puer, sed qui annos ingenio præcurrebat. Magnâ industriâ is omnia, quæ in castris gerebantur perlustrans, in futurum post usum seponebat. Idem paulò post latrones, qui ex Pomeraniâ egressi Miedzericum occupaverant, rectore Sececho, repressit. Talibus curis ac facinoribus Boleslaus futuræ magnitudini præludebat.

IV. Hostibus domitis jam pace florere Polonia poterat, nisi domesticæ seditiones turbassent. Secechus ille, cujus facinora egregia modò narrabamus, meritis in

in Rempublicam & gratia principis tumens, potentiam suam, ut ferè fit, oppressione inferiorum ostentare cœperat. Inde non invidiâ tantum sed odio quoque civium flagrabat. Multi illô struente eversi, multi proscripti, vel proscriptos sequuti in Bohemiam erant. Qui opem pollicente Bohemorum rege, adscitôque in ducem Sbigneô Uladislai nothô, quem Pater monasterio incluserat; denique pertractô in societatem Uratislaviensium præfecto Magno comite, arma parant in Secechum. Uladislaus se per latus ministri petiratus, exercitum conjuratorum, quibus Pomerani quoque jam recens accesserant, circa Crusphiciam adoritur, strageque insigni afficit, Sbigneô ipsô, qui caput omnium erat, captô. Cui non difficulter tamen mox ignovit Uladislaus, mansitque pater erga hostem etiam filium.

V. Sed paulò post resuscitatum est hoc belli civilis incendiû, & Boleslaum quoque alterum filium, intactum antea, traxit in partes eorum, qui in Secechum conspiraverant. Aggrè adhuc à Sececho divellebatur Uladislaus Pater, incertum an

ob virtutem viri, an ex more principum,
 qui Amicitias proprio fastidio facile o-
 mittunt, si excutere coneris, cedendi pu-
 dore, ambitiosius plerumque retinent.
 Noster tamen hic publicæ quietis studiô,
 in exilium clientis, quô illa redimi posse
 videbatur, consensit. Compositâ feditio-
 ne domesticâ Boleslaus filius arma à Pa-
 triæ visceribus in Pomeranos, & mox
 Russos convertit, repressisque fortiter u-
 trisque, regnum patri securum, sibi per
 beneficia obnoxium devinctumque ma-
 gis reddidit.

CAP. VI.

DE BOLESLAO III.

COGNOMINE CRIVOUSTO.

AB ANNO CLOCIIL.

AD ANN. CLOXXXIX.

*Crivousti in Bohemos expeditio. In Pome-
 ranos. mox iterum in Bohemos. iterum in
 Pomeranos. Bellum cum Henrico Imper-
 ratore. bellum in Pomeranos duplex. Fra-
 tris Sbigneicades. Palatini Cracoviensis
 dejectio. Expeditio in Russos. in Ungaros.
 in Russos diversa expeditiones. extrema
 infelix.*

Vladislao mortuo filius successit Boleslaus, jure naturali haeres, sed quod digniorem, etiam si suffragiis agendum fuerat, nulla electio invenisset. Magna juvenis specimina virtutis ediderat, sed majora mox principatum adeptus, exsevit. Bellis sanè exercitiorum virum non habuit Polonia, possetque illa hunc Martis pulum numero conflictum Marcellis Iuliiisque Romanorum fere oppondere. Sed mihi nunc pugnas illius omnes memorare per propositam animo brevitatem non licet; precipuas, nec has nisi strictim, enumerabo. Initia Boleslai invidia Sbignei fratris maxime exercuit. Qui supra assignata à patre hereditatis sortem aspirans, varios subinde in Principem hostes concitavit. Primum quidem Borivojum, Bohemorum ducem. Sed is cum ad fines Polonorum pervenisset, pudore injustæ causæ à suis desertus, re nullâ effectâ domum rediit. Conatum tamen ejus ulciscendum putavit Boleslaus, misitque copias, quæ duce Zelislao, uno è Proceribus Polonis, omnem Moraviam hostiliter pervagatae sunt. Mox eodem Sbigneo machinatore

Pomerani insurrexere. Hos lentius quidem, nec sine discrimine, compescuit tamen ad tempus Boleslaus, Bialogrodo, Colberga, Cosmino, Veleno, præcipuum Pomeranorum oppidis expugnatis.

II. Sed paulò post cum utrâque hac gente repetenda fuit bellorum tela. In Bohemos incitavit Boleslaum fœdus & affinitas Colomanni Ungarorum regis, quem oppugnans Henricus V. Imperator, Bohemos, ut tributarios tum imperii, secum traxerat. Ingresso Bohemiam Boleslaus opposuere se Vasco & Mutina, delecti à principe suo, qui in Ungariam secutus Imperatorem erat, Duces. Sed hi fusi, Pragamque profugi, quicquid apertum aut imbecillum in Bohemia fuit, prædæ hostis reliquere. Interim absentia Boleslai audaciores Pomeranos fecerat; & seu impetu, seu proditione arcem Usce occuparant. Huc ergo festinato itinere regressus Boleslaus Velenum obsidet, quod & ipsum ad hostes defecerat. Aderat tum Boleslao Sbigneus, iniquus adhuc fratri, & occulte cum hoste socians consilia. Nocte quadam irrumpere Pomeranos in castra Principis iusserat, omnia prompta polli-

pollicitus. Illis advenientibus commo-
dum erat in excubiis, id quod solenne ha-
bebat Boleslaus, & in re subita, cum vires
non poterat, dolum opposuit. Ruentem
enim in castra hostem solus cum paucis
excubitoribus à tergo adoritur, voce, ter-
rendo hosti, suisque, qui in castris erant,
excitandis, altum sublatà. Pomerani cir-
cumventos se rati, concidunt, & mox ac-
currentibus Polonis plurimis profligan-
tur. Tantum valet Principis in castris
præsentia, & vel dormientes exercitus u-
nius vigilia potest defendere. Cæterum
depulsis ita Pomeranis, Sbignei etiam
perfidia non diu latuit. Cujus publicè
convictus, cum omnium sententiis ad
capitis supplicium addiceretur, exilio
multatus est, moderante sic pœnam fra-
tre, ut nec flagitium inultum, & reus ele-
mentæ exemplum foret.

III. Bellum Bohemicum parvum mo-
le ipsū, sed magni alterius causā exti-
tit. Henricus enim Imperator, adjutos à
Boleslao Ungaros indignatus, Marchiam
& Silesiam ditiones tum Polonorum in-
vasit, omniaque istic velut torrente cor-
ripuit. Sola Glogovia in obsidii toleran-

tiam obstinata, victori cæterorum moram objecit: animante ad constantiam oppidanos Boleslao, obsessoresque assiduus incurfibus laceffente. Missis fortè post pacis causâ à Boleslao legatis, leges iniquiores proposuit Imperator, thesaurumque suum ostendens, hunc Polonos perdomiturum, dixerat. Ad quod Scarbicus, princeps legationis, ut arrogantiam Cæsaris perstringeret, demptum digito anulum thesauro injiciens, aurum, inquit, adjiciatur auro: subindicans haud dubiè, frustra aurò terreri viros, quibus ferro manus, animus virtute armatus sit. Intellexit quoque sconsima imperator, idque elusus, *habdanck*; inquit: quæ gratias agendi apud Germanos formula est; nomenque Habdanckiorum familiæ dedit, quæ hodieque inter clarissimas Poloniæ habetur. Cæterum cum reversi ad suos legati datas à Cæsare conditiones retulissent, vehementer animi Polonorum accensi commotique sunt. Ita ut qui hucusque subitariis tantum assultationibus Cæsarianos vexassent, tandem prælii tentare aleam decernerent. Locus erat prope Uratislaviam, longâ porrectus planitie,

nitie, & ob id Polonorum aciei commodior. Eo cum ventum utrinque esset, initur prælium, in quo ingens inprimis Boleslai fortitudo emicuit. Quippe & ipse strenue ciebat pugnam, & cum initio Germani graves esse cœpissent Polonis, cedentes hos occursando animandoque subinde reducebat in hostem; donec vi equitatus legiones Germanorum perumperentur, inclinaretque ad Polonos victoria. Magna eò præliò utrinque strages edita est: adeò ut insepulorum cadaveribus illecti canes difficilem iter facientibus transitum darent. Unde Campi Canini nomen hodie etiamnum agro, in quo commissa pugna est, manet. Post prælium cum Henricum in Italiam vocarent negotia, & is pacem expeteret magis, quàm palam offerre vellet, profectus ad eum est Boleslaus Padenbergam Franconiæ oppidum. Ubi honorifice acceptus non pacem tantum cum Cæsare, sed & affinitatem inivit, acceptà in conjugem sorore illius, desponsaque porro Uladislao filio suo impuberi adhuc filiola Cæsaris itidem parvâ, Christinâ, cujus paulo post sæpius fiet mentio.

IV. Pace hæc factâ, data est Boleslao

sed brevis armorum quies. Nam paulo post & in Pomeranos resumendum bellum fuit, quod tamen intra unius oppidi Nacli expugnationem stetit: & in Bohemos illum miseratio Sobieslai impulit, qui à fratre suo Bohemorum Rege ob eandem consiliarii cujusdam, carceri inclusus. & mox inde elapsus, in exilio agebat. Quo restituto bellum quoque conquievit. At fortuna Sobieslai hujus, Sbigneo, quem itidem à fratre Boleslao in exilium ejectum diximus, spem veniam nanciscendi attulit. Reversus receptusque in gratiam est, sed ut citius periret. Offendit enim mox fastu suo fratrem, aderantque etiam illico procures quidam, qui privato in Sbigneum odio omnia illius seu bona seu mala in deterius torquentes, stimulabant occultè Principem, ut æmulum, quem nulla beneficia emendarent, amoliretur. Ita missi à Boleslao sunt, qui hominem obtruncarunt, prius eundem conviciis adorti, ut per jurgium privatâ irâ occisus videretur. Sed cessit mox ea cædes Boleslao in assiduum vitæ tormentum; Perpetuo hoc conscientia ingenio,

ut

ut scditatem criminum suorum, cum
peracta sunt, rectius demum introspeciat,
miraque tum exaggeret facundia. Pau-
co interjecto tempore Scarbimirus quo-
que Palatinus Cracoviensis periit; vir
acer ingenio, spectatusque militia, sed
sua jactantius extollens, idemque palam
criminatorem in Principem. Toleratus ali-
quandiu, tandem cum potentiae suae fidu-
cia, aperte seditiones moliri videretur,
Senatu motus, exaratusque in carcere
vitam finit. Atque ut ignominiae ejus,
aliquod ultra mortem quoque superesse
monumentum, constitutum tum est, ut
posthac Castellanus Cracoviensis Palati-
num loco ac dignitate anteiret. Dum
haec in Polonia geruntur, ceperat iterum
Pomeranos quietis suae tedium. Denuo
Boleslaum lacerant, Suentopelco duce,
quem paulo ante victis Naclensibus im-
posuerat Boleslaus. Obsessum ergo rursus
a Boleslao Naclum est, expugnatumque.
Ceteri quoque Pomeranorum ante ex-
pugnationem hanc praefidis victi, post de-
bellati, cum imperio Polonorum, religi-
onem simul Christianam, quam bis ante
acceptatam, bis rejecerant, bona jam fi-
de receperunt.

V. Hinc jam tandem Boleslao in eadem fere hactenus arenâ luctanti novum campum Russia aperuit. Fugerat ad Polonos, Patruî Ulodimiri insidias vitans Jaroslaus, affinis Boleslai. Eum reducere Russi quidam Ungarorum & Boleslai ope laborabant. Sed Jaroslaus inter pugnandum confosso equo excussus, & agre à suis protectus, postquam in tentorium relatus esset, ex vulnere obiit. Cum causa belli, bellum quoque ipsûm intercidit. Postea Boleslaus Volodorem Przemisliensium Ducem, arma in Polonos cientem compescuit. Quo facto, ire in Ungariam parabat cognatos suos, Stephani regis exules filios cum matre in regnum repositurus. Jamque ad Scepusium progressus, expertusque etiam prælio cum Alberto Austrio fuerat, cum cæpto abstrahitur per Russos nova iterum molientes. Hos verò antequam vi tentaret Boleslaus, dolo adoriendos suadebant procures. Unum esse inter ipsos Jaropelcû videbant, à quo cæteri penderent. Ducem hunc tolli, ingens fore belli compendium. Ei conficiendæ rei Petrus Uloftovicius, Comes Xiansensis se obtulit. Hic consentiente Sena-

Senatu, proficiscitur ad Jaropelcum, læsumque se à Principe suo ac profugum non sine multis conviciis queritur. Credidit homini Jaropelcus, sed paulò post ab eodem, dum forte ruri cum paucissimis ageret, comprehensus, ad Boleslaum adducitur. A quo in carcere per annum detentus, post magnò ære redemptus ad suos rediit, cum prius amicitiz fidem Boleslao dedisset. Sed is fidem postea, quam vindictam amittere maluit. Fraudem fraude ulturus, mittit in aulam Boleslai, Ungarum quendam, qui captatâ occasione Principem occideret, vel quocunque modo proderet. Hic quâ erat ingenii ac morum versutiâ, Principis amicitiz se insinuat, ac tandem post longæ familiaritatis usum, præfecturam Visliciensis impetrat. Quam cum aliquandiu tenuisset, advocato postea Jaropelco tradit. Ab hoc vero cum pacta forte præmia postulare, lingua oculisque privatus dicitur, solito proditorum fato, ut etiam quibus profuere, invisî sint.

VI. At habent plerumque hoc fraudes, ut cautos reddant, quos deceperint; raroque iidem eosdem fefellerunt. Bo-

leslaum tamen recens à Russis fraudatum,
graviore mox dolo iidem circumvenêre.
Jaroslaum Haliciensium ducem, princi-
patu à suis dejectum & ad Polonos pro-
fugum revocabant quasi pœnitentia mu-
tati Halicienses. Interim tacite reliqui
Russorum militem cogunt, Ungaris qui-
busdam adscitis. Boleslaus exulem ad-
resipiscentes reducturus, minori, quàm
in perfidos & hostilia molientes opus e-
rat, exercitu advenit. Cui ad Haliciam
Ungarorum turmæ specie gratulandi oc-
currentes, Polonorum novissimo agminii
se jungunt. Idem faciunt Halicienses, o-
mnes amicitiam vultu præferentes; mox
circumdatos Polonos invasuri. Suboluit
fraus Boleslao, sed cum jam nonnisi præ-
senti periculo vel dedecore effugi pote-
rat. Consultanti ergo quid facto opus ef-
fet, occupare parantes se pugna Russos
visum est. Mox irruens orditur prælium.
Secutis pari virtute cæteris, non infelici-
ter cedere res cœperat, cum aliâ parte fu-
gam orsus Palatinus quidam, plurimis i-
dem faciendi pudorem abstulit. Pauci
cum Boleslao saucii fessique restitabant
Russis vincentibus; jamque equus sub
Prin-

Principe defecerat, instabantque extrema omnia, cum gregarius alium illi equum suppeditans, persuadet, ut maturata fugâ meliori se fortunæ reservaret. Magnus postea militi honos habitus est. Palatinum missa à Principe pellis leporina, colus & fusus, pudore ad laqueum adegere. Ipse Princeps adeo impatiens ignominia fuit, ut conspectum hominum vitans assiduò se domi luctu maceraret: non inusitata humanis animis in se & fortunam iniquitate; unius ut calamitatis sollicitudine, prosperorum omnium memoriam obliterent.

CAP. VII.

DE ULADISLAO II.

AB ANNO CIO^{CL}XL.AD ANN, CIO^{CL}XLVI.

*Bellum Bohemicorum. Petri Dunini casus.
Bellum inter fratres.*

MOrtuo Boleslao paternarum possessionum hæreditatem, ita ut pater jusserat, quatuor filii crevere. Summum rerum regimen primus natu Uladislaus accepit.

accepit. Sed ut ditiones, ita virtus pater-
na divisa minorque filiis: hujus verò et-
jam minimum Uladislao contigit proxi-
mo partis successori. Bellum is extra fi-
nes Patriæ nullum gessit, præter Bohemi-
cum, quod tamen ultra populationes Si-
lesiae non processit, ac morte mox Ducis
Bohemorum Sobieslai finitum est. Inde
inturbidum externis regnum, sed ut eò
gravius interna mox ardescerent. Non
diu enim fratres inter se concordēs egê-
re; culpa maximè Uladislai, cujus ambi-
tionem imminuta principatus fors acri-
ter urebat. Accedebat stimulus domesti-
cus, Christina uxor, quæ Cæsare patre a-
voque orta, indignabatur nupta esse ma-
rito, qui tam anguste imperaret. Nec pu-
duit Uladislaum à Proceribus postulare,
ut unum se Patriarum ditionum vellent
hæredem. Sed adversos omnes expertus,
& acrius mox instigante conjuge, tribu-
ta fratribus imperat, postremò quoque
conquisito externo milite, quædam eo-
rum oppida invadit. Illi Principis vene-
ratione, seu virium diffidentiâ ad preces
confugiunt, fratris fidem Procerumque
intercessionem implorantes. Et ex his
quidem

quidem non paucos illis causis æquitas & misericordia conciliavit. In primis non tegebant affectum Vuleborum, Felatinus Sendomiriæ, ac Petrus Duninus Serinensis Comes: quorum ille imminuatur, alter monendo principem ad aqua flectere laborabat; uterque ob id anxie exosus.

II. Sed in Duninum vehementius Christina effervuit, pridem illi aliam ob causam infesta. Procefferat enim in aliquando cum Principe venatum: cumque nox in sylvis errantes oppressisset, post refectum ferinâ, & aquâ corpus dormitari in stratas humi penulas procubuerant. Tum Uladislaus jocans ad Petrum: mollius nunc tua, inquit, uxor cum Abbate Serinensi cubat. Nil moratus alter, si fortasse & tua, inquit, cum Dobello. Vocabatur autem ita Juvenis quidam Nobilis, forma elegans, Christina in deliciis. Alce admisit ad animum Uladislaus jocum Dunini, nec abstinuit, quin Christina aperiret. Hinc flagrantior jam in hunc offensa. Nec multò post ille nuptiis filiarum, quam Jaxæ Serborum Duci elocabat, occupatus, à Dobello per insidias capitur, linguaque & ocu-

& oculis privatus vivere pœnæ suæ super-
 ftes jubetur : clarissimo documento ;
 Cautè jocandum esse cum dominantibus :
 quod hi & facillimè offenduntur ; & im-
 prudentius jocantium argutiis gladii sæ-
 pe promptius, quam ingenii acumen op-
 ponunt. - Cæterùm commissâ hac cæde,
 magis metus atque odia procerum in
 Principem, simul crudelitas Principis in
 fratres gliscebant. Quippe accitis in au-
 xilium Russorum Ducibus, Henricum fra-
 trem Sendomiriâ, Boleslaum Plosco om-
 nique Masovia exuit : fugientesque ad
 Miecislaum, qui solus fraternæ potentiæ
 restitabat, persequitur. Stitit venientem
 Posnaniæ obsidio, tandemque evertit..
 Forte enim securius aliquando obsessor
 exercitus agebat, poculis ludisque indul-
 gens, raris nec sobriis excubantibus vigi-
 liis. Ubi occasione fratres, qui haut pro-
 cul aberant & ipsi exercitu instructi ; so-
 lutos ac languidos circumveniunt, & e-
 rumpentibus simul ad datum signum op-
 pidanis fugant cæduntque. Uladislaus
 Cracoviam primum, mox & illinc, præ-
 valente fratrum factione expulsus in Ger-
 maniam ad Conradum Imper. Christi-
 næ so-

Lib. 8. Cap. 11. 1174.
LIBER 65
na sobrinum confugit. Quo eum mox u-
xor cum liberis sequuta est. Ibi vivere
ex alieno necesse fuit, quibus nuper sua
non sufficiebant.

CAP. VIII.
DE BOLES LAO
CRISPO.

AB ANNO CIO CXLVI.
AD ANN. CIO CXXIV.

*Bello fraterno Cónradus se interponit. &
post eum Fridericus Barbarossa. Silesia
a Polonia avulsa.*

F Ratre exacto, proximus ætate Bole-
slaus principatum adsequitur, virtute
ante Uladislauum. imperare meritus. Hic
in cæteros fratres benignus ac liberalis,
cum exule subinde adhuc luctari habuit
de Principatu.. Quippe is omnia pro sce-
ptro recuperando tentans, varios in Po-
lonos concitabar hostes. Primus caussam
illius suscepit Conradus Imperator, lega-
tosque misit, negotium Uladislai actuo-
ros. Facile se Boleslaus purgavit Impe-
ratori, cognitâ exulis culpâ æquiori & a-
liis.

liis tum molitionibus intento. Parabat enim bellum in Asiam, in quam tandem cum ob viæ compendium, securitatemve per Poloniam iret, honorificè à Boleslao acceptus ad Pontum Euxinum deducitur, fratris causâ in reditum rejectâ. Reversus deinde ille ab Asiâ, cum finem orandi non facerent Uladislaus & Christina, bellum tandem in Polonos decernit. Ingens erat Cæsaris exercitus. Sed hunc, congregari licet apertè non ausus Boleslaus, ex insidiis assultando, pabulationes infestando intercipiendoque, & quæ alia celeritate Poloni facere consuevère, mirè fatigabat. Ut cum postea Conradum subiti Germaniæ tumultus aliò vocarent, facile ad pacem inclinaret. Mitigavit etiam hostis animum Boleslaus in castra ad ipsum profectus & innocentiae suæ probationi, muneribus variè per Aulicos distributis, momenta addens. Quiescente Conrado non quiescebat tamen Uladislaus: cumque ab Imperatore aliquas, quibus exilium toleraret, possessiones nec non copiosas accepisset, lacestebat fines Polonorum, sed eventu semper irritò. Mortuo Conrado suscepit Fridericus

ricus Barbarossa imperium, & simul causam Uladislai. Cum missis ad Polonos legatis nihil profecisset, bello eosdem aggredditur. Qui milite impares, ad artes confugiunt, qui bus ante Conradum lassaverant: ingentemque illum exercitum, ad famem, & quæ hanc comitantur mala, redigunt. Fit iterum pax, eâ lege, ut Imperatori, Mediolanensium bellum molienti, trecentos equites hastatos submitterent Poloni, Uladislao daretur Silesia. Quæ à Poloniæ regno tum avulsa, & à posteris mox Uladislai in varios Principatus divisa, tandem tota Bohemorum regno accessit.

II. Ita belli fraterni procella detonerat, cum Boleslaum Prussi, Polonorum imperia post Crivoulli patris mortem aspernati, in se traxere. A quo victi, & ad Christianæ religionis Sacramentum adaçti sunt. Sed, ut nunquam bene respondet coacta Religio, redeunt mox ad ingenium suum Prussi, frana excutunt, & sacerdotibus ejectis, se potius extrema subituros minantur, quàm animorum servitutem. Ita cum ad cætera obsequium pollicerentur, patria illis sacra relicta.

cta. Ast ii, quia prima impune cesserant, audaciam mox ad maiora fumpſere. Ejiciunt Polonorum præſidia, prædas agunt per Maſoviæ agros, mox advenientibus Polonis in paludum uligines ſylvaſque ſe abdunt, data opportunitate erumpentes. Merebant ex ea gente quatuor transfugæ ſub Polonis, & longâ fide locorumque peritiâ Boleslao ſe commendaverant. Hi conſpiratione cum Polonis clam initâ, Polonos oſtenſâ ſpè ingentis prædæ deduxere in locum avium & Pruſſis infeſſunt. Quibus erumpentibus circumventi Poloni, & lubrico paludum lapſantes, magnâ ſtrage cæduntur; periitque illic Henricus Boleslai frater, & omne pene robur militiæ Polonæ. Henrico cæſo, Palatinatus Sendomiriensis, qui illi ex ſorte paternâ obtigerat, in Caſimirum natu minimum devolvitur. Filii Uladiſlai, duces jam Siieſiæ, partem illius hæreditatis ſibi vindicantes, latâ repulſâ, & memoriam veteris injuriæ accendente novâ, arma minabantur: multisque demum perſuaſionibus à Boleslao, & proceribus mitigati conquieverunt. Sed tum ferme iterum internis ſe motibus conculſit.

concussit Respublica. In tractu enim Cracoviensi equestris ordo Sventoslao & Jaxa autoribus in Boleslaum insurrexit, Casimiro fratri deferens imperium, odio seu Boleslai ob cladem Prussicam, seu Miecislai alterius fratris, cui ætatis jure successuro viam ad principatum, aliò maturè electò, cupiebant præclusam. Sed Casimitus quantò in vulgus gratior, tantò impensius pro fratre nitebatur, còque, quò in Principem petebatur, favore ad comprimendam seditionem usus est.

CAP. IX.

DE MIECISLAO SENE.

AB ANNO CIOCLXXIV.

AD ANN. CIOCLXXVIII.

Miecislaus in juventute probus. postea degener. regnum accipit, & mox amittit.

FRatre mortuò ibant in Casimirum minoris Poloniæ suffragia, sed hæc tamè Miecislaus majoris Poloniæ sententiis evaluit. Huic gravis & prudens juvenis Senis nomen conciliaverat, verum decora

cora juventutis dissimiles sequentium annorum detrivère mores. Principatum ejus imposita nobilibus ac plebejis tributa, & inexperta antè Polonis fisci avaritia, honorum denique nundinationes in visum brevi reddiderunt. Auxère odium ministri ac Praefecti, qui dum emundationibus populi non Miecislaum tantum, sed suam quoq; aviditatem satiant, unius tamen Principis invidiâ omnes peccabant. Studuit Miecislaum in viam reducere Gedcon, Cracoviensis Antistes, & instructâ viduæ, cujus gregem nutriti à filio canes lacerassent, fabulâ, velut in imagine principem sibi ostenderat. Sed hunc nullæ admonitiones emendabant. Inde idem Gedcon cum Stephano Cracoviensi Palatino ad abrogandû Miecislao, deferendumque fratri ejus Casimiro imperium cæteris præivit.

CAP. X.

DE CASIMIRO.

AB ANNO CLOCLXXVIII.

AD ANN. CLOXCXV.

*Conar. i cuiusdam peislanus à Casimiro pa-
tienter tolerata. Cum Fraire Miecislao
bellum qui a quibusdam in regnum fru-
stra restituitur. Cum Prussis bellum.*

CAsimiro cùm aliæ virtutes, tàm u-
num maximè moderati animi speci-
men studia Polonorum conciliavit. Qui-
dam ex Aulæ ejus asseclis Joh. Conarius,
ab ipso ad aleæ ludum invitatus, victus-
que extremo jactu, cui tota fors producti
in serum noctis ludi committebatur, ita
efferbuerat, ut vincenti Casimiro cola-
phum duceret. Comprehensum cum o-
mnium sententiæ capitis reum pronun-
ciarent, Casimirus etiam à culpâ absolvit
illum, inquiens, impatientiâ jacturæ ab-
reptum esse, se verò prostitutæ dignitatis
suz justam pœnam luisse. Sed vota pro-
cerum accendebat porrò etiam ipsa Casi-
miri sceptrum fratri præripere abnuentis
modestia. Videbatur enim, ut est reverà,
benè imperaturi, imperium recusare. Ce-
denti tandem precibus Polonorum re-
gnumque capeßenti, prima cura fuit im-
pressa Reip. vulnera sanare, vitiaque cor-
rigere, quæ Miecislauum expulerant. Hunc
autem

autem ipsū paternæ hæreditati restituit, supplicem quidem nunc, sed occultas tamen recuperandi imperii spes alentem, intentumque occasionibus. Erupit paulò post cupiditas, cum Masoviam & Cujaviam, quas Casimirus, tutor Lesco Boleslai Crispi filio datus, administrabat, per fraudem occupavit. Unde tamen brevi post excussus est. Bellum Casimirus primum in Halicienses gessit, quibus domitis, sororis suæ filium Miecislaum, ab illis expulsum, restituit. Eò paulò post venenò à suis necatò, Ungarorum regis filius Andreas, Haliciam occupaverat, Vlodimiro, qui ad opem Ungaricam, Casimirum fugiens se receperat, per fraudem carceri incluso. E quo ille elapsus, hostis nuper sui Casimiri imploratà clementià, impetratoque auxilio Haliciam Ungaris eripit. Inde irritatus rex Ungarorum, fines Polonorum invadit, vicissimque à Polonis incessitur. Sed id bellum, quia nec Ungaris nec Polonis volentibus erat, maturatis primò induciis suspensū, mox firmâ pace compositum est.

II. Hæc agente Casimiro, circumegit se favor Polonorum quorundam, & à Casimiro

Casimiro in Miecislauum reflexit. Jamque Cracoviam urbem favitorum suorum ope occupaverat Miecislaus; arce tamen à Fulcone Episcopo, & Nicolas Palatino prohibebatur. Profectus mox idem colligendi militis causa in Poloniam Majorem, in filio, quem Cracoviae reliquerat, à Casimiro, ope Russorum maximè, debellatur. Casimirus filium fratris ejusque milites non modò incolumes, sed & muneribus ornatos dimisit. Quà pietate Miecislauum ceterosque ita permovit, ut vivo ipso nihil hostile moliri sustinerent. Adèd nonnunquam hostem, quem fortitudinis non coërcuit metus, admiratio clementiæ subigit. Post hæc cladis Boleslao fratri inflicte memoria, manesque Henrici nuper occisi in Prussos Casimirum elicuere. In hos nequicquam reluctatos igne ferroque ita grassatur, ut in armis facile ira vindictæ appareret. Nulla sexûs, nulla ætatis ratio habita est. Donec fessitot calamitatibus Prussi pristinae tributorum Polonicorum tolerantia se submiserunt. Ultimum bellorum Casimiri fuit. His temporibus Pomerellia à Samborii Slavonii Ducis filiis ac nepotibus

regebatur. Quorum unus Subislaus ex
Monach. *Cast.* *in d.* *subis.* Cassubiorum principibus religionē Chri-
 stianam primus suscepit, circaque annum
 Christi 1170. monasterium Olivense con-
 didit. Coaluit tum quoque ad Vistulam
 fluvium, quā Rodanum & Motlavam a-
De dy. mnes ille recipit, ex tuguriis piscatoriis
 oppidum, vulgò Danzig/ postea Latine
 loquentibus Gedanum & Dantiscum ap-
 pellatum, quod commoditate sitūs, ma-
 jorem deinde hominum multitudinem
 concivit, tandemque, faventibus cœli au-
 spiciis, in eam magnitudinem excrevit, ut
 inter præcipuas Europæ Urbes, & empo-
 ria celeberrima iure numeretur.

Casimirus ad pacis artes & religiones
 versus, dum S. Floriani à Pontifice impe-
 ratas reliquias ac memoriam festis epulis
 celebrat, hausto forte poculo repente
 concidit, & brevi post intervallo extin-
 guitur. Suspicio quorundam fuit, me-
 dicamento aliquo infectum fuisse pocu-
 lum à foeminâ, quam deperibat Casimi-
 rus, mulierosior paulò, cætera optimus
 Princeps.

CAP. XI.

DE LESCO ALBO,
ET MIECISLAO.

AB ANNO CLOXCV.

AD ANN. CLOCCXIII.

*Lesci cum patruo Miecislao concertationes
qui ter ad regnum emergit, ter deicitur.*

CAsimiro mortuo post multas Proce-
rum concertationes ad filium tandē
Lescum defertur principatus. Sed quia
is per ætatem nondum par tantis guber-
naculis erat, adjunguntur puero Helena
mater, & Antistes, Palatinusque Cracovi-
ensis. Interim patrum Miecislaum am-
bitio & contemptus sui dolor vecordem
agebant per Poloniam Majorem & Sile-
siam. Collecto mox isthic exercitu Cra-
coviam properat: Cui Palatinus Craco-
viensis, advocatis in auxilium Russis, oc-
currit. Venit res ad prælium, non acre
minùs quàm impium, cum, scissâ in partes
Poloniâ, fratres affinesque adversis e ca-
stris pugnarent. Russi ibi caduntur. Ro-
manus illorum dux saucius ac semiani-
mis penè prælio excedit. Vulneratus et-

jam tùm Miecislaus est, & filius ejus paulò ante hastâ trajectus, oculos penè paternos cruore respererat. Interim Silesii duo duces in auxilium Miecislao superveniunt. Quibus se Govoricus Palatinus Sendomiriensis, qui priori prælio in subfessis fuerat, opponit. Inclinantés tùm capto Govorico Polonos nox adversæ pugnx exemit. Silesii seu, Miecislaum, qui faucibus domum vehebatur, sequuti, seu partæ gloriæ nolentes denuò facere periculum, erectis trophæis, domum quoque abeunt. Ita tùm quidem irritus fuit Miecislai conatus. Aliquot annis post instaurare idem animum in novæ spem fortunæ cœpit. Cujaviam, Casimiri liberorum patrimonium, occupat. Idque ei impunè fuit per ætatem possessorum, & Palatini Cracoviensis & Sendomiriensis dissidia. Cum sic primus conatus provenisset, ad majora mox fraude in auxilium assumptâ progredi statuit. Helenæ Lesci matri per legatos arreptit, demonstrat mulieri jus suum, idque persequendi vires contra Lesci ætatem teneram, curatorum ejus dissidia, denique petit, patruo potius quam aliis tutelam permitteret Lesci, quem

quem adoptare, destinare successorem, restituta cæteris fratribus Cujaviâ, pollicetur. Impar fuit Miecislai versutiæ Helena, & minis vim ostentantis mota est, ut promissis crederet. Reliqui etiam Proceres, quanquam aliquandiu reluctati, consentiunt tandem in Miecislai restitutionem, eâ tamen lege, ut promissa ille sua jurejurando sanciret. Ita secundum principatu potitur Miecislaus, sed in id, ut amittat iterum.

II. Is enim, quantum paulò antè verbis prolixus, tantum postea re ipsa atque operâ defecit, sermone innuens subinde; fidem servare eorum tantum esse principum, quibus frangere aut non integrum, aut non necessarium esset. Sed Helena quoque, ut antè credula nimis, ita promissorum acris nunc exactrix fuit. Elusa aliquandiu, tandem ad vim proclamavit. Invenit facile fautores simplicitate lapsa mulier, contra Miecislaum imprimis, qui ut clientes suos ornaret, alios quosdam possessionibus suis dejecerat. Ad quas isti novis rebus, mutatoque principatu redituros se sperabant. Conjurat Palatinus Cracoviensis duce ipso Palatino, occupa-

itur urbs absente tum forte Miecislao, recipiturque Helena cum Lesco filio. Ita vides denuo exortem principatus Miecislauum. Sed excedit penè fidem, vel fortuna viri hujus, vel Helenæ plusquam muliebris credulitas. Ecce enim hæc iterum mox decipitur, ille iterum regnat. Nescio quas remoras fidei ante non exolutæ caussatus, sanctè jam pollicetur omnia, quæ promississet, præstiturum. Adductæ iterum eò mulieri, ut cederet principatum, persuadet jam porrò, ut Palatinum Cracoviensem, Nicolaum amoveret, quasi ducem seditionum, & sub specie egregii publici, privatae utilitati studentem. Ut minus reluctaretur foemina, juvant alii, Nicolai illius fastigium pridem ægrè ferentes. Ille purgare se Helenæ meritorum suorum ac fidei ostentatione diu nisus, obstinatâ muliere, ad Miecislauum confugit, quantò antè hostem, tantò ambitiosius nunc amicum. Nicolai authoritas traxit plerisque alios. Miecislauus tertium jam princeps frustra promissorum ab Helena admonitus, Vislicienſe porro territorium illi adimit. Eâ constantiâ fuit. Sed paulò post receptum imperium, finem

nem histrionix suæ & vitæ simul fecit, vir inter ornamenta ac dedecora alternâ vice versatus, & eam plerumque fortunæ fidem expertus, qualem aliis præstabat.

CAP. XII.

DE ULADISLAO LASCONO-
GO. ET LESCO ALBO.

AB ANNO MDCCIII, AD
ANN. MDCCXXVII.

Duo eliguntur. quorum alter alteri cedit Comes. Tartarorum prima in Russiam incursiones. Pomerania Suenopelcius præficiuntur qui deficiens Leschum inierunt, Craciferi in Prussiam vocantur.

VTi vivo Miecislao, ita mortuo adhuc inter ambiguos dominos vacillavit Polonia. Reliquerat ille filium Uladislauum, qui à gracilitate pedum Lasconogus dictus (nam alter filius Otho, paulò post patrem obierat, relicto filio Uladislao sputatore :) & Leschus quoque Helenæ filius toties à Miecislao dejectus supererat. In hunc primum sententiæ procerum consensere, uno Nicolao Palatino Cracovi-

ensi, ejusque fratre Episcopo repugnantibus. Et hi tandem patiebantur principatum Lesco deferri, hoc stipulantes, ut Govoricium Palatinum Sendomiriensem, æmulum ipsorum, in exilium amandaret. Verum Lesco displicuit principatus, quem amici injuriâ emendum haberet. Itaque annitente Nicolaô, cui hæc tanta Lesci benevolentia in Govoricium tantò formidabilior erat, princeps creatur Lasconogus, vir eò maxime nomine dignus principatu, quod eò postea digniori Lesco libens cessit. Nam cum imperante jam Lasconogo, Lescus feliciter in Romanum Haliciensium ducem, Lublinensis provinciae vastatorem, & jam trajectâ Vistulâ, Sendomiriæ imminentem pugnasset, sequutus est fortunam favor Polonorum, & Lasconogo non repuganti, surrogatus Lescus: mortuis jam maximis hujus adversatoribus, Palatino Episcopoque Cracoviensi, quorum huic Vincentius Cadlubeus successit, vir pro seculi sui ingenio eruditus, primusque historiæ Poloniæ conditor. Lescus, quod prælio meruit, pace tenuit imperium, lenis ingenio, ut alios non impeteret, felix, ut non impeteretur

retur. Sub ejus initia Cometes apparuit,
minax plerumque imperiis prodigium,
tum verò haut dubiè Tartariæ procellæ
nuncius, quam eò tempore à mari Caspio
& monte Imao Asia in Chersonesum Tau-
ricam primùm, mox in Podoliæ Ruffiæq;
fines effudit, magnam & sequuturis etiam
postea feculis ineluctabilem Poloniæ ca-
lamitatem. Gens enim iusti belli ignara,
ferarumque instar pauperiem tantùm vi-
cinis inferre nata, ipsâ inopiâ & fugaci-
tate suâ invicta est.

II. Cæterùm Lescio huic frater erat
Conradus, cui Masoviam & Cujaviam
concessit. Pomeraniæ Suentopelcum præ-
fecit, ea lege, ut jus quidem diceret pro-
vinciæ, ea tamen Polonis maneret vecti-
galis, juraretque in verba principum Po-
loniæ. Sed utrumque hoc Lesci benefici-
um malò omine datum est, & alterũ Le-
scio ipsi interitũs, alterum toti Poloniæ
magnorum malorum causa extitit. Nam
Suentopelcus paulò post fortunâ sua cor-
ruptus fræna momordit, Lescumque bel-
lum illi meditantem, & fortè aliquando
inter Comitum in balneo lavantem, op-
pressit, interemitque. Aderat tum Lescio

Henricus barbatus Dux Uratislaviensis; sed hic prostratus ab emissariis, quia pro mortuo habebatur, vivus evasit. Ex eo tempore Suentopelcus Ducis sibi Pomeraniæ nomen adscivit. At frater Lesci *Frabz* Conradus, defendendæ à Prutenorum in- *Teuton* cursibus terræ suæ impar, fratres Theuto- *in Prus* nicos (quos Cruciferos vocant) è Syria *siam* tum à Sarracenis ejectos, in auxiliū con- *pugna* tra Pruthenos, datā ad tempus terra Cul- *les.* mensi, vocavit, stipulatus vicissim, ut quicquid illi in Prussia occupassent, ex æquo secum partirentur. Ea res magnorum postea ac difficilium bellorum tempestates Poloniæ concivit, usitato ferè imperiorum fato, magis uti illis formidabiles fiant, vocati in auxilium populi, quàm fuerant hostes, contra quos vocabantur.

CAP. XIII.

DE BOLES LAO PUDICO.

AB ANNO CLO CCXXVI.

AD ANN. CLO CCLXXVIII.

*Pudici pueritia, & sub tutoribus miseria. E-
jus castitas. Tartarorum pradaones per
Poloniam, & Silesiam. Bella intestina.
Iazyges. Lituanorum incurssiones. Turba
inter Silesia duces.*

Cum Lescus filium Boleslaum, sed adhuc tenerum reliquisset, Henricum Barbatum, & Conradum de tutelâ hæredis aliquot annis certantes spectavit sensitque Polonia. Ipse puer inter agnatorum studia variè raptatus, & Conradi etiam carceres expertus, vix tandem post multas difficultates ad regnum eluctatus est. Atque id jam pater ei minutius reliquerat, cum provinciarum aliæ Miecislai Senioris filiis, aliæ Conrado cessissent. Ut ad Boleslaum quidem tum nihil præter Cracoviens. & Sandomir. Palatinatus perveniret. Princeps factus, Cunegundin, Belæ Ungarorum Regis filiam uxorem duxit. Sed cum primis nuptiarum diebus intactam reliquisset, consensum utrinque est postea in perpetuæ virginittis sacramentum. Unde Boleslao Pudici nomen. Hôc principe Tartarorum rabies primò, sed cò multiplici impetu per Poloniam defæviit. Pervagati enim Lublinensem oram, & trajecto Vistulâ Zavihostum usque progressi, graves in Russiam prædas deportârunt. Mox inde post deposita onera revertentibus corporum suorum objectu viam præcludere tentabant

bant Cracovienses & Sendomirienses. Sed hi adSchidloviam oppidum profligati sunt, immaniusque hinc & velut perruptis obicibus, ferocius se crudelitas savissimæ gentis diffudit. Non satis in prædam grassanti fuit Polonia, in Silesiam quoque superato Viadro tranavit. Illic circa LigniciamRatiboriæ & OpoliæDuces, junctis cum Cruciferorum & Majoris Poloniæ exercitu copiis, sumplerant animos eundi in barbaros. Sed pariter infelix fuit, quanquam acerrimè pugnantium fortitudo. Cæsi ibi Henricus Pius Uratislaviensium post Henricum patrem dux, Boleslaus Moravorum Ducis filius, Poppo Cruciferorum Magister, aliique spectati viri. Jam cæterorum militum tanta multitudo occidit, ut à Tartaris præcisæ cæsorum singulis singulæ aures novem capacissimos saccos ferantur implèsse. Ut excitet penè nobis hæc tempestas cladis Romanæ apud Cannas memoriam, cumAnnibal equitumRomanorum annulos, insignia nobilitatis, Carthagini suæ modiis admensus est. Sed porro ut illic vento, pulvere, sole adverso pugnârunt Romani, ita se hic externa aliqua, & humanâ

manâ major vis prælio creditur miscuisse. Tradunt enim authores, concussum inter pugnandum ex signis Tartarorum unum funi ac nebulae tanta sparsisse volumina, ut prospectum oninem adversae aciei eriperet. Quod mirum, non difficile tamen creditu videbitur ei, qui sciverit, Tartarorum gentem beneficiorum minimè rudem esse.

II. Percussa tanta clade Polonia, magis etiam misera erat, quod principe carebat. Nam Boleslaus, ubi alterius Tartariae calamitatis rumor increpuit, in Ungariam cum suis transfugerat. Nec diu postea comparuit. Inde Boleslao Calvo Henrici Pii filio, Principatus decernitur. Quod ægrè ferens Conradus Masovius, vix benè datum Calvo sceptrum sibi vindicavit. Sed hujus quoque impotens dominatus odia mox incurrit, movitque Polonos, ut Pudicum requirerent. Qui reversus, recipit imperium, cum Conrado duplici prælio configit, uno victor, altero victus, usque tamen per fidem procerum quorundam, potestatis supremæ retinens. Mortuo paulò post Conrado, quieta quæ sub Pudico erat, Polonia fuis-

set,

set, nisi quæ in Majore Polonia inter Miecislai senioris Conradique posteros arsere, & maximè Silesiorum Ducum gravissima inter se certamina, aliquam quoque barbarum contagem viciniae afflissent. Inprimis verò in Silesia Boleslaus Calvus, à quo sui defecerant, in tractu Cujaviensi Casimirus Conradi Masovii filius, quietem publicam turbabant.

Tartari. III. Districtis ita circa domestica mala Polonis Silesiisque, novus iterum mox turbo ab Oriente insonuit. Tartarorum enim ingens vis Lublinensem terram vastabat, notisque jam & nupero cruore velut signatis viis progressa, Zavidovium, Sandomiriam, Cracoviam, & quæ ultra hanc, populabatur. Erant in castris Tartarorum duo Russorum duces Leo & Romanus, scelerique fœdorum gentilium ducatum ac potentiam in Christianos Christiani ipsi præbebant. Sed reversis quoque ad sua Tartaris, hi quasi tardiùs satiarentur, repetitis subinde incursionibus, Poloniae partes, Masoviam inprimis, infestavere, Lithuanis jam quoque succincti & Iazygibus, populis ea tum parte positus, quæ hodie Podlascia appellatur.

Sed

Sed postremi hi quasi in fatum suum la-
cessissent Polonos, internecione penè tum
à Boleslao excisi sunt. Lithuani domum
reversi & ob necem Ducis Mindaci mutu-
is se cædibus lacerantes, internis discor-
diis relinquebantur. In Russos sumptum
bellum est, Boleslai tamen magis auspici-
is, quàm ductu. Nam Petro Palatino
Cracoviensi summum belli regimè com-
missum fuit. Qui in hosticum progressus,
Russos Suarnone duce contra venientes,
quibus & Tartarorum ingens manus ac-
cesserat, commisso eminus cominus præ-
lio, insigni victoriâ ultus est.

IV. Post hæc major Polonia Duce Bo-
leslao Calisiensium Dynasta cum Brande-
burgicis Marchionibus bellum exorsa est:
minor intestinis dissidiis laborare cœpit.
Erat tum Cracoviensium Antistes Paulus
Polucosius, vir avaritiâ, libidinibus, ve-
nandi prurigne muneri suo dedecorus.
Hunc operâ duorum juvenum ex Topo-
rorum gente captum Lescus Niger carce-
ri incluserat, jussu vel saltem permissu Pu-
dici. Post annitente Gnesnensi Archie-
piscopo dimissus, vindictam parat, col-
lectisque, qui fortunæ inopes, moribus
turbidi,

turbidi, licentiam scelerum bello civili sperabant, in principem conspirat. Inficit ea labes bonos etiam quosdam vel pridem aliquibus Pudici moribus offensos, vel offensis aliis credulos. Juvitque seditiosorum consilia Boleslai absentia, qui tum cum Bohemo in Silesia de restituendâ Poloniâ Opavia, agebat. Nec mora. Deferunt Conjurati principatum ad Uladislauum Opoliensium ducem; illoque postulante, ut quotquot se principem velent, ad se Opoliam venirent; iter ingrediuntur. Euntes & securitate vagos adoritur in vicino tum agens Pudicus, nullo justo milite, sed solo procerum aulicorum quorundam comitatu: Et suffecit ad comprimendos rebelles illa fortunæ regiæ moles. Inde in Uladislauum receptorem seditiosorum itum est, & direptæ ejus ditiones. Cruduissentque in justum bellum odia inter cognatos, nisi Boleslai Calissensis prudenti opera sopita maturè forèt. Tandem restitutâ minori Poloniæ quiete, Masovia, Cujavia, & his adfines provinciæ Lithuanorum & Pruthenorum incursione concussæ sunt. Feruntur tum quadraginta hominum millia abducta.

In Silesia verò, si unquam, nunc maxime
 Duces cognati ferrum parricidiale inter
 se strinxêre. Autor turbarum præcipuus
 Boleslaus Calvus fuit, qui cum Henricum
 Uratislaviæ Ducem dolò cepisset, quos-
 dam Silesiæ Principum, Pudicum et-
 jam aliosque Poloniæ Duces in se conci-
 tavit. Tandem quoque in illum Uratisla-
 vienses Bohemorum regem Ottocarum
 vocarunt, datâ regi ad tempus ditione
 Glacensi. Ejus autoritate lis inter duces
 utcunque composita est, & præter Henri-
 cum Premislus quoque, Posnaniensium
 Dux, quem in prælio nuper ceperat Cal-
 vus, dimissus. Eundem Ottocarum Cru-
 ciferi ex civêre in Prussiam, quam eò tem-
 pore Mendocus, Lithuanorum dux, acer-
 rimè pervastabat; magnis Prussorum i-
 psorum copiis, odio Christianæ religio-
 nis, & novi Cruciferorum regiminis, ar-
 ma Lithuanis sociantibz. Quò Regi Otto-
 caro Marchiones, Moravi, & Brandebur-
 gicus, Episcopus item Olomucensis co-
 mites ivêre, magnam omnes hominum
 multitudinem Crucis sacramento aucto-
 ratam ducentes. Subacta tum Prussiae ea
 pars, quæ Sambia vocatur, & ut eò forti-
 ore

ore frano coërceretur in posterum, ex-
 tructæ duæ Arces, quarum altera ad Bre-
 gelam sita, in honorem Regis Ottocari,
suus nigr Mons Regius, vulgò apud Germanos *Ni-*
berg Nigsberg/ altera à Brunone, Episcopo O-
brun flomucensi, Brunsberga appellata est. Sub
brun id tempus movit denuo in Brandeburgi-
 cum Boleslaus Calissiensis, fusòque Otho-
 ne Longo Marchione, latè Marchiam po-
 pulatur. Sed paulò post reversus inde fe-
 bri extinguitur. Quem eodem quoque
 annò Pudicus consequutus est, princeps
 ingenio mitis, vità integer, cætera infe-
 lix, & calamitatibus ferè quam rebus ge-
 stis nobilior.

CAP. XIV.

DE LESCO NIGRO.

AB ANNO CIOCC LXXIX. AD
 ANN. CIOCC LXXIX.

*Cum Russis bellum. cum Henrico Urañslo-
 viensium Duce cum Lithuanis. Iazygum
 internecio. Sendomiriensium seditio in Ni-
 grum. bis iterata. Cracoviensium fidelitas.*

Boleslaus

BOleslaus Pudicus, cum ob virginitatis
votum nullum genuisset, fecit sibi ju-
dicio successorem. Is erat Lescus Niger
ex fratre ipsius patruelis ortus. Poloni alii
libentes acquiescebant adoptione Boleslai,
alii reluctati non nihil, tandem per-
tinaciam temporibus Reipublicæ submi-
sere. Russi enim tum omnium animos
in se adverterant. Qui Tartarorum Li-
thuanorumque viribus succincti, Duce
Leone, inmaniter Poloniam vastabant.
Hos Varsius Castellanus Cracoviensis cū
suo & Serdomiriensium Palatino teme-
rè aggressus, feliciter tamen ad Goslici-
um pagum fudir. Eosdem collecto ma-
jore exercitu persequitur Lescus, & ad
Leopolin, quæ ab hoc Leone nomen ha-
bere videtur, progressus, vicissim se quo-
que ultione & sanguine explet. Inde in
Henricum Uratislaviensem ducem, co-
gnomento Probum, sed tum nomini ma-
le respondentem, movet. Causa belli e-
rat Henrici in patruelis suos, cognatos
Lesci, impia fraus, quos per speciem collo-
quii evocatos Bariciam, vinclis onera-
verat. Lescus cum multam agris Uratisla-
viensibus vastitatem attulisset, captos ta-

men

men haut liberare potuit: ipsi se paulò post concessis, quæ Henricus postulabat, quamquam iniquis, exemere. Eo tempore infudit se denuo in Poloniam gens Lithuanorum, & quicquid adhuc lazygum supererat. Quos contra cum veniret Lescus, recedentes repperit, tardò tamen ob prædam agmine. Dubius an hostem persequeretur, somniò animatur, mox eadem fiduciâ incensos suos vestigia barbarorum legere jubet. Hi fulgentibus ex propinquo Lesci signis, quanquam in re subitâ attoniti, parant se tamen pugna. Mox incurrentium Polonorum impetum fortiter excipiunt, cum subito eos captivi à tergo adoriuntur; viri arreptis, quæ fors dederat, telis, fæminæ truci ululatu. Fertur & canum, quos secum abduxerat, morsibus impetitus hostis; pulcherrimo spectaculo, cum Polono, numero hominum impari, bestia militarent. Percussos undique & in fugam effusos persequitur cæditque Lescus, donec sylva & oborta nox finem poneret. Acrius cæteris tum lazyges pugnauerant, unde occidione omnes periëre. Ut hodiè nonnisi nomen superlit.

lazy-
ges
perit.

II, Sed pulcherrimæ victoriæ decus
civiles coorti metûs penè temeraverunt.
Sendomirienses enim jam olim Lescio ini-
qui, autoribus Johanne Palatino & Cri-
spino Castellano, cum quibus & Paulus
Cracoviensis Episcopus trahere se diceba-
tur, spreto Lescio, Conrado Masoviæ du-
ci, se submisère. Verum hunc venientis
subitò Lesci fama in Masoviam repulit,
minace tamen belli & majoris apparatus
fugâ. Lescus procerum primis pruden-
tiâ & comitate reconciliatis, reliquos, ut
gratiam principis sponte quaererent, coë-
git. Interim Lithuani vires recollegerant,
& Poloniam ingressi ad Sendomiriensem
usque terram latè omnia vastabant. Hos
iterum fortiter adortus Lescus feliciter
repulit, convincens veluti ingrati animi
suos, & antea ipsum principem asperna-
tos, & mox aspernatos. Surrexit enim
denuò male obrutum seditionis incendi-
um, & majore flammâ è dolosis velut ci-
neribus erupit. Accivisse barbaros prin-
cipis odio credebatur Paulus Episcopus
Cracoviensis; unde iterum captus & ite-
rum dimissus, magnisque immunitatibus
donatus est à Lescio. Sed ut plerumque
homi-

homines injuriâ quam beneficio matu-
mus vice rex solvere, adeò non mitiga-
tus est muneribus Lesci Antistes, ut tantò
etiam acriùs omnium animos, quàm posset,
in principem acueret. Atque ejus nefaria
consilia, quod mireris, secuta est ple-
raque, quæ sub Lescio erat, Polonia. Ite-
rum accitur Conradus, venientique Cra-
coviensium ac Sendomiriensium proce-
res obviam procedunt. Sola urbs Cra-
covia ab illo rebellionis contagio intacta
mansit, & quamvis magna præmia polli-
ceretur Conradus, dira quoque minaretur
contumacibus, neutro tamen modo
in desertionem Fidei corrumpi potuit.
Obsessâ à rebellibus urbe, & mox incen-
sâ, cives in arcem se recipiunt, spe Lesci
se sustentantes, qui sub initium statim
motûs, ad Uladislaum Ungarum, quæ-
rendo opem confugerat. nec multò post a-
dest cum exercitu, cui opponit longè ma-
jorem Conradus. Sed voluit bellorum
arbiter Deus, ut unde jus, inde victoria
staret. Lescus debellatis & veniam oran-
tibus subditis magna facilitate ignovit.
Cracoviensium constantiæ gratiæ in-
gentes habitæ, inprimis Germanorum
quorum

quorum fide arcis custodia potiffimum ſteterat. His urbis regimen tradidit Leſcus, habitu quoque eorum aſſumpto favore ſuum teſtatus.

III. Felix erat Leſcus, ſi ut ſubditis ſuis, ita Conrado benignum ſe præſtitiffet. Sed huic implacabilius irafceſ, reconſiderat odium, quod captatâ mox occaſione, prompfit. Dobrinum tum Lithuani incurrerant, fratris ſui Ziemoviti oppidum. Huic quaſi opitulaturus, in Maſoviam deſlexit, igneque ac ferro late graſſatur. Redeuntes cum prædâ milites plurimos in trajectu fluminis aquæ hauſerunt. Sed mox major calamitas ſequuta eſt. Tartari enim iterum magnâ & miſerabili diluvie Poloniam inundarunt, Totum homines abducti feruntur, ut cum reverſi Barbari in Ruſſiam circa Ulodimiriam recognoſcerent prædam, ultra viginti millia innuptarum virginum numerata ſint. Nec Ruſſis impune fuit toties immaniſſimam gentem juviſſe. Ferunt enim à tranſeutibus Tartariſſimis humanis cordibus, quæ veneno imbuerant, infectas aquas nova morborum genera peperiffiſſe, quorum ut cauſſa diu ſetel-

fefellit medicos, ita febiles hodièque in
 inexplicabili tricarum contagio, quam
 Plicam vocant, creditur vulgò superesse.
 Cæterùm Lesci animum nondum publi-
 ca mala mitigaverant. Iterum Conra-
 dum laceffit, missio in Masoviam Palati-
 no Siradiense. Sed hunc ex Masovia cum
 prædâ regredientem secutus Conradus,
 incautum opprimit necatque. Ac miles
 prædator præda mox Masoviis fuit. Le-
 sci ipse paulò post ex mœrore animi pe-
 riit, princeps inter laudatos censerî me-
 ritus, felices etiam, nisi finis inclinasset,
 cujus maximè semper meminimus.

CAP. XV.

DE INTERREGNO,
ET

PREMISLO REGE.

AB ANNO CLOCCCLXXXIX.

AD ANN. CLOCCXCVI.

*Polonia variè discerpta. Premislus emergit
 & Regium nomen recipit. mox clam in-
 terficiunt.*

Lescus absque liberis decesserat. Inde
 Regnatarum ab eo ditionum imperi-
 um

um variè priùs, quàm certis iterum velut
humeris federet, agitatum est. Siradi-
ensem Palatinatum Uladislaus Locticus
frater Lesci obtinuit. Cracovienses &
Sendomirienses Boleslaum Ducem Plo-
censem, Conradi Masovii fratrem, ad
Principatum vocaverunt. Sed hunc mox
Henricus, Uratislaviensium Dux dejecit;
dejectus ipse quoque ad tempus à Locti-
co, paulò post verò restitutus, morte in-
stante, hæredem harum Provinciarum
scripsit Premislum, Majoris Poloniae Du-
cem, cui recens Pomerania quoque testa-
mento morientis Miesciugi accesserat.
At huic Henrici quidem hæreditatē am-
biguam faciebat Gryphina, Lesci Nigri
uxor, quæ in duos illos Palatinatus sibi à
marito donatum, ut ferebat, jus Vence-
slao Bohemorum Principi sororis suæ fi-
lio transfcripserat: Cessitque Cracovia
Bohemo; Sendomiriam Locticus sibi ar-
mis vindicabat. Penes Premislum tamen
majoris Poloniae & Pomeraniae Domi-
num, inter tot æmulos, summi Principis
autoritas mansit, cui mox & regia digni-
tas accessit. Omissa ea in Polonia fuerat
ducentis, & ultra annis. A temporibus

E

scilicet

scilicet Boleslai Audacis, ob quem Pontifex, Regnum quoque ipsum execrationibus devinxerat. Post & hoc relictâ subinde à dominantibus numerosâ sobole, in tot principes divisum fuit, vix ut horum quâvisquam regio nominis esset sustinendo. In Premislum hunc quia plures provinciæ felici successione coiverant, dignum sui judicârunt, qui diadema Regium gestaret. Quod ei Gnesnæ solenni ritu Jacobus Swinka, Archiepiscopus imposuit. Rex factus Premislus, cœperat curas eo nomine dignas agitare. Sed eas nimiû præcox & quasi Poloniæ invadens fatum subitâ morte abruptit. Septimô enim post susceptum regnum mense, dum Bachanalium diebus apud Rogosnum, Marchiæ vicinum locum, securiùs agit, à manu emissariorum, quam Brandeburgici Marchiones sorore Premisli geniti subornasse dicuntur, oppressus perit.

CAP. XVI.

DE ULADISLAO

LOETICO.

AB ANNO CIOCCXCVI.

AD ANNUM CIOCCC.

*Loetici in Silesiam expeditio. qua discordiis
atterebatur. Loeticus degenerat. & regno
dejicitur.*

Occiso Premislo omnium electus suf-
fragiis Uladislaus Loeticus, non ta-
men solenni ritu inauguratus est: nec
Regis, sed hæredis Poloniae nomē assump-
sit. Incertum quā de causa, an fatis rem
ita adgubernantibus, ut facilius eri-
pi indignius se gesturo nondum plenè
datum imperium posset. Prima ejus ex-
peditio in Silesios fuit, favore in Bohe-
mum regni æmulum ipsi adversos. Quo-
rum terram cum exercitu ingressus, lon-
gè latèque populatur. Id eò proclivius
Loetico fuit, quod principes Silesiæ do-
mesticis turbis districti, in commune non
consultabant. Boleslaus enim, Subni-
censium Dux, in Conradum Glogovien-
sem bellum parabat, Henrici Uratisla-

viensis causâ, quem Conradus fraude captum, teterrimi carceris squallore primo ad iniquissimas conditiones, tandem ad mortem adegerat. Reversus ex Silesiâ Uladislaus otii ac voluptatum saginæ se dedit. Milites quoque rapinis assuetas manûs ne à suis quidem abstinebât, principe non ad hæc tantùm connivente, sed ob libidines privatas omnis jam publicæ rei incurioso. Tandem ita gravis Polonis esse cœpit, ut imperium tribus annis administratum ei abrogarent. Felicem hanc calamitatem Loctico fuisse eventus docuit: quippe quâ velut stimulo admotus animus, qui inertiam penè elanguerat, virtutis suæ admonitus est.

CAP. XVII.

DE VENCESLAO REGE.

AB ANNO CLCCCC.

AD ANN. CLCCCV.

Venceslaus è Bohemia accitus Rex inauguratur. Locticum persequitur. Qui redux moriente Venceslao restituitur.

A Moto Loctico, accitur in Poloniam Venceslaus Bohemorum Rex, cinctusque

Atusque Regio diademate munimentum
sua, ut exotica dominatione petit à con-
jugio, ducta in uxorem Rixa Premisli Re-
gis filia. Inde Loeticum persequitur, ad-
huc tum in Polonia, sed occulte & incer-
tis latebris vagum, mox in Ungariam at-
que inde Romam profugum. Remoto æ-
mulo, ipse in Bohemiam abit, constitu-
tis, penes quos rerum summa esset, præ-
fectis. Venceslao absente, Sendomirien-
sibus & Cracoviensibus animus incessit,
Russos toties Poloniam depopulatos, &
recenti quoque injuriâ exosos, ulciscen-
di. Pugnantibus, quanquam sine Rege,
auspiciis fortunæ non defuit. Fusis e-
nim prælio Russis, quibus Tartari quoque
auxilio venerant, Lublinum, quod quin-
quaginta annis Poloni caruere, ereptum
est.

Dum hæc in Polonia aguntur, Loeti-
cus in Ungaria apud Amedeum Palatinum
agens, imminebat adhuc occasionibus
regni recuperandi. Compertoque, domi-
nationem Bohemorum gravem esse Polo-
nis, & Venceslaui filii causa in Ungaros
moliri bellum, collectâ manu Ungarorû
& Amedei hospitis ope adjutus, in Polo-

niam venit, Pelciscam mox, Visliciamque
 & quæ circumjecta loca sunt, occupat.
 Sed luctanti ita inter initiorum veluti ri-
 mas magnum post ostium aperuit, secuta
 sub id tempus mors Venceslai. Nam fa-
 to Regis, Bohemis quoque, qui passim ci-
 vitates Poloniae præsidio tenebant, ceci-
 dit animus: & capita urbium, Cracovia
 ac Sendomiria, Loctico facile cessere.
 Ibat tamen manu assertum patrium re-
 gnum Venceslaus junior è Bohemia non
 exiguam manum ducens, ac, si imperium
 detrectetur, bello certaturus. Sed ille dum
 Olomucii fortè sub meridiem somno in-
 dulget, occiditur. Autor cadis in am-
 biguo est, quanquam fuere qui Alberti
 Imperatoris scelus suspectabant. Ex hoc
 tempore Bohemis externi Reges imperi-
 tarunt.

 CAP. XVIII.

DE ULADISLAO

LOCTICO.

AB ANNO cIccccv.

AD ANN. cIccccxxiii.

Loctico●

Loethico redditur regnum. Pomerania Marchionibus proditur. contra hos Cruciferi vocantur in auxilium. qui ex sociis mox hostes. Cracoviensium seditio. Silesia Bohemia innexa. De Cruciferis victoria. Autor Gentis Zamosciana.

Morte utriusque Venceslai, Loethico armorum pro recuperatione imperii necessitas remissa est; & diffugientibus passim Bohemorum praesidiis, sponte se illi subdidere Poloni. Soli Posnanien- ses & Calistien- ses, memores vitiorum ejus, fortèque etiam vindictam metuentes, regnum dare ignominia accenso renue- bant. Itaque Henricum Glogoviensium Ducem sibi adsciscunt, hoc pejus merentes de Loethico, quod sine illis coronari non posset. Quippe Gnesnae, ditionis ipsorum urbe, Regia diademata asservabantur; & in illis partibus erat Archiepiscopus. Loethicus levi incursione correptis adversariorum agris, ad Pomeranos tendit, acceptoque ab omnibus sacramen- to, Gedanensibus Bogussam judicem, cæ- teris Premislum & Casimirum duces, Zie- momisli fratris filios, praeficit. Postquam

*Gedanensis
necesse
indur.*

inde abiisset, cepit prodendæ Marchioni-
bus Brandenburgicis Pomeraniæ consili-
um Petrus Cancellarius Pomeraniæ, Pa-
latini Gedanensis filius, homo factiosus
& tum Loctico, nescio ob quam repulsâ,
infensor. Idem tum captus inter prima
molimina, mox tamen deprecatione fra-
trum dimissus, beneficii immemor, igno-
miniam ulcisci statuit. Ejus ergo fra-
trumque ope accitis paulò post Marchio-
nibus, pleræque civitates Pomeraniæ tra-
duntur, Gedanum quoque ipsum, solâ ar-
ce relictâ, quam Bogussa tutabatur. Hic,
urgente obsidium hoste, ad Locticum ma-
gnâ celeritate contendit, & de statu re-
rum edocto, suadet Cruciferos vocare in
auxilium, qui jam, amissâ Ptolemaide,
spes opesque pene omnes in Prussîa loca-
re cœperant, sede Magistrorum suorum,
Mariæburgum, tum recens exstructum,
translatâ. Annuente Loctico Bogussa
reversus Cruciferos in arcis dimidiæ re-
gimen recipit, hâc lege, ut unius anni de-
fensionem suis impensis tolerarent, hoc
elapso, quicquid porro insumeretur, Re-
gi ferrent expensum. Junctâ ita cum Cru-
ciferis manu, non arx tantum Gedanen-
sis de-

II. Dum hæc apud Boruffos aguntur, Polonia major pertæfa dominationis Henrici, & perpetuarum belli calamita-

tum metuens, Vladislao se dedidit, mis-
susque, id ut impediret, ab Henrico Bi-
bersteinus, à Samotulio, Palatinide Po-
snaniense profligatus est. Sed rara sine
mali mixturâ felicitas: plerumque lancis
instar, unâ parte attollitur, ut altera de-
sidat. Sic Vladislao, cum pars Poloniæ
fascis submisisset, altera cœpit rebellare.
Cracovienses enim cives, Alberto advo-
cato autore, Boleslao duci Opoliensem
urbem suam subdiderant, arcemque in
societatem flagitii trahere certabant.
Sed Boleslaus, missis à Loctico legatis, &
mox vi ingruente perculsus, properè ur-
bem deseruit, comitantibus cum pleris-
que, qui seditioni classicum cecinerant.
Victor ante quàm adventaret, Locticus,
cum venit, sentire urbem voluit, quid
peccasset. Profugorum bona in fiscum
redacta sunt; cæsi, qui è ducibus rebelli-
onis remanserant, universæ civitati jura
imminuta.

III. Cruciferorum interea ut poten-
tia, ita potentiæ cupido gliscebant. Pome-
relliam omnem tenebant, & ut jure tene-
re viderentur, primò Loctico; hoc abnu-
ente, Marchionibus pecuniam offerunt.

Qui

Qui ut vendere jure non poterant, quod per injuriam nuper occuparant, ita pretium libentes acceperere pro eo, quod jam ipsis vi erat extortum. Poloni verò irritati tot injuriis, antequam armis se vindicarent, svasu Episcoporum, quibus alata Pomerellia non modici proventus intereiderant, Pontificis Romani, qui Avenione tunc agebat, judicium implorârunt. A quo toto quadrienni labore, vix tandem impetratum est, ut deligerentur, quorum arbitrio disceptaretur causa tam gravis. Ab iis secundum Polonos data sit est, jussique Cruciferi satisfacere, cum non parerent, sacro fulmine percussi sunt.

Poloniae calamitates ingens hoc tempore fames auxit, quæ simul quoque Prusiam, Lithuaniam, & vicinas his provincias corripuit. Non cadaveribus in sepulchro putrescentibus, non in patibulo suspensis, imò nec liberorum corporibus esuries publica pepercit. Pestis inde orta, confertissimos passim acervos fecit. Serpsit malum, & communi quodammodo aëre corrupto, totam fere Europam infecit: adeo ut tertia propè hominum

pars tum penuriâ Victûs, tum contagione, his annis feratur absumpta.

IV. Eâ quoque tempestate Duces Silesiorum, hæctenus liberos fœderatosque Polonorum, vitia sua, & Johannis Luxemburgici Bohemæ Regis artes, alieno subegere regno. Cum enim ex Ducibus alii armis se invicem inuaderent, singulis suos castes aptans Johannes; illos dato pretio, ditionibus suis exuebat, hos occultis stimulis in mutuam armabat perniciem. Dum tandem omnes luxu & discordiis attritos, sub Bohemorum imperium adegit. Idem Johannes, nescio, quod sibi jus ob antecessorem Venceslaum in Polonos vendicans, vocatusque à Cruciferis in auxilium contra Lothicum, seriò tandem Pomeraniam recuperare molientem, Masoviam ingreditur. Ab eodem Cruciferi, ut jus suum in Pomeraniam magis etiam stabilirent, prece & pretio impetrant, ut illam provinciam ipsis donaret, jure scilicet in Polonorum ditiones Regio, quod Johanni homines ridiculi, ut accipere possent, dabant.

V. Nec vero diu se intra Pomerelliam continuit Cruciferorum avaritia. Poloniæ

Polad: Lothig item, 1305, — 1333.

LIBER II.

109

nia ipsius primùm oras, mox viscera affi-
duis incursionibus tentabant. Certè alte-
ro eorum impetu vix ullum Majoris Po-
loniæ oppidum intactum mansit. Ade-
rat cum exercitu Vladislaus, sed impar-
tanto hosti, & congregari aperte non au-
sus, casuum tantùm opportuna specula-
batur. Brevique potitus est voto. Mili-
tabat tum in castris hostium Szamotulius,
profugus patriâ, ob similitudines cum Rege,
atque imprimis ob prælatum sibi in præ-
fecturâ Majoris Poloniæ Casimirum, fi-
lium Regis. Hic pœnitentiâ & patriæ
amore mollitus, captato tempore, specie
exploratoris, in castra Polonorum trans-
gressus deprecatur Regem, simul hortans,
prælii ut tentaret fortunam, suamque ad
id operam promittens. Redux, trepida-
tionem Polonorum falso memorata, per-
suadet Cruciferianis, ut secure & sine me-
tu agerent. Hi prædæ suæ incubantes,
& quasi victo hoste læti, reditum parare
ad deponeada spolia, partiriq; exercitum
cœperant. Interim advenit Lothicus ex-
ercitum, nebulæ beneficio usus, ut impro-
visor hostibus veniret, famam; sui ante-
iret. Illis tamen strepitû propinquantium

admo-

admonitis, subitòq; arma corripientibus cum ad Radoviam venisset, sistit nonnihil suos, & ad hunc modum affatur: Si quantam ore habituque praefert hostes, tantam moribus ac factis ostenderent numinis curam: bellum, milites, aut nullum cum illis, aut omnino injustum gereremus. Nec enim intra sacra militia consistentes munia, violentam in nostra injicerent manum: & sua servantes improbè à nobis oppugnarentur. Sed nimirum malè respondent illi instituti sui legibus, turpiterque ex propugnatoribus Christiana religionis, in magistros avaritia & immanitatis, in Cruces turbatoresq; vicinorum principum degenerarunt. Alia eorum facinora ne memorem, in nos patriamque nostram, quae illos insana impiaque habendi cupiditas armavit? Profugos olim & sedibus suis exutos, cognati principes nostri in partem belli quidem, sed & terrore simul sua vocarunt. Hic afflicta prius fortuna allevationem, hic nova haec, quae videns, incrementa cepere. Expectanda nobis erat gratia; illi vim inferunt. Illi focos, in quibus nefarii scilicet aspidem recalnèrè, diripiunt, atque etiam, si liceat, creptum nobis eunt. Pomeraniam jaududum est, quod sibi usurpant, magne etiam Cujavia parti incubant: Et
his

his tamen adeò non satiatur illorum avaritia, ut velut irritata magis, in unima patria nostra viscera unguis promittat. Verum modum his, quem sibi ponere nesciunt, ponet hodiè, spero, numinis vindicta, & nostra commilitones, virius. Quam jampridem ablatarum provinciarum injuria, male habitis ab illis agris subditisque nostri, profanata à sacris nempe milibus templa, à acris erstimulant; ut vix difficilior jam fore videatur vincere hostem, quam fuit hactenus, n pralium vos ruen'es tenere. Nec ullo sane degeneri metu ardorem vestrum inhibui; sed quia malis bonisque rebus meis edoctus sum, quantum possint in bello momenta temporum atque occasionum. Has profecto qui prudenti pati:ntià speculari novit, securus vincit, vel, si fortuna omnino rectè etiam consultis repugnet, vincitur saltem serius atque excusatus. Sape parvis copiis magni exercitus, iniquo vel loco vel tempore deprehensi debellantur. Sed nobis milites, hodiernus dies tot offerens benè gerende rei opportunitates, grande morarum omnium, quas tulistis hactenus, pretium ostendat. Huc usque numero adeo pravaluit hostis, ut & superare illum arduum foret, & superatis nobis temeritatis insuper expectanda esset nota. Nunc
 flos

flos exercitus illorum ad subigenda Cujavia
 ulteriora missus est. Sic universos ante
 cum discrimine aggressuri, divisos jam abs-
 que negotio proteremus. Sed ut multitudine
 etiamnum pares vel superiores sint, animis
 tamen nos non aquant: quos exigua mercede
 autoratos, caterva undique collecta, & pra-
 dandi quam praeliandi gnavior, pares profe-
 cto asserere non potest nostris, quos pro patria
 dimicantes, prater nobilitatem ingentem.
 summa belli non equi as tantum, sed necessi-
 tas acuit. Ac clamor illorum dissonus, quo
 omnia jam istic perstrepunt, nonne pavorem
 & festinatione se sua implicantem trepidati-
 onem arguit? scilicet cautionem nostram i-
 gnaviam fors haecenus interpretati, quia
 non provocavimus, nunquam provocaturos
 credidere: aut facilem, puto, expectarunt,
 qui ad praelium paratos esse juberet. Discant
 age nunc exitio suo, non essetum pugnandum,
 cum cupit hostis; & periisse rerum agenda-
 rum occasiones, cum utrinque sciuntur. Ce-
 terum quos perculsos ita anxiosque audimus;
 major mox, milites, occupabit dejicietque con-
 sternatio; cum Samotulium, nostratem olim
 Palatinum, illorum haecenus castra pravo
 consilio sequutum, mutato animo, in illos pro
 nobis arma stringere videbunt. Id quidem
 facturum

facturum se recipit, nec, nisi penitus Polonus
esse desit, enisurum dubio, ut iras civiles in
exitium hostibus versas, crimenque perfidia
egregio decore expiatum nobis patriaque pro-
bet. Sed & vos, commilitones, certius sum,
ita acturos, ut & civis respicientis studium
vostro pro patria pugnandi ardore cre-
scat; & opera ejus à nobis ad communican-
dam victoria gloriam admissa, minimè requi-
sita ad obtinendam videatur.

Hæc fatus Duce, discussaque etiam in-
terim nebulâ, initur prælium. Agunt
rem fortiter Poloni, certantibus velut in-
ter se quoque Loctico & militibus, illo, ne
exemplum, vel vocis incentivum suis de-
esset, his, ut utrumque superfluum esset.
Nec Cruciferianis virtus deorat, donec
Szamotulius terga eorum, incessere cœpit.
Tum respectantes & re subitâ attoniti, re-
misere animos. Subvenientes quoq; iis,
quæ Brastiam pridie præmissæ erant, co-
piæ, in id tantum venere, ut victoriam
Polonorum augerent. Nam & acrius i-
stitanquam pro parto decore pugnabant,
& illi pavore fugientium suorum aufere-
bantur. Viginti millia tum Cruciferia-
norum feruntur periisse, ex Polonis quin-
genti

genti tantum. Quanquam in numero casorum, omnique hujus praelii historiam multum dissentire video scriptores, quâdam æmulatione decus Polonorum minuere conante, ut dedecus Cruciferorum minuatur. Post praelium inter saucios, vir quidam equestris ordinis Florianus Szari jacebat, effluentia abdomine ilia manu cohibens. Ejus cruciatum Rex fortè præteriens cum Comitibus, miserabatur. Cum ille: acrior, ô Rex, inquit, dolor ejus est, qui in eodem pago malum vicinum habet, qualem ego expertus sum. Miratus est Rex hominis inter mortis discrimen ejusmodi cogitationibus vacantis responsum; sublatoque & arte chirurgorum curato pagum dedit, quem solus & absque vicino possideret. Stemma ejus, quod trium hastarum erat, inde Jellitorum, i. e. ilium nomen accepit, estque insigne Zamoscianæ familiæ, è qua magnum illud non Polonia tantum, sed seculi decus Johannes Zamoscus effulsit. Cæterum, ut Vladislao Regi victoria hæc gloriosa fuit: ita fructum ejus Bohemi ferme & Silesii intervertère; bello majori Po-

ri Poloniae intentato, necessitatem Regi-
Cruciferos omittendi, his respirandi mo-
ram facientes. Qui &, dum in novum
hostem movent Poloni, Bresliam & Gniew-
coviam impunè abstulerunt. Paulò post
pactus cum Cruciferis inducias Vladis-
laus, munitiones aliquot Bohemorum Si-
lesiorumque cepit aut incendit. Inde re-
versus, post brevissimi temporis morbum,
moritur, princeps corpore exiguus, ma-
gnus animo, comitate in suos, fortitudi-
ne in hostes egregius, à secundà fortu-
nà penè deceptus, adversa pulchrè tole-
rans semper, plerumque victor.

CAP. XIX.

DE CASIMIRO
MAGNO.

AB ANNO cccccxxxviii.

AD ANN. cccccclxx.

Casimirus pacem init cum Cruciferis. successorem designat Carolum. Russos Polonia subdit. Leges instituit. Ius Magdeburgicum introducit Ludovicum Ungarum post Carolum successorem nominat. Pater Plebejorum dictus. Valachi dolo Polonos vincunt. pestis & fames per Poloniam. Casimirus cognatam Carolo IV. Imperatori locat. Hospites Regios consul Cracoviensis splendide excipit. Casimiri ex equo lapsus & mors.

VLadislao Loctico filius Casimirus succedit. Qui mitis ingenio; & quietis quàm armorum appetentior, pacem cum Cruciferis init, parùm decoram nomini Polonico. Eam aspernati Proceres, & simul tamen bellorum pertæsi, Pontificem iterum in arbitrium malè compositæ litis sollicitant. Ab hoc missi arbitri infes-

sam

sam à Crucigeris Pomerelliam, Cujaviam, Dobrinum, & reliqua Poloniæ propiora Polonis adjudicant, Cruciferis insuper prægrandem multam irrogantes. Sed hi nec decreta Pontificia, nec execrationes morati, occupata retinuere.

Cæterum Casimirus, ut vagus libidinum, ita prole orbus erat. Unde maturè successorem circumspicere cœpit. Placuitque eligenti Carolus, Ungariæ rex, sorore illius genitus, spretis cum indigenis principibus, tum Silesiis alieno jam imperio additis. Exin in Russiam expeditio suscipitur, sæpe jam olim victam à Polonis, nunquam ad constantem obsequii fidem subactam. Casimiri felicitati cessit, & tum primùm in Provinciam redacta, æquo inde jure cum Polonis gaudet. Paulò post tentavit Poloniam Johannes Bohemiæ Rex, qui abstractâ Silesiâ ferocior atque avidior factus, unicum senectutis atque etiam mortis solatium habiturum se dixerat, si manu muros Cracoviæ attigisset. Sed is à Polonis fortiter repulsus, aliquantò post in Galliâ interiit. Post hæc Casimirus quanquam in luxuriam solutior, & segni in Crucigeros indulgentiâ nonnihi

nonnihil inuisus, domi tamen conditis legibus, constitutis judiciis, & arcibus structis, Reipublicæ multum profuit. Ab eo jus Teutonicum in Poloniam inductum, quod Magdeburgicum vocant. Condita item Cracoviana urbis ea pars, quæ hodieque Casimiria, accepto à conditore vocabulo, appellatur.

Dum hæc in Poloniâ geruntur, interim in Ungariâ Carolus, haud pridem Casimiro successor nuncupatus, decessit. Eius igitur in locum Ludovicus filius adoptatur. A quo Poloniæ ordines immunitatem tributorum atque onerum, quæ hætenus principibus dependi consueverant, paciscuntur: præcipuo hoc plerumque, quod ex regnatricium familiarum interitu sperari potest, commodo: quod successores, ut regnum accipiant, leges prius accipere cogantur. Eodem anno lata multa res Casimiro contigere. Primum enim Russiam perpacavit: pulsos, qui turbas isthic dare cœperant, Lithuanis, Duceque eorum Lubarto capto. Paulò post Masovia corpori Reipublicæ Poloniæ accessit, submittente se Regi ejusque posteris Ziemomislaò, iis legibus, quibus Vasalli,

Vasalli, quos vocant, solent obstringi. Exciti tum denique Regis clementia Germani quamplurimi migravere in Poloniam, quorum posteritas etiamnum subiectos Carpatho monti colles (quos *Podgorze* vulgo vocamus) colit. Atque ab ista in Germanos aliosque vilioris sortis homines benignitate, Casimirus patris Plebejorum vel rusticorum nomen accepit. Dignū sanè quod alii Principes ambiant similiter, iis præcipuè majestatis suæ præsidium commodando, quos paupertas potentiorum injuriis facit opportunos.

III. Post hæc felicitatis Casimirianæ cursus improspero cum Valachis prælio aliquantū interpellatus est. Mortuo istorum Palatino Stephano, cum certantium de principatu filiorum uni auxiliarentur Poloni, miro ab adversa parte stratagemate circumventi sunt. Inciderant scilicet Valachi in sylva, per quam eundum erat, ultra medium arborum plurimas. Hinc cum, subeuntibus Polonis, quæ in ora essent positæ, à doli structoribus impellerentur, aliæ mox post alias ruina proximarum provolutæ, magnam partem exercitus obtriverunt. Reliqui seu saucii

faucii seu attoniti inopinâ clade, capiebantur; paucissimi effugere. Ne sola hæc esset calamitas, immanis mox pestilentia per Poloniam sequuta est. Accessitque etiam annonæ sævitia: Quam tamen utcunque solatus est Casimirus, apertis horreis, quæ priorum annorum ubertas, quasi in futuros usûs locupletissimè instruxerat. Frumentum petentibus, si ære destituerentur, opera in muniendis arcibus injungebatur. Ditiorum pecuniæ thesaurum Regium augebant. Cujus opibus Casimirus anno sequenti, nuptias cognatæ suæ splendidissimas paravit, quam Boguslao Pomeraniæ duce genitam Carolus IV. Impèrator, parariò Pontifice, in matrimonium accipiebat, Adfuere nuptiarum solennibus Ludovicus Ungarorum, ^{Voldemarus} Sigismundus Danorum, item Petrus Cypriorum Rex, cum principibus aliis non paucis. Nihil ibi ad magnificentiam vel luxum omissum. Sed Regiâ opulentia diu non sine admiratione excepti hospites, magis mox ad privati hominis divitias stupuerunt. Gerebat Cracoviæ Consulatam Veringus quidam, gente Germanus, caritate apud Principem præcipuus.

cipuus: Is cum precibus & gratiâ apud
hospites Regios exambisset, ut domi ipsi-
us epulari vellent, parentes illos non cu-
ratissimis tantum dapibus excipit, sed
muneribus etiam ingentibus prosequitur:
gestiente Casimiro, cujus gloriâ milita-
bat subditi sui opulentiâ, pace Domini in
tantum aucta. Casimirus verò istiusmodi
amicitiis firmatus, majore in dies & am-
bitu prensabatur à vicinis. & terrore su-
spiciebatur ab hostibus. Nam & Belzen-
sium dux ante infestus semper Polonorum
Principibus, supplex huic fieri sustinuit,
quò dignitatem & ditionem retineret:
& in Borussiam venienti Crucigeri cun-
cta venerantium officia exhibuere. Sed
illum paulò post inter fortunæ obsequia
luxuriantem repentina nec simplex mors
abstulit. Inter venandum enim dum in-
cautius cervum insectatur, equò forte
prolapsò, solo affligitur, casu ob corporis
obesitatem lethali, cum æger præsertim
gulæ plus, quàm medicorum præceptis
daret. Antequam extingueretur, condi-
to testamento largiter multa Ecclesiis do-
navit; Princeps, si libidine excipias, in
I quas

quas fuit effusior, domi magnus, foris fortunâ quàm virtute melior.

CAP. XX.

LUDOVICUS UNGARUS.

AB ANNO CIOCCCLXX.

AD ANN. CIOCCCLXXXII.

Piaſti poſteris deficientibus Ludovicus Ungarus ſuccedit. non a quo Polonorum aſſectus. Majores Poloni deficiunt. Mater regia Polonicæ adminiſtrationem deſerit, recipitque. Lithuani vincuntur; & Ruſſi rebelles.

IN Caſimiro defecit tandem illa Piaſti progenies, quæ, tot ſeculis, ordine vix unquam interrupto, Poloniæ clavum rexit. Inde Regnum ad Ludovicum Ungarum devênit, quem à Carolo genitum Caſimirus pridem ſucceſſorem ſibi deſtinaverat. Erat in Ungaria Ludovicus, cum nuncium de morte avunculi acciperet: cunctabaturque etiam venire ad Polonos, dubius de horum erga ſe animis, nec ignarus difficultatum, quibus duplicis illa regni adminiſtratio foret obnoxia. Venit tamen tandem, ab Ungaris præcipuè ſuis

suis perſuaſus. Cum regni ſolemnia accepiſſet, prima illi curarum fuit, avunculo iuſta perſolvere. In quibus cum penitus voluntates Procerum introſpexiſſet, cognovit, deſſeri deſunctū ob id vehemētius, quod ſine maſcula prole obiſſet. Quod ille in diminutionē ſui accipiens, ſimul veritus, ne aliqua filiarum Caſimiri, ſtudio populari accincta, occaſionem novis rebus præberet, projectas in Hungariam illas, nothas adeoque incapaces hæreditatis paternæ proclamari juſſit. Paulò poſt ipſe in Ungariam redit, relictâ penes matrem Elizabetham, Polonia administratione. Prole & ipſe maſculâ carebat; filias habebat duas: Alteram Sigismundus Caſaris filius duxerat, alteram ſceptro Polonico deſtinabat. Quam ad rem ut conſenſum Nobilitatis impetraret, libertates antè conſeſſas novo ſacramento ſancire atque etiam augere neceſſe habuit.

II. Compoſuiſſe ita ſibi utcumque res ſuas videbatur Ludovicus, cum Majoris Poloniae proceres quidam, externum deſignati Regem, Vladislaum Ducem Cujavienſem ex Vladislai Loſtici fratre ori-

undum, principem sibi constituunt. Is mente imbecillior & ditionibus suis præesse impotens, hisperditis, Divione in Burgundia, vitæ Monasticæ se dedicaverat. Inde reductus in Poloniâ, cum nihil non tentasset pro dominatu, tandem, nequicquam omnia experiuntibus fautoribus ejus, à Subinio aliisque Proceribus, qui pro Ludovico nitebantur, vincitur, missusque ad Regem ab illo Abbatia donatur. Quâ spretâ, cum Divionem, priscam otii sui sedem reverti vellet, in itinere morte præcoci intercipitur.

III. Mater interim Ludovici, motum Polonicorum, quibus par non erat, pertæsa, in Ungariam, ætatem illic transigendi animo, secesserat. Sed illa (ut facilè redit humano animo etiam fastiditæ potentiaæ cupido, nec facilè in æquo manent, qui in fastigio esse assuevère) mutato paulo post consilio ad relictam stationem remeavit. Reversam verò ut Proceres Poloni, ita varii mox hostiles motûs excepêrunt. Lithuani enim Duces quidam cum prædatore exercitu irruère, & intima Polonia scrutati depeculatique, magnam vim prædæ & hominum abduxe-

abduxerant. Inter Ungaros quoque & Polonos intestina gliscebant offensiones, subinde etiam in apertos tumultus exardescentes. Sed hi tamen utcumque auctoritate regiâ repressi sunt. In Lithuanos, & qui se his contra Polonos junxerant, Belzenses, bellum decretum est. Venitque ipse ob eam rem ex Ungariâ Ludovicus forti Ungarorum manu instructus. Quibus cum Polonici exercitus accessissent, fracti animo Lithuani, pacem implorarent. Nec Russi rebelles diu potentiam Regis sustinuere. Chelma cum aliis vicinis oppidis intra octavum diem se dedit. Quam post & Belzum sequutum est.

IV. Cæterum peragranti victoriis Russiam Ludovico arrisit terræ illius genius, & feracissima frugum ubertas. Unde Ungariæ eam adicere agitans, Ungaros ei præfectos imponit, & ut omnia isthic sibi obnoxia haberet, Archiepiscopatum Haliciæ (quam olim tenuerant Ungari) instituit. Qui postea Leopoliâ translatus, penes eam urbem hodieque manet. Non effugit tum Ludovicus suspicax populi silentium, & voces quorundam liberiores. Imò & universum ordi-

nem equestrem in Comitibus tumultu quodam, duce Granovio, adversus praesens regimen insurrexisse, ac Senatorum nonnullorum, quos libertati publica indignatio subito immolaverat, cadaveribus Regem terruisse, fama tenet, quanquam nullâ annalium, quos viderim, fide nixa. Id equidem omnium autorum consensu certum est, ingens tum odium Polonorum in Ungaros fuisse: & asperavit id Vladislaus, Opoliensium Princeps, qui creatus à Rege Russiae gubernator, Ducis Russorum titulum sumpserat. Eidem & Poloniae administrationem detulit postea Ludovicus, cum, matre in Ungariam tandem serio reversâ, licentia passim nullis coercita legibus valesceret, & ordines Ludovicum subinde ad se vocarent. Verum missum, quem diximus, vicarium, Proceres respuerunt: indictisque postea Budae Comitibus, cura Reipublicae tribus Senatoribus commissa est. Hi erant Zavissa Cracoviensis Antistes, Dobeslaus Castellanus Cracoviensis Zavissae frater, Sendivojus Szubinius Calissiensis Palatinus. Ipse Ludovicus, cum languidum se ætate & morbis insuper fatigari sentiret.

Comitiis

Comitiis in Scepusio habitis, generum suum Sigismundum Marchionem Brandeburgicum sibi successorem adsciscit. Nec multò post extinguitur. Vir benigni satis ingenii, atque in eruditos perliberalis, imprimis astrologos. Inter cetera morum hoc quoque habuit, quod identidem dissimulato habitu vicos & oppida perlustrabat, inquirens in magistratuum vitam, simul & suam, quò, si quid reprehenderent judicare periti, corrigeret, sin placuisset, famam sui frueretur. Eodem quo Ludovicus, tempore, Ordinis Teutonici in Prussia magister Vinricus Cniperodius vitam excessit, anno potentie trigesimo primo: Vir magni inter suos nominis, quia & Lithuanos aliosque infideles feliciter profligavit, & prudente rectoque regimine potentiam ordinis in id fastigium extulit, ultra quod postea progredi nequii, instante jam illo flexu fortunæ, quo ad summa proVecti, citius descendere coguntur, quàm ante adscenderant.

AB ANNO CIOCCCLXXXII.

AD ANN. CIOCCCLXXXVI.

Sigismundus Marchio successione regni exclusus. Ziemovius Masovius electus à Regina repudiatur. Iagello Lithuanus & Vilielmus Austriacus de sponsa certant.

DEstitutum iterum rectore regnum, multorum mox Principum vota ac studia in se arrexit. Proximus ei videbatur Sigismundus Marchio, vivo etiam nū Ludovico successor destinatus. Sed is negato per fastum Polonis ad epulas suas aditu, & quod Demaratum majoris Poloniae praefectū nobilitati invisum impensius foveret, odia plurimorum incurrebat. Hinc coeprum à Polonis deliberari, an darent imperium, quod habere jam ille sibi videbatur. Comitibus Radomiae indictis concluditur, ut Ludovici quidem filiae haberetur ratio, sed cujus maritus nulli alii regno implicitus, solis Polonis imperaturus esset, quā sententiā non obscurè excludebatur Sigismundus, Ungarico quoque sceptro inhians. Ulo deinde nescio qua ex causa in Ungariam profecto, voluntates procerum quorundam

rundam in Ziemovitum Masovia Ducem
vertère, hæc lege, ut Hedvigin, alteram
Ludovici filiam duceret. Nec cunctatus
ille ad tam optabilem conditionem se
Regē venditare cœptabat. Sed aspernata
generū hunc Elizabetha, Hedwigis ma-
ter, filiam mittere negabat in conjugii
talis conditionem, quin pro filiâ manum
ingentem mittit in Poloniam, qui cona-
tus Ziemoviti retunderent. Victo illo,
cunctabatur tamen etiamnum Elizabetha
mittere Hedvigin unicè expetitam Polo-
nis, varios jam illi maritos circumspici-
entibus. Tandem hæc Sendivoi Szubi-
nii industriâ facundiâque à matre exora-
ta in Poloniam venit, comitata Demetrio
Cardinali, & Antistite Strigoniense, ali-
isque Ungarorum Primoribus, & paulò
post à Bozenta Archiepiscopo Gnesnense
diademate Regio evincitur. Multum de-
lectabantur Poloni Reginae decentissimis
moribus, quibus species quoque corporis
multum gratiæ addebat. Quo intentius
vestigare cœperunt dignum tali puellæ
conjugem. Et pridem illi oculos adjece-
rat Vilhelmus Austriacus, simul olim cum
ipsâ, & quodammodo in spem talis con-
jugii,

jugii, in aulâ Ludovicî (qui puellæ pater) educatus. Sed ille diu amiciorem virginem, quàm Polonos expertus est. Et denique spem ipsius, quâ adhuc se sustentaverat, Iagello Lithuanîæ Princeps omnem intervertit. Petebat hic Hedvigî in matrimonium, se & Lithuaniam ad Christiana sacra, & hanc simul ad societatem Reipublicæ Polonicæ offerens. Nec displicebat Polonis tali cum fortunâ Regni sui proculus, sed expectabatur adhuc matris Reginæ consensus. Quem cum impetrassent, expugnabant suasionibus Hedwigis quoque animum, pertinaciùs Austriaco hærentem. Qui amore vecors, & puellaris benevolentia fiduciâ Cracoviam venerat. Sed arce prohibitus, cum adversos Polonorum animos cognovisset, quibus & Hedvigis tandem affectum suum gratificatura videbatur, salutatâ in cœnobio Franciscano puellâ, voto irritus abiit. Adeò scilicet, quicquid etiam contra niterentur humana destinata, impediri non poterat divini voluntas consilii, quod in his Hedvigis nuptiis, aliud novum Lithuanîæ cum Poloniâ conjugium moliebatur.

LIBER III.

FLORI
POLONICI

LIBER III.

CAP. I.

VLADISLAUS JAGELLO.

AB ANNO cIcccclxxxvi.

AD ANN. cIccccxxxiv.

Jagello Baptismum & coronam suscipit. Lithuanos ad Christianismum convertit. Ejus cum conjuge dissidium. cum Vitoldo & Skirgellone fratribus. Academia Cracoviensis instituitur. Bellum cum Cruciferis. de iis victoria insignis. Borussiae urbium mutata subinde dominatio. Bohemicum regnum Jagello repudiat. Vitoldo ferme Polonicum cedit, & Suidrigelloni Lithuaniam facilitate haud cordata pacatis Cruciferis Rex moritur.

VENIENS in Poloniam Jagello, primo omnium Gentilismum ejurat, & cum nova religione novum Vladislai nomen suscipit. Inde celebratis cum Hedwige nuptiarum solennibus, Regio diademate à Bozenta Antistite consecratur.

Mox compositis rebus per Poloniam, majorem in primis, quæ procerum quorundam culpâ tum discors agebat, in Lithuaniam proficiscitur: ibique sacerdotis magis, quàm Principis munere functus, Lithuanos suos gentili adhuc impietate imbutos, ad sacra meliora manu ducit, ipse (cum adducti e Polonia Episcopi linguæ rudes essent) prima fidei rudimenta illis præiens. Sic per annum repurgata ab Ethnicâ superstitione illa regio est. Si quæ supererant emendanda, Episcoporum ibi manentium industriâ relinquebantur. Abiens inde fratrem Skirgellonem summæ rerum in Lithuaniam præficit. quæ res Vitoldum patruelem, gravi amulatione accendit, quærentemque, ubi odium suum tutius atque efficacius effunderet, primum in Masoviam ad cognatos, mox in Prussiam ad Cruciferos egit. Eo intellecto, Rex Nicolaus Moscorovium Regni Procancellarium cum manu militari in Lithuaniam mittit, componendæ, si posset, cognatorum discordiæ, sin minus, pro securitate saltem Reipublicæ excubiturum. Interim Regi ipsi domesticum cum conjuge suâ

suū natum dissidium est, illudque tam acre, ut in divortium penē eruperit. Ei fomitem dedēre quidam pudicitæ Reginæ obtrectatores, probrosam illi cum Vilhelmo Austriaco, proco olim suo, consuetudinem objectantes. Sed innocentiæ Reginæ ipsa juramento primum, mox delator publicā ac solenni mendacii professione vindicavit. Quod pœnæ genus apud Polonos hodieque inter probrosum habetur.

II. His domi compositis Rex in Vitoldum vertit, Cruciferorum fiducia apertè jam hostilia molientem. Is Grodni obsessus, clam aliquā effugerat, & variis inde cladibus ope Teutonicā Lithuanos afficiebat. Donec illum Rex reconciliaret sibi, & Lithuanis denique præfectum imponeret. Motus loco Skirgello, non mitius amissā dignitate, quàm nuper Vitoldus non impetratā infremuit. Ejusque itidem odiis Cruciferi ad Lithuaniam perniciem usi, hanc infestā denuò manu invadunt. Deliberantem de sumendā in illos vindictā Regem multa attinuere. Inprimis Poloni ipsi haud tenerè lacessendam rati gentem, magnam Germaniæ partem

partem secum in arma tracturam. Rex quoque ipse cum Duce Opoliensium prius experiendum sibi arbitrabatur, pridem multarum in Polonos injuriarum reo. Sed cum hoc, oppidis quibusdam captis, in gratiam mox rediit. Secuta paulò post Reginae mors domestico eoque gravissimo vulnere Regem perculit. Præclara fuit hac virtute foemina, dum viveret, sed moriens quoque auxit gloriam. Multa in pauperum usûs legavit, plurima in Academiam, quam à Casimiro inchoatam, absolvi, inter ultima vota habuit. Rei dignitas & conjugis morientis desiderium moverunt Regem, ne omitteret piissimam curam aut differret. Duas ergo in *Acad.* Musarum sedem, domos, Cracoviae *Cracov.* extruit, & Pragâ varios evocat doctores, qui juventutem bonis artibus erudirent.

Togatis autem his curis intento, non desinebant alibi ferrum ostentare Cruciferi. Qui domi forisque jam superbi, non amplius fratres, ut antehac, sed Domini Crucis, vulgò *Creusherren* (id enim vocabulum hoc demum tempore, Ulrico Zölnero Ordinis magistro, eoque frustra repugnante fastui suorum, innotuit) appellari

pellari voluere: graviores indies suis, & vicinis magis magisque insultantes. Eos tamen Rex insita lenitate adhuc etiam tulit, saepeque ab illis ad colloquium invitatus falsa sibi specie pacis illudi passus est. Tandem cum Samogitiam olim ereptam Lithuanis, & vix demum per Vitoldum recuperatam contumacius repeterent, ac legatis Regis superbe appellatis, Dobrinensem vicinasque terras lacefferent, bellum in illos decernitur. Nequicquam ad amicam compositionem offerente se Bohemorum Rege, aut ad eam invitato Ungaro: quorum ille stolidus judicio, & affectu palam iniquus in Polonos: hic accepta à Cruciferis pecunia Vladislai amicum se simulans, per occulta & magis fida inclinabat in corruptores.

III. Nullum in bellum hætenus consideratius aut mole majori descenderant Poloni. Primum missis in omnes partes regis literis (quæ quod resti obligatæ circumferrentur, restium nomen etiamnum retinent,) velut communi classico cuncta nobilitas convocabatur. Domi curam rerum Antistiti Gnesnensi Rex committebat,

tebat, belli regimen cum Zindramo Mascoyicio, Ensifero Cracoviensi partiebatur. Ingresso dein castra Vladislao, primò omnium disciplinæ militaris instauratio curâ fuit. Meritò sane, & ad maximorum Imperatorum exemplum, qui nunquam felicem bellorum speravêre exitum, nisi inde fecissent initium. Scilicet, quod in corpore anima, in navi clavus, id in militiâ disciplina est: vinculum, quò & intra obsequii fines continetur militum ferocia, & magnæ exercituum moles ad subita necessitatum dexterimè circumaguntur. Sed tunc, dum in prædatores ultor gladius stringeretur, comprehensi inter alios duo Lithuani sunt, qui sacramenti, ut vocant, ædiculam abstulerant. Illi patrio ritu crucem sibi erigere jussi, & suis se manib9 suspendere, parvêre alacres, & quasi sæviùs aliquid à principe expectarent, & mors talis beneficium esset, moras suas mutuò castigantes. Ante prælium Rex humi stratus in preces se effudit, quibus& innocentiam suam testabatur, & pervicaciam hostium, pacis omnes conditiones aspernantem. Nam & paulò ante prælium, arrogans.

Ulad: Jagoda, 1306, - 1434.

LIBER III.

137

arrogans Ordinis magister Conradus à
Tungingen duos enses sanguine imbutos
Regi miserat, testandæ pugnandi, sangui-
nisque fundendi libidini. Rex oblatos
gladios ut omina victoriæ secuturæ accep-
pit, quia victoribus victi arma sua trade-
re soleant. Exin dato Lithuanis, qui
Vitoldo parebant, dextro cornu, Polonis
sinistro, canere signa cœpère. Concurri-
tur utrinque magnâ vi, ambiguâ fere per
horam fortunâ, donec dextrum Polonæ
aciei cornu laborare cœpit, in quo Lith-
vani cum Russis Tartariisque erant. Hi
primò cedentes, telis tamen subinde fati-
gabant insequutos, mox penitus effusi in
fugam, magnam hostium partem abstra-
hunt à reliquo exercitu. Soli Smolenscii
dextro cornu se adjungebant, quod Po-
loni fortunâ sociorum nihil territi stre-
nuè tuebantur. Venerat autem forte in
hostium manus signum, quod Martinus
Vrocimovicius, Aquilifer Cracoviensis
gestabat. Id ut recuperarent connisi Po-
loni, omnem aciei fortunam convertunt.
Inclinare hostes cœpère, moxque acrius
instante Polonorum exercitu, in fugam a-
guntur cædunturque. Nec sistere laban-
tem

tem aciem poterant, qui Lithuanos insequuti, fessi & sine ordine redibant. Ita illo die Poloni magnâ & memorabili victoriâ potiti sunt. Centum & quadraginta millia à Cruciferis in aciem deducta, & ex iis quinquaginta desiderata, perhibent idonei authores. Periit ibi ipse Ordinis Magister, debito superbiæ exitio; periêre simul potiora Cruciferorum capita. Inter Captivos, quorû quatuordecim millia fuisse memorant, eminuêre duo duces, Silesius unus, alter Pomoranus, Venceslaus item Burggravius de *Dohna*.

IV. Victoriâ hanc, quam inter *Grunwaldum* & *Tannebergam* congressi Poloni obtinuêre, sequuta est præcipuarum Borussiarum urbium deditio. Debellatumque fortè tum fuerat, nî una arx Mariæburgensis ingenio situs & arte firmior, victoribus se opposuisset. Cujus præses Plavenius ad Regem admissus meditatâ oratione veniâ Cruciferorum nomine petit, Borussia ut Magistris suis relinquatur, quam à Barbaris suo sanguine vindicassent, orans. Cum nihil profecisset,

set, indignabundus redit ad suos, eosdemque ad constantiam hortatur. Atque interim Livonum quoque Magister advenerat, sociis suis, si vi nequiret, dolo opitulaturus. Vitoldo per secretum colloquium Samogitiam ostentat, hæreditario jure possidendam, si Regias partes deseruisset. Mox permissu Regis in arcem admissus, memoratâ Vitoldi defectione obsessos animat. Tum senex etiam quidam Sacerdos imparem se ferendis obsidii ærumnis caussatus, arce egreditur, clam inter supellectilem triginta aureorum millia secum efferens, quibus passim novus miles conscriptus est. Accedebat sumor, venire Sigismundum Casarem Cruciferis auxilio, & jam finibus Poloniae imminere. Movere hæc regem, ut solutâ obsidione, relictoque in Borussia cum aliquâ manu Andrea Brochocio reditum pararet, multum reluctantibus, sed frustra, plerisque Procerum, atque imprimis Nicolao Tramba, Procancellario. Datus sic Cruciferis locus est respirandi, qui nec desuere sibi, collectisque undique viribus recuperare sua annitebantur; Nec, licet etiam post magnam illam cladem semel

mel iterumque infelicius pugnassent, fracti sunt. Gedanum denique, & mox Thorunium, sensimque reliquas urbes receperunt.

Nec vanæ fuerunt Cæsaris minæ paulò ante memoratæ. Misit enim Sciborium, Transylvaniæ principem, qui submontanam Poloniæ oram invasit. Conventu ergo cum Cruciferis habito, Rex in inducias primùm, mox & in perpetuæ pacis fœdus consensit, factum eâ lege, ut quisque habita antiquitus retineret, Samogitiam Vitoldus & Rex, dum viverent, Dobrinum verò Poloniæ Reges perpetuò possiderent. Paulò post etiam Sigismundus Cæsar, accurante Zavissio Nigro, in utrâque aulâ gratioſo, Vladislao reconciliatus, ab hoc insuper octoginta millia florenorum Pragensium mutuò accipit, datis in pignus Scepusii urbibus, quæ hodièque Polonis subsunt.

+ V. Verùm pax cum Cruciferis non diu rata mansit. Hi enim coniecto in carcerem Plavenio, quasi Polonis plusculum dedito, & Regis, nescio, quas in se machinationes caussati, expilationibus mox mercatorum, prædisque per Dobrinensem

sem terram actis, necessitatem fecere Regi arma in ipsos resumendi. Cum bel-
lum aliquandiu tractum veriùs, quàm ge-
stum esset, persuasit Regi Pontificis lega-
tus, ut causam cum Cruciferis suam Con-
cilio, quod tum Constantiæ, sectæ Hus-
ticæ causa, habebatur, disceptandam sub-
mitteret. Paruit Rex, veneruntque ad
componendum negotium à Pontifice le-
gati. Sed ii iniquo in Polonos iudicio
suspicionem incurrere acceptæ à Crucife-
ris pecuniæ. Æquiora pollicebatur vo-
catus ad arbitrium ejusdem causæ Sigis-
mundus Cæsar. At ne is quidem con-
troversiam finire potuit; inducias tamen
duum annorum Polonis, subinde adhuc
ad arma provocantibus, persuasit. Sub i-
dem tempus magnum aliquid Vladislao
fortuna videbatur parare. Bohemi enim
ob religionem Sigismundo Cæsari discor-
des, regnum nostro oblatum ibant. Am-
biguo primum responso dimissos, cum
redirent, officii in Dominum suum Rex
admonuit, negans insuper, cordi sibi esse
offendere Cæsarem, ut hæreticis impe-
raret.

VI. Vix à bellis Borullicis aliquantum requieverat Rex, cum novis illuminationibus primùm patruelis, mox frater fatigare cœpère. Vitoldum patruelem, super insitam animo ambitionem, Cæsar, regium illi diadema pollicitus, in Regem stimulabat. Nec Cruciferi decrant impellere dubitantem, opemq; promittere. Et ex Polonis quoque pauci consiliis Vitoldi primùm reclamavère, mox publica authoritate missi sunt, qui regnum illi deferrent. Gravissimis negotiis semper à Rege adhibitus Vitoldus, & ipse magnus omnium, quæ ageret, callidusque ostentator, munificus simul in Proceres, magnam animis plerorumque reverentiam sui injecerat. Ita data Vitoldo à Rege ætate decrepito authoritas, suam Regi destruebat, notabili Principibus documento, Neminem, ut eò loci evechant, unde; qui evehitur, despiciere evehentiis fastigium possit. Sed Rex porrò tam mitis facilisque fuit, ut sceptrum Vitoldo deferri non abnueret. Nec ulla jam mora erat, nisi in Vitoldo, qui seir fato prohibitus, seu aperti facinoris invidiam metuens, non decorum modestiæ suæ fo-

re respondit, Regem patrualem solio de-
turbare. Dimissis ita legatis nihilò ta-
men pacatiùs egit, plane ut composito ad
speciem pudore, magis suppressa, quam
penitùs edomita in illo ambitio videre-
tur. Nam non multò post, quasi pœni-
tens prioris modestiæ, prompsit malè so-
pitum desiderium, Regique in Lithuani-
nam blandiciis evocato persuadere co-
natus est, ut regni honorem sibi permit-
teret. Sed Rex interim, stabilitò sibi per
data privilegia plurima regnò, id quoq;
impetraverat, ut filiorum alter patri suc-
cessor destinaretur. Et tum in Lithuani-
am cum Rege iverant, curantibus Polo-
nis, Proceres quidam; ac inter alios Sbi-
gneus Olesnicius, Cracoviensis Præsul,
præcipuus semper consiliorum Vitoldi
impugnator. Hi facilitatem Regis custo-
divère, nimis alioqui fraudi alienæ op-
portunam. Sed & brevi insequuta Vitol-
di mors omnia ambitionis consilia ab-
rupit.

VII. Defuncto Vitoldo, Lithuaniam
Suidrigello frater Regis sibi vendicabat.
Nec contentus hac, Podoliam quoque si-
bi voluit adjungi, potitusque erat voti à
fratre

fratre nimium suis dedito, tumque etiam
libertatis experte negandi. Capto enim
similis in Lithuania detinebatur. Moniti
ea de re à comitibus Regiis Poloni, habi-
tis Comitibus, per legatos Suidrigellonem
hortantur, ut Podoliam redderet, & Lith-
vaniam etiam prius peteret, quam occu-
paret. Ferox ille ad hæc, missumque post
alterum legatum, fas gentium non mo-
ratus, violat. Mox & cum bellum immi-
nere sibi à Polonis sentiret, quò par esset
tanto hosti, Cruciferorum se fœdere suc-
cingit. Ubi ad vim ventum est, fusus
profligatusque aliquoties est, nec adhuc
tamen remittebat spiritus, donec tandem
Lithuanis quoque crudelitate factus in-
visus, principatu dejicitur, surrogato in
ejus locum Sigismundo Vitoldi fratre;
qui beneficio hoc Regi ac Reipublicæ in-
nexus, faciliè in leges ab illis præscriptas
consensit. Omnia pro recuperando do-
minatu tentabat Suidrigello, sed frustra;
excubantibus pro Sigismundo Polonis,
ut beneficium suum tuerentur. Cum Cru-
ciferis dein, post leves utrinque habitas
velitationes, induciæ in annos duodecim
pactæ sunt. Composito ita regno, corre-
ptus

ptus febre Vladislaus moritur cum XLVIII annos regnasset. Princeps mitissimi ingenii & liberalitatis penè profusæ, religionis verò studio ita ardens, ut adolescentiæ gentili impietate transactæ errores tanto majori post pietate jure credatur expiassè.

C A P II.

VLADISLAUS III.

AB ANNO CI^oCCCCXXXIV.

AD ANN. CI^oCCCCXLV.

Vladislai, patre moriente, pueritia ut impar regno à multis rejecta, à potioribus ad regnum consecratur. Illius fratrem Bohemi Regem eligunt, sed frustra. Tatarorum incursio. Vlodeci constantia in dolore vulneris. Vladislaus ab Ungaris Rex creatur. cum Turcis pugna felices. & mox induciæ. quas Vladislaus rumpens, pœnas suâ & Christianorum strage luit.

FAtis concedente Vladislao, major natu filius, patri cognominis, nonum vix annum excefferat. Nec dubitavèrem tamen majoris Poloniæ ordines, puero regnum decernere. Cæteros seu atas Vla-

dislai, seu quod alteri his insciis Regem creaverant, æmulatio ipsa stimulavit, ut contradicerent acrius. Sed hi rationibus tandem & numero victi conquevisse videbantur, resque in eo erat, ut diadema Vladislao imponeretur, cum denuò in Comitibus ipsis coorti, cœptæ Regis inaugurationi intercedere cœperunt. Gravescenti deinde dissidio regni Mareschalcus Johannes Olefnicus finem imposuit, iussit, qui pro Vladislao nitebantur, ad dextram concedere, reliquos ad sinistrâ. Dextram elegere plerique etiam ex turbidis: ceteri sociorum discessione desolati, vel sponte cedebant, vel paucitate suâ contemnebantur. Ita Regia quidem insignia Vladislao tum delata, juramenti tamen ætatis teneritudini gratia facta est: spondentibus Sophia matre & proterum nonnullis, juraturum, simul ut per ætatem capessendo Imperio foret idoneus. Nam tum quidem species nomenque Principatûs penes Vladislaum, vis apud Satrapas erat, qui singuli singulis Palatinatibus præfecti, provisorum nomine, publica Regni negotia tractabant. Sed hæc dignitas adultiore paulò Rege exolevit.

vīt, contumacibus Polonis ad imperia e-
orum, quos nil superiores cæteris fors na-
scendi fecisset.

II. Primò omnium auspiciis Vladi-
slai adhuc adolescentis sedata lis est, quæ
inter sacerdotes & Ordinem equestrem
diu agitata, tum vehementius exarserat.
Inde publicæ etiam securitati consultum,
pacto fœdere cum Cruciferis, perpetuò
adhuc hætenus Poloniæ infestis. Cæte-
rùm pax ista civiles mox Prussis discor-
dias, Ordini ingens periculum, prope &
exitium attraxit. Civitates utique in ita
cum Nobilibus societate, seu ut vulgò ap-
pellari solet, Unione, superba dominan-
tium imperia refrænare cœpère. Inde
exacerbatis magis magisque animis, ad
illam tandem secessionem deventum est,
quæ bona Prussiæ pars, excusso Crucife-
rorum jugo, Regis Poloniæ Casimiri III. *Prussie*
patrocinium & regimen amplexa est.

His pacatis, bello prope alii Regem
Bohemi involvère. Qui mortuo Sigis-
mundo, Rege suo, in partes secesserant,
aliis Casimirum Vladislai nostri fratrem,
aliis Albertum Aultriacum, quem gene-
rum & successorem sibi ut in Imperio, sic

in Bohemico Ungaricoque Regno Sigismundus voluerat, in Regem petentibus, Persuasere è Polonis quidam Casimiro, ut oblatum regnum acceptaret; ibantque assertum illud Sendivojus Ostrorogius, & Johannes Tencinius, ille Posnaniensis; hic Sendomiriensis, Palatini. Sed Albertus, Pragâ celeriter occupatâ, conatus æmuli sui prævertendo intervertit.

Sub idem tempus cum Tartaris quoque infelicitè pugnatum est. Qui Podoliam ingressi nobilitatem ad arma concitam, & loco iniquo deprehensam magnâ strage ceciderunt, duce ipso Bucacio interfecto. Inter cæsos jacuisse tum fertur Johannes Vlodecus vulnere invalidus, vivens tamen & tam inexpugnabili ad doloris sensum constantiâ, ut barbarus faucio digitum cum annulo auferret, vivere tamen ipsum non sentiret.

III. Negaverat fratri Regis Bohemiæ fortuna. Eadem in Regem ipsum tantò liberalior, Ungarico eum sceptro auxit. Orbem hoc erat rectore post mortem Alberti Imperatoris, terrebarumque circumsonantibus undique Turcarum armis. Sed qui regnum illud Vladislao delatum

latum ibant, non illico ut speraverant, promptum hunc repperere. Unius clavi tractatione didicerat jam, quàm arduum foret binos regendi onus. Nec ignorabat instare Turcam Ungaris, simulq; cum purpurâ sagum induendum fore. Versanti hæc secum, affertur, Elizabetham Reginam posthumum ex Alberto peperisse. Hoc magis cunctabatur. Tandem post longas deliberationes, legatorum precibus evictus itineri se accingit, ingressusque magno ac splendido comitatu Ungariam, Budam occupat. Interim verò alibi Ladislaum (hoc enim nomen posthumum illi inditum) ambitiosa pro filio quadrimestri mater, regio insigni curaverat redimiri. Quod audiens Vladislaus gravi sermone Ungaros alloquitur, invitis se ac discordibus imperaturum negans, nec videri velle alii præripuisse Regnum, cui in universum excusari maluerit. Jubet illos consulere sibi, se paratum redire ad suos. Magis etiam accendit hæc Regis moderatio studia procerum, qui vocandi ejus authores fuerant. Itaq; demonstratâ innocentia suâ, cui foemineus ambitus fraudi esse non debe-

at, persuadent Vladislao, ut detractum de calvaria S. Stephani diadema (quia alterum Regina præripuerat) imponi sibi pateretur. Lætis, ut ferme fit, ad nova imperia Ungaris, Rex ipse nunquam securè egit, superstitè æmulâ Elizabethâ, cum quâ magna Ungariæ pars in ipsum conspiraverat. Nec ab armis temperatum est, abutente illâ arcium quarundam præsidio ad laceßendum Regem : hoc, Hunniade ministro, & accitis è Polonia auxiliis aliquoties se non sine clade adversæ partis vindicante. Insignem his temporibus operam Regi navavit Nicolaus Lasocki, Cardinalis & Episcopus Vladislaviensis, qui Sclavoniam, Croati-
Sclavonia
Croatia
Dalmatia
sub Un-
garic
corona
restituta
 am, Dalmatiamq; in verba Vladislai ad-egit, & in sedandis Ungariæ motibus summâ industriâ ac dexteritate versatus est, vir magnus, & multis legationibus ad summos Principes, atque ad ipsum etiam Concilium Basileense, clarus. Cæterum in Ungaria pax tandem, interponente se simul legatō Pontificis Julianō, inter illos coitura videbatur, nisi subsequuta Elizabethæ mors continuandum negotiū reliquisset iis, qui Ladislai amorem præferentes,

ferentes, alendo dissidio, suum negotium agebant.

IV. Interim Amurates etiam, Turcarum Imperator, Ungarorum usus discordiis, Belogradum premere obsidione cœperat. Nec mitigatus legatione regis, tributum insuper imperare Ungaris audebat. Ita decretum in Turcas bellum. Ad quod Poloni quoque manus suas obtulerunt. Primum prælium ad Moravam flumen commissum est. In quo Turcæ ab Hunniade intempestâ nocte oppressi profligatique ad triginta hominum millia feruntur desiderasse. Sub hoc tempus Georgius Castriotus Epiri & Albania hæres, puer olim Amurathi à Patre Joanne obses datus, & tum post visa acerrimæ indolis specimina Scanderbegus, hoc est, Alexander Dominus appellatus, cum, patre mortuo, ditiones paternas nullis fortitudinis meritis ab Amurathe obtinere posset, dolo tandem Crojam munitissimâ majorum suorum sedem, & dein totam Epirum insigni successu recuperat, atque adversus universam Turcarum potentiam fraudesque virtute admirabili defendit, princeps robustissimi & juxta agilli-

mi corporis, animo ultra terræ suæ angustias longè emineñs, & maxima quæque pro re Christianâ gesturus, si pares animo vires & exercitûs habuisset, Sed ad Vladislaum redeo, qui ad Macedoniæ fines cum Carambejo, Asiæ præfecto congressus, ipsum Carambejum cepit, exercitumque ejus in montes compulit. Regi hæc victoria tanto gloriosior fuit, -quod non citra proprium ipsi sanguinem constiterat. Distulit sine morâ per orbem Christianum victorias istas fama; & mox undique confluebant à Principibus, ipsoque etiam Constantinopolitano Imperatore, Johanne Palæologo & Pontifice legati, qui fortunam Vladislao gratulati, ad similia eundem adhortarentur.

At sincerissimè omnium Poloni Regis sui Triumphis lætabantur, missisque legatis, qui gaudium testarentur, simul orabant, ut parceret in posterum se Remque publicam in casum dare: meminissetque tandem revisere aliquando Poloniam, malè jam pridem desiderium ipsius ferentem. Inter tot festas gratulantium voces venêre etiam ab Amurathe Oraiores, specie Carambeji redimendi, revera pacem

pacem petitori. Perterruerant enim Tyrannum concurrentium ad arma passim Christianorum Principum minæ. Sed tum tamen in pacem perpetuam conveniri non potuit: Induciæ decem annorum pactæ sunt.

V. Solutus Europæorum Principum metu Amurathes potentiam omnem suam in Carmanos, populum Asiaticum verterat, Quâ occasione erecti Veneti, Imperatorque ipse Constantinopolitanus, missis nunciis ad resumendum in Turcas bellum, Vladislaum hortantur. Aderat & à Pontifice legatus, qui religione datæ Amurathi fidei cunctantē solveret. Non diu tantis persuasionibus repugnavit Vladislaus, juvenili adhuc impetu calens, nec fortunæ mores edoctus, quæ adulatorix sæpius, quam verè amica, spe magnarum rerum illectos mortales, in exitium subinde præcipitat.

Contractis igitur undique, quos habebat, vel colligere raptim poterat, exercitibus medio Septembri, Segedino movet, Danubiumque trajicit. Nicopolin Bulgaria metropolim ingressus, Dracula Palatinus Moldaviæ Transalpinæ occurrit,

annisusque Regem à proposito demovere; cum obstinatum sentiret, IV. millia militum offert, Duce filio suo, gloriæ Regis militatura. Interim Amurathen quoque instantis ab Ungaris belli fama ex Asia revocaverat, octoginta millium exercitu, teste Iovio, instructum: ventumque erat utrinque ad Varnam oppidum, obscurum tum, hodiè clade Regis, simul & suâ nominatissimum. Ibi Hunniades, Rege ex ulcere cruris laborante, aciem instruit: datumque dextrum cornu Transalpinis, Juliano Pontificis legato, & Bobricio Polono equiti, viro fortissimo, & recenti tum facinore claro, quod paulò ante Petressi oppidi hostilis muros primus ascenderat. Sinistrum ipse sibi Hunniades sumpsit, Rege cum suis medium aciei occupante. Progressi sic ad II. millia passuum Regii hostem per tres horas præstolantur. Interim morâ torpescere animi cœperant, & coortâ etjam fortè tempestate signa turbine atque imbre raptari: Cum veniens tandem hostis in dextrum cornu Regii exercitûs invehitur. Nec id diu restitit, equis ad aspectum odoremque Camelorum territis, &

tis, & mox fugam stragemque latè spargentibus. Feliciùs partes suas Rex & Hunniades tuebantur, repulsoque hinc hoste, cum ad sublevandos alibi suos procurrissent, ibi quoque simili fortunà utebantur. Jamque fusus erat omnis penè Turcarum equitatus. Janizeri supererant, robur hostilis exercitùs, quibus & Amurathis ipsius præsentia animum addebat. In hos incautiùs inVectus Vladislaus fortunam priorum successuum omnem corripit. Quippe repente illic flos victoris exercitùs velut voragine absumptus perit. Ipse Vladislaus circumventus undique ab hostibus & mox equo suffosso delapsus, priusquam occumberet, magnam circa se stragem edidit, idem ut vitæ prodigus, ita mortis suæ vindex. Tali exitu perpetratum est prælium toto orbe decantatissimum, & tum cæsorù utrinque numero (nam Regionum ad IX. Turcarum XXX. millia cecidisse feruntur) tum principis laudatissimi cæde luctuosum. Ad quam, ut Christianus olim orbis ingenuit, ita moveri hodieq; Principes debent, ut servare fidem meminerint, cui-cunque data fuerit, etiam infideli.

CAP. III.

CASIMIRUS TERTIUS.

Casimirus Regnum recusat. Lithuani turbidi. Prusii se dedunt. Cum Cruciferis praelium adversum. bellum cum iisdem continuatum. libertas Rithuanii in censendo Rege. Pax cum Cruciferis. Nuncii nobilitatis instituti, qui quasi Tribuni. Bohemorum turba ob religionem & successorem regni. Cum Matthia Ungaria Rege bellum. Cruciferorum conatus sopiti. Bellum inter filios Casimiri de regno Ungarico.

A Pud Polonos dubia de morte Regis fama eligendi successoris consilia aliquandiu suspendit. Sed ubi Ungaros alium sibi Regem creasse intellexerant, frustra se quoque Vladislaum opperiri credidere. Itaque fratri hujus Casimiro, Lithuaniae tum Duci, regnum deferunt. At is pertinaci fastidio atque arrogantiam quâdam modestiam oblatum honorem diu respuit. Dum tandem versis in Boleslaum Masovium Procerum studiis, amula-

emulatione ad pœnitentiam motus, imputari sibi passus est regnum, quod nuper spreverat. Ac quas alias recusandi causas habuerit, in ambiguo est; à Lithuanis inprimis retentum esse opinio fuit, & satis postea odia horum ostendêre, postquam sceptrum ille susceperat, in apertum producta. Invitati aliquoties ad Comitia, vel negarunt venire, metum insidiarum causati; vel leges attulêre minus honoras Polonis. Corrigi fœdera volebant, olim sub Jagellone pacta; Podoliam præterea & Voliniam requirebāt, tanquam membra antiqua sui principatûs. Faciebat audaces occulta in illos Regis inclinatio: quæ contra apud Polonos isti non parùm invidiæ conflabat: adeò, ut aliquandiu velut in partibus essent Rex & Respublica. Donec tandem deposito à Rege jurejurando, quod multoties hætenus à Polonis flagitatum distulerat, placata nobilitas, quæ plura alia desideraverat, publicæ concordiæ remisit.

II. Conciliatis utcunque suorum animis, novo se mox fœdere Casimirus succinxit, ductâ in uxorem Alberti Imperatoris filiâ Elizabetâ. Ac vix dum nuptiarum

*Inf
fia
sub
Regē
redit*

ptiarum solennia peregerat, cum Prutenorum legati adveniunt, opem orantes adversus Cruciferos, quorum pleræque urbes jugum excusserant. Nec cunctatus diu Rex in fidem recipere populum antiquitus subjectum Poloniae, postquam secessisset, nullis haecenus armis ad obedientiam flexum. Missus igitur Regni Cancellarius, Johanues Conjeepolius cum aliis nonnullis, qui juramentum ab iis acciperent. Quod & veniente paulò post in Prussiam Rege ipso iteratum. Ubi vicissim illis Rex multa ad libertatem stipulatus est. E quibus hæc præcipua: ut pars Regni essent, liberos ad honores aditus haberent, suo jure, Culmensi seu quocunque alio vellent, uterentur, à teloniis portorisque immunes, nulli præfecto nisi indigenæ parituri. Privatim etiam Gedanensibus septingentarum, quas vocant, marcarum census remissus est, additumque iisdem pro bis mille aureis, quicquid emolumenti rediret ex moletriis urbanis, ex vicinioribus item agris, qui quod Vistulâ interluuntur inundanturque subinde, Insulae minoris nomen accepere. Imperatum vicissim, quotannis

his ut Regem advenientem omnemque comitatum Regium per quatrimum suū sumptu exciperent, pro arce, quam diruissent, Palatium Regi, granariumque intra urbem exstruerent.

Interim autem Cruciferi Bohemiæ Regem, mox & Pontificem Imperatoremque permoverant, ut mitterent legatos, qui repetundarum Polonos agerent. Sed hic cum in Poloniam venissent, lentas istic ad postulata sua reperere aures. Nec desisteat Rex missa in Prussiam militum manu Mariæburgum ac Stumam oppugnare, perseverantes tum usque in obsequio Cruciferorum urbes. Atque hi quoque satagentes rerum suarum, non spernendum jam per Germaniam Bohemiamque contraxerant exercitum, & catervatim subinde Choiniciā oppido effusi, lacebabant Polonos. Movit in illos jam serio magis Casimirus, præmissō eodem Nicolao Sarleio, Inovladislaviensi Palatino. Mox & intellectā hostium multitudinem prævalidā, ne impar omnino esset exercitus regius, cōpiæ quædam e Majori Poloniā subito in auxilium evocatæ sunt. Rudes illæ magnam partem belli,

belli, præferoces tamen & depeculandis
sociis inprimis licentiosæ. Has tales
cum Rex in aciem duxisset, improspere
pugnavit. Nam & castra ab hoste oc-
cupata, & ex Proceribus plurimi cæsi ca-
ptive. Ipse penè Rex in potestatem ho-
stis venerat, nisi illum cura proximorum
prælio subduxisset. Culpam infelicitis
pugnæ alii in Duces rejiciunt, qui mili-
tiæ inexperti plerique, nec præmisissent
pro more equitem rumpendæ hostium a-
ciei, sed & locum prælio delegissent ar-
ctiorem, quàm ut explicare se turmæ po-
tuerint. Sed hæc omnia ex contemptu
ferè hostis orta, quem ante prælium qui-
dam flagellis aurigarum fugaturos se ja-
ctaverant. Usque adeo nec in bello cui-
quam benè cedit arrogancia, & vel mi-
nimus hostis tum maximè contemnendus
esse desinit, cum contemnitur.

III. Cladis illius ignominiam ut abo-
leret, nihil non egit Casimirus. Primum
ne sumptus ad bellum deessent, constitu-
tum in Comitibus Petricoviensibus est, ut
Nobilitas universa dimidium annorum
censuum in publicum conferret. Eidem
oneri nec sacer ordo exemptus, & Rex
quoque

quoque ipse se ultro subjecit. Hoc tam insolente tributo mercenarius miles conscriptus, redemptumque Mariæburgum est, pretio dato militi hostili, qui id oppidum in dilata mercedis pignus à Dominis suis obtinuerant.

Exin aliquot annis continuò, & vix sumptis semel ad respirandum induciis, in Prussiâ pugnatum est, Marte perambiguo Eisdem subinde in iisdem ferè campis victos victoresque reperio; eadem loca amissa recuperataque. Choinicia sanè, Sueca, Meva, Morangum, Mariæburgum denique ipsum sæpè reciprocos hos belli æstus sensere. Thorunium, Gedanumque, quamvis à belli calamitatibus non immunes urbes, proditionibus quoque insuper tentarentur, magnâ fide & constantiâ Regias partes tutatæ sunt.

Sed bello huic non ita assiduo præsens incubuit Casimirus, quin Poloniam subinde viseret, & constituendis ibidem rebus Comitia haberet. Imprimis autem, quæ Anno cccccclix. Petricoviæ indixerat, clara ac memoranda extitere libertate Johannis Rithvanii Sendomiriensis Præfecti, qui ministrorum regiorum non coër-

coërcitam licentiam, monetam adulteratam, insolentiam vectigalium, effusio-
rem ejus in Lithuanos beneficentiam pro-
lixâ oratione Regi publicè exprobravit.
Is tamen auditus patienter est mirâ Regis
modestiâ; seu hanc ipsi inferuerat natu-
ra, seu ratio temporum svaserat. Minus
certè ei litare potuit Jacobus Sieninius,
Dobeslao Palatino Sendomiriensi, Sbi-
gnei Cardinalis fratre genitus. Qui nu-
per ad Pontificem summum legatus, &
ab eodem Episcopatu Cracoviensi præ-
fectus, præter cæteros, qui alii hanc di-
gnitatem delatam mallent, Casimirum
quoque ipsum tam adversum habuit, ut
in arcem Pinczoviensem & mox, immi-
nente ibi obsidione, in Melstinensem re-
ceptus, cum duobus Dlugossis clientibus,
ægerimè vim regiam effugerit. Horum
alter Johannes, Canonicus Cracovien-
sis, autor est historiæ patriæ, cujus pars
Venetis inscripta extat; reliquæ hacten-
us premuntur. Is verò post Regi re-
conciliatus, liberisque Regiis moderator
studiorum additus, postremò Archiepi-
scopatum Leopoliensem adepturus fue-
rat, nisi mors intervenisset.

IV. Prutheni belli diuturni malis fessi frustra diu pacem petebant, pertinacibus ad persequenda destinata non minus Polonis, quàm Cruciferis. Nec legatus Pontificis, qui arbitrium causæ sibi poposcerat, auditus est. Nimis inclinatus in Cruciferos videbatur, & Sieninii, de quo ante dictum. patrocínio odium Regis incurrerat. Tandem cum ad Osiecum, & mox ad Choiniciam fusi Cruciferi essent, magis seriò utrinque de pace cogitare cœptum est; Polonis etiam, licet aliquoties jam victoribus, fortuita reputantibus belli, nec continuanda arma ratis, cum decorè poni possent. Et interim alius à Pontifice legatus advenerat, minùs, quàm alter fuerat, obnoxius partibus. Hoc annitente bellum magnis odiis, eventu vario, tot annis gestum, Torunii in has leges compositum est: Rex Pomeraniam, Culmensensem & Michaloviensem terram, Mariæburgum porrò, Stumam, Elbingam cum sex pagis, qui ad arcem Hollandiæ pertinebāt, teneret. reliqua Cruciferis relinquerentur, eorumque Magister sub fide & Clie-

Polonia
en-
fe

entelâ Regis pro principe & Senatore Regni haberetur.

V. Sub id tempus cum de solvendis militi stipendiis ageretur, & Poloniæ minoris cives sine cæteris, qui aberant, sciscere quicquam nollent, constitutum, ut è singulis Palatinatibus legati ad comitia mitterentur, qui cum Rege de Reipublicæ negotiis civium suorum nomine deliberarent. Quod tum primùm fieri cœptum posterioribus temporibus ita inolevit, ut citra legatos ejusmodi (~~Nuncios~~ terrestres vulgò vocant) nulla comitia legitima habeantur. Similem fere hî potestatem habent cum Tribunis plebis, illis olim Romanæ libertatis acerrimis custodibus: qui postea, cum Roma, exutâ æqualitate, unius jussu Principis aspectaret, exolevere.

VI. Sed idem, qui pacem Prussicam conciliaverat, legatus Pontificis, Casimirum mox in Bohemorum Regem Georgium, tanquam Hussiticæ sectæ obnoxium, & ob id Pontifici invisum, stimulabat. Habebat & inter Bohemos suos Georgius multos sibi infensos: qui tum misere ad Casimirum Oratores, regnum ipsi

ipsi vel alterutri ex filiis offerentes. Cunctante Casimiro, Matthias Ungarorum Rex, gener Georgii, regnum ejus ultrò appetit, susceptusque est à non paucis pridem ipsi addictis. Quæ res Georgium permovit, ut missis legatis Vladislaum Casimiri filium successorem sibi destinaret, promissa etiam illi in uxorem filia Ludmilâ. Diu à Polonis seu dubitatione, seu neglectu suspensum responsum est; seròque vix demum missi legati, qui, ut vivus Georgius filio Regio cederet regnum, postularent. Sed hic interim cunctatione, mox & responso Polonorum offensus, vel potius necessitate ita jubente, in Matthiam factus erat propensior, quod ab isto & propior vis immineret, & beneficium accepisset, restituto in libertatem filio suo Victorino; promissum denique haberet retinendi regni, dum viveret, certo interim successionis mansuro Matthiâ.

Paulò post secuta Georgii mors agitatam ab ipso tot annis necdùm finitam de successore curam solis Bohemis reliquit. Qui primùm quidem in partes abiêre, plerisque filium Casimiri Vladislaum, Matthi-

Filius
Casimiri
in fili
Rex
Bohe-
miae.
Alles
capit
et im
pe.
ff.

Matthiam aliis, non paucis Casarem,
 quibusdam denique extincti filium, præ-
 ferentibus. Sed prævaluit illa pars quæ
 Vladislaum elegerat. Qui & properè ac-
 citus, non sine valido comitatu in Bohe-
 miam venit, ac jurejurando præstito si-
 mul acceptoque, regni possessionem adi-
 it, non impediante Matthiâ, qui, coortis
 in Ungariâ seditionibus, proprio de re-
 gno periclitabatur. Nam præcipui Un-
 garorum pridem illi occultè infesti, & à
 Bohemis contemptum apertius jam sper-
 nentes, missis legatis alterum Casimiri fi-
 lium patri cognominem, ad regnum vo-
 cabant. Minus jam quàm nuper cun-
 ctatus Rex mittit filium, sed improspere
 eventu. Vix enim venerat in Ungari-
 am Casimirus, cum admoto properè à
 Matthiâ, cui impar esset, exercitu, ad su-
 bita fugæ consilia coactus est: secuturus-
 que æmulum tum statim ad Poloniæ oras
 videbatur Matthias, nisi iratum pater Ca-
 simirus, missis qui se interponerent, lega-
 tis, mitigasset. Nihilominus ille postea
 injuriæ memor, captatō tempore, subje-
 ctam Carpathiis montibus Poloniam
 (submontanam vocant) depredando,
 vindictæ

vindicta litavit. Nec hic quidem stetit indignatio. Saganensium Ducem in Polonos concitat, ut Fraustadium finitimū Silesiæ oppidum, invaderet, latèque circumjecta popularetur. Denique etiam in apertum bellum erupit, misso in Vladislaum Bohemiæ Regem exercitu, qui Poloniam simul infestaret. Ivère in illum Pater & filius, ille Polonos, hic Bohemos suos defensurus, extractumque quidem longo sat tempore bellum est, majore tamen fragore, quàm partium damno detonuit. Tandem postquam utrinque populationibus & prælio uno, Ingaro quam Polonis feliciore, exfatiata diu essent, in pacem his legibus descendit: ut Matthias Regis Bohemiæ titulum usurparet; Bohemiæ autem ipsius administratio penes Vladislaum Casimiri filium, Silesia & Lusatia penes Matthiam, am viveret, maneret.

VII. Eadem pactione sopiti sunt mores, qui nuper in Prussia, machinatores eodem Matthiæ, coorti erant. Conciaverat enim is occultè Cruciferorum magistrum ad excutiendum Polonorum regnum. Qui venire aliquoties ad regni comi-

comitia aspernatus, tandem arma etiam
sumere in Casimirum coëptaverat, jun-
gente se illi Nicolao Tungeno, qui Var-
mieni olim episcopatu dejectus, eundem
invito sibi rege vindicatum ibat. Sed hi
misso à Rege exercitu coërciti, mox vim
majorem experturi fuerant, nisi Matthi-
as illos pactionibus suis comprehendi
voluisset.

*Mulda-
vi de Po-
loni-
a* Sub idem tempus Muldavi à Rege, ipso
imperii initio, in fidem suscepti, & ex eo
tempore strenuè se subinde adversum
Turcarum vires tutati, jusjurandum ite-
rant, Stephano tum illis imperante. I-
ctum quoque tum foedus cum Bajazete
Turcarum Imperatore, operâ imprimis
Nicolai Firlei, qui postea Castellanus Cra-
coviensis factus, supremum simul exerci-
tuum regimen summâ laude gessit. Tar-
taros verò perpetuis incursionibus Polo-
niæ infestos, & tum quoque recenti po-
pulatione grassatos, filius Regis Joh. Al-
bertus magnâ strage ultus, egregiam sibi
fortitudinis ac prudentiæ famam cir-
cumdedit. Quæ paulò post Ungaros per
Matthiæ mortem Rege orbos movit, ut
eum in Regem poscerent.

*Fili-
Casimiri*

*Joh-
Albertus*

*electus
Rex Hungarie:*

VIII. Sed ex eâdem gente, alii fratrem Alberti Bohemorum Regem malebant. Quæ res bello inter propinquos ac fratres materiam præbuit; Malo adeo ^{Sed} potente in animis hominum Ambitione, ^{Facile} ut sanctissimarum quantumvis amicitiarum, ipsaque naturæ parentis vincula ^{si fa-} nullo negotio abrumpat. Ingressus ergo cū ^{Vladis-} exercitu Ungariâ Joh. Albertus, fratrem ^{Bohe-} ibidem repperit, incubantem jam Budæ, ^{mia} quæ Regni caput, cæterasque urbes ad se ^{Reg.} pellectantem, artibus præcipuè Beatricis Reginæ, quam spes novi matrimonii illi conciliaverat. Nec segnior Joh. Albertus altera parte Sobinoviam Eperiaffumque occupat: at Cassoviâ, quam eodem impetu opprimere speraverat, excluditur, Et interim Vladislai se exercitus admovebat. Antequam tamen res ad manus veniret, sæpè de pace laboratum est, velut trepidantibus adhuc nonnihil principum animis inter belli scelus & fraternæ pietatis affectum. Joh. Albertus Patrem consulit in Lithuaniâ tum agentem compescendorum Severiendum causâ, qui nescio quæ janitoris Regii fastidia concoquere impotes, re sane exiguâ moti, ad

Moscum defecerant. Patre ad cœpta
urgenda hortante, animus Alberto redit;
sed is viribus deferebatur, dilapsis ad Cas-
soviam jam magnam partem, tædio obsi-
dii, militibus. Contra Vladislao ingens
erat exercitus. Nihilominus educit Al-
bertus in aciem suos, qui fortiter in ho-
stem inveciti, sed prægravante multitudi-
ne repressi victique, satis ostendere vim
sibi magis quàm virtutem deesse. Ipse
Albertus tres equos in ardore prælii ami-
sit, gladioque, quem pugnando fregerat,
carens, penè in duorum manus Bohemo-
rum venerat, nisi eques quidam Crupsius
aliū periclitanti subministrasset. Quò
ille deinde hostem utrumque assequutus,
iræ suæ immolavit. Post prælium ferunt
Vladislaum de salute magis fratris, quàm
de victoria lætatum, incertum à simulato
affectu, an, ut fieri solet in animo non
degeneri, misericordia extinxerat odi-
um, & quem timere desierat, cœpit ama-
re. Concessit illi quidem Silesiæ oppi-
da quædam, & si improlis moreretur, suc-
cessorem sibi eundem in Regno Ungari-
co destinavit. Non multò post Casimi-
rus, pactis cum Mosco induciis, & Mu-
châ,

ehâ, agresti homine, qui ex Valachis Rus-
fisque latronibus contracto decem millium
exercitu, multum turbarum per Rus-
siam dederat, represso captoque, moritur,
postquam XLV. annis regnasset. Ante
mortem ejus tres in aëre Soles conspecti,
& duobus penè mensibus Cometes arsit:
velut approbante ita magnitudinem Ca-
simiri cœlo, quod vulgarium principum
mortes sine motu præterit, magnorum
in fatis laborat.

CAP. IV.

JOHANNES ALBERTUS.

AB ANNO MDCCCXCIII.

AD ANN. MDLII.

*Competitores regni. Venetorum Legatio.
Cum Turcis pax. Callimachi mors. In
Moldavos bellum non necessarium. Eo-
rum stratagemata. Et mox cum Turcis
ac Tartaris irruptio. Turcis infelix ob-
frigus inustratum. Pax demper Polo-
niam. Mors prematura Regis.*

CAsimirus moriens filios quatuor reli-
querat, quæ res ancipitem Polonis cu-
ram attulit, quem ex iis regno præfec-
rent.

rent. Augebatque difficultatem Johannes Masovia Dux, cujus ambitioni subditi sui arma ad regnum, & ex Polonis quidam suffragia commodabant. Evicit tamen Johannes Albertus, fratribus cæteris sponte ei cedentibus, Reginâq; matre armatum mittente suffragium, ad quod Masoviorum audacia facile refedit. Cum diadema Johannes Albertus suscepisset, illico advenêre Venetorum, simulque Turcarum legati, gratulandi specie, reverà aliis de causis. Illi scilicet, ut Regem in Turcas stimularent, hi ut idem bellum deprecarentur. Impediti enim tum Ungaricis expeditionibus tenebantur. Ac horum legatum quasi deliberabundus Rex toto anno detinuit, quò elapso demum in triennii inducias consensit. Interim Tartari, quibuscum nunquam vel justum bellum Polonis, vel fida pax est, Voliniam incurrunt, quam deprædati, stragem quoque aulici comitatus, quem obviam Rex miserat, circa Vîsnovecium sat magnam edidêre.

Anno sequenti mortuus est Janussius, Plocensium Dux. Inde tractum Plocensem Johannes Albertus jure feudi, quod vocant,

vocant, ad se devolutum regno adjunxit. Reliquam Masoviam frater ejus Conradus retinuit, postquam certis legibus fidem Reip. dedisset.

Obiit quoque tum sapientiæ studiis clarus vir Callimachus, qui gente Tusco, cum odium Pauli II. Pontificis incurrisset, in Poloniam fugerat, ubi benignè exceptus à Casimiro, & juventæ Regionum liberum præfectus fuit. Post mortem Casimiri Albertum filium sequutus, & gratiâ apud hunc validus, invidiam apud cæteros non effugit, umbram scilicet, seu fumum potius, ardentiores Regum amicitias, velut ignes perpetuò comitantem.

II. Cæterum cupidus gloriæ Joh. Albertus proferendique imperii, bello non necessario Poloniam implicuit. Valachiam petebat Stephano Palatino tum parentem, perpetuòque hætenus inter Turcarum & Polonas opes infidâ. Quæ ut incauta opprimeretur, expeditio in Turcas obtentui sumpta est. Quanquam alii velint seriò tum conflatum in Turcas fulmen, casu in Valachis deflagrasse, Caussamque irarum fuisse, quod Stephanus transeunti Regis militi pabulum ne-

gasset. Quicquid sit, illud constat, legatos à Stephano missos sciscitatū, quem peteret Rex, violatos captosque. Mox & post legationem Socisavia obsidione septa est. Sed eam incolæ animosè tutabantur, & Stephanus ad bellum apertum impar (habebat enim Rex LXXX milia hominum) per insidias carpebat obsessores. Pudor tandem tediumque incessit hærenti ad unum oppidum tanto exercitui; turbabatque insuper annona deficiens. Religiosiores etiam omina terrebant, quæ in egressu observasse videbantur. Consuetudine hæc plerumque; vulgi, quæ in pace forti vel naturæ tribuissent, rebus creperis rapiendi in omen futuri eventus. Cum ergo ipse Stephanus, dubium an fraudem meditans, quæ post sequuta est, pacem peteret, facile Rex, qui tum insuper morbo attinebatur, permotus est, ut roganti inducias annueret, per quas securius de pace ageretur. Parabant reditum Poloni, sed alio, quam quò venerant, itinere. Id ubi acceperat Stephanus, monet Regem, ut usurpatam antè viam potius relegeret; occulta saluum & ardua montium prætexens, infestam

sta latronibus, à quib9 securitatem trans-
euntibus non possit polliceri. Obtem-
perat Rex, nihil altius suspicatus, quàm
cavere Stephanum, ne militum nu-
pero transit intacta, proindeque di-
tior Provinciæ pars prædæ exponeretur.
Sed aliud machinabatur Stephanus. Syl-
va erat ad Bucoviam vicum densa fagis,
aviis incerta. Hanc ingressus Rex co-
pias in IV. agmina partitur. Primi in-
columes trajiciunt. Secundanos, penes
quos impedimenta Regia, mediam syl-
vam ingressos, assultant ex insidiis agre-
stes Valachi, succisique arboribus viam
impediunt, ne regredi primi, vel progre-
di extremi possent. Hosque iterum to-
ta vi equitum peditumque Stephanus in-
vadit. Turbati ad rem improvisam Po-
loni per oppositos undique obices ad ca-
stra, quæ modò deseruerant, eluctantur,
sed hic quoque urgente Stephano labo-
rare cœperant, periissentque, nisi succur-
rens Aulicus Regis equitatus sonò tu-
barum, & armorum fulgore in se hostem
vertisset. Restaurata ita pugna est, fu-
gatique Valachi Regiis victoriam con-
cedere. Cautius postea incedebant Po-

Ioni. Nihilominus denuo Ioc. Masovii (quos Conradus ex fœdere in auxilium miserat Regi) circumventi & internecione deleti sunt.

III. Defunctus his malis, quasi rem bene egisset, in malum otium ac luxuriam discingebatur Joh. Albertus: cum repente illum Poloniamque omnem noyus ab eodem Moldavo terror perculit. Nec jam solus hic veniebat, sed Turcis Tartarisque comitatus. Latè omnia ad Cangiugam usque & Vislocum amnem populatus, Premisliam, Jaroslaviam & plura alia oppida diripuit incenditque. Sed leve hoc. Supra C. millia omnis generis hominum abduxit, adeo ut Thracia, Scythia, atque Asia penè tota Russicis mancipiis impleretur.

Revertente ad suos Moldavo, Turcæ prædâ nondum contenti, soli se denuò in Russiæ agros effudère. Verum eos, torpescantibus ad resistendum hominibus, aut fugâ dilapsis, ira Numinis insigniter ulta est. Repente enim prædatoribus gelu tam intensum, nivesque tam largas immisit, ut ad XL. hominum millia (ut est illa gens frigoris impatiens) obriguisset perili-

periissequerantur. Reperti, qui in enteratis equorum ventribus calorem tuenda vitæ quæsierant. Multi etiam, qui inclementiam aëris effugerant, à Moldavis ipsis, habitum Polonorum mentitis, trucidati sunt. Ita ex LXX. millium numero vix x. evasisse; & ex his plerique dum abirent, confessi traduntur, Polonos à Deo defendi.

IV. Hæc ubi procella defæviera, tandem aliquod pacis, velut ad respirandum, Poloniae illuxit. Primum cum fratribus, Vladislao Ungariæ Rege & Alexandro Lithuaniae Duce, quorum ille Moldavos juvisse hætenus, alter non avocasse, cum posset, visus erat, in gratiam Rex rediit, pacto in fortunæ deinceps utriusque consortium fœdere. Minimum verò natu fratrem Sigismundum Vladislaus Ungarus Glogoviensi & Opaviensi ditionibus donavit, cæteræque insuper Silesiæ & mox Lusatiæ præfectum imposuit. Hinc cum externis Principibus inimiciæ compositæ. Nam & Stephano culpam deprecanti, illatarumque injuriarum paciscenti oblivionem pax data est: & cum Bajazethe, quicquid etiam reclama-

maret legatus Pontificis, foedus initum. Postremò nec cum Tartaris Zavołgensibus societatem belli contra Mahumetkicikium Pracopiensium Ducem Rex recusavit. Sed cum illis auxilium promississet, consultò moratus est, ut mutuis cædibus barbaros permitteret, amicitia fallaces, & mox, simul occasio in Poloniam ostensa fuerit, ad hostilia redituros. Post hæc in Prussiam Rex contendit, Magistrū Cruciferorum (is erat Fridericus Saxoniæ Dux) juramentum præstare abnuentem suasu vel armis ad officium redacturus. Sed Torunium cum pervenisset, cœpissetque jam per legatos cum Magistro agere, repentino tactus morbo obiit, magni animi Princeps, sed ferè semper infelix: destituyente in eo primùm vitam fortunâ, tandem & amiciorum fortunam, vitam.

CAP. V.

ALEXANDER.

AB ANNO 1510.

AD ANN. 1516.

Diffensiones de successore. Alexander Rex creatus in Lithuaniam abiit, cum Moscho bellum & mox pax. Tartarorum irruptione. Moldavi Pociam invadunt, non retinent. Glinseus auctor turbarum in Lithuania. Tartarorum strages.

Rerumpublicarum Principes sibi per suffragia creantium solenne est, multos destinare, donec unus eligatur. Præcipuè in Poloniâ regnat hæc libertas, grandis felicitatis ejus pars, nisi quod quandoque in discordias luxuriat. Post Joh. Albertum, aliqua quidem ordinum de successore dissensio fuit, sed ut rationibus, non odiis aut ambitu dissidentium. Tres erant filii Casimiri, inter quos anceps quodammodo trepidabat Electio. Primus natus Vladislaus, Ungarorum jam Bohemorumque Rex, placebat nonnullis, velut ornamento ac patrocinio laboranti

ranti Reipublicæ futurus. Contra alii dedignabantur externi fieri regni accessio, præferebantque Sigismundum Glogoviensium & Opavienfium Ducem. Plurimi tamen Alexandro M. Lithuaniae Duci magis favebant, cum ipsius causa, tum Lithuanorum, quos novò vinculo Poloniae illigari, publicæ rei interesset. Commodum supervenire à Lithuanis legati non Regem quidem, sed fœderis antiqui renovationem offerentes. Illico sublata dubitatio est, & Alexander Rex proclamatus paulò post Cracoviæ, insigni regium à Friderico fratre, Præsule Gnesnensi & simul Cardinali, accepit. Conjugi Helenæ diadema negatum est, quod Græcanicis addicta sacris Romanæ Ecclesiæ instituta nollet amplecti.

Vix aliquot mensibus Cracoviæ fuerat Alexander, cum in Lithuaniam avocatur, cui vis à Moscho imminebat. Jamque Smolenscum oppugnare is cœperat: sed, obnixa ad primos impetus urbe, cum insuper Alexander cum exercitu adventare diceretur, territus, inducias cum Rege genero (Moschi enim filia erat Regina) in sex annos pepigit. Enimverò dum

hæret in Lithuania Alexander, Tartari
Tauricani Poloniam invadunt, transmissâ-
que Vistulâ ad Pacinoviam, Cracoviensis
provinciae oppidum, usque prædas agunt:
serò nec nisi cum tempus effugerat, in il-
los movente Friderico Cardinali, cui Rei-
publicæ curam Rex, dum abesset, man-
daverat. Nec multò post moritur Fri-
dericus iste, vir aspectu ac munere vene-
rabilis, vitâ dissolutior.

II. Stephanus dein Moldaviæ Palati-
nus Poloniam lacessivit, occupatâ terrâ,
quæ inter Tyram amnem & Sarmaticos
montes procurrens, Pocucia vulgò ap-
pellatur. Sed hanc non diu tenuit, fa-
tigantibus illum & Polonis, & domi mor-
bo, quo non multo post etiam interiit,
vir belli artibus inter seculi sui primos.
Ejus postea filius Bogdanus patri succe-
dens Alexandri sororem in conjugium
petiit; dilatusque primùm, mox spretus,
ut contemptum sui vindicaret, Pocuciam
armis repetiit, occupavitque. Verum,
ut proclivius semper est rapere aliena,
quàm retinere, ita ille properè expulsus
provincia, ægre ab ipsius Moldaviæ li-
mitibus vim Polonorum propulsavit. Illo
beno

bello periêre inter alios duo Strussii fratres, cum longius à cætero exercitu pro-
vecti in globum hostium incidissent. Al-
ter inter pugnandum occubuit, alter ca-
ptus ac capite multatus est. His verò
posterò mox die magnâ Muldavorû stra-
ge atque in primis præfecti Chocinensis,
parentavêre Poloni, Postea de fœdere
tractari cœptum, conveneratque in cer-
tis conditiones: Sed hæ, ne tum pro ra-
tis haberentur, aliud quid intercessit.

III. Ea tempestate dederat penè in
Lithuania turbarum aliquid Michaël Glin-
scius, ex Ducibus Russis, ortus, vir manu
strenuus, spectatusque hinc apud princi-
pem, sed criminator idem in Proceres,
quibus superbiam suam senserat exosam.
Fortè præfecturam quandam Lithuano e-
quiti adeptam, Glinscii cognatò Rex
dederat, Lithuanorum proceribus impe-
rans, ut in possessionem donatâ præfectu-
ræ hominem mitterent. Cum differrent
illi rem ad adventum Regium, Glinscii
facundâ calliditate accensus Rex ita ex-
arsit, ut Brestam evocatos tollere agita-
verit, cum non venissent, quosdam sum-
mis muneribus functos gradu honoris
moverit,

moverit. Non sine indignatione aut minaci silentio hæc Lithuanis tolerata, ac forsan exuissent patientiam quidam, nisi externum repente periculum increpuisset. Nam Tartari Tauricani repostatâ noviter à Zavolgensibus victoriâ feroces, cum creberrimis incursionibus Poloniam vastassent; novissimè Lithuaniam quoque ingressi sunt. Vilnæ tum Rex valetudini operam dabat. Cæteris seu metus seu privata dissensiones curam publicæ rei exemerant. Ita aliquandiu impunè barbarus grassari potuit. Tandem extremâ necessitate ad defensionis consilia Lithuani exsurrexere: narratque Miechovius Regem quanquam ægrum, delatû in castra, ut suis ad extremum usque adesset. Sed ubi periculum à Tartaris, simul & valetudo in dies gravefceret, Vilnam reducitur. Interim Glinscius Regio exercitui præfectus, hostem incautum prædæque cupidine vagum adortus, partim cecidit, partim in paludes egit, quæ plurimi absorpti. Attulit verò tum ad victoriam non parum momenti Sendivojus Ciarncovi-
us, Palatini Poseniensis filius, qui cum trecentis equitibus Vilnâ accurrens, cum

è proximo colle pugnantes cū Tartaris
Polonos vidisset, late diductā turmā &
strepitu tubarum magni specie exercitūs
prabitā hostem terruit, suos erexit. His
actis tacitē se in stativa recipiunt victo-
res, dum reliqui hostium, cladis suorum
inseii, cum prādā reverterentur. Mox ut
quique venerant, caduntur. Periisse tum
feruntur ad viginti millia hominum. Ca-
ptivorum certē Christianorum ingens vis
liberata est. Victoriæ nuncium qui Regi
ferebant, proximum fato reppererunt.
Nihilominus sublati in cœlum manibus
ac nutu (nam linguæ usum vis morbi ade-
merat) lætitiā testatus est, nec multò
post expiravit, anno ætatis quinto supra
quadragesimū, imperii vix quinto. Mors
ejus tam præcox & cæteroquin non sper-
nendi Principis multis tempeſtiva existi-
mata est, ob prodigalitatē, quā exhau-
sturus, si provixisset, Rempubicam fuisse
videbatur.

Sigismundus I. 1566 — 1590.
LIBER III.

185

CAP. VI.

SIGISMUNDUS I.
AB ANNO cIoIoVI
AD ANN. cIoIoXLVIII.

*Sigismundi cura togata. Glinseii in Lithua-
nia seditio & bellum cum Moschis. cum
Valachis. Legationes ad Sigismundum.
Moschicum bellum secundum. Regis ad
Maximilianum Casarem iter. Secunda
nuptia cum Bona Zfortia. Bellum Prus-
sicum. Comitia Torunsiensia. Dantiscana
plebis seditio ob religionem. Alberti Bräu-
denburgici cum Rege de Prussia transacti-
o. Solimanni in Ungaria victoria. De
Muldavia Tarnovii victoria insignis.
Moschicum bellum tertium. In Mulda-
vos indicta expeditio publica. Seditio No-
bilitatis. Status Muldaviae mutatus, item-
que Ungaria. Concilium Tridentinum.
Mors Sigismundi. Virtutes animi & cor-
poris robur.*

EX Casimiri filiis duo adhuc supere-
rant, Vladislaus ac Sigismundus, quo-
rum ille Ungariæ & Bohemiæ imperabat;
hic Glogoviensium & Opaviensium, nu-
perque etiam Lithuanix Dux creatus, spes
volun-

voluntatesque Polonorum pridem in se crexerat. Quo facilius, Alexandro mortuo, ad regnum emerfit, Vladislao, quem multi æmulum fratri minori fore metuebant, non impediante, sed insuper etiam commendante proceribus candidatum. Rex nominatus Sigismundus, vulneribus illico Reipublicæ sanandis manum salutarem applicuit. Ac primum quia profusione Alexandri ærarium elanguerat, Regiæque facultates privatis quibusdam cesserant pignori, iis recuperandis curam intendit, juvante Rēgem Johanne Bone-ro, prudente viro & quod ad rem plurimum valebat, prædivite. Inde, consentiente in tributi pensionem ordine equestri pecuniæ coactæ; scriptusque indomiles extremis Poloniæ finibus pro Republicâ perpetim excubiturus.

Sed dum in his est Sigismundus, Lithuania turbare cœpit, excitatâ à Glinſcio, quem ante sæpius nominavimus, seditione, & armis insuper à Basilio Moschorum Duce ingruentibus tumens. Glinſcius enim coalitâ Alexandri perpetuô favore & rebus non infeliciter gestis audaciâ, supra civilia assurgens, Lithuaniam principatum

patum agitabat. Ambitionem verò oc-
culere fluðens, Zabrezinium Lithuaniz
Mareſchallum, alioſque conſilia ejus cu-
rioſius ſpeculantes prodentesq; hoſtiliter
inceſſebat. Tandem cùm ſuſpectum ſe
Regi ſenſiſſet, metu ad deſperationem
verſus, Moſchum clam miſſis legatis ad
partiendam ſecum Lithuaniam invitat.
Qui jam nuper terram illam ultro laces-
ſere cœperat, ſed tendentibus contra Po-
lonis congregi non auſus repulſuſq;, ob-
latam jam à Glinſcio conditionem lubens
accepit. Glinſcius ubi in procinctu eſſe
Moſcum intellexit, palam obſequium Re-
gis exiit, Zabrezinium verò incautum
intra penates ipſius obtruncat. Rex co-
gnitis machinationibus illico Nicolaum
Firlejum Palatinum Lublinenſem, ſum-
mum tum belli Ducem cum exercitu in
Lithuaniam præmittit, ipſeque etiam ſe-
quitur, majeſtatem Regiam deſectotibus
oppoſiturus. Venienti Lithuani ſe jun-
gunt, multique etiam ex iis, quos vel er-
ror vel prævalida neceſſitas in partes ho-
ſtis abduxerat. Territi mox ad præſen-
tiam Regis Moſchici Duces, loca, quæ
impetu inopiave deſenſorum occupave-
rant,

*Polli-
cum
Moſco.*

rant, deseruere, praelium inprimis cautiſſimâ prudentiâ evitantes. Vix ſemel in trajectu fluminis cujuſdam reſtiterant, magnâ ſuâ clade, futurâ tamen maſori, niſi nox interceſſiſſet. Poſthac apertiore etiam conſternatione exercitum per avia paludum nemorumque reducunt. Rex cedentes totâ exercitûs mole ſequi haud conſultum ratus, Stanislaum Kiſcâ ad Reſinam Moſchorum arcem mittit. Qui latè omnia populatus, ſed uiverſæ hoſtis potentiæ impar, pares ſubinde aliquas attriyit, quodam etiam die, ſi accitus in auxilium Firlejus tempeſtivè veniſſet, de ſummâ decertaturus. Sed is ſeriùs ſe per ignotas in ſylvis vias expedierat. Interim tamen cum globo quodam hoſtium feliciter congreſſus Kiſcâ, reliquum exercitum terrore fudit, cùm qui primo ex conſlictu effugerant, ſeu errore (ut eſt credulus pavor,) ſeu ne paucis ceſſiſſe viderentur, numerum Polonorum in majus auxiſſent. Qui fortunæ luſus poſtea aliò certamine ipſum quoque viſtorem fermè decepit. Sed paulò poſt, cùm parùm proficeretur armis, flexis utrinque ad mitiora animis, primùm inducias

ducias Rex petenti Moscho, mox pacem perpetuam annuit.

II. Caterum data sic Moschis respirandi potestas fuit, non item Polonis. Hos enim Bogdonus Valach, valido cum exercitu Russiam ingressus, ad novū bellum vocabat, quod tamen brevi procella defecit. Quippe priusquam Rex veniret, primum fregerant impetum Valachi, frustra, nec impune Camieneciam Leopolinque, munitissimas Russiæ urbes adorti. Sic Regem in procinctu jam stantem haud prætolati, cum latè omnia ferrò flammisque miscuissent, ad sua rediēre. Sequi illos iussus Nicolaus Camienecius, Cracoviensis Palatinus, terrā hostilem pari savitiā involvit diripuitque. Sed expletā vindictā cum reditum pararet, ad Tyram flumen subitò à Valachis, qui hætenus intra saltuum latebras occulti expectaverant occasiones, invaditur. Tumultuariā primū pugnā navit victoria, donec majore numero ordinatiūque congressus Polonorum equitatus, cohortes hostiles perrupit. Cassi ibi plurimi, capti non pauciores, quos omnes Camienecius gladio pereuti iussit,

fit, manibus parentans Polonorum, in quos nuper barbarus, præter belli jus patri supplicio sævierat. Rex latus victoriâ suorum, cum victis pacem iniit, unam pactus conditionem, ut sacram suppellectilem de templis raptam, & quicquid captivorum prædæq; memorabilioris superesset, restituerent. Mitissimum tum experti victorem, pœnas mox, quas majores meruerant, Tartaris dedere, qui iteratis aliquoties incursionibus ad incitamentum infidam gentem redegerunt.

III. Post hæc Sigismundus variis externorum Regum ac Principum legationibus cultus est. Inprimis à Pontifice Romano Achilles Grassius, Episcopus Modicensis, adfuit, ut Regem ad jungendam cum Ungaro contra Turcas arma incitaret. Nec adversatus consilium Rex, moram tantum postulavit. Paulo post secuta est celebris de Tartaris ad Lopusnam victoriâ, Constantino Ostrogio Lithuanicarum, Nicolao Camieniecio Polonicarum copiarum ducibus. De viginti & quinque millibus barbarorum longè minima pars tum evasisse dicitur.

IV. Victoriā hanc Moschicum bellum excepit. Moschus enim etiam post pacem iniquis insensuque Polonis, cum ingentem tormentorum vim per Germaniam conflasset, Smolenscum tandem adortus, desertumque semel radio morā, mox maiore vi aggressus, cum nihil proficeret, machinatore Glinſcio, præfectum arci Tribunum pretio ad deditiōem emereatus fuerat. Post deditum Smolenscum Glinſcius resipiscens, & opera Vladislai Ungariæ Regis Sigismundo reconciliatus, facinus creptæ urbis in Regiæ pretium gratiæ vertit, nec hanc tantum urbem, sed complures alias traditurum se Polonis promittit. Caruit tamen successu consilium, quod secretorum inter-nuncius Trepka nobilis juvenis in manū hostis venit. Qui subiectus tormentis magnum & memorabile constantiæ specimen dedit. Nullis enim quantumvis exquisitissimis cruciatibus ad proditiōem secretorum subigi potuit.

Interim ingressus Lithuaniam Rex ad Borissovum pervenerat. Ibi cum delectis subsistens exercitum ad Orsam, ubi hostis, præmittit, summa rerum Ostrogio

gio & Suircovio demandata. Cognito, Moschos praelio paratos, Poloni priores in hostem irruunt, mox prout incuberat ille, urgentes cedentesque. Animabat hos Ostrogii exemplum, non minus militem quam Ducem se gerentis. Juva-
batque etiam locus modicè in tumulum assurgens, in quo disposita tormenta multum noxæ hostium novissimis dabant. Qui hinc consternati fugamq; capeffentes, proximos unà traxere. Primi adhuc strenuè rem agebant, donec & his, cognita sociorum fortuna & assultantes improvisò ex vicino nemore Poloni occingenti, fregèrunt animum. Instant palantibus Regii. Multos ad paludem delatos, cum transire niterentur, instabilis ad gradum uligo hausit. Interiisse hoc praelio triginta millia Moschorum feruntur. Capti ex illustribus duo. Satraparum decem & septem. de plebe nobilium duo millia, totidem gregariorum. Ex Regio exercitu non plures quadringentis desiderati, plures faucii fuerunt. Cæ-
tùm (quod de Annibale olim dictum) vincere tum scivèrè Pòloni, non æquè uti victoriâ. Sniolenscum, urbem sine mora

mora adoriri debuerant, capi haud dubiè facilem, cunctis recenti terrore percussis. Dum circa alia se occupant victores, novo milite, novis machinis permunita est. Interim bruma subiit, oportuitque adeò reduci militem in hyberna. Petenti ergò iterum hosti in quinquennium pax concessa est.

V. Moschis ad hoc bellum præter cæteros stimulo adjumentoque Maximilianus Cæsar haud dubiè fuerat; pridem Iagellonicæ genti infensus ob Ungariam, quam binì ex eà familia Vladislai Austriacis præripuisse videbantur. Accesserat recens offensa in Sigismundum, ob ductam in matrimonium Barbaram, sororem Johannis Comitis Scepusii, qui Sigismundi adeò affinitate ad nuptias Annæ, Vladislao Ungaro genitæ, & porro ad Ungariæ Regnum adspirare credebatur. Conciliare igitur sibi Maximilianum cupiens Sigismundus, cum aliquandiu dubitasset, per legatosne id, an præsens ipse tentaret, posterius tandem elegit: minus vigente tum inter principes insidiarum, & qui non minùs hodie visendi se mutuò cupidinem plerisque exi-

mit, vano comparationis metu. Iter ergo ingressus, Posonium Ungariæ urbem venit, ubi à fratre Vladislao liberisque ejus prolixâ comitate exceptus, obvium mox habuit Cæsaris legatum, Cardinalem Gurcensem. Quicum de negotiis, quorum caussa Rex venerat, agi cœptum. Interim Cæsar ipse Augustâ Viennam venerat, quem sine morâ Reges honorâ legatione venerantur. Ille dimissis humaniter legatis suos mox mittit, qui Reges Viennam invitarent. Sed primùm in Ungariæ Austriæque confinio lectus locus est, quo Cæsar Viennâ, Reges Posonio venientes coivêre. Inde Viennam itum: ubi quatuordecim circiter diebus, per seria suetasque aulis voluptates exæctis, initum est æternum inter Reges fœdus, & ut arctius id esset, neptim suam Mariam Ludovico, Ungariæ hæredi, Cæsar locabat, ipse vicissim sibi vel nepotum suorû alteri, Annam Ludovici sororem destinans. His actis, inter mutua propensissimæ voluntatis testimonia atque etiam lachrymas discessere..

VI. Reducem Regem adversa quadam excepêrunt. Nam & Barbara Regina, ob

ob pudicitiam Esthera vulgò dicta, obiit paulò post, & Opociam Moschorum arcem infeliciter tentaverunt Poloni. Utrumque tamen dolorem ducta dein Bona Zfortia, Johannis Gaicatii Ducis Mediolanensis filia, & mox prosperior Polonorum ad Polociam pugna utcumque solata fuerat, cum Tartari ad Vistulam usque latè omnia populati, tandem & ad Socalam Regiòs temerè atque invito Duce Ostrogio congressos, memorabili strage fuderunt. Mille ducenti tum cecidèrunt ex Polonìs. Ex Tartaris quater mille, ut carò empta victoria dici posset, nisi barbari sanguinis copìa major nobilitate alterius æquaretur.

VII. Subsequentum est Prussicum bellum mole atrox, tempore non adèò diuturnum, nec infelix exitu. Qui Cruciferis tum præerat, Albertus Marchio Brandenburgicus, Sigismundi Sorore genitus, jurare in verba Regis abnuens, hostilia meditabatur. Eum contra missus Nicolaus Firlejus, Palatinus Sendomiriensis subito impetu oppida aliquot arcesque rapit, Hollandiam aliquandiu obsessam expugnat. Tertius Albertus primùm cum

Firlejo colloquium expetit, ab eo ad Regem Thoruniam deductus, omnia Regis causâ velle testatus est. Coiissetque tum foedus, nisi nuncius adventantium auxilio Hafnia quatuor millium militum, & jam ad portum Regiomontanum appulsum, novos Marchioni animos addidisset. Inde relapsi ad arma Poloni Brunsbergam; Cruciferiani Heilsbergam obsident. Non multò post, intellecto, novum è Germania ad Albertum ire exercitum, publicâ expeditione indictâ, universum ordinem equestrem Rex ad arma evocat. Germani, antequam Alberto se jungerent, Mezireciam, finitimum Silesiæ Marchiæque oppidum expugnant, inde, Poloniâ ingredi interiora prohibiti, in Prussiam contendunt. Schonbergius iis præerat, cui memorabili aliquo facinore clarescere cupido, audacia incessit Dantiscum obsidendi. Sed urbem ad defensionem sui paratam expertus, cum insuper Firlejus occupatâ Stargardiâ & Derlaviâ appropinquaret, fugienti similis in Pomeraniam recessit. Insecutus eum Zarembo, præsidii apud Dantiscum præfectus, & mox Firleji equitatus magnâ

gnâ clade novissimos affecere. Ipse Firlejus cum reliquo exercitu Chôiniciam interim oppugnat expugnatque. Alibi Sencignovius assiduis populationibus terram Cruciferorum afflicta, incensis quam plurimis pagis, Passenheimum occupat. Cruciferiani autem Elbingam interim insidiis tentant, parumque abfuit, quin obtinerent. Suggesti clam, portam jam unam perfregerant, dum clathros objectos moluntur, à civibus saxa, calcem ac cineres desuper ingerentibus, amissò præfecto, & militibus non paucis, repelluntur. Frustratus ita ad Elbingam nec alibi felicior Albertus ad pacem flexit: missoque Lignicensi Duce, & mox fratre Georgio Brandenburgico, cum convenire in amicitia perpetua fœdus non possent partes, arma in quadriennium suspensa sunt.

VIII. In iisdem, quibus induciæ constituta, comitiis Thoruntensibus, controversia Prussorum quadam audita discussaque sunt. Habebant illi antiquo privilegio proprium tribunal, quo lites ab indigenis solis, præside Rege, decidebantur. Hunc morem Rex violare nō
 I 3 lens,

lens, nequicquam contra sentientibus Polonis, solus Prussico senatu interfuit. Postulantibus verò iisdem Prussis, ut munia dignitatesque ipsorum non nisi indigenis darentur, querentibusque concessam Raphaëli Lescinio praefecturam Slochoviensem, factum quidem impostero servare hoc ipsorum jus promissit, beneficium tamen Lescinio datum adimere non sustinuit: Majestatis credo tuenda causâ, quam lædi Reges existimant, si fecisse, quod non debuerint, factorum mutatione cogantur ostendere.

Compositis ita Prussiae rebus Rex aliquot annis tranquille egit, non nisi Tartarorum incurfibus identidem lacessitus, & Ludovici Ungarorum Regis, cui Patruus erat, malis sollicitus. Hunc quippe adolescentem magnus ille Europæ terror Solimannus armis jam tum adoriri cœperat. Ac in auxilium quidem illi Johannes Tarnovius, vir belli præclarus, cum sex millium exercitu missus est: Sed ne sic quidem impediri Tyrannus potuit, quin Belgradum arcemque Sabacensem occuparet.

IX. Vergebant ad finem induciæ cum
 Cruciferis initæ, cum plebs Dantiscana
 Martini Lutheri gliscentibus tum passim
 dogmatis assensu in seditionem exarsit.
Magistr. tibus oblectari ausis surrogantur
ex civibus alii, occupata templa, ritus Ec-
clesiastici novati. Mox & scriptis liti-
 ris oratus Rex, libertatem ut sacrorum
 quæ ut meliora amplexi essent, manen-
 tibus cæterà in obsequio confirmaret.
 Nec refragari quidem precibus tum visus
 est Rex: cæterum ejus anno sequenti in-
 gressus in urbem, sumptumque severa le-
 ge de autoribus seditionis supplicium sa-
 tis docuit tempori datam priorem indul-
 gentiam, veritumque Regem, ne immiti
 responso dimissos, metuens pœnæ con-
 scientiæ ad Cruciferos adigeret, brevi jam
 induciis elapsis arma resumpturos.

Verùm inducias quoq; istas non, quod
 timebatur, bellum, sed pax æterna singu-
 lari numinis favere excepit. Quippe
 delectis utrinque arbitriis, Carolo Impe-
 ratore, & Ludovico Ungariæ Bohemiæ-
 que Rege, & mox, cum hi vel segnius,
 vel saltem, ut longè positi, tardius agere
 viderentur, sequestris Georgio Brande-

gico Marchione, & Friderico Lignicensium Duce, post sat longas disceptationes, his tandem conditionibus inter Regem & Marchionem transactum est; ut Rex quidem Orientalē Prussiam Marchioni perpetuō & hereditario jure conceda; Marchio contra vasalli obsequium Regi juret, eidemq; centum cum hastatis equitibus, intra Prussiam, suō, extra hanc, Regiō stipendiō militet. Ita excisa est tandem illa materies bellorum, quibus à primō fere Cruciferorum in Prussiam adventu, Polonia variō eventu conflictata, ac sæpe immaniter concussa fuit.

Paulō post susceptum in feudi leges. Marchionem aliō quoque insigni auctario Polonia ditata est. Quippe mortui intra breve intervallum bini fratres Masovia Duces, Janussius & Stanislaus Masoviam regno Polonico, à quo per quadringentos ferē annos diremptum, propriis Ducibus paruerat, adjunxere.

X. Sub hoc tempus commissum est famosum illud Ungarorum ad Mohacum cum Solimanno prælium, cujus infelix eventus & Ludovicum Regem cum flore Ungaricæ nobilitatis absumpsit, & Ungariæ

gariæ partem nobilissimam imperio Turcico subdidit; Ferdinando denique Austriaco, qui ob ductam Ludovici sororem sceptrum sibi Ungaricum vindicabat, origo fuit belli cum Johanne Scepusio idem sceptrum ambiente, denique cum Solimanno ipso pro honore, uti præferebat, illius Scepusii, verius pro gloriâ suâ proferendisque finibus pugnante, ac plerumque heu! victore. Buda sanè tum occupata, Viennaque ipsa obsessa ac ægrè de manibus Tyranni erepta fuit. Liberatæ urbis laus, secundum Deum, binis præcipuè principibus Palatinis tribuitur: quorum alter Philippus fortiter sustinuit; alter Fridericus, admoto extus exercitu, abstraxit terruitque obsessores. In Polonia interim Rex filium Sigismundum Augustum, Lithuanie primùm principatum, mox regno inaugurat, posthumam curam velut præcipiens fato, ut capessendis imperii curis maturè successorem assuefaceret.

XI. Porro intentam his Poloniam præclarâ de Muldavis ad Obertinum virtute imprimis Tarnovii reportata victoria exhilaravit. Fuerat Muldavo viginti
I 5 dñm

duum millium exercitus, Tarnovio mil-
lium vix quatuor. Ad manûs cum manè
ventum est, non aliò unquam insigniori
argumento patuit, ut corpora, ita exerci-
tûs, non eos semper vincere, qui mayo-
res. In prælio verò ipso ut miraculo fu-
erat Polonorum virtus, ita in eventu e-
jus fortuna lufit. Tot enim omninò il-
linc cecidisse reperti sunt, quot hinc pu-
gnaverant. Sed præter caesos capti fu-
ère quadringenti, porroque machinæ
quadraginta octo ademptæ, Regiq; mis-
sæ Cracoviam. In cujus urbis ade præ-
cipuâ extat hodieque pugnæ hujus peni-
cillo expressa imago. Rex verò alio et-
jam honore colendam Tarnovii fortitu-
dinem duxit. Etenim indictâ contri-
butione publicâ binos de singulis jure-
ris grossos pendendi victori jussit. Felix ~~di-~~
~~caso~~ Sigismundianum dicere possis secu-
lum, quod tam inusitata virtutis & ex-
empla tulit, & præmia.

XII. Præliò hoc infractæ nonnihil vi-
res, nondum animus erat Muldavi. Sub-
inde adhuc hostilia minabatur, donec ip-
se ei Turcarum Dominus quietem impe-
ravit. Cui mandato cum Ungariæ etiam

Regis

Regis Johannis autoritas accessisset, induciæ cum Muldavo initæ sunt. A Tartaris quoque quietem Poloniæ dedere cùm ipsorum inter se dissidia, tùm Solimanni jussa, qui amicitiam Sigismundi mirè prensabat, bellis Ungaricis intentus. Lithuaniani Moschus turbavit denuò, sævissimâ illam hyeme ingressus & longè lateque depopulatus. Illi tumultuaria primùm manus opponitur, mox justo exercitu juncti Lithuanis Poloni à vastatione alienorum ad sua defendenda hostem avertêrunt, expugnatis etiam in Severiensi provinciâ arcibus, Holmiâ & Starodubo, captisque ex præsidio non paucis, atque ipso etiam, qui Starodubum defensorat, Oucynâ. Gesta hæc ductu potissimum Nicolai Radzivilii, Palatini Vilenensis; Belli verò summæ Tarnoviq præerat. Nuncius victoriæ multùm auxit lætitiâ nuptiarum, quas tum Sigismundus, filiæ Hedwigi, Joachimi Electoris Brandenburgici sponsæ, adornabat.

XIII. Paulò post Muldavius arma in Polonos repetiit, tantò quidem ardore, ut contra cum Rex vires Regni intimas nobilitatemque omnem ad bellum cien-

dam putaverit. Ea ad Leopolin coacta, penè in seditionem adversum Regem & Senatores effebuit, leges nescio quas violatas caussata, & arma induere negas, nisi illæ affirmarentur. Asperavit commotos Senatoris cujusdam in minorum gentium nobiles, qui ob paupertatem pedites venerant, arrogans cavillum. Jamque videbatur in scelus eruptura multitudo, nisi orta cœlitus tempestas turbidos, & numero fidentes in diversâ egisset, subeunte post etiam animis formidine cœlestis iræ, ut sit apud rudiores animos, quibus movendis pacandisve potentissima religio est vel superstitio. Verum composito etiam tum utcunque tumultu, dilapsus tamen Rege non adeò impedi-ente, exercitus, irritaque reddita est expeditio. Relicta tantum ad propulsandū hostem duo millia sub imperio Andreæ Tencinii & Nicolai Sienvii. Qui discordes inter se, & hinc rerum suarum minùs satagentes, commissâ imprudenter cum hoste longè prævalido pugnà, sexaginta plus minus nobiles viros & octingentos insuper gregarios perdidere.

Sed

Sed brevi post intervallo mutatus est dominatus in Muldaviâ. Stephanus Petri Palatini frater, ob suspicionem affectati dominii exul, quæsitis criminandi occasionibus, Palatinum Solimanno exosum reddiderat. Ita quidem, ut is vim moliretur in Palatinum, hic vero imparem se sentiens, tentatis infelicitè fugæ consiliis, Sicaviæ arcem se includeret. Ita in locum ejus Stephanus frater à Solimanno surrogatus; ipse obsessus captusq; est à Johanne Ungariæ Rege, qui hæc velut mercede Turcæ gratiam, offensis aliquibus infuscatam redimebat.

XIV. Non multò post infecuta hujus ipsius Johannis mors novis turbis Ungariam implicuit: vindicante sibi regnum Ferdinando, sanguinis jure, ut agebat, atque insuper compactò sibi debitum; asserente contra idem viduæ Reginæ filioque ejus impuberi Solimanno, vel potius, ut eventus docuit, sibi rapiente. Postquam enim infando illò ad Budam prælio Christianos prostrigasset, evocato ex urbe, per speciem amoris, Reginæ filiolo, dum comites hujus benignè à Turcis fraudem molientibus excepti, hilariter epulantur; Interim

Interim milites mittit, qui gubernacula occuparent urbis, quasi defendendæ contra Austriacum, cui Regina impar esset. Patuit mox dolus, cum ingressus ipse urbem, Reginam nequicquam datæ fidei sacramentum obtestantē, abire cum puero in Transylvaniam iussit. Ex hoc tempore servit foedissimam Turcis servitutem Buda, & reliquæ Ungaricarum civitatū flos, grandi vitio, Christiani, dedecore, qui sanguinem, quem his recuperandis gloriose impendere poteratis, mutuis pudendisque inter vos armis insanè, tot annis, prodigitis!

XV. Agitabat eā tempestate orbis Christianus instinctu inprimis Caroli Imperatoris Concilium, quod à loco postea Tridentinum appellatum est. Ad id invitatus à Carolo Sigismundus, omnia pacandæ Reipublicæ Christianæ causâ vellem respondit, legatumque etiam ad concilium mittere recepit. Ac missus est postea ad Comitia Augusta habitæ Stanislaus Lascus Palatinus Sendomiriensis, qui gravi oratione jus Poloniæ Regni in Prussiam ostendens, Cruciferorum in Albertum Poloniæ vasallum conatus liberime

rime perstrinxit. Respondit huic Wolf-
gangus, Ordinis Theutonici Magister;
constitutique liti digimendæ arbitri, à
quibus ferè contra Albertum lata senten-
tia est, sed executio ejus Carolo Casari
remissa, exitum nunquam habuit.

Sigismundo verò anno sequenti fata-
lis meta venit, principi sane immortalita-
tate dignissimo; quique virtutibus suis à
nobili historico poni meruit inter tres
* Heroas illos, qui nisi simul imperassent,
singuli digni fuerint, qui toti orbi impe-
rarent. Præter sapientiam, moderatio-
nem, aliasque animi dotes admirabilis in
illo fuit corporis fortitudo. Ferunt æ-
tate florenti soleas ferreas, quales equis
suppingi solent, frangere, funesque can-
nabinos rumpere solitum. Vix pertinet
corpus ad viro rum laudes, sed in Sigis-
mundo memorari dignum fuit, quod ro-
bore ac firmitate sua nobilissimæ animæ
tanto diuturnius hospitium præbuit. Vi-
xit enim Sigismundus annos octogiuta
duos: quorum exacte dimidium in regni
administratione consumpsit.

* *Hi sunt Carolus Quintus Cesar,
Franciscus I. Gall. Rex, & hic Sigis-
mundus.* C A P.

FLORI POLONICI
CAP. VII.
SIGISMUNDUS
AUGUSTUS.

AB ANNO CIO IOKLVIII
AD ANN. CIO IOLXXVI.

*Animi multorum in Augustum iniquiores ob
matrimonium cum Radziuilla. Scho-
lasticorum Cracoviensium tumultus. De
legibus antiquis & novis disceptatio in co-
muniis. Cum Episcopis lites, occasione O-
richovii Canonici, qui calibatam oppu-
gnabat. Regis Gedanum iter, & periculum
Regiomonti aditum. Nuptie secunda.
Bone in Italiam abitus. post mortem ejus
lites de hereditate. In Livoniâ bella inte-
stina, mox externa cum Mosco. Livonia
cum Poloniâ conjunctio. Inde belli Mo-
schici communio. item Suecici. Iohannis
Finlandie Ducis captivitas. de Moschis
victoria. Lithuania cum Poloniâ conjun-
ctio confirmata. In Dantiscanos ira Regis
& ultio. Magni Holsatie Ducis in Livo-
nia machinationes & cum Moscho socie-
tas. Hujus crudelitas insignita, ejusdem-
que exempla nonnulla. Mutatus domina-
tus in Muldavia, quam Bogdano princi-
pi ejecto fortiter, tamen frustra restituere
Poloni*

*Poloni conantur. Duella bina cum Tur-
cis. Herburti periculum. Augusti mors
& encomium.*

Sigismundus Augustus patre quidem
vivo Rex nominatus, à regni tamen
curis, volentibus ita Polonis, hæcenus
abstinuerat. Nec, mortuo parente, ali-
quandiu voluntates procerum multorum
tam secundas expertus est, quàm vel pa-
ter vel ipse spe præceperat. Offendit i-
stos Augusti post fastidiram, & paulò post
mortuam Elizabetham Austriacam, solu-
tior vita. Magis etiam initum postea
cum Radzivilliâ Stanislai Gastoldi Pala-
tini Trocensis viduâ matrimonium. Nec
intra silentium aut occultas voces stetere
offensæ. Publicè in Comitibus tractatum
est factum Regiùm; aliis tolerandum jam
consentibus, postquam consummatum es-
set, aliis antiquandam ambiciosâ liber-
tate ac facundiâ contendentibus. Qui
à nonnullis ut loquentes pro legum tute-
lâ, quæ conjugia Regia consensu Reip.
circumscribunt, pronis auribus auditi:
aliis privatâ magis stimulatione, quàm
decoris publici cura loqui visi sunt. In-
terre-

terregnum nempe inducere voluisse credebantur, ostentandæ ita diutius auctoritati, & ut tanto enixius liberaliusque à Rege prensarentur. Horum antesignanus Petrus Kmitha Palatinus Cracoviensis fuit: uti contra, Regem tuebatur Johannes Tarnovius, princeps post Antistites Senator, cui pridem Kmitha alias ob causas infensus, tantò jam obstinatiores erat, ut diversus esset ab æmulo. His contentionibus transacta comitia citra tractationem rerum magis seriarum disfluxere. Rex verò dimissis ad Senatum atque equitum præcipuos literis, de contumaciâ quorundam questus, suum erga Rempubl. affectum prolixè declaravit. Quæ res sanè profuit illi non parùm ad pignerandos multorum animos; paratiore, ut sit plerumque, privatim apud singulos gratiâ, quam apud universos, quibus ipsa multitudo ut metum offensa, ita spem fructumque beneficii minuit.

II. Astum comitorum excepit juvenutis, quæ Cracoviæ studiis operabatur, tumultus, qui visus initio multis compressu facilior, quàm qui in proverbio est, pulvis scholasticus, atrocem tamen subito

subitò vastitatem Academiæ attulit. Lena quædam fœminam corpore merentem familiaribus Andrea Karnkovii, qui tum forre Cracoviæ agebat, ducens, in studiosos inciderat, atque ab iisdem habita erat contumeliosius. Illa injurias quæsta apud Aulicos, ad quos tendebat, faciliè eos in vindictam impulit, effecitque ut factò in studiosos inermes impetu, alios miseris modis exciperent, alios trucidarent. Illi postridie arcem agminatim ingressi, inconditis clamoribus Regias aures pulsan, vindictam postulantes, & ut motumultuantibus, Reis vel subdere velungere innoxios, ipsum arguentes Karnkovium. Rex increpitos de nimio ardore quiescere jussit, saltè dum destinarentur judices, rem prout gesta esset, cognituri. Illi furore vecordes nec Antistitis Cracoviensis, ad quem postea ablegati erant, sententiâ acquiescentes, abire Academiâ minantur. Quod &, cum susque deque haberi se viderent, fecêre. Exiit mœnibus triste ac miserabile agmen, sacra illa verba, *Ite in orbem universum, &c.* ingeminans, velut præfaga eorum, quæ post contigerunt. Pars etenim ad parentes

parentes domum, ceteri in Germaniam, Prussiam ac Boheciam dilapsi, hausta istic Lutheranorum dogmatum semina per Poloniam postea sparsere.

III. Sequentis anni Comititia pari ferè eventu, quo priora, finita sunt. In iis Antistes Gnesnensis Regias literas, quas ad proceres missas diximus, perstrinxit. Post actum de legibus, quarum alii antiquas, alii eas, quæ Johanne Alberto & Alexandro Regibus rogatæ essent, exercere volebant, prout scilicet quisque has vel illas in rem suam fore viderat. Postiores accendebat quoque invidia in Johannem Tarnovium & Maciejovium, quorum hic, contra leges sub proximis Regibus latas, Cancellarius simul & Antistes Cracoviensis: ille Castellanus Cracoviensis præfectusque juxta Sendomiriæ esse arguebatur. Regi pro his & antiquis legibus stare viso, ne causam obtineret, per Johannem Tencinium Palatinum Sendomiriensem intercessum est. Qui sella ob senium illatus in curiam, acri oratione leges ad usum præsentem flectendas suadebat. Movitque ætas & autoritas viri, ut ampliandum saltem Senatus judicaret.

Inde

Inde cum Episcopis actum, quorum potentiam ut iniquè pridem ordo equestris aspiciebat; ita apertis sententiis tum invadere cœpit: præbitâ per Orichovium ansâ, qui Canonicus Premisliensis cum esset, ab Episcopo oppugnati calibatûs causâ, munere & ditione motus fuerat. Is igitur & affinitatibus potens, & gratus apud alios tacitè eadem molientes, publicâ aurâ privatâ causâ tum velificabatur. Nihil tamen in eâ re his comitiis ob discordiam procerû concludi potuit. Ille audentior factus matrimonii sacerdotum modò assertor, mox exemplum fuit, ductâ in uxorem Chelmsciâ. Nec Antistites remittebant odia, sed strictis subinde in hunc Orichovium gravioribus sententiis, mox in Oleſnicios quoque, Stadnicios, Ostrorogios, Lassovicios, aliosque hæreseos damnatos, insurgebant. His Rex tertiis comitiis Petricoviâ habitis accesserat; sed & Regio decreto ab ordine nobilium tam pertinaciter reclamatum est, nullus ut Episcoporum exercere potestatem suam sustineret.

Posthæc Gedanum Rex abiit, componendis ibi reb9, quæ in tumultum eodem reli-

et ligionis flabello exarsura videbantur. Et ingressa etiam urbem Rege, diu plebs tunc erat timebaturque, & parum sapere à seditione abtuerat, nisi Regis moderatio ac benignitas dissidentium metus sustulisset. His ita humanitate mitigatis, Regiomontum Rex proficiscitur, vitæque hic prope periculum adiit. Dum enim testandæ sub ingressum lætitiæ tormenta exploderentur, errore magistris tormentarii pila emissa ferè tetigerat Regem, ut quæ fortuita solùm equi declinatione prætervolans, ponè sequenti Visniovecio caput abstulit. Frementes Polonos in Albertum Brandeburgicum, qui hospitem excepturus aderat, Rex cohibuit, Foxii mathematici, qui eo die periturum Regem prædixerat, augurium, mirabili artis & falsi confinio, se salvo expletum, hilari voce exclamans: Magistrum quoque qui erraverat, indignationi Alberti, sollicitius irascentis, quod se magis absolveret, eripuit.

IV. Viduus Rex erat, mortuam non ita pridem Radzivillam, postquam diadema Regium, accurante marito, proceribus conniventibus, suscepisset. Novum er-

go conjugium suasu Senatorum ambi-
ti, Catharina Cracoviam adducitur, Au-
striacâ stirpe, olim Francisco Mantuâ Du-
ci nupta. Cum hâc in Lithuanîâ, quâ
unice adamabat, aliquot annos inturbi-
dos habuit, nisi si quas interdum nebulas
interspergebant religionum turbæ, quas
pridem gliscentes veniens à Pontifice Le-
gatus, extinguere non potuit, sectis vari-
is ab ipsâ gentilitia libertate vires sumen-
tib9, quib9 nec Aula fortiter satis contra-
ibat. Nonnihil etiam Regē turbabat ma-
ter Bona Zfortia, quæ postquam XL an-
nis vixisset in Poloniâ, tandem obtentu
valetudinis curandæ in Italiam ad suos (e-
rat enim Duce Mediolanensi genita) pro-
ficiscendi animum cepit. Non decorum
sibi Rex putabat matris discessum, ave-
cturæ insuper alienam in terram debitos
Filio thesauros. Illa adversum Regem
sentiens, tantò acriùs institit, ac uente in-
situm pridem abeundi desiderium, filio
cedendi verecundiâ. Mox dolum ad-
dens contumaciæ, donis suffragia proce-
rum quorundam, quibus obnoxium prin-
cipem noverat, emercatur. Interposuit
quoque pro matre preces Isabella Un-
gariæ

riæ Regina Augusti soror. Ita dimissa vix annum in patrio solo exegerat, cum extincta est, dubium an quæsitâ morte. Plurimi Laurentii Papagodæ dolum suspectabant, grassatum credentes & veneno in principem, cum reditûs cupidam cerneret, & testamento ficto in Ducatum Barensem, quem Augusto debitum Philippus Hispaniæ Rex ut complementum regni Neapolitani sibi vindicavit, elusis satis superbe legatis, quos Augustus subinde repetundarum causâ mittebat.

V. Livoniam Lithuaniam Prussiamque confinem provinciam agitabant ea tempestate super Moschorum prævalida arma, domi nata inter Archiepiscopum Rigensem & Magistrum ordinis Theutonici dissidia. Quibus initium assumptus ab Archiepiscopo Brandenburgico Principe Coadjutor, ut vocant, Christophorus Dux Mechelburgicus, præbuit. Eoque crevère, ut Archiepiscopum quidem adversarii in vincula datum indignè haberent. Ea res Augustum movit, ut illi, quippe consanguineo suo, auxilium ferre moliretur. Contracto mox ingente exercitu Livoniam ingressurus erat, nisi novi belli

vi belli famâ excitî Imperator, Rex Daniæ
 aliique Principes misissent properè lega-
 tos, qui lite composîtâ, orienti materiam
 incendio præciderunt. Restitutus ita
 dignitati suæ Archiepiscopus, eidemque
 successor designatus Mechelburgicus.

Acquieverant utcunq; domesticæ tur-
 bæ, cum Moschus majore, quam unquam
 antehac, impetu insurgit. Intra breve
 tempus Narvam, Neuhausium, Derpatû,
 tandemque Felinum occupat, ipsô insu-
 per Magistrô Livoniæ Furstenbergiô ca-
 ptô. Livones suæ sibi defensionî jam im-
 pares ad externa auxilia respiciunt. Non
 unum tamen omnium perfugium fuit:
 Revalienses Erico Suecorum Regi se de-
 dunt, Archiepiscopus Rigensis cum Ma-
 gistro Livoniæ, & subjectâ nobilitate ad
 Augustum Regem se recipiunt. Qui ta-
 men nisi se suaq; omnia Poloniæ ac Lith-
 vaniæ regimini subicientibus, & eidem
 juratis patrocinîû polliceri noluit. Cun-
 ctati equidem illi, sed urgente necessita-
 tis telo, satius tandem judicant imputa-
 re subjectionis leges Polonis, quam à Mo-
 scho irato accipere. Dato discutiendis
 utrinque conditionibus tempore aliquo,

K

tandem

tandem Magister ordinis Gothofredus Ketlerus, solenniter magisterio se ordinis abdicat, arcemque Rigensem, in qua hæc agebantur, atque ipsam etiam urbem Nicolao Radzivillio Palatino Vilnensi, qui Regis nomine aderat, tradit. Ipse vicissim à Radzivillio Curlandiæ & Semigalliæ Dux, postmodum verò Prorex gubernatorque Livoniæ proclamatur.

VI. Novæ ita Provinciæ accessione aucta Polonia, bellis quoque novis implicita est. Nam & in Moschum magnæ Livoniæ parti incubantem, & tum Tartarorum adeptis Astracano Casanoque regionis, insolentiorum, arma sumenda erant; nec cum Erico Sueciæ Rege, cui Revalia se dediderat, diu pax culta est. At contra illum quidem primò ad Nevelam non infeliciter pugnatum est, Ducum in primis virtute, inter quos Stanislaus Zamojski & Johannes Zborovius eminuere.

Sed paulò post circumagente se fortuna obsessa ab hoste Polocia ampla urbs, & tandem crebris tormentorum, quæ plurima & raræ molis adduxerat, arietationibus expugnata est: magnò Regis dolore, quem auxit nuncius occupatæ à Revaliensi.

valiensi præfecto Parnaviæ, oppidi ob fa-
ciles appulsus commerciis peropportuni.
Conspiraverat quoque cum Succis Chri-
stophorus Mechelburgicus, Archiepisco-
pi Rigenſis adjutor, quo mortuo locum
ejus invitis etiam Polonis occupare ten-
debat. Sed à Duce Curlandiæ & Erne-
ſto Vejero in arce Dolenſi captus, miſſus-
que in Poloniam quinquennii integri
vinculis defectionis ſuæ & ſimul patrati
cædis (nam Vanſovicium quendam ad
menſam pugione tranſfixerat) poenas lu-
it. Idem fatum in Suecia Johannes Fin-
landiæ Dux ſubiit, quem Auguſto ob du-
ctam ſororem affinitate innexum, hucque
adeò inclinatiorem animo creditum, E-
ricus frater Suecorum Rex carceri inclu-
ſit.

Triftia hæc reportata paulò poſt illu-
ſtris in Lithuaniam de Moſchis victoria
penſavit. Duplici illos agmine in Lith-
vaniam effuſos eadem utroſque fortuna
deprehendit. Namque alteros quidem
Nicolaus Radzivillius & Georgius Chod-
kievicius Duces exercituum aggreſſi ita
cecidere, ut ſupra viginti millia ferantur
occubiſſe. Ducem eorum Suiſcium præ-

lio elapsum agrestis quidam obtruncavit. Cæteros Stanislaus Pacius, Dapifer Lithvanix memorabili itidem strage profligavit, tormentis insuper eorum potitus. Interjecto aliquo intervallo Parnovia, quam paulò ante occupatam à Suecis diximus, recuperata est, proditione maximè Germanorum, quorum aliquot turmas Suecus exautoraverat. Pars illorum maxima excedit urbe, tanquam ad Curlandum itura, alii nescio quæ negotia prætexentes manent. Convenerat autem inter ipsos, ut hi illos noctu portis apertis in urbem admitterent. Quod & factum. Ingressi enim tanquam valedicturi domum Senatoris, penes quem claves urbis, epulisque instructis commessantes hospitem ipsum vino deponunt. Ita clavibus potiti, nocte serâ commilitones pridie egressos intromittunt: Fit impetus in Suecos, Germanis qui Sueco usque merebant, si quiescerent, promittitur impunitas. Occupatâ urbe arx adhuc restabat. Sed & hanc Sueci post toleratum sesquimensis obsidium deditere.

VII. Sub hæc tempora rediit in Poloniam Adamus Konarscius aureorum aliquot

quot millia Neapoli ab Hispaniæ Rege
ferens Augusto. Id scenus erat pecunia-
rum, quas Bona nuper mutuò dederat Hi-
spano. Sed Regem non ita allata exhi-
laravit pecunia, quantum prærepta Du-
catûs Barenfis hæreditas offenderat. Sa-
nè quovis modo ob id Austriacis ægre fa-
cere laborans, Catharinæ uxori repudium
denunciare machinabatur, obtentui sum-
ptâ mulieris sterilitate. Quanquam nec
ex cæteris uxoribus prolem Augustus un-
quam susceperat.

Quâ orbitate credo motus seriò agita-
re cœpit, ut provincias Lithuanix, per
Casimirum Regesque proximos averfas,
regno redderet uniretque, dudum id ur-
gentibus Polonis. Hactenus tamen Pro-
ceres Lithuanix obstiterant consilio, atq;
inprimis Nicolaus Radzivillius. Sed is
recens obierat, vir maximis in Lithuanîâ
muneribus perfunctus, aliis forsan eò no-
mine invisus, quod primus Vilnæ, homi-
nibus Calvinî nomine exosis aulam in-
dulfit, in quâ sacris suis operarentur; Bib-
liorumque in vernaculum translationem
procuravit. Eo mortuo, priscum illud

Lithuaniz cum Polonia regno foedus renovatum sancitumque est.

Paulò post & Albertus Prussiz Dux, mortuò patre, obsequium fidemque Regi ac Regno juravit. Cui vicissim Rex privilegia vetera stabilivit, additâ insuper Augustanz, quam vocant, confessionis libertate, appellandique ad tribunal Regium necessitate remissâ. Diversa ab hoc Gedanensium fortuna fuit, qui magistratui suo discordes, eumque peculatûs reum agentes movêre Regem, ut mitteret iudices causâ inter partes arbitratos. Illos metuens magistratus agrè nec nisi certas condiciones stipulatus, in urbem admittit. Quod indignè ferens Rex, pœnz loco, nova onera reluctari jam non audentibus imponit, portorii, quò solus ante Senatus fruebatur, partem arario Regio addicens, porroque injungens, causz ut ipsorum, quæ hætenus Prussiz limites non egrediebantur, in foro Polonorum disceptarentur. Usque adeò magno plerumque constant civitatibus discordiz!

q) VIII. Livonia lacerabatur adhuc inter variorum dominorum manûs. Arcem

cem Revaliensem Sueci proditione equitum quorundam auctore Nicolao Curselio amissam, mox eodem penè mense proditione recepérunt. Eandem paulò pòst Magnus Holsatiæ Dux & Ossiæ, (quæ insula Livoniæ opposita jacet,) pridem Dominus, nuperque à Moscho Rex Livoniæ renunciatus, aggreditur. Sed Revalienses, nec suadâ, quâ ut Germanum principem Germani Suecis Polonisve præferrent, monebat, nec exercitu, quod à Moscho instructus, urbem circumvenerat, moti, constantiâ suâ obsessores Moschos ad fastidium cœpti obsidii egère. Qui conceptam apud Revaliam bilem in Finlandiam Suecorum provinciam evomunt. Ubi tam improbè crudeliterque multa patrârunt, ut odium sui Germanis injicerent, quantumvis sub signis ipsorum merentibus. Inter hos Rosa equitum præfectus, Derpatum invadere decreverat, ut à Moschis liberaret. Vicisset misera urbs, si vinci tum potuisset. Sed re ab illo minus cautè administratâ; nec ab oppidanis, quippe ignaris consilii, adjunctâ, nihil aliud effectum est, quam ut in miseròs cives Tyranni Moschici Johan-

nis Basilidis tantò atrocius sæviret immanitas. Nec satiare se hic tam paucis scilicet victimis potuit. Redux domum, in captivos, quos quadringentos ex Livoniâ abduxerat, quicquid audere Tyrannis potest, exercuit. Parum fuit, totos greges non virorum tantum, sed & puel-
larum puerorumque simul enecare. Ingenium advocari oportuit ad excogitan-
da suppliciorum genera, quæ aliquid mor-
te gravius haberent. Plenum furcis cru-
cibusque forum fuit, passim etiam athena
aquis bullientibus, in quas vivi homines
coniciebantur, fumabant. Sed in pri-
mis memorabilis est, quam in puellis qui-
busdã germanis liberalissimæ formæ ex-
seruit, impietas: Redimere has aliqui nu-
merato argento nitebantur. Ipsæque pro
incolumitate sua omnia tentabant: cum
obstinatum viderent Tyrannum, liberta-
te velut ultimum usuræ, immanitatem ei
acerbè exprobrant, vindictam etiam cœ-
li imprecantes. Ille virulentior factus,
primum alios captivos coram ipsis aquis
suffocari, vel dissecari gladiis jubet. Ipsas
dein alligatas asseribus carnifices miseri-
rimè excipiunt, ungues etiam manibus ef-
fodien-

fodientes. Extractis ita, quo diutius
morti velut suæ superessent, supplicii
cruciatibus, cum atrocissimis questibus
cælum implerent, tandem exsectis lin-
guis suffiguntur verubus, flammisq; sup-
positis in cineres rediguntur. Non re-
feram hic, quâ crudelitate Cancellarium
suum mutilandum discerpendumque cu-
raverit, non alia, quibus ante me totos li-
bros implevere autores. Mihi compen-
dium scribenti satis est unum exposuisse
facinus, ad monstrandam immanitatem
hominis, qui Christianum nomen præ-
ferens, Phalaridas omnes anteivit.

IX. Eodem tempore apud Valachos
simili ferme impotentia dominatum Iuo-
nia exercebat. Qui Stephani Valachor-
um Principis è concubinâ filius, nuper
Johannis Firleji aulae tum Regiæ præfe-
cti (Mareschalcum vulgò vocant) fa-
mulatus fuerat. Post ad Turcarum Im-
peratorem delatus, Valachis Bogdanum
principem ob Polonorum inprimis fami-
liaritatem spernentibus, dignus imperio
visus est. Nec minuit illi amorem cru-
delitas apud subditos, gentem & ipsam
immanem, & sic quasi suos mores in ali-

o non averſantem. Certè etiam poſt plurima ſavitiæ exempla luoniam omni ope defendêrunt adverſus Bogdanum, nullà ipsis cognitum injuriâ. Cæterùm hunc conantem amiſſam dignitatem repetere, adjutum proceres quidam Poloni ivère. Inter quos eminebant Nicolaus Mielecus, Sienavius, Herburtus, Johannes Jordanus, Stanislaus Lanſkoronius. Sed hi terram hoſtilem ingreſſi, potentiam hoſtis, Turcarum viribus ſuccincti majorem ſenſere, quam ut ſubigi poſſet manu privatâ. Velitationibus tamen nec non duellis quibuſdam ſatis palam fecêrunt, invictos Turcis Polonos eſſe, cum pares paribus congrediuntur. Primam aleam Stanislaus Viſtempus ſubiit, parvus corpore, magnus animo, utroque ita firmatus, ut proſilientem provocantemque Turcam uno venabuli icû transverberaret. Paucis poſt diebus alius è Turcis evolat, ad certantem ciens Stanislauum Ciolcum, armis habituque fulgidum, adeoque præ cæteris oculos hoſtis ferientem. Qui promptus animo, & clareſcere properus, illico à Palatino Podolia Mielecio copiam petit congredi-

end i

endi. Hoc pertinaciter abnuente, ali-
cui saltem ex suis id ut permittatur, orat.
Id cum impetrasset, deposcit sibi certamē
Paulus Chanzovius, præsentemq; Turcam
hastâ adoritur, irritô tamen, quem altè
paraverat ictu. Post districto ense fron-
ti adversarii vulnus figit, extrahentemq;
hærens ferrum brachiis implicat. Elapsus
tamen nescio quomodo Turca, vulnere,
quod lethale acceperat, movet socios, ut
ad vindictam proruerent. Jamque in-
terim ad Polonum etiam duo alii accur-
rerant. Quibus mox magno hostium nu-
mero circumfusus Herbertus & Volsciis
subveniunt; secutique eos alii insuper
justi pene prælii specimen dedere. Nam
& hostis omni vi contra ibat. Sed ardo-
re impetuque instantium Polonorum, ad
ipsa usq; stativa Valachica compulsus est.

Nec verò postea quoque desiit rever-
tentes Chocimum Polonos lacerare,
quamvis magno subinde detrimento suo.
Fuit, cum à Johannis Jordani hastatis, ve-
litibusque Herburti, ita acceptus est, ut
pilei s cæterisque impedimentorum ob-
jectis, præpedire celeritatem insequentium

um Polonorum conaretur. Sed hi firmato adversus prædam animo ita strenue fugientibus insiterunt, ut longius etiam, quam par foret, provecti, cum in alios sexcentos Turcas incidissent, magna virtute iterum pugnaverint. Herburtus tum præsens vitæ periculū incurrat. Procul enim à suis inter Turcas ignaros vagans, cum hostem se, inflicto uni ex illis vulnere prodidisset, à duobus Turcis ex utroque latere invaditur: Unius sarissa prope equo illum ejecerat, nisi altera parte irruens simili telo hostis defluentem restituisset. Ita mirò fati velut ludibrio, stimulatī impetu equi ad suos pervasit.

Reversis per tot discrimina Polonis, gratias quidem Bogdanus habuit, sorti tamen suæ, cui erigendæ tanta virtus non suffecisset, diffusus, in Moscoviam contendit, ubi & exilii molestias matura morte finivit. Poloniam verò tum pestis populabatur, quâ & effectum est, ut nec comitia Varisaviæ indicta haberi potuerint, & Rex ipse ab infecta urbe ire Knischinum coactus sit. Ubi assecuta eum mors,
non

Lib. III. il Aug. 1540, - 1574.

LIBER III.

229

non illo quidem contagioso, sed lento
pridemque concepto morbo confecit.
Principem moderatum, alicubi remissum,
bonarum artium, inprimis secretiorum,
amantissimum, nec bellis degenerem,
quæ tamen plura autoritate amo-
vit, quàm armis pa-
travit.



FLORI
POLONICI

LIBER IV.

HENRICUS VALESIIUS.

Anno Mundi servati

M D LXXIV.

Breviarium.

Mascula Jagellonidum stirps extincta. Unde multorum arrecta studia. Candidati erant Austriacus, Dux Andegavensis, Rex Suecia, Dux Moscorum. Aliqui etiam Indigena. Sed hi statim rejecti. Pro Ernesto Austriaco oratio Episcopi Plo-censis. Pro Henrico Valesio Karnkovii oratio pronius accepta. Moscica factio sprete, Nec qui pro Joanne Suecia Rege nitebantur, auditi. Confœderatio novum dissidentium munimentum. Dissidia in Electione tandem sopita, & in Henricum Andegavensem consensus. Designati in Galliam Legati. Qui de conditionibus transgêre. Henricum in Poloniam venit.

Coro-

Henr: Valefius, 1574.

LIBER IV.

231

Coronatur Cracovia. Samuel Zborovius Andream Vapovium non procul à palatio Regis leihalter sauciat. Carolus IX. Rex Gall. moritur anno 1574. in April. Henricus, in Galliam properans clam Cracoviâ discedit. Aliqui proceres insequuntur. Sed Regem à cœpto itinere revocare nequeunt. Mittuntur Legati in Galliam Regem reposcentes. Cum frustra diu expectatus esset Rex, interregnum proclamatur, & electi duo. Stephanus Bathoreus ante veniens sceptrum adipiscitur.

INTERREGNUM.

Cum Sigismundo Augusto regnatrici in Poloniâ Lithuaniâque Domûs masculinum genus extinctum est. Nulla enim is prolem, Sorores verò duas, Catharinam & Annam reliquerat. Illa Joanni Finlandiæ Duci, post & Sueciæ Regi nupta, Sigismundi III. Regis Poloniæ & Sueciæ mater fuit. Altera diu cœlebs, postea provecta ætate, Stephano Regi juncta, sine sobole decessit. Post Augustum igitur Polonia, quæ duobus amplius seculis ex stirpe Jagelloniâ Principes sumere consueverat, hæreditas esse desuit.

Et

Et eò vehementiore tum curà ordinum
Poloniæ animi, juxtaque exterorum Prin-
cipum studia exarsere. Multi enim eorū
aut ambierunt ipsi Regnum, aut ambi-
entes commendatione & ope juverunt.
Inter candidatos professi sunt nomina
sua Ernestus Austriacus Cæsaris Filius, Jo-
annes Sueciæ Rex, Magnus Dux Mosco-
viæ, Henricus Andinus Caroli IX. Galli-
arum Regis frater. Et singuli isti repe-
rerunt hic, aut conciliarunt sibi fauto-
res. Sed nec desuere, qui Indigenam ex-
teris præferendum judicarent. Et pluri-
mi ex præcipuæ notæ Senatoribus, stimu-
latione diversa, nominati sunt, quī-
dam ut digni hoc honore, alii, ut auge-
sciente talium numero, eò magis hæsita-
ret electio, & tantò facilius in externum
inclinaretur. Nempe decorum quidem
Poloniæ videbatur, produxisse tot sceptri
patrii capaces viros: sed gloriæ præhabi-
ta est cura libertatis; Quæ ut æquali Ci-
vium jure maximè efflorescit, ita inter fa-
milias regnatrices facile exolefceret; e-
gressuris civilitatis modum non modò il-
lis, qui ad Regium fastigium pervenissent,
sed & omnibus, qui affinitate eos attin-
gerent.

gerent. Quam ob rem etsi Respubl. Pia-
stos quidem aliquos (sic enim hîc indi-
genas ejusmodi candidatos appellare mo-
ris est) educasse visa est, jamdudum tamē
nullum præficere sibi sustinuit: minus si-
bi ab externo principe, quam domestico
ambitu periculum esse arbitrata. Et nunc
objectum de ejusmodi Piasto molimen lu-
dibrio primū cessit, cum inter alios ma-
gnos Viros, in quibus Kostka Castellanus
Gedanensis plura cæteris suffragia tulisse
visus est, juxta nominaretur homo qui-
dam nominis & virtutis obscuræ. Sed
eodem quoque Joannis Zamoscii Præfe-
cti tum Belzensis sagacitas profuit, cum
publicè rogavit, ut Indigenæ illi vel can-
didati esse desinerent, vel campo Electio-
ni dicato decederent: quò liberiùs pro-
ferre posset, quid in quoque vel laudet,
vel desideret Respubl. Susceptum id ma-
gno applausu, sed simul id quoque effe-
ctum, ut mox ultrò quisque Elector re-
gnaturi, quam Regni candidato esse mal-
let; quia in tanto competitorum nume-
ro spes sceptri adipiscendi incerta erat,
offensa ab illo, qui præpotuisset, velut in
æmulum certissima. Eò proniore tandem

viâ ad externos transit eligentium cura. Ac primum pro Ernesto Austriaco Petrus Myscovijs Plocensis Episcopus, adstantibus earundem partium antesignanis Fabiano Cema Palatino Mariæburgensi & Stanislao Slupecio Lublinensi Castellano, in hunc modum peroravit: *Ernesti Archi-Ducis decora memoraturo modus verborum citius, quàm copia rerum defuerit. Nam primum Domo, e quâ natus est, nulla in Orbe illustrior atque augustior est. Quippe qua & Germaniam & multa florentissima Regna ditio-
ne suâ complexa, nec minus virtutum, quàm Imperii sedes est. Sed & magnitudinem ejus etsi invidia obnoxia, utilissimam tamen sentit Christianus orbis, cujus illa adversus Turcicam potentiam presidium est ac munimentum. Eo ipso uti Polonia communione bellorum jamdudum juncta, ita affinitate sanguinis Principibus Jagelloniis proxima. Ita ut Ernestus Archi-Dux non ex peregrinâ Polonis, sed gentilitiâ quodammodo stirpe prognatus videri possit. Avia quippe ejus Vladislao Jagellonide Ungaria & Bohemia Rege, Casimiri III. filio, Sigismundi I. fratre genita est. Et tanti hujus familia affinitas à*

in à Senatu Polono habita fuit, ut is defun-
cto proximè Regi Sigismundo Augusto ex
Domo Caesaris Conjugem ducendam suase-
rit. Quam cum ille ob sterilitatem postea re-
pudiaverit, dedit potens illa Domus grande
moderationis specimen, cum aut pro injuriâ
non habuit repudium, aut Polonorum amici-
tia id remisit. Eo præterea commendabilis
hac familia est, quod Principes ingenitâ quâ-
dam nobilitate bonos producit, & quos genu-
it, magnâ & curâ & quasi sanctitate educat.
Ex tali stirpe & disciplinâ offertur jam No-
bis augustus sanguis, filius Casareus. Quem
niti & fratrem ejus Rudolphum Philippus II.
Hispaniarum Rex, Caesaris patruelis & ge-
ner, liberali severitate, procul à maternis &
voluptatum blanditiis, habitum, ad omne vir-
tutum genus exercuit. Et feliciter cessit edu-
cationi rursusque: cum prior avo Rudolphus
non ita dudum ad Ungaricum Regnum eve-
hi, alter hic Polonici candidatus esse merue-
rit. Optima & tot Heroum sanguine dignis-
sima indolis est. Linguas Principibus utiles
callet: nec Sclavonica nostra ignarus, cum
Bohemica assueverit. Etate porro ejusmo-
di est, quâ & discere qua desunt, & ad mores
nostros flecti facillimè possit. Adcoque inter
nos adolescendo, eò arctius nobiscum coale-
scet.

scet. Jam commoda, qua illo electo ad Rem-
publ. nostram redundabunt, quis non videt?
Nam totius profecto Austriaca Domus, qua
tam latè regnat, amicitia magno nobis & de-
cori & praesidio esse potest. Quippe qua novo
hoc vinculo nobis innexa, & Ungaros & Bo-
hemos, & Alemannos omnes, & Belgas, ad-
de & Italos & Hispanos Reipubl. nostra va-
lidissime illigabit: Ejusque beneficio ad tot
ditissimarum gentium societatem, commerci-
umque, maximo nostro compendio, admitte-
mur. Et in aliquibus vectigalium immuni-
tatem promittit nobis Caesar. In Ungariâ
præcipuè, ubi Vinum in Poloniam importati præ-
tium, vectigalia hætenus usitata multum in-
tendère. Porro autem nos tanto amicitia Au-
striaca accessu formidabiles erimus hostibus
nostris. Moschus qui de Livoniâ tot jam an-
nis cum Regno nostro dimicat, provinciam il-
lam potius omittere volet, quam veterem cum
Caesare necessitudinem exuere. Si quid etiam
super Prusiam difficultatum cum imperio su-
perest, id, sub tali Rege, exolescet. Turca
quantoperè hac ingrata sit conjunctio, satis
ipse significat, quando tanto molimine impe-
dire eam, adeoque animos nostros in Galliam
sibi amicam deflectere conatur. At hoc i-
plum eò magis stimulare nos debet, ut noli-
mus,

mus, quod cupit hostis: & utilia nobis fun-
ra credamus, qua ille pestifera sibi fore sentit.
Utinam verò tandem illucescat illa dies, quā
arētissimis fœderib9, contra communē Christi-
ani nominis hostē gentes conspirent, quarū il-
le discordiis hactenus tam vastam potentia
molem extruxit. Neque verò est, cur ipsam
etiam Domus Casarea magnitudinem metu-
amus. Tot illa emulis, tot hostibus velut cir-
cumfideatur, ut nisi pietate, justitiā & clemen-
tiā, firmet res suas, multis maximis pericu-
lis sit obnoxia. Sed, stetit hactenus Deo &
virtute nixa. Longam ibi seriem optimorum
principum numeramus, Tyrannum non vidi-
mus, nec legimus. Sumpta aliquando de re-
bellibus supplicia, in Bohemiā imprimis, sed
justissima; & intra paucos constituerunt. Tri-
buta ibidem non magis Princeps, quam ne-
cessitas imperat, bellis Turcicis perpetuò ferè
haurientibus ararium. Neque tamen quic-
quam immodicum exigi, vel ex Lescinio Ra-
deoviensi Praefecto intelligimus, qui bona Ca-
sareis terris vicina, aliqua & obnoxia habet.
Ne in Religione quidem qui à nobis dissident,
habent quod metuant. Innumeri enim sub
Casare diversorum sacrorum homines vi-
vunt non tunc modo, sed in luce etiam hono-
rum. Cujus rei vel Collegam meum Episco-
pum

*pum Cracoviensem & Lucam Podofcium Canonicum Cracoviensem habeo testes. Tanta libertas cum ibi sit, ubi major potestas est dominantis, cur nobis chimaras servitutis fingimus, qui non Casari, sed filio ejus nos subjiciemus & ita subjiciemus, ut & ipse prius legibus se nostris subjiciat? Hæc Episcopus Plocensis, penè consona iis, quæ antehac Legatus Cæsareus Gulielmus Rosenberghus collegâ Venceslao Persteinio committatus, dixerat, cum in confessum Ordinum sub initia conventus istius fuerat admissus. Et ejusdem argumenti tum fuerat oratio Legatorum, quos Electores Imperii miserant. Expenſa fuerunt, quæ isti omnes pro filio Cæsaris attulere. Sed plerisque ætas principis displicebat, nondum matura regimini gentis, quæ quo liberior, eò difficilior gubernatu foret. Huc requiri plenum robur judicii, & versatam in negotiis experientiam, corpus ad laborem firmum, animum inter tot liberè intercedentium voces moderatum & multæ patientiæ. Educto verò in Domo regnatrice juveni patrium potius regendi morem placiturum; nec defutura exterorum secreta consilia, volentium
potius,*

potius, ut libertas principi, quam princeps se libertati attemperet: Externam porrò regnantis potentiam alibi fortassis ferri, quia respui non possit; Polonis intolerabilem esse, quorum Rex quantum satis, possit, sed nihil sine Polonis posse debeat. Nonnulli & usitata inter accolae populos odia objiciebant, acerbiora hæc fore asserentes, ubi æmularum gentium una præesse, altera subesse videretur: adeoque, unde vincula amoris sperentur, alimenta potius irarum metuenda. Inter hæc privatim publiceque diversis studiis jactata, crescebant eò magis animi pro Duce Andino pugnantiū. Quibus jam dudum Joannes Monlucius Episcopus Valentinus præluserat, Vir agilis ingenii, & jam ante hunc conventū dexteritate, gratiâque morum, & facundiæ, aliisque potentibus agendi modis illapsus in animos plurimorum. Sed apertissimè omnium causam Gallicam amplexi fuerant Stanislaus Karnkovius Episcopus Vladislaviensis, Petrus Sborovius Palatinus Sendomiriæ, & Joannes Kostka Castellanus Gedanensis: Orsus prior Episcopus ita disseruit. *Ceteri*
candi-

candidati Polonia Regnum propter se ipsos, Andinus propter Polonos expetit. Nobis qui hanc quasi viduam quam optimè elocare contendimus, non id spectandum est, quis ei loci vicinitate aut ambitu proximus instet: sed quis opis indigam optimè defendere possit. Ego vivente etiamnum Augusto Rege, futura Civili libertate prospiciens de multis mecum rebus, quæ è re publicâ forent, disputavi. Primum quidem cum nullum huic Regno periculum majus, quàm à Turcico Imperio immineat, dispiciendum quam maximè existimavi, uter ab illo periculo vindicare nos facilius possit, an qui Turca amicus nos ejusdem amicitia fœdere complexurus, an qui hostis illius perpetuus, nos iisdem secum bellis intricaturus sit. Priorem mihi placuisse fateor, neque dubito, aliis rerum gnaris & patriæ amantibus pariter præ altero placitum. Deinde, cum Rex Dania belli Livonici occasione littoribus Prussicis infestus, Gedanensium nostrorum merces abstulerit, cogitandum credidi, quis rectius adversus potentem maris Regem juvare nos possit, illene qui terris maria diuione suâ junxerit; an qui in mediterraneo terrarum positus nec portum nec classem in mari habeat, neque adedò instruere possit. Quid denuò mecum eâ in re definierim, vel

me tacente quisque prudens intelligit, & haud dubiè mecum sentit. Præterea repugnandum credidi, Rempubl. nostrā nullo unquam tempore de sanandis morbis suis agere commodius posse, quàm cum sibi relicta, liberè & mala sua eloquatur, & remedia circumspicit. Certum enim est, optimas legum nostrarum, nos Interregnis debere. Nec libertati melius prospici posse, quàm dum sine Rege sumus. Neq; enim unquam huic vidua proci defunt: à quorum certantibus inter se studiis nihil non quod in rem sit nostram, impetrari possit. Eligimus Dominum, sed quem libertati nostra minimè gravem fore credimus. Ecquem autem aptiorem nobis judicamus? an vicinum dignitate familia, atque opibus prævalidum, unde adeò periculum sit, ne nos cæterorum Regnorum seu prosperis, seu adversis obruat. An non potius longius petiitum, & bonam copiam ad beneficia Reipubl. præstanda habiturum, nullam ad injurias. Quippe cui quasi peregrino nulla potentia adminicula nisi à nobis, nostrumque adeò obsequium eò gratius futurum sit, quia amor necessarius? Talis est Andrius Princeps, Christianissimi Regis Caroli IX. frater: ampliudine generis nulli impar, ætate & viribus par voto nostro & multis magnisque auctoramentis amo-

rem nostrum prensans. Quod si de fide promissorum dubitare audeamus, est in potestate nostrâ nexus quam validissimos dispicere, quibus eam nobis firmemus. Utique quæ fide Regiâ illinc spondentur, ejusmodi sunt, ut Rempubl. nostram non modo servare, sed & florentissimam reddere possint: Et promittuntur ab eo, qui malam fidem ætate inidonea nunquam excusare poterit: promittuntur denique sponsore fratre Rege, cui religio erit non præstare ea, quæ tanto Regi non sunt præstare difficilia. Nec beneficia hæc viscata, aut à gente amulâ nobis gravia erunt. Potius vero à natione, quæ vividâ & latâ indole, comi & prompto sermone ad nostram proximè accedit: expers lentoris, quem nec res, nec mores nostri ferunt. Et vel inde tacitâ quâdam inclinatione plurimum inter nos animos in studia Gallica ire video. Mihiq; non jam dubium penè est, hunc fato destinari Polonia Regem, quæ nobis singulari quædam natura fortunæq; consensu monstratur. Episcopi orationem disertam & suavem, simili suffragio, sed majore, & in Austriacos acriore spiritu firmavit Zborovius Sendomiriæ Palatinus, Vir sanguinis opumque splendore & clientelis præpotens: Postremò & Castellanus Godanensis scito admô-

admodum sermone ea quæ Gallo objectabantur, confutavit. Facta sub initium hujus Conventûs aliqua mentio fuerat Ducis Moscorum; ostensumque à nonnullis, eò electo ingens, & Turcis ipsis formidabile Imperii Sarmatici corpus effici posse. Eò modò Lithuaniam Poloniae Regno, & societati Ecclesiæ Romanæ innexam. Sed plerisq; aliis infinitæ potestati assuetus Dominator, libertati Polonæ; gentisque barbaræ communio, poliori Reipubl. haud convenire visus est. Neque magnum ab inconditâ illâ & ad servitium natâ multitudine subsidium Poloniae, potiusverò inter tam diversos genios ac mores perpetuum certamen expectandum. Unde adeò nec diu, neque magno aliquo studio de Duce illo actum est. Longè acrior pro Joanne Suecorum Rege contentio fuit. Sed qui pro eo nitentur, non sine multo obstrepentium tumultu, ut pro diversæ Religionis principe peroraturi, audientiam impetravêre. Horum præcipui erant Joannes Firlejus Palatinus Cracoviensis idemque Regni Mareschallus, Nicolaus Mielecus Podoliæ, Anselmus Gostomscius Ravenfis Pa-

latinus. Prævit Firlejus, virtutesq; Joannis meditatæ elogiis edisseruit. *Iustitia inprimis ac pietatis studium, animum constantem & rebus bonis malisque ad prudentiam exercitum, sed simul quoque favorem Dei singularem utrobique experium. Quippe qui ab iniquo fraire quinquennali carcere detentus, mira deinde vice fortuna, fratri victo eadem vincula injecerit. Victorias item ejus de Danis & Moschis reportatas. Proxima item cum defuncto Rege affinitatis jura, cujus cum sororem Catharinam duxerit Joannes, habendum & in ipso & in liberis ejus honorem sanguinis sagellonis, cujus in hanc Rempubl tanta merita extent. Non indecorem Polonis futurum Sigismundi I. generum; qui & atate, & virtutibus maturis, lingua item commercio, & intimi inprimis affectus nexu ceteros omnes Regni candidatos anteciat.*

Eadem ingeminabant Podoliæ Ravæque Palatini, sed hi omnes mirè votis suis adversos plerosque Polonorum sensere. Et Samogitiæ inprimis Præfectus Joannes Chodkievicius multa dixit, quibus animi à Sueciæ Rege longius sunt averfi; præcipuo etiam propugnatore ejus Firlejo ideo plurimis, præsertim sacri ordinis, minus grato, quod magnis animis dissidenti.

dentium causam toto hoc conventu egerat: autorque habebatur consiliorum, quæ cœtu segrege, in pago Grochoviano, habebantur à quinque Palatinis, & Castellanis non paucis, inter quos & Comites Gorcani erant, & plurimi ex ordine equestrium. Horum maximè connisu effectum quoque postea est, ut dissidentium libertati novâ lege, quæ Confœderationis nomine hodieque celebris est, caveretur, etsi multum obnitentibus Antistitum plerisque; qui cum impedire non possent, quin diversa per Poloniam dogmata spargerentur, iis securitatem lege publica dari indignabantur. Neque nomen subscripsere, nisi additâ à plerisque cautelâ, ne ea res antiquitus receptis Ecclesiæ sacris fraudi esset. Cæterum habitæ de candidatis orationes distraxere quidem usque judicia ordinum, sed in Austriacum favor nec adedò magnus initio fuit, & qui fuit, citò refrixit, non aliâ magis ex causâ, quàm quod Domus illa magnitudine suâ libertati Polonæ formidabilis videretur. Dux ergò maximæ factiones supererant, quarum altera Gallo addicta à Ciarnkovio & Sboroviiis, altera

à Firlejo, Mielesio, & Gorcanis fratribus fovebatur. Neutra pertrahere ad se alteram, neutra etiam sciscere quicquam sola poterat. Et eò denique dissensio effervuit, ut cum utraque diu satis seorsim consilia sua agitasset, tandem & ad arma se accingeret. Et sic diu mutuis minis vis utcunque, non item metus arcebatur. Tandem ex castris majoribus, ubi in Andinum consensum jam erat, Joannes Sieracovius Lenciciæ Palatinus, Hieronymus Ossolinus Sendomiriensis, & Joannes Kostka Gedanensis Castellani, in pagum Grochovianum mittuntur, ut segreges illos inde ad communem consiliorum campum concordiamque invitarent. Hi suam suffragandi libertatem strepitu & signis strophio datis obturbatam questi, persuadente Ossolinio, miserunt denique & ipsi duos Castellanos Miedziericensem Andream Comitem Gorcanum, tum Biecensem Stanislaum Szafranecium, Nicolaum item Firlejum Casimirensem Praefectum, Nicolaum Sennicium Succamararium Chelmensem, qui significarent, se potiori suffragiorum numero non adversaturos. Caterum in le-
ges

ges prius conveniendum, quibus futuri Regis potestas ex communi Civium consensu circumscriberetur. Intellectum facile est, legem, quâ religionis libertati cautum volebant dissidentes, desiderari. Illa itaque tandem approbata: seorsum tamen exhibita atque obsignata est.

Et mox verba concepta jurisjurandi, quod primum Legati futuri Regis, & deinde Rex ipse præstiturus esset: scriptaq; juxta conditiones, Regi in posterum servandæ.

Quæ deinde advocatis in campum Legatis Gallicis exhibitæ sunt. Nonnullæ earum asperiusculæ videbantur Viris astrictiori Regum imperio innutritis. Sed quod ambiebatur, obtineri non poterat nisi pleno ad omnia consensu. Itaque conceptis verbis non tantum Henrici Ducis Andini, sed & Caroli IX Galliarum Regis nomine juravere, utrumque Principem universas has conditiones à Senatu & Ordine Equestri propositas acceptaturum, jurejurando confirmaturum, & re ipsa præstiturum esse. Post juramentum deducti Varsaviam Legati, ibique XVIII Maji in templo post peracta sacra,

— voce Firleji, tanquam primi in Regno Mareſchalli, Henricus Rex Poloniæ renunciatus eſt.

II. Finitis ſolennibus deſignati ſunt ex utroque ordine Viri primarii, qui in Galliam irent, Regem inde in Poloniam deducturi. Princeps legationis Adamus Conarſcius Episcopus Poſnaniensis fuit: cui adjuñti Albertus Laſcius Palatinus Siradiensis, Joannes Baptiſta Tencinius Voinicensis, Joannes Tomicius Gneſnenſis, Joannes Herburtus Sanocensis, Andreas Comes Gorcanus Miedziericensis, Stanislaus Kriſcius Ratianensis Caſtellani; Nicolaus Chriſtophorus Dux Radzivilus Lithuaniae Mareſchallus. Ex Nobilium ordine Joannes Zborovius Odolanoviensis, Nicolaus Firlejus Caſmiriſis, Joannes Zamoſcius Belzenſis, Alexander Dux Prunſcius Palatinides Kioviensis, Nicolaus Tomicius, alii. Sed ex his aliqui iter per Germaniam difficile & malè ſecurum cauſſati, alii & reapte experti, præproperè ad ſuos redièrunt. Reliqui in Gallia magnificè accepti, deſtinatum Henrico Regnum Poloniæ obtulerunt. Simulque mox de condi-

tionibus

tionibus utrinque actum: quarum hæ
potissimum fuere: *Henrico possessionum,*
quas in Galliâ haberet reditus in Poloniâ
inferendos; Nomina Sigismundi Augusti
are Gallico dissolvenda; Juveneres centum in
Aulâ Gallicâ; alios insuper quinquaginta a-
liis locis alendos; classẽ instruendam in ma-
ri Balihico, fœdere & ope Gallorum bellum
Moschicum conficiendum. Aliquid etiam
de matrimonio cum Anna Sigismundi
Augusti Sorore injectum, quod non re-
spuit quidem Andinus; attamen ad suam
in Poloniâ præsentiam proferendum id
negotium duxit. Cætera servaturum se
jurejurando promisit. In nonnullis Ca-
rolus frater, Galliarum Rex, fidem suam
juratus pariter interposuit. His ritẽ
splendideque peractis præmissus in Polo-
niã Joannes Zborovius, qui Regis ad-
ventum Ordinibus indicaret, ut tantò re-
ctius apparerentur, quæ ad Inauguratio-
nis solennia viderentur necessaria.

III. Rex ipse IV. Calend. Octobr. e-
gressus Lutetiã, comitante magnò Pro-
cerum Gallicorum numero, per Lotha-
ringiam, & Germaniæ ditiones, certan-
te, quacunque transier, Urbium Princi-

pumque hospitalitate; Polonia Majoris fines 8 Calend. Febr. * attigit. Ubi à Stanislao Karnkovio Episcopo Vladislavienſi & Pomerania, ſplendidâ oratione exceptus eſt. Poſnaniam ingreſſuro occurrit Albertus Sandivogius Czarncovi-
us Majoris Poloniae Præfectus; Andreas Comes Gorcanus; Medzericenſis Caſtel-
lanus, Stanislaus Przymius, Stephanus Grudzinus, Joannes Oſtorogus multiq;
alii ex proceribus. In Urbe Regem Viri quidam ex ordine Equeſtri primarii ad-
e-
re. Quorum agmen ducens Abrahamus Zbonſcius ſermone multû generoſo
& diſerto, eorum, quæ Regnum adituro ſcitu utilia eſſent, admonuit, multa etiam
in deſuncti Regis ſolutiorem vitam & ad-
miſſa in regimine errata liberrimè locu-
tus. Auditus patienter à Rege, atque ut
orationem ſcriptam exhiberet, per Nico-
laum Firlejum Præfectum Caſimirienſem,
nomine Regio monitus eſt. Quod & fe-
cit Zbonſcius. * Ex majore dein Polonia
Cracoviam deductus, ibidemq; die, Mat-
thiæ Apoſtolo ſacrâ, celebri & auguſtâ
ſolenni-

* 1574.

* Anno Chriſti 1574. 21 Februar.

solennitate inauguratus est. Festivitatem
tamen publicam inauspicatus fœdavit ca-
sus. Andream quippe Vapovium; Ca-
stellanum Premisliensem, qui Joannem
Tenczynium Castellanum Voïnicensem
supremum cubiculi Regii Præfectum in
arcem comitabatur, in ipso Arcis Craco-
viensis ingressu, Samuel Sborovius, pri-
maria Vir gentis, sed præfervidi Spiri-
tus, Tenczynio autem infensissimus, &
hunc omninò petens, clavà rostratà per-
cussit. Quod facinus non procul à Pa-
latio Principis, & in ipsis Inaugurationis
Regiæ & Comitiorum auspiciis perpetra-
tum, aulam omnem & Nobilitatem, in-
ter duarum Principum familiarum facti-
ones, mirè tum divisam, non mediocri-
ter conturbavit: aliis eadem extenuan-
tibus, ut errore factam, aliis contrà in
immesum exaggerantibus. Sed Sboro-
vius ubi graviùs, quàm credidisset, per-
cussus Vapovium de vitâ periclitari co-
gnovisset, tempestivâ fugâ se subduxit: &
paulò post Regio decreto perpetuò patriâ
exesse jussus est, sic tamen ut infamiæ la-
be careret exilium. Quæ cautio à Fabro
Pibracio, Regio Oratore, in promulga-

tione decreti addita, non parum invidia Regi, apud Sborovii æmulos, conflavit. Quam magis etiam postea asperavit Fratri ejus Petro Sborovio data Palatini Cra-coviensis dignitas; postquam vacuâ hanc fecerat mors Joannis Firleji, qui seu amore religionis Genevensis, quâ Henric9 in obsessâ Rupellâ persecutus videbatur, seu aliis ex causis electioni ejus diu intercesserat, & postquam in eam denique consensit, inauspicatum ejus eventum fore auguratus est.

IV. Senis istius præsagium paulô post subito Henrici Regis è Poloniâ abitu approbatum est. Quarto enim post inaugurationem mense, cum nunciû de morte Caroli Galliarum Regis accepisset Henricus, citra cunctationem in patriam redire statuit. Et quia verebatur, ne à Polonis attineretur, ipsis insciis adornandum sibi iter putavit. Decimâ igitur octavâ Junii, noctu, quò facilius omnes falleret, citatis equis viam ingressus Byczynam primum, vicinæ Silesiæ Oppidum, pervenit. Posterâ luce Regis discessû fama, atque inde dolor omnium & indignatio, tota Urbe bacchatur. Præcipuè

cipue vœcibus eunctorum Karnkovius Episcopus Vladislaviensis, Joannes Tenczynius Cubiculi Regii Magister, Petrus Sborovius, Palatinus nuper Cracoviensis creatus vapulavit, ut Regi præ cæteris obnoxii dilectique, ac proinde scire consilia Regia potuisse, & impedire debuisse crediti. Pars quoque invidiæ in Joannem Demetrium Solikovium, Regi à Secretis, Karnkovii clientem, redundabat. Regem sequi cogitat Karnkovius, sed cùm illum intra decimum lapidem non assequeretur, Cracoviam redit. Eundem verò assequuntur Joannes Tenczynius & Zebrzidovius; orantque, ut existimationi suæ & Regni, mutato tam inhonori discessûs cœpto, consulat. Fore deinceps in Galliam eundi, si aliter res non ferat, modum honestiorem. Rex immotus ad hæc, & Galliæ Regnum sibi perituum, nisi ambiguas istic res adventu propèro composuerit, obtendens; his constitutis, rediturum se in Poloniam promittit, & cum dicto simul detractum digito annulum Tenczynio tradit, alia ad Senatum referenda, literis in lecto suo relictis, ait, contineri, & plura additurum

Danſtrum, Aulae ſuae familiarem, quem excuſando diſceſſui ſuo in Regno reliquerit. Ita fruftra diſſuadentibus Polonis, in Galliam ſuam tendit Henricus, idque, quã rectiſſimum iter erat, per Imperatoris ditiones.

V. In Poloniã interim Ordines, Conventu habito, Hieronymum Rozdrazevium Secretarium Majorem, & Joannem Thomam Droihovium in Galliam deſtinant Legatos, cùm literis, diſceſſum Regium acerbius perſtringentibus. Eodem, ipſante, conſcio tamen Karnkovio & Tenczynio, contendit Solikovius, aſſiduus deinceps Regi de promiſſo in Poloniam reditu monitor. Sed illi Principi objectæ in Galliã difficultates plurimæ, curam repetendæ Poloniæ eximebant. Tandem tamen cùm ſeriò undique nuncii & literæ monerent, Poloniæ Ordines longiorem abſentiam diu non laturos, legatos & ipſe ſuos Bellegardium & Pibracium in Poloniam mittit. Sed illum per Italiam iter molientem conquirendæ pro Rege pecuniæ cura diu nimis attinuit, donec nuncium denique acciperet, alium jam Regem diſpicere Polonos, adeoque irritum

irritum iter suum fore. Pibracius verò in via spoliatus, cum nihilominus in Poloniam perrexisset, nullum hîc pariter itineris pretium reperit, quàm hoc ingratum, ut factam publicè Henrici Regis exautorationem ipse in Poloniâ præsens spectaret. Etenim postquam Poloni, præsertim, quotquot Henrico addictiores erant, se aliquandiu spe properi redditus Regii sustentavissent; hâc dein vanescente, de alio Capite eligendo deliberandum sibi putavêre. Et primus quidem conventus Stensiciæ habitus per suffragia dissona sine effectu disfluxit, aliis adhuc nitentibus pro Rege, aliis Piasum aliquem seu domesticum Principem, aliis Cæsarem Maximilianum malentibus.

Sed non multò post Regni primas Uchanscius Henrico jam iniquior, denuò Ordines Varsoviæ convocat, ubi publicato interregno, novæ Electioni IV. dies Novembr. designatur. Congregati istic cum Ordine Equestri Proceres in diversa iterum abeunt. Pars, externos usque Principes aspernans, ex indigenis legi volebat Regem, eamque in rem præ aliis duo placuere, Joannes Kostka Palatinus Sandomiri-

domiriensis, & Andreas Tenczynius Bel-
zensis Palatinus. Alii, in quibus Regni
Primas, Crasinius Episcopus Cracovien-
sis, Stanislaus Czarnkovius, Melecius item
Palatinus Podoliæ erant, Maximilianum
Cæsarem præoptantes, hunc ipsum No-
bilitati, quæ alio loco separatim consilia
agitabat sua, missis internunciis, com-
mendare velle visi sunt. Caterùm, nec
reditu internunciorum, nec consensu Or-
dinis Equestris expectato, Regem paulò
post Maximilianum nominavere. Quæ-
re offensi Nobiles, tanto pronius Maxi-
miliani adversatoribus accessere. Itaq;
Annam Augusti Sororem, Principem Po-
loniæ inaugurant, eique Stephanum Ba-
thorem maritum, sibi Regem destinant.
Divisis ita in contraria studia animis,
mittuntur ab Archi-Episcopo, & qui cum
eo faciebant, ad Cæsarem Legati; mittun-
tur alii à parte adversâ ad Stephanum.
Solutoque inter dissidia conventu, qui
Stephanum elegerant, Andrejoviæ ite-
rum; qui Cæsarem, Lovicii confluunt.
Sed horum autoritatem alteri frequentia
vicere, & multum iis momenti addidit
Karnkovii Episcopi Vladislaviensis, acris
ingenio

ingenio & potentis facundiâ clientelisq;
Viri, præsentia. Itaque dum Cæsar du-
bitat, & suorum in Poloniâ clientum a-
nimos nimîâ cunctatione suspendit, Ste-
phanus festinatô per Valachiam Russiam-
que itinere caput rerum Cracoviam pe-
tens, æmulorum suorum conatûs ante-
vertendo evertit: favente ei, ut non ni-
mis potenti, libertate Polonâ, & ut cæli-
bi, stirpe, quæ supererat, Augusteâ: má-
ximè omnium fortunâ ipsâ, quæ, cum
magna offert, gratô & alacri animô ac-
ceptari amat, cunctantes, quasi spreta, pa-
ri tandem dedignatione transit.

STEPHANUS BATORUS.

AB ANNO CHRISTI M D LXXIV.

AD ANNUM M D LXXXVI.

Breviarium.

*Stephanus spem Regni ab exule Sborovio ac-
cipit. A Karnkovo inauguratur Craco-
via anno 1576. Suspiciones de Religione
diluit. Lithuanos sibi conciliat per Chod-
kevicium Sboroviorum affinem. Cæsa-
rem*

rem placare conantur Regnicola, misso
Crotovio Palatinide, & Solikovio. Qui-
bus multa difficultates obijciuntur: Ca-
saris morte illa extinguuntur. Comitia
Thorunii habita sine effectu disfluunt. Rex
in Gedanenses movet. Res componitur.
Paratur bellum in Moscos. Iudiciis fo-
rensibus novum Tribunal à Rege, accu-
rante Samoscio, instituitur. Zamoscio
datur munus Cancellarii. Non sine invi-
diâ multorum, potissimum Sboroviorum.
Liqoniam interim Moscus occupaverat,
& crudeliter habebat. Stephanus movet
in Moscum Podkovva Muldavius ob
seditiones puniunt. Polotia deditur Regi.
Arx item Sokolensis à Melecio Duce mi-
litie Polona occupatur, invidentibus ei
gloriam Ungaris. Torus denique Palati-
natus Poloniensis recuperatus. Posthac Co-
mitia habita, suspiciones & offensa quo-
rundam discussa. Inprimis lis de peregrini-
nis. Rex frustra alii bellum demandare
rogatur. Fiunt delectus. Vielisa & Vsvvia
ta oppida Moscorum capiuntur. Deinde
major Urbs Wielkoluca. Alibi etiam Ne-
vela & Iezeriseia, & postea Zavelocia.
Moscus Legatos mittit de pace acturos.
Castellanus Trocensis Radivilius Dux in
inte-

interiora Moscovia mittitur. Riga princeps Livonia Urbs dedit se Regi. Rex Livoniam reliquam extorquere nititur Mosco. Novis exercitiis supplementis tributafiscuntur. Itur Plescoviam. Sed hac validè defenditur à Mosco. Narvam Rex Suecia intercipit, Moscus reddit Regi Livoniam, sua recuperat. Pax confirmatur in Comitibus. Ad Livonia res componendas mittuntur à Rege viri idonei. Inter alios Solikovius, qui postea fit Archiepiscopus Leopoliensis. In Poloniâ multa sinistra in Aulam Voces. Inprimis propter Successoris electionem, quam Rex visus est querere. Zamoscius Regem purgans nec ipse effugit offensas. Rex iudiciis vacat securus suspicionum populi. Comitibus frustrata. Zamoscius Batoream ducit. Eò magis suspectatur. Sborovii inprimis in eum ubique obliqui. Eorum unus Samuel à Zamoscio capitis pœnâ plectitur. Duo ejus fratres citantur ad Comitibus. Tertius Joannes, Castellanus Gnesnensis frustra se interponit. Christophorus Sborovius Regno abit. Rex Cosacos in ordinem redigit. In Linoniâ tumultuatur Riga, ortâ ex Calendario occasione. Dux Curlandia componit discordiam. Rex Turcicum bellum instinctu

instinctu Principum Christianorum moliens subitò moritur.

IN Transylvaniâ, paulò ante Sigismundi Augusti excessum, Joannem Sigismundum, Sorore Augusti genitum, seu fato seu veneno properata mors abtulerat. Post hunc ad Principatum illum, Stephanus Batoreus, nullo sanguinis jure, sed virtutis famâ, & favore militum, quos tum frater ejus Christophorus regebat, evasit. Ubi cùm Samuelem Sborovium ob eadem Vapovii Patriâ suâ exulem benignè habuisset, ab eo in spem Regni Polonici erectus est. Et postquam faventem hic Annam Augusti Sororem, majoremque partem Procerum & Nobilitatis reperisset, ostensum à deliberante fortunâ sceptrum, animo intrepido & admirabili celeritate, Maximiliano Austriaco, potentissimo æmulo, præripuit. Cracoviam 18 April. * ingressus, Regni insignia de manibus Karnkovii Vladislaviepsis Episcopi suscepit. Nam Uchanseius Regni Primas, cui alioquin Regis inauguratio compete-
bat, Cæsareanarum partium us-
que

que pertinax, Cracoviam venire abnue-
rat. Ejusdem Karnkovii studio dubia
de Religione Stephani opinio extincta
est. Nam quod cum hominibus, à Ro-
manâ Ecclesiâ discordibz hætenus vixis-
set, taliumque potissimum operâ ad Re-
gnum provectus foret, dubitare quidam
de Principis Religione cœperant. Sed
submissus à Karnkovio Demetrius Soliko-
vius mentem illius penitus exploravit,
additusque mox eidem sacrorum arbiter,
dubitantium scrupulos discussit. Non
minùs tamen dissidentibus quoque po-
stea satisfactum, quando libertati eorum
juramento Rex cavuit.

II. Is jam porrò de sceptri, non sine
multorum dissensu impetrati, securitate
solicitus, discordes Regni Cives in suas
partes pertrahere nitebatur. Inter quos
primi omnium Lithuani ad obsequium
Regis venêre, prævio cæteris Joanne
Chodkievicio Samogitiæ Præfecto, simul-
que Lithuaniæ Mareschallo, qui cum Pe-
tri Sborovii Palatini Cracoviensis affinis
esset, hujus curâ in ipsâ Electione novo
Regi fuerat conciliatus. Et promissa il-
lis jurium privilegiorumque integritas,
tum

tum contra Moschum, jam tunc bellum minantem, auxilium, animos cæterorum Provincialium tanto prouiores ei reddidit. Arduum magis cum Cæsare negotium fuit. Qui lentè quidem, non minùs tamen seriò res suas agere, oblatumque multorum consensu Regnum Poloniæ manu vindicaturus credebatur. Multorumque iudicio utilis rei Christianæ fore videbatur Poloniæ cum aliis vicinis Regnis sub unum idemque caput consociatio. Sed Poloni suum jam Regem habentes, instantia Cæsaris arma, antequam aliis modis arcerent, legatione avertenda sibi duxère. Delecti eam in rem Joannes Crotosius Palatinides Inovladislaviensis & Joannes Demetrius Solikovius, Secretarii Regii. His & iter & muneris suscepti administratio multis difficultatibus ac periculis constitit. Per infestam sibi Silesiam, primò Pragam, inde Ratisbonam, ubi Comitia Cæsar agibat, profecti, reperiebant ubique, qui liquidum Cæsaris jus in Poloniam esse crederent, asseverarentque. Ratisbonæ Solikovius oratione publicâ ostendit, Consensionem plurium in Regno, promptumque

que Stephani adventum Cæsari cunctanti dempsisse, quicquid ei juris ex paucorum à cæteris dissensu fuisse visum sit: simulque diluit, quæ Polonis ab adversâ parte objicerentur: inprimis de Transylvaniâ, quæ Turcarum Imperatori obnoxia, Stephanum quoque aliquò nexu Christianorum hosti illigare videatur. Diu nullum responsum à Cæsare acceperunt Legati, ac multum interim ipsis negotii Albertus Lascius & Christophorus Sborovius, continui tum in Aulâ Cæsaris, gratiosique faceffivêre. Adeò ut in duellum quoque alterum Legatorum Crotosium provocaverit Sborovius. Tandem verò à Cæsare comprehensum scriptò responsum adepti, dum ad suos redire moliantur, non procul à Ratisbonâ attinentur, Linciumque deducti, traduntur custodiæ. Causa obtendebatur, quod Kurşbachius, missus à Cæsare ad Gedanenses Orator, ab Ernesto Vejero, in itinere, multis vulneribus affectus, jam morti, quàm vitæ propior diceretur. Eam juris publici violationem meruisse offensam. Cæterum dum hæc aguntur, Cæsaris morbus & brevi secuta mors impetendæ armis Poloniæ

loniæ consilia in filium deponit: qui naturâ benignus, & imperiū tuendū, quàm proferendū, cupidior, pacem cum Polonis, quàm bellum maluit, & Kurşbachium vivum in Poloniā detineri intelligēs, datā mutūæ securitatis sponsione, captivos Regis Secretarios dimittit.

III. Illi Regem Thorunii Comitibus agendis occupatum reperiunt. * In quibus cum relictas dissidiorum radices tollere Rex cuperet, non omnino parem voto sensit eventum. Hungarorum in Aula præpollentium mores, Polonis ingrati; tum præsidii ex illa gente conflati rapacitas, tardior denique conditionum quarundam executio, animorum erga Regem benevolentiam nonnihil jam refrigeraverat. Solenne præterea libera nationis genio est, in Comitibus ostendere, non multum esse, quod Reges sine studiis Nobilitatis possint. Inde adeo languidius tractata negotia, & cum destinatum Comitibus sex hebdomadum tempus per altercationum inania defluxisset, re infecta discessum est. Graviter id & in diminutionem sui Rex accipiens, dolorem

rem suum publica Oratione testatum fecit per Joannem Zamoscium, Virum facundum; quemque Rex ob mirificas animi dotes intimis Consiliis immixtum, Vice-Cancellarii jam munere, non sine multâ aliorum, præsertim Sboroviorum, invidiâ, honoraverat.

IV. In iisdem Comitiiis agi cœpit negotium, quod Regi cum Gedanensibus intercedebat. At id tamen, quia mirioribus nunc modis componi non potuit, armis postea transactum est. Partes illi Cæsaris, juxta cum Prussis reliquis, amplexi, tardiùs cæteris, fortunæ Stephani cesserant. Juramentum ab iis frustrâ aliquandiu postularat Rex; tandem autem factione Cæsaris, unâ cum ipso, extinctâ, præstare id receperant: sed eâ tamen lege, ut prius jurium suorum integritati, atque inprimis Augustanæ Confessionis libertati solenniter caveretur. Tum onera quædam, atque inprimis dimidii Portorii exactionem, Augusto ad finem vitæ ejus concessam, remitti sibi petebant. In nonnullis sine morâ illis satisfacere Rex promisit: alia graviora ad Comitia Regni differri voluit. Quod forum cum

abnueret tum Civitas, quæ se non Proce-
rum Regni, sed Regis potestati subjectam
diceret, severa in cives omnes & incolas
pronunciata sententia est, ut pro rebelli-
bus haberentur. Gedanenses scripto in-
nocentiam suam Orbi ostendere aggres-
si, nihilo segnius etiã arma armis repel-
lere statuere. Conscribunt copias, iisq;
Joannem Colonium vulgò à Kollen præ-
ficiunt, virum militiã & inprimis Mag-
deburgo nuper strenuè defenso, satis spe-
ctatum. Rex cum antecursore exerci-
tu Joannem Sborovium in Prussiam
præmittit. Quem ad Dersaviã castra
metatum, longiùs à finibus suis repulsuri
Gedanenses, obviam procedunt, incon-
sultò sanè impetu & hinc infelice. Ad
lacum enim Lubissoviensẽ, qui non pro-
cul Dersaviã abest, non sine tumidã vi-
ctoriæ spe progressi, imparem animis for-
tunam sensere. Celeritate quippe ex-
ercitus Polonici, cujus exiguo numero
generosi Ducis virtus multum addidit,
oppressi, plurimis in impare pugna amis-
sis captisque, agrè, nec nisi sparsim, ad
mœnia Urbis evasere. Interim majore
cum exercitu suggestus Rex, montem E-
piscopa-

piscopalem (ita enim montium Urbi impendentium altissimus vocatur, quia major ejus pars Vladislaviensis & Pomerelliae Episcopi dominio subest) occupat; unde pronus in Urbem despectus, & eò certior globorum ex machinis jactus erat. Parte aliâ propugnaculum, Vistulae ostio adsitum, ab Ernesto Veihero, equitum Germanicorum Praefecto, oppugnabatur. Sed hîc prosperior praesidiariorum in propulsandis obsessis successus fuit. Nani & pugnando non pauci Regionum cecidêre, & per navis onerariae Gedano submissae incursum, pons perruptus est, cujus ruina plurimum noxae obsidentibus dedit. Interim Elector Saxoniae & Brandeburgicus, nec non Hassiae Landgravius Legatos mittunt, animum Regis adversum Civitatem mitigaturos. Atq; hunc non in promptum reperêre, praesertim cum propositas ante bellum conditiones Urbs recipere jam vellet, & imminens Lithuaniae Moschus, Livoniae, & porrè Smolenscensis Severiensisque Provinciae spoliis superbus, vires Polonicas aliò vocaret. Itaque Rex irrogatâ obsessis non modicâ mulctâ, nonnullorum onerum

vero, quæ tolli petierant, moderatione ad Comitata remissâ, obsidio & proscriptione solutam Civitatem antiquo jure & libertate frui jussit. Onera porro alia, inprimis quæ ad portorium pertinebant, postea non Regni tantum, sed Comitiorum etiam autoritate sublata sunt.

V. Bellum Moschoviticum ardui moliminis, nec nisi rebus omnib9 rectè comparatis, aggrediendum Regi videbatur.

* Itaque Comitibus indictis, Ordines Regni convocat. A quibus & jussum bellum, & mox belli sumptibus tolerandis nuncupata tributa non modica, adeò, ut & Cracoviensis, Sendomiriensis & Siradiensis Palatinus consentire in ea nollet, ægrè demum à Rege ad commune ferendum onus, missis singulatim nunciis, postea adducti. His iisdem Comitibus Nobilitati Polonæ novum & insigne libertatis auctarium ac decus, instituto novo Justitiæ Tribunali, accessit. Hactenus à singulorum Palatinatum subselliis, in quibus causæ Nobiliū agitabantur, non nisi ad Regem patuerat provocatio. Unde creber ad Aulam decursus, & morandi necessi-

necessitas multas molestias, sumptus, &
 tædia facessebat litigantibus. Ut pluri-
 mum enim cognitiones causarum lentè
 procedebant, Rege aliis identidem occu-
 pationibus distracto. Mutationem ita-
 que in his jam dudum postulaverat Nobi-
 litas, sed Augustū desiderio suo adversum
 experta, succedentibus postea interregnis,
 novam judiciorum formam, Regni Can-
 didatis, inter conditiones & pacta injun-
 xit. Tantò facilius jam Rex consensit,
 ut ex singulis Palatinatibus delecti Judi-
 ces, hybernis mensibus, Petricoviæ, Ma-
 joris Poloniæ & adjacentium ditionum
 causas; cæteras Lublini, æstivo tempore,
 cognoscerent, judicarentque sine provo-
 catione. Nihilominus aliqua summi
 momenti judicia Comitiorum autoritati,
 quæcunq; autem ad bona Regiæ & fiscum
 pertinerent, Regis cognitioni reservata
 sunt. In causis Saeris placuit, ut senis
 Judicibus Tribunalitiis Politicis totidem
 Ecclesiastici adjungerentur: Si Senten-
 tiarum Paritas rem indefinitam reliquis-
 set, ea, datâ ampliatione, ad Regem & Co-
 mitia rejiceretur. Omnia hæc potissi-
 mum Joannis Zamoscii consilio & ductu

constituta. Quem his ipsis Comitibus magnū Cancellarium Rex creavit, Volscio, qui post Valentinum Dembinscium, eo munere, aliquot annis, functus fuerat, ad Episcopatum Plocensem evecto. Ussit iterum non modicè Sborovios ista tam luculenta Regii in Zamoscium favoris significatio. Hi enim suæ potissimum operæ sceptrum à Rege deberi existimantes, indignè ferebant, sibi alios præhaberi. Sed nimirum hi non pensi habebant, grata primum Regibus, sed mox gravia esse beneficia ab inferioribus profecta, præsertim si pervicaciter imputantur.

VI. Dum belli pacisque negotiis dominaretur Stephanus, Moschus universam penè Livoniam occupaverat: nonnullis se istic Oppidis Magno Holsatiæ Duci, Moschi genero, sponte, & nimirum spe majoris sub Principe Germano libertatis, deditibus. Sed & hi propè omnes postea, à Moscho, nihil amplius generum morante (barbaries enim ista merè commodo suo metitur amicitias) vi ad obsequium redacti. Nihilque adeò præter Rigam, Revaliam & paucissima Castella, ab hoste intactum istic mansit.

Et ubique ferè is, Vendæ potissimum & Ascheroti, horrendam in imbellem etiam sexum exercuerat crudelitatem. Vendæ foemina reperta est, quæ hostem pudori priùs, quàm vitæ aut fortunis imminere sentiens, pugione se transfodit. Altera, injecto in pulverem tormentarium igne, ædes cum foeminis, Virginibus, pueris, ut hostis libidini eriperentur, in aërem displofit. Sed Virginum una igne isto vecta potius, quàm læsa est: quippe non procul ab arce postea viva & incolumis reperta. Aliqua tamen Oppida Joannis Chodkevicii militares Præfecti, qui insolentiori ante regimine tædium sui Livonis, adeoque Magni Holsati desiderium conciverant, antequam Rex Livoniam ingrederetur, per insidias recuperavere. Et eodem tempore Moschos apud Vendam aggressus Andreas Sapieha, Korffio, Platero, Buringio comitatus, egregiam de hoste retulit victoriam. Sub ista venère ad Regem à Duce Moscoviæ Legati. Sed quia is missos ante Polonos, inter quos Stanislaus Kriscius Palatinus Masoviæ fuit, contumeliosè exceperat, non habitus quoque Legatis ipsius usitatus ho-

nor est. Neque enim Rex assurgens, ut fieri aliàs consueverat antea, sed per Interpretem Valovicium Vice-Cancellarium Lithuanix de valetudine Ducis Moschorum Legatos interrogavit. Quod illi probrosum Principi suo ducentes, tam obstinatum sibi silentium mox indixere, ut nullus eorum verbum amplius proloqueretur. Rex tali eorum offensâ haud minùs offensus, aliorum dein Principum Legatos audit, inprimis Saxonici & Brandenburgici Ducis, quorum uterque ad bellum Moscho inferendum strenuè hortabatur. Postea rebus ubique rectè ordinandis, ut in longinqui belli apparatu necesse erat, intentus, Cracoviâ Varsaviam Rex movit. Grodnam cum venisset, habito Senatorum Conventu, non tantùm omnium propensas voluntates, sed & in copiis ad bellum submittendis magnam promptitudinem expertus est. De summo belli regimine cum deliberatio incidisset, id Nicolao Mielecio Podolix Palatino committere visum est. Quamquam is, valetudine obtentâ, onus istud deprecabatur; quod haud dubiè solito difficilius fore Vir prudens senserat, quia
in

in plures imperium armorum Rex diviserat. Lithuanis enim Nicolaum Radzivilium, Ungaris Bekellium (ut nunc alios mittamus) præfectum esse videns, ob multitudinem regentium, sine regimine & disciplinâ exercitum fore conjectabat. Sub id tempus Joannes Podkowa ad Regem adductus est, quem Joannes Zbarscius Palatinus Braclaviensis, à Nicolao Sieniavio adjutus, ceperat. Muldavius erat, tanto robore corporis ut ferreas equorum soleas manibus confringeret. Unde & nomen eî federat. Cæterum parem corpori animum gerens, collectâ ex Nisoviis Cosacis manu, Alexandro fratre ministrante, Petrum Moldaviæ Palatinum exturbârat Principatu suo. In cujus postea locum quidam Jancula, homo ex Saxonibus Transylvanis oriundus, corruptis auro Bassis Turcicis, successit. Podkova autem, quod concitâ multitudine, circa Regni cum Turcis confinia, pacem publicam lacerare ausus esset, præsentente Internuncio Turcico, qui ab Amurathe Imperatore missus punitam hominis audaciam aliis ostentui esse cupiebat,

multis frustra pro eo deprecantibus, capite plexus est.

VII. Apud Moschos suarum sibi injuriarum, quas Poloniae & Lithuaniae intulissent, dudum conscios, armorum Regiorum apparatus strepitusque citò percerebuit. Attamen ut eo magis justum piumque bellum esset, legitimè id illis per Basilium Lopatinscium Rex indicit, causamque denunciat, quod, ostensâ Polonis specie pacis, Livoniam interim ceperint devastarintque, Regiosque porro Legatos alios deluserint verbis inanibus, alios ignominiosè insuper habuerint. Ipse Rex cum exercitu, exeunte Junio, Vilnâ movet, lustratasque apud Suirum copias versus Polotiam, Urbem Dunæ fluvio, quâ is Polotiam amnem recipit, adflatam ducit: præmisso illuc duce Nicolao Radzivillo, Palatino Vilnensi, quem eodem filius Christophorus, cum expeditis Lithuanorum agminibus, comitabatur. Qui locum tenebant præsidarii, cùm castra Regia in propinquo, & mox aggeres vineasque admoveri vidissent, non diu vim majorem morati, relictis propugnaculis, mox & Oppido ipso, in Arcem se recipi-

recipiunt. Cujus oppugnatio tantò difficilior reddita Regiis est, quod locus ingenio situs & arte benè munitus, magnò jam insuper propugnatorum numero defendebatur. Præterea solum per se madidum, tum verò assiduitate pluviarum ad gradum prorsus instabile, mirè impediēbat operas oppugnantium. Moschus denique Plešcoviā copias, Duce Szeremeto, submiserat. Quæ Polociam tamen tendere non ausæ, apud Sokolum substitere. Interim excursibus earum impeditæ pabulationes annonam incenderunt in castris Regiis. Unde inopia ut omnes, sic potissimum Germanos, quos Rozrazevius Comes, & Ernestus Veiherus adduxerant, affligere cœpit. Quippe hi inter frequentes urbes agere ac bellare assueti, minus sibi de alimentis prospexerant, & eum locum in castris tenebant, ad quem commeatus nonnisi postremò perferebatur. Faciebat jam fames & juxta tempestatum atrocitas metum, ne deserere obsidium Rex cogeretur: cum 24 Augusti post aliquot fœdos imbribus dies serenus illuxit. Quo usus Rex supra consuetam tela, tædis ardentibus armatos

subire propugnacula & mœnia jubet. His succensis, alii vi irrumpere certant. Sed flammæ vis tam Regiis quam obsessis infesta; propiorem suggestum prohibuit. Postero tamen die etfi remissius agere viderentur oppugnatores, deditionem tamen obtulere obsessi, & mox receptui canere Rex iussit; dimissâque quò vellent, cum singulis vestimentis præsidiariorum turbâ, arx occupata est; Palatinus loci, nec non Episcopus, qui in Sophiæ ædem refugerant, ægre inde revulsi, atque ad Regem adducti sunt. Annonæ in urbe reperta locuples copia famelicos abundè refecit; præda cætera non satisfacit expectationi militum, frendentium insuper, quod Rex deditos sine noxâ dimitteret. Crudeliter illi in Polonos, si quos dederat fors, grassati, vicem meruisse videbantur. Sed Rex datam fidem servari voluit, nec è re suâ esse putabat, cæteros hostes præcisâ spe veniæ, ad extrema compellere, quæ desperatis virtutem, vincentibus laborem periculumque augent.

VIII, Polotiâ captâ, & Dorostaiscii curæ commissâ, ad Arcem Sokolensem Mielecius cum parte exercitus contendit. Ex quâ

quâ Szeremetus, florem Moschici militis
secum habens, non parum noxæ dederat
Poloniis. Nunc propius admotas Miele-
cii cohortes non diu sustinuit. Germa-
ni inprimis, quod Polotiæ occupatæ glo-
riam aliis celsisse dolerent, nullum hic
detrectarunt periculum, omni vi inter
medios ignes obsessis incumbentes, donec
in potestatem arx veniret. Quam Miele-
cius quidem servare integram volebat;
sed flamma in mole lignea subitò vi tan-
tâ invaluit, ut nulli extinguentium dili-
gentiæ cederet. Szeremetus, & qui cum
eo erant Palatini, ad Regem deducti sunt.
Alios spectatiores captivos peditibus do-
navit Mielecius, in agnitæ virtutis mo-
numentum. Reliqui in Lithuaniam di-
missi. Mielecius etsi victoriam fortunæ
Regis tribueret, invidiam tamen non ef-
fugit, Ungaris permolestè ferentibus,
quod ipsis absentibus rem ad eò præclaram
Poloni Germanique gessissent. Bekiesli-
us inprimis, dudum in Mielecium obli-
quus, nunc & rogatu Lithuanorum pro
Indigenâ Regni receptus, eò audentiùs
favore Regio adversus Viri auctoritatem
abutebatur, Zamoscio etli affine Mielecii,
ne

ne Regem offenderet, connivente. Cæterum Sokoliensium fortunâ territa alia in vicino oppida, Jaroslavia, Sula & Turawa spontè Regi sese dedidère: totusq; adeò Polociensis Palatinatus latissimè sane patens, ex Moschorum potestate, sub quâ totos septendecim annos fuerat, recuperatus est.

IX. Non deferenda videbatur fortuna, quæ talibus initiis adeò propitiam se Regi Regnoque ostendebat. Attamen ne diurnâ absentia cæteris Regni necessitatibus Rex deesset, aut bellum sine consensu Ordinum protraheretur, hyemem Martiis operibus incommodam, togæ rebus, præsertim Comitibus habendis dare placuit. In quibus primò quidem aliquæ quorundam adversus Regem voluntates, multis sinistris sermonibus in apertum erupere. Quippe quod in beneficiis honoribusve posthabiti, alienam felicitatem suam vocarent injuriam, hanc aliter ulcisci nequibant, quàm Regis dicta & facta, etiam optima malignius, coram multitudine, per se in Dominantes suspicacè interpretando. Sed in tantâ ingeniorum & affectuum diversitate semper quoque

quoque principum causa reperit fautores. Itaque his illisque in contrarium certantibus, plerumque inter autoritatis Regiæ patrociniū, & immodicam cæterorum in dicendo licentiam, tutior in medio relinquitur libertas gentis. Nunc falsa suspitionum res & tempus ipsum apud saniores extinxit. Alia in speciem magis valida Joannes Zamoscius Regni Cancellarius disertissimâ Orarione refellit, simulque, ut in belli continuationem consentirent Ordines, persuasit. Actum quoque de milite externo, tum de honoribus, quibus peregrini à Rege extollerentur. Quod à quibusdam reprehensum, ab aliis ex usu Reip. esse demonstrabatur. *Nemine quidem Polono fraudi esse, exierorum potius, quàm Civium sanguinem tuendis vel proferendis Reip. finibus impendi. Maximum ubique robur imperiis accessisse, ubi quorumvis Virtutis campus patuerit. Et in ipso hoc Regno multas Principes familias ab exteris primordia & Auctores suos arcescere. Porro à Rege si qui foveantur exteri, eos hætenus privatis magis ministeriis, quàm publicis Regni muneribus adhibitos. Nec ullum peregrinum tantâ gratiâ proVectum,*
quin

**quin longè infra Indigenarum fastigium subsistat. Si ii, qui novi nunc sint, decorum seriem ad longam olim posteritatem deducere & verustis stemmaribus inferere possint, id virutis & juxta felicitatis fore, quam non nisi mali invidere bonis soleant.*

Non defuere quoque, qui bellum quidem cum Moschis continuandum statuerent, sed regimen ejus præfectis Militiæ, Viris prudentia & rerum gestarum gloria spectatis, committendum. Non enim in casum toties dandum Regni supremum Caput, & ejus in Regno necessariam esse præsentiam. Verum Rex & sibi honestius & Reipubl. utilius judicabat, ad castra redire, nec fortunam tam benignè se hætenus præbentem, destituere. Alacrius Procerum Nobiliumque alios exemplum Regis secuturos, & Lithuanorum cum Polonis æmulationes, absente Rege, cujus autoritas omnes præumbrare ac coercere posset, noxias fore Reipublicæ. Talia diu ultrò citroque vario animorum motu agitata, antequam in belli sumptus tributum scisceretur. Consensum tamen deniq; est, ut idem, quod anno superiore datum esset, denuò penderetur.

X. * Im-

X. * Impetrato in Comitibus tributo, delectus per Poloniam, Zamoscio in primis curatore, habiti sunt. Et quia peditatu majore opus erat, Hungaros iterum à Fratre Christophoro Transylvania Duce mitti sibi Rex jubet. Ex Regiarum quoque in Republ. possessionum adscriptitiis vicesimus quisque ad militiam evocatur, utili utique instituto, ne ex solis exteris robur militie, quod in peditatu esse solet, constaret. Dum pedester miles colligitur armaturque, Rex interim primò Vere egressus, lentis itineribus in Lithuaniam revertitur. Et cum omnia ad bellum parata haberet, quò primos impetus verteret, deliberat. Livoniam aliqui ostentabant, sed ea Castellis frequēs, nimias moras datura videbatur Regi, Moschis ad pugnas in campo aperto ignavis, munitiones obstinatè plerumque defendentibus. Itaque Vielkolucam primò aggredi visum est, quòd Urbem commercii copiosam non deserturus hostis, adeoque in plana camporum progressurus sperabatur.

In

In itinere duo Oppida, ne à tergo relicta pabulationes Regionum infestas redderent, intercepta sunt, Vielſa & Uſvia-ta. Quorum illud in citeriori Dunæ fluvii ripà ſitum Zamofcius, præſidiariis aliquot dierum oppugnatione ad deditio-nem coactis, occupavit. Alterum Miele-cio ceſſit. Capti utrobique præfecti, cæ-teris, quò vellent, abeundi poteſtas data eſt. Ad Vielſkoluſam denique per vias uliginofas & nemoribus obſitas, Rex cum exercitu, 27 Auguſti, pervenit. Quam Civitatem fluvio Lovat, paludumque latè circumſtagnantium ambitu, vallo denique munitam, ſepties mille præſidiario-rum, præter oppidanos, infederant. Za-moſcio mox datum negotium, ut traje-cto flumine, ex ripà adverſà oppugnaret arcem. Ex altera parte Rex munito ſibi aditu, ſuggreſſus, arcis mœnia, roboreis trabibus compacta, & vallo ſuffulta, glo-borum majorum iectibus quatiebat. Cum parùm his efficeretur, ductis cuniculis via ad propugnaculorum unum ſtructa eſt: quod pulvere nitrato repletum, ubi ignem conceperat, latè fudit incendium terro-remque.

Et eodem tempore subjectæ alibi faces sulphuræ, vento sufflante, ardere & proxima mox corripere cœpêre. Succensâ ita undique arce auxilii præsidarii, partim igne, partim manu Regionum, postquam ignem fugientes proruperant, periêre. Minima eorum pars servata. Qui arci præfuerat Iwan Vojesko, cum à Zamoscianis, nomen ejus fortè ingeminantibus, ad cædem se quari existimaret, ad Georgium Farensbachium Tribunum Regium, olim sibi notum, confugit. Sed Hungarus elabi hominem velle ratus, gladio obtruncat. Ex Polonis circiter ducenti hîc periêre: interque eos vir strenuissimus Petrus Kloczevius, Castellanus Zavichostenfis.

XI. Arcem Vielkolucanam, ~~ut rebus suis necessariam~~, magno opere restaurari Rex curat, adhibito in id Dominico Camerino, celebri architecto Italo. Mox missio ad Foropœciam Barbelio Ungaro, & cum majore manu opus esse cognitum foret, Januszio Sbarascio Palatino Braclaviensi, Farensbachio, Alberto Kiralio, Stanislao Sehocio, cum quater mille Moschi obviam venissent, ex his caesi quingenti,

genti, ducenti capti sunt, inter quos Jo-
annes Nasczokinus, & Damiānus, Cze-
remessinus, ex intimis Moschorum Ducis,
fuere. Hinc ad Nevelam itum est, op-
pidum ingenio loci prævalidum. Quod
Nicolaus Dorostaiscius Palatinus Poloti-
ensis oppugnare cœpit. Cum acrius re-
sisterent præsidarii, submissus Joannes
Bornemissa cum peditibus Ungaris &
tormentis majoribus. Qui compulsis
intra munitiones Moschis, tam inexpectatâ
celeritate ad mœnia venit, ut hostes
eodem tempore ipsum, & juxta ignem in
mœnibus lucentem conspicerent. Unde
concito terrore præsidarii, præfectis ne
quicquam renitentibus, vitæ incolumi-
tatem pacti, arcem deditere. Paulo post
& Jezericiam Palatinus Vilnensis Radzi-
vilius cepit. Plus laboris circa Zavo-
tiam insumptum est. Quæ aquis undiq;
instar Insulæ circumfusa, nullâ parte ac-
cessum præbebat obsessis. Itaque
pontem struere oportuit, quem ratibus
junctis compactum, ægrè nec sine multo
suorum discrimine, ad alteram ripam per-
duxit Zamoscius. Periitque istic inter
alios Christophorus Rojrazevius Præfe-
ctus

Ætus Lenciciensis, Vir magnanimus atque à puero bellis Gallicis Germanicisque nutritus. Et Rex difficultate cœpti conspectâ, penê ab oppugnatione abisti & aliò abduci copias jusserat. Sed constantiâ Zamoscii & Regiis spes melior, & formido tandem hostibus injecta est; Cum hi inprimis, alterô insuper ponte structo, copias Polonicas jam confertim undique trajecturas animadvertissent, Itaq; milites, invitis etiam ductorib9 suis, iisdemque in captivitatem dein traditis, vitam & reditum ad suos pacti, locum Zamois-
scio tradidêre.

XII. His Polonorum successib9 jamdudum perculsus Moschorum Dux Legatos identidem ad Regem mittebat, pacem tractare cupiens. Quos cùm Rex ambiguis responsis diu detineret, ille, auge-
scente metu, Pontificem denique Romanum sollicitat, ut pacis velit esse arbiter. Ea res Pontifici spem præbuit Principem Schismaticum ad Ecclesiæ Romanæ obsequium pertrahendi. Itaque Antonium Possevinû S. I. in Moscoviam ablegat, quæ in rem istam facerent, diligenter acturum. Quem Moschi bonæ in Religio-
nem

onem inclinationis ostentamentis, magis magisque impulere, ut Stephanum Regem ab effundendo ulterius Christianæ Gentis sanguine, assiduâ literis dehortaretur. Gloriosum Regi erat, arma sua, hosti formidata, præter famam & admirationem ubique partam, nova etiam Religionis augmenta polliceri. Interim minus adhuc hosti fidens, Nicolaum Radzivilium Castellatum Trocensem in interiorem Moschoviam mittit, qui latè istic terrorem vastitatemque sparsit. Ipse vero ad Comititia habenda Varsaviam tendit.

* In quibus inter alios gloriæ bellicæ fructus, hunc habuit, quod Riga jam dudum famâ Regionum successuum permota, Poloniæ se denuò adjunxit. Igitur missus autoritate Regis & Comitiorum Joannes Demetrius Solikovius & Venceslaus Agrippa Lithuanus, uterque Regis Secretarius, qui Urbem in fidem Regis, Regni & Lithuania, juramento præstito, accepere: cā inter alias conditione, ut Portorii maritimi duas partes Regi Civitas daret, tertiā sibi in portus reficiendi sumptum reservatā. Hinc de tributis, præcipuo

præcipuo Comitiorum istorum scopo, a-
ctum: Nam, pace cum Moschis adhuc
ambiguâ, bello alendo sumptum dispici
Rex volebat. Itaque in duplex quidem
tributum publicè consensum est. Secreto
autem Mareschalcus Nobilitatis Stani-
slaus Przyemscius Regem Ordinis Eque-
stris nomine rogavit, ut belli honestè fi-
niendi rationes non aspernaretur. Ita
enim exhaustos Nobilium subditos esse,
ut conferendis ulteriùs pecuniis non suf-
ficerent. Rex, simulatque ad reddend-
am Livoniam Moschum adduxerit, quod
brevis futurum speraret, pacis consilia lu-
benter amplexurum se pollicetur. Quia
autem exactionibus publicis lentiùs pe-
cuniam confici non ignôrabat, ab Electô-
re Saxoniz & Brandenburgico nec non
Duce Prussiz Georgio Friderico non mo-
dicam argenti summam accepit, sed quæ
paulò post, ubi tributorum exactores com-
portassent pecuniam, reddita est: egregio
tum amoris in Rempubl. documento, cu-
jus causa Rex nomina facere non recusa-
vit, tum fidei, quod facta tam citò exsol-
vit.

XIII. Finitis Comitibus, Zamoscio novorum delectuum cura data est, exercitui supplendo, quem tot obsidiorum labores & morborum contagia imminuerant. Atque ad famam tanti Regis pronus mox & copiosus undiq; militum erat concursus. Tantaque Nobilium etiam ad bellum istud alacritas fuit, ut plurimi, quod hactenus nunquam facere sueverant, pedites, Ductore Urovecio, mereri non abnuerent, & ex Prussia, Silesia, multi splendidae fortunæ Viri Regiæ militiæ dedérunt nomina. Inter quos Fabianus de Dohna & Melchior Rhederus eminuerunt. Exercitu justum ad modum aucto Rex, quò arma primùm flecteret, deliberavit. Cum tria loca proponerentur, Plefcovia, Novogardia, Derpatum, Plefcoviam cæteris præhabere visum. Sed ad eam nulla expeditior, quàm per Ostroviam, Oppidum flumine Vielika undique circumdatum, via patebat. Illud igitur triplici agmine adortus est miles Regius. At cum dissoni eam clamores barbarumque cantus & tormentorum ictus creberrimè undiquaque subito circumsonarent, terri præsidiarii arcem deseruere. Ignovit Rex

Rex trepidis, & ipsam arcem salvam esse voluit. Hinc rectà ad Plešcoviam itum, Urbem magnitudine & munimentis inter præcipuas Moschoviæ. Tantoque adeò eam acrius sibi defenderdam hostis putavit. Et nulla utique tantum negotii successivit Regi. Septa fortissimis Polonorum, Lithuanorum, Germanorum, Hungarorum turmis ac legionibus, & omnibus quâdam Virtutis æmulatione inter se certantibus, non perumpere quidem aut abigere obsessores potuit: sed excursibus tamen subindè & obstinatâ patientiâ multum fatigavit. Fuit, cum admotis undique tormentis diu frustra detonatū esset, ut audaciore consilio scandere muros, & scalis admotis, Urbem ingredi tentaret obsessor miles. Sed & hic conatus, quantumvis operosè instructus, improperè cecidit. Nam magno omnibus periculo constitit regressus, & ex Polonis plusquā quadraginta, ex Hungaris multò plures periêre, inque iis Gabriel Bekeſius Frater Casparis, Regi multum carus desideratusque. Neque ductis Cuniculis quicquam effectum est, quia alii propter objectam rupem perducì, quò debent

bant, non potuere, alii ab hoste citius, quam oportuit observati, ductis obviam aliis, intercepti sunt. Ingruebat præterea in Castris Polonicis pulveris pyri defectus. Hiems denique appetebat, quæ sub frigido illo cælo, plus noxæ, quam hostis ipse, datura videbatur oblidentibus. Tædium inde plerosque cepit, & occulta primum voces, mox publici fremitus, in Zamoscium belli Ducem exarsere. Cùm præsertim de novis habendis Comitibus increbesceret fama. Ad quæ iturus putabatur Zamoscius, ut Regni Cancellarius, & nova tributa perorando (ita loquebantur infensi) emuncturus, exercitum interim inter cæli hostiumque injurias in victimam relicto. Sub idem tempus Rex Sueciæ Joannes, duce Ponto de la Garde, Narvam in Livoniæ Moschoviæque confinio situm oppidum idemque commerciis peropportunum occupat: invito quidem Stephano Rege, qui Livoniam universam in belli hujus pretium, Poloniæ, cujus pars dudum fuerit, destinaret. Sed queri tum magis injuriam, quam ulcisci tempora permittebant. Suecus verò non malè se de Poloniâ meritum agebat.

Step.

LIBER IV.

1574, -1586.
291

ajebat, quòd in gratiam Stephani, affinis
sui, Moscho hostis esse sustineret. Et po-
stea, cum quæ in Livonia obtinuisset, à
Rege repeterentur, missis in id Aleman-
nio, Christophoro Varsevicio, Laurentio
Goslicio, Stanislao denique Kucinscio,
dotem is, & à morte Augusti, cujus Soro-
rem duxerat, hæreditatem, tum & æs ei-
dem Regi mutuò datum, obtendebat: oc-
cupata, ut minabatur, non redditurus,
nisi de istis priùs satisfactum sibi foret.

XIV. Inter hæc ab Exercitu Pleseoviam
obsidente Rex discedit, relicto illic Za-
moscio, ut sustineret Regis vices. Ei con-
siliiorum laborumque comites præter Ra-
dzivillios Duces, erant Stanislaus Tarnie-
vius Radomienfis, Stephanus Grudzini-
us Naclensis Castellani, Ernestus Vejerus,
Stanislaus Zolkievius Palatinides Belzen-
fis, Joannes Kretkovius, Martinus Kaza-
novius, Jeannes Lesnovolscius, Sigis-
mundus Rosnius, Jordanus, Farensbachius,
Butlerus. Quorum præsentia auxili-
oque miles in officio retentus, & ad fe-
rendas belli diuturni ærumnas intentissi-
mamque frigoris Moschovitici violenti-
am animatus est. Interim Moschus pacis

jamdudum cupidus, tum per suos Legatos sapius missos, tum per Possevinum de voluntate suâ constare volebat Regi. Et hic, quid Nobilitati in Comitibus promississet, memor, tum Plešcoviam ex pactione potius honestâ, quam necessitate deserere cupiens, non jam alienum se à pacis consiliis ostendit: dummodò Livoniam reddere Regno sponderet hostis. Possevino itaque tanquam Pontificis R. legato utrinque animos magis magisque temperante, tandem 15 Januarii Anno 1582. * in decennium arma suspensa sunt, hæc præcipuâ conditione, ut Rex Oppidis hactenus occupatis Moscho, Livonia contra universâ Moschus Regi cederet. Misique postea in Moschoviam Legati, Januszus Zbaraski Palatinus Braclaviensis, Nicolaus Talvossius Castellanus Samogitiæ, Michaël Haraburda: quibus præsentibus Dux Moscoviæ pacta jurejurando confirmavit. Quod idem in primis mox Comitibus factum est à Rege coram Moschicis Legatis.

XV. Bello cum Moschis finito pax successit, nullis jam amplius armis sub hoc

hoc Rege interpellata, sed turbata inter-
nis subinde discordiis, nihil fermè meli-
oribus bello, Primùm autem post arma
deposita, Livoniam recens à Moscho re-
cuperatam Regi visum est componere.
* Itaque Rigam profectus, Civium preci-
bus multa dedit, inter alia aream in Urbe,
quæ olim Archiepiscopi Rigenfis fuerat,
Ecclesiam item Cathedralem; potestaté
denique munimenta Urbis Arcis mœni-
bus æquandi. Sed vicissim etiam Religi-
oni Romanæ templa aliquot assignata
sunt, & Patribus Jesuitis datum domicili-
um, cum censibus quibusdam ædiû, quæ
olim fuerant Canoniorum. Institutus
item Vendæ novus Episcopatus. Deni-
que cùm gravissima quæque composita
Rex putaret, usus ea in re Nicolao Firle-
jo Castellano Biécense, Solikovio, &
Ducis Curlandiæ Consiliariis: reliqua
ordinanda Georgio Radzivillo Olicæ
Duci, Episcopo Vilnensi, post & Cardi-
nali, ut totius Livoniæ Gubernatori, re-
linquit. Cui Ernestus Veiherus militiæ
curam habiturus, Solikovius item, Vir re-
rum sacrarum humanarumque prudens,
adjunguntur. Qui tamen ultra annum

istic non mansêre, nam & ille in Prussiam revocatus, & hic, mortuò Joanne Siennenio, Archiepiscopus Leopoliensis, à Rege absens nominatus, in Russiam abire coactus est.

XVI. Interim Rex Comitibus iterum habendis, Varsoviam profectus fuit.

1582.* Quæ præter opinionem admodum turbulenta fuêre. Quippe Rege ad fines Regni bellicis laboribus intento, domi intèrea plurimorum animi per factiones Regi contrarias vehementer exasperati erant. Hungarorum in Polonia multitudo & auctoritas apud Regem, collataque iis præmia, plerosque adhuc irritabant. Mielecium certè, Podoliæ Palatinum, jamdudum hæc adeò offenderant, ut & militiae præfecturâ spontè abiret. Quam cum Rex Zamoscio tribuisset, eisdemque porrò Magni Cancellarii dignitatem addidisset, ignis igni addi visus est, quò magis urerentur æmuli. Sed jam promendis odiis alia seu data seu accepta occasio est. Inter Consultationum Capita, quæ more solito Nobilitati in Palatinatum Conventibus discutienda pro-

posue-

posuerat Rex, de Regis in futurum successoris electione deliberari voluerat. Quia enim duo superiora interregna, per suffragiorum factionumque in Rege eligendo discordiam, Regnum magno periculo objecerant, non jam Regi tantum, sed & ipsis etiam Ordinibus ex usu publico esse visum erat, certioribus quasi legibus Electionem circumscribere. Nunc verò, animis magis magisque adversus aulam ægrescentibus, quod antè salutare Regno habitum erat, pro scopulo publicæ libertatis acceptum est. Suspicio enim incessit plerisque, propositione istâ hoc querere Regem, ut unum ex Batoreis, Fratrem ipsius genitis, successorem sibi designaret. Et eo fine Varsoviam, ante Comitia, Regni Primas Karnkoviùs vocatus, cumque is non venisset, Lovicii à Rege & Zamoscio visitatus credebatur. Purgavit postea publicè Regem accurato sermone Zamoscius, simul verò ad Concordiam Ordines, perstrictis obiter Petiliis, Rempubl. turbantibus, hortatus est; & Livoniæ porrò statu, tum Tartarorum Cosacorumque minis expositis, in exsolvendis militi stipendiis finivit. Multa in

oratione displicuêrenunciorum nonnullis. Neque his Suentoslaus Orzelski, Præfectus Radeoviensis, Ordinis Equestris in his Comitibus Director, quòd Regi, pro laboribus susceptis, gratias agens, blandiùs quædam dixisse videretur, satisfecit. Dum variis inter se disceptationibus nundii tempus extrahunt, Rex interea iudiciis vacat. In quibus severè in quosdam magnorum facinorum reos animadversum est. Inter alios Castellanus quidam, qui Grajovium in frustra concedi jusserat, ad capitis supplicium damnatus: laudabili justitiæ rigore, & ad effranem inter nobiles cædium licentiam apprimè necessario. Hinc Stanislai Czarnkovii cognita causa est. Quem Primas Regni ob vendicatam sibi Znini Oppidi Archiepiscopalis possessionem, tum ob alia quædam in jus vocaverat. Sed Czarnkovius populari favore fretus, ejusmodi ad Regiam evocationes publico Comitiorum decreto irritas reddere conabatur. Euntibus in contrarium aliis, ita incaluere animi, ut subinde res non multum à tumultu abesset. Mutuisque altercationibus, absumptum Comitiorum

tiorum tempus, alia à Rege proposita & magis ardua exclusit.

XVII. Dilapsa ex Comitibus malè solutis Nobilitas faces & semina discordiarum secum detulit domum. Zamosci-um verò post ingestos tot summos in Republ. honores, novo adhuc vinculo Rex illigavit sibi, datâ ei post Radzivilliam defunctam, Griselide Batoreâ, Fratre Regio genitâ. Et nuptiæ magnâ Senatorum frequentia sumptuque & pompâ admodum splendidâ Cracoviæ celebratæ sunt, nulla formidine invidiæ, quàm non adeò placare, sed vincere, Vir suâ virtute & Regio favore nixus, laborabat. Atque ea quidem non modicè jam aucta est. Nam quò arctiùs innecteretur Regi Vir tantus, hoc iniquioribus oculis potentiam ejus adspiciebant cæteri. Inter quos cum maximè eminerent atq; odia etiam apertius promerent Sborovii, iram Regiam atque hinc perniciem primi incurrere. Ex iis post Petrum Palatinum Cracoviensem, non adeò dudum fato extinctum, quatuor adhuc fratres supererant, Viri omnes opulenti & splendidi. Multis præterea affinitatibus pollebant, & à

Nobilitate, splendore ac beneficiis illuctâ, eò jam impensius fovebantur, quò gravius ab Aulâ premi viderentur: non inusitato hîc inter Regiam & populi auctoritatem certamine. Unus istorum Christophorus, Maximiliani olim partes secutus, cùm ab Aulâ Cæsareâ rediisset, stipendium annuum, antè alii cuidam numerari solitum, per Cancellarium à Rege petierat. Cum non nisi partem ejus Rex obtulisset, in contumeliam rapta ista pactio, tanquam Regem & Sborovium parùm decens, malè sepultas in homine similitates resuscitavit.⁵ Itaque liberius multa in Regem dicere cœpit. Et acerbæ ejus literæ, quas ad Samuelem Fratrem destinaverat, famulo seu sponte profugo, seu spe præmii corrupto, ad Regem sunt delatæ. Non mitius quoque Samuel, frater ipsius agebat, familiaris olim in Transylvaniâ Regi, & eidem Regni accepti propemodum autor; sed ob eandem Vapovii, ab infamiâ nondum liber; quia Vapoviorum defensores Tencinii, facinus nonnisi Capite auctoris expiatum volebant. Itaque nullo legum præsidio tutus, modestè tamen latitando in Patriâ, vitam

vitam tueri potuisset. Verùm affinitatibus & clientelis suorum fretus, liberius circumcursare, & ferocibus porrò verbis æmulos atque inprimis Zamoscium lacerare audebat. Neque cognatis à Cracoviensi territorio, cujus Zamoscius Præfectus esset, abstinere monentibus, paruit. Irritatus itaque, & in tam illustri Capite autoritatis suæ specimen dare volens Zamoscius, corripit illum & non multò post capite plecti jussit. Famâ rei tantæ non Sboroviana tantum gens, sed Stadnicii omnes, & Palatinus Posnaniæ, Comes Gorcanus, plurimique in Regno alii vehementer commoti sunt. Rex verò, convocatis Lublinum Senatoribus, post publica quædam absoluta, initæ à Sboroviiis adversus dignitatem & salutem Regiam conspirationis consilia coram intimis aperit; nominato etiam, à quo de iis admonitus sit, Regni Primate Karnkovio. Dolorem omnes, uti oportebat, contestati, in acerbiora tamen, quæ Rex meditari videbatur, plerique non consentiebant. Præcipuè Archiepiscopus Leopoliensis, Solikovius, curatâ oratione clementiam Regi suavit, adductis clarissimorum Prin-

cipum exemplis, & demonstratâ conditi-
one Regni, in quo Regibus moderata
magis lenitas, quàm rigor nimius con-
ducat. Sed prævaluit severitas Regia,
statimque Andreas Regni Mareschalcus
& Christophorus Sborovius mandatis
publicis per Regni Instigatorem Rzeczi-
cium ad Comitia citati sunt.

XVIII. * Comitiiis indictis, commoti
passim animi, nonnullis in Palatinatibus,
penè in tumultum efferbuere, & solito
frequentior tum Procerum, tum Nobili-
tatis numerus Varsoviam concurrat. Ve-
nere eodem Sborovii, nihil in exagge-
randis Aulæ injuriis, & pro securitate
suâ omittentes. Contrâ quoque Rex,
cum suarum partium Senatoribus, autho-
ritatem supremam, & si opus esset, vim
opponere parabat. Itaque armis undi-
que strepebant Comitia. Cum dies co-
gnoscendæ Sboroviorum causæ venisset,
universi Nobilitatis nuncii interesse ju-
dicio voluere. Oggestum, judicia Capi-
talia ad ipsos non pertinere: Ne tamen
de judicii Regii æquitate ambigeretur,
omnes denique Rex admitti jussit. Sbo-
rovii

rovii eorumque amici favori populi ita fidebant, ut Regiam tamen severitatem non minùs revererentur. Itaque minis preces miscebant. Motusque gravitate causæ, tum misericordiâ uterque Archiepiscopus usque Regem ad clementiam flectere laborabat. Et Rex de rigore remissurus videbatur, si facinus confiteri ac deprecari Sborovii voluissent. Ex his tum simul aderat Joannes, Castellanus Gnesnensis, germanus reorum frater. Qui suis in Rempubl. meritis & gratiâ olim apud Regem validus, veniam fratribus suis publicè exorare orsus est.

Familia sua, agebat, erga antecessores Regis & Rempubl. merita, sed & simul fortunam in aperto esse. Ad paucos illam jam redactam, in his saltem reliquiis non obruendam. Si quid peccatum à Fratribus esset, non malignitati, sed atatis tribuendum imprudentiæ. Nulli usquam Sborovio sublestiorem in Rempubl. fidem objectam. Nec gentis Polonæ candorem ullis unquam malarum in Principem machinationum criminibus adpersum. Si frater fratri, dolorem ex Aulâ conceptum privatis aliquando literis promat, non id illi- cò conspirationis aut perduellii instar puni- endum

endum esse. Adesse jam accusatos, misericordiam Regis, & favorem querere, conventionem cum Principe deprecari. Satis jam poenarum familia sua inflatum. Vix dum refrixisse sanguinem fratris sui, nuper in Urbe Principe gladio Carnificis effusum. Cujus delictum sibi quidem non excusandum; verum cognitionem tamen delicti, & tam severam poenam non privato, sed Comitiorum potius judicio subjiciendam fuisse videri. Caterum quia quod factum esset, corrigi jam nequeat, inratum saltem sanguinem stare debere severitatem, neque recens familia vulnus aliis accumularis vulneribus rescindendum esse.

Movit Senatui & Nobilitati lachrymas praelustris Viri Oratio. Sed Rex & hujus Verbis, & fletu cæterorum suboffensus, judicio causam & reos sisti jussit. Pro quibus deinde Stanislaus Czarnkovius & Jacobus Niemojovius, Viri populari facundia validi, publice peroravere. Zamoscium verò Stanislaus Czikovius jam antè ad mitiora flectere cœperat. Nec minùs apud Regem Principum Senatorum aliqui preces adhuc interponebant. Rege in sententiâ persistente, nec securitatis fidem, eâ formulâ, quâ Sborovii petebât, facere

facere volente, Christophorus Sborovius, vita suæ metuens, cui à Regiis inevitabile periculum imminere quidam amici monebant, Varfaviâ non sine minis discessit. Absens mox læsæ Majestatis reus, adeoque infamis proclamatus est, amicis jam aut languidijs, aut frustra rem ejus agentibus. Ex nunciis tamen Nobilitatis octo, inter quos Sbigneus Ossolinius, postea Palatinus Sendomiriensis, decreto Regio reclamavere. Cumq; Rex ista minùs moratus, ad alia deliberanda hortaretur ordines, infectis rebus discessum est.

XIX. Solutis ita Comitibus, Rex ortas intra Regnum turbas tempori, cujus in talibus molliendis magna vis est, relinquens, extremis Regni provinciis componendis incubuit. Ac quia à Tartaris primùm, & postea, cum sedes eorum Taurica per domestica dissidia ab Amurathe in provinciam redacta esset, à Turcis ipsis immineret periculum, eò exercitum in omnia excubiturum mittere visum fuit. Illâ occasione Cosacorum quoque militia in Ordinem redacta est, Techtimiroviâ, cum fundis adjacentibus, in sedem illis,

Cosa-
coru
mili-
t.

illis, & bellicorum apparatusum receptaculum, assignatâ. Nam hætenus illi, prædonum, quàm militum turbæ similiores, sine Duce certo, nullâque lege ac disciplinâ, arma tumultuariè tractaverant: Tartaris subinde infesti, & hinc odii, bellorumque inter hos & Polonos materiem, quoties occasio & spes prædæ invitabat, præbentes. Livonia verò nuper admodum à Moschorum Dominatione vindicata, multum usque negotii & sibi & Regi concivit. Inprimis Riga, Caput provinciæ; in quâ ob novam temporum rationem, prout ea à Gregorio XIII. correctâ & jam multis locis, recepta erat, vehementer tumultuatum est. Cùm enim nonnulli Natalem Domini, secundum vetus Calendarium, Magistratu nequicquam prohibente, celebrare optassent: Ludimoderator, qui solennibus cantilenis, cœtui Scholastico & plebi, contra voluntatem Senatus præiverat, Burggrabii Regii jussu, in carcerem conjectus est, Cujus dimissionem cum collega ejus multique oppidanorum frustra argerent, excitato ab infimâ plebe tumultu, carcer de nocte effringitur, simulque

que ædes Parochi, nec non Burggrabii & Syndici diripiuntur. Neque hîc malum itetit. Coorta mox Duce Martino Gifio, universa pene Civium multitudo odium in Religionem Romanam ejusdemq; præcipuos in Urbe propagatores Jesuitas promptis, aliaque quæ publicam Civium libertatem luxare hætenus viderentur, movere cœpit. Et multa tum Senatui extorta sunt à plebe armatâ. Porroque in carcerem ducti, & post tormenta ad supplicium rapti sunt, Joannes Tastius prætor, & Gothardus Vellingus Urbis Syndicus, qui hætenus negotia Civitatis in Aulâ Regiâ egerant. Rex primis turbarum acceptis nunciis, Grodnam evocavit magistratûs plebisq; Capita; &, Joanne Brinckio, Martino item Gifio, ut seditionis auctoribus proscriptis, aliis, qui alieno magis exemplo, quàm suo ingenio peccaverant, ignovit. Sed deinde, ubi Tastium & Vellingium ita crudeliter acceptos audivisset, graviora remedia circumspicere cœpit. Urbs iratum Regem, & ne ob paucorum licentiam omnium libertas accideretur, metuens, compositionem quærit. Arbitr

itaque

itaque constituitur Gothardus Curlandiæ Dux. Sed cum re ad Regem relatâ, mi-
tiùs quam flagitii magnitudo requireret,
actum videretur, irrita pronunciata est
illa reconciliatio. Et jam anxii ani-
mis aliam severiorem à Rege sententiam
expectabant Cives. Verum aliquandiu
res dilata est, Regem in alia vocantibus
tum Regni negotiis, tum orbis Christia-
ni votis. Quippe eum ad novum bel-
lum magno non Poloniæ tantum, sed om-
nium vicinorum bono gerendum sti-
mulabat Pontifex R. aliique Principes.
Et hæc inter alias causâ impulsus, Comi-
tia Rex 13 Decembris Anno 1586. * indi-
xerat. In quibus sumptum belli quære-
re, & porro fratris sui Filiis, Andrea, pau-
lò ante Cardinali creato, simulque alteri
Balthasaro Indigenatum Poloniæ impe-
trare cupiebat. Quâ re iisdem ad mayo-
ra posthac strui videbatur aditus. Sed
istâ agitantem vita anno ætatis quinquage-
simo quarto, Regni decimo, præter om-
nium expectationem, destituit; Prin-
cipem Sapientiâ, Justitiâ, fugâ volupta-
tum, deliciarumque, laboribus contrâ
decoris,

decoris, artibusque bellicis præclarum. Formidini is inde hostibus, Principibus amicis admirationi erat. A suis comitate & facili accessu amari meruerat: Sed ob severitatem justitiæ, & immotam animi morumque constantiam, magis suspiciebatur. Nonnullis etiam autoritate suâ jam gravis esse libertati Polonæ, certe, si provixisset, periculosus fore visus est.

Liceat hic adjicere Elogium Stephani, quod in Manuscripto quodã reperi, nusquam, quod sciam, hætenus editum.

ELOGIUM

MAGNI STEPHANI I.

Poloniæ Regis, qui Grodnæ, multis rebus præclare gestis, paceque publicâ relictâ mortuus est Anno Domini 1586

Die 12 Decembris.

In templo plus quàm Sacerdos.

In Rep. plus quàm Rex.

In Sententiâ dicendâ plus quàm Senator.

In judicio plus quàm Juris Consultus.

In Exercitu plus quàm Imperator.

In acie plus quàm miles.

In

In adversis perferendis, injuriisq; condonandis, plus quàm Vir.

In publicâ libertate tuendâ plus quàm Civis.

In amicitia tuendâ plus quàm amicus.

In convictu plus quàm familiaris.

In venatione ferisq; domandis plus quàm Leo

In totâ reliquâ vitâ plus quàm Philosophus.

Lubet & alterum subjicere incerti pariter Autoris.

STEPHANUS

REX POLONIÆ.

Stephano Palatino, sub Joanne Rege, Transylvaniæ, Matre Anna Thelegdi Anno S. clō lxxxiii. Die DD. Cosmæ & Damiani natus. In pueritiâ bonarum literarum studia domesticæ studio attigit; Adolescentiam, in Aula Ferdinandi Imperatoris, ejusdemque Ungariæ Regis: Maturiore ætate, in Bellis Ungariæ civilibus egit. In quibus & candentes globos, novum incendiiorum genus, aliis omnibus incendiis præsentius, primus invenit instituitque. A Joanne Principe Transylvaniæ primo ad Ferdinandum & Maxi-

Maximilianum solum Legatus missus, in secundâ legatione, ob turbatas eo absente conditiones pacis captus, ultraque biennium in custodiâ habitus, totum id tempus optimarum artium studiis, antiquorumque omnis generis Authorum lectionibus transmisit. Post mortem Joannis Principis Transylvaniae, Joannis Regis Filii, Caspari Bekeſio, quem Joannes Princeps successorem sibi destinarat, Popularium studiis prælatus, ad honorem eum evocatus fuit. Bekeſium res novas tentantem, ejecit: Iterumque à Maximiliano Imperatore, ad quem profugerat, profectum, ac præſidiis, ex Arcibus Ungariæ ditionis Cæsareæ deductis Transylvaniam invadentem fudit, fugavitque. Non multo deinde tempore interjecto, majorum rerum materiam fortunâ struente, ab Ordinibus Regni Poloniæ in duas partes divisus, alteris Maximilianum Imperatorem eligentibus, ab alteris ipse in Regnum vocatus fuit. Quod mox ut delatum erat, ingressus, celeritate ex incerto certum sibi fecit: Maximarum discordiarum semina primo adventu

ventu oppressit: Remque publicam ex turbatissima tranquillissimam reddidit. Præsidium adversæ partis ex Landskrona arce dejecit: Gedanenses in partibus obstinatius persistentes primùm prælio Dersavienſi, tum aliquot mensium obsidione ad officium reduxit. Comitibus inde Varſaviam indictis judicia à Nobilitate Interregnorum tempore sine certo ordine ac ratione usurpata firmavit: Consilio ac prudentia certisque legibus circumſcripsit. Iisdem Comitibus bellum contra Joannem Basilii F. Magnum Moschovia Ducem ab ordinibus decretum suscepit: perque triennium ita gessit, ut primo anno Polotia, Sokola, Suſſa, Krasna, Uſſviata, Sitna, Jeſerisceia, Koſſiano, Neſcerda totoque Ducatu Plotienſi; altero Lukis, Nevela, Zavolotia, Agroque Lucano universo hostem exueret: Tercio, Ostrovia primùm capta, Pleſcoviam per iniquissimum Anni tempus eò usque obsideret, dum ad Pacem petendam cedendamque Livoniam universam, Ducatum Polotienſem, ac Territorium Velianum, hostem adigeret, quæque ille triginta

ginta ferè annorum spatio maximâ cum
sanguinis & laboris impensâ vix pepe-
rerat, ipse triennali bello recuperaret.
Omnium in hunc usque diem, cum ex-
teriorum, tum domesticorum hosti-
um, partim armis, partim cle-
mentia ac iustitia
victor.

Prima partis Flori Polonicæ

FINIS.



FLORI

POLONICI

LIBER V.

*Qui Sigismundi III, annos viginti quinque;
completitur.*

ORtæ sub Stephano dissensiones. illo mortuo, ceu obice rupto, violentiùs erupêre. Periisse jam Zamoscio summum columen videbatur, eoque enixius in depressionem ejus æmulorum conspiratio incubuit. In primo itaq; conventu, quem à morte Regiâ, Varavia, convocatore Regni Primate Karnkovio; Ordines celebravêre, postfancitam confœderatione usitatâ, sed non sine protestationibus, pacem Religionis, machinatoribus Sboroviis, eorumq; fautoribus, imprimis Comite de Gorca, Palatino tùm Posnaniensi, qui gibbo deformis, at opibus ac populari gratiâ præpotens erat, decretum est, ut militis scribendi potestas, tum finium Russicorum custodia, non

non à Zamoscio, cui ut Duci exercitus ea cura competere videbatur, sed à consensu Ordinis congregatorum dependeret. Et jam illicò istæ imperii militaris partes inter Nicolaum Herburtum & Jaslovicium divisæ sunt. Zamoscus inter hos æmulationum æstus sibi constans, silentium in præsens & in agendis, quæ à Republ. esse judicabat, immotum tenorem opponebat. Designato deinde novi Regis electioni die, discessere otdines. At mox magnis passim apparatibus universa Polonia perstreuit; longæ felicitatis opulentia non splendori solum, quo generosa natio gaudet, sed & animis altiùs attollendis, alendisq; factionibus uberes copias præbente. Tempore præfinito Proceres præcipui non magnis clientum duntaxat, sed & militum agminibus comitati accessere. Sola Sboroviorum & Gorcarum factio prope decem millia armatorum adduxit. Minor numerus Zamoscio erat, non minor tamen roboris fiducia, quia Veteranos omnes & longa decora præferentes habebat. Cum quibus, non procùl à Comitio, ubi legendus Rex erat, castris ex disciplina militari positus,

fitis, & vallo fossaq; circumdatis, con-
 dit. Qui extra partes erant, Regni pri-
 mores, amicâ compositione, Zamoscii &
 Sboroviorum discordiam, ut maximum
 consiliorum & quietis publicæ turba-
 mentum, tollere nitebantur, sed inani
 ferè conatu. Neque quod mutuo par-
 tium consensu steterat, ut alternatim, &
 sine bellicis instrumentis Comitium ac-
 cederent, diu servatum est. Et paulò
 post, cùm, quæ in priori conventu, con-
 tra Zamoscium decreta erant, plerisque
 nunc agnitâ viri innocentia, displicere
 viderentur, tumultu factò à Sborovianis,
 libertatem Nobilium opprimi querenti-
 bus, & universalem conjurationem incla-
 mantibus, aliò secessum est. Seorsim
 quoque Lithuani adhuc stabant, integrâ
 sibi libertatem, cæteris discordantibus,
 servaturi. Quanquam istic Radzivillii
 & Chodkievicii, partim sacrorum com-
 muniū, partim sanguinis vinculis in-
 nexi Sboroviis, in partes Zamoscio con-
 trarias videbantur inclinare. Divisâ sic
 in partes Republicâ, non modicum peri-
 culum erat, ne factiones diversos sibi Re-
 ges quærent. Neque enim facilè in e-
 undem

undem Principem consensuri videbantur, qui privatim adeò inter se infensi, non tam patriæ Rectorem, quàm suæ parti patronum vindicemq; credebantur dispicere. Et quasi in perniciem Poloniæ conspirasset fatum, solito plures Regni jam offerebantur candidati. Nam & Maximilianus Archi-Dux, Rudolphi Imperatoris Frater, & Sigismundus, Joannis Succiae Regis filius, & Moschorum Dux Theodorus Odonovicius adspirabant ad sceptrum Poloniæ. Bathorei præterea, etsi id petere apertè non auderent, datum tamen minimè recusaturos, manifestum erat. Non parvus quoq; numerus erat expetentium Indigenam. Qui & non deesse Poloniæ viros sceptro dignos, neq; tanta invidiæ, æqualem dedignantis, quàm discordiæ, Regnum toties scindentis, incommoda fore, differebant. Maximilianum, præter Legatum Cæsaris, Pavlovium, Episcopum Olomucensem, impensè commendabat Annibal de Capua Pontificis nuncius, & easdem partes obnixo studio tuebantur Sboroviani: etsi primâ fronte proponerent Moschum, ut speciosa tam magni Ducatus accessione

I ostentatâ, facilius Sigismundum excluderent. Sed his præcipuè omnium autoritas Zamoscii summis de Rep. meritis coalita obstabat, cui tantò proniùs Ecclesiasticorum plerique accedebant, quod in parte adversâ, plurimi diversorum sacrorum essent. Et multis Nobilium suspecta tum usq; erat Austriacorum potentia, quæ Germaniæ Imperio, potentiâ Hispanicâ, Ungarico insuper Boëmicoq; Sceptro subnixâ, periculum minari videbatur Polonorum libertati.

II. Cæterùm pro Sigismundo nitebatur cum magno Zamoscio Anna Regina Poloniæ, Stephano marito nuper viduata. Cujus sorore Catharinâ, Sueciæ Regi nuptâ, natus erat Sigismundus. Reginam & Zamoscium clientum ingens numerus, sed Jagelloniæ in primis domûs reverentia, oblataq; militi adversus competitorum potentiam, pecunia, multum juvabat. Et super hæc, qui à Rege Sueciæ aderant Legati, magnifica ac speciosa pollicebantur Ordinibus Poloniæ. Postquam ergò diu admodum, acriterq; concertatum esset sententiis, consensusq; universorum frustra amplius quæri expectariq;

Atariq; cerneretur, à majore parte Sigismundus, præeunte Archiepiscopo, renunciatus est: designatiq; statim Martinus Lesniowski Castellanus Podlachia & Joannes Bojanowski, qui Principem electum è Sueciâ adducerent in Poloniam. In adversâ Zborovianorum concione torpidius agebatur res, quia convivorum istic ut plurimum festivitate, illiciendis retinendisq; clientibus, tempus extrahebatur. At simul ut intelligunt, cæteros, nullâ ipsorum habitâ ratione, Regem nominare ausos, extempio non contradicere tantum istis incipiunt, sed & ipsi candidatum suum Maximilianum prævio Jacobo Voronecio Episcopo Kioviensi, promulgant: inq; templo Bernardinorum, sacra faciente Radzivillio Cardinale, solemnem hymnum canunt. Mox & Legati ad Archi-Ducem electum designantur, Episcopus Kioviensis, Joannes Sborovius Castellanus Gnesnensis, & Alexander Prunscius. Erat jam in viciniâ Maximilianus. Quippe Olomucii in Moraviâ agebat, eventum speculans Electionis. Sigismundus verò ultra mare, & iniquo navigationibus autumnus,

quærendus erat. Eò intentiùs, qui hunc elegerant, Zamoscio Cracoviæ adversus Austriacos muniendæ curam, demandât. Qui sine morâ per medias adversariorum stationes, quarum excubitores somno ex crapulâ graves, exprobrandæ ignaviæ, flagris excipi jussit, domum primùm, inde Cracoviam properat, ubi jam interea amici ejus, Andreas Tenczynius Palatinus, & Nicolaus Zebrzidovius Arcis præfectus, avertendis Archi-Ducis conatibus diligenter invigilabant. Dum autem Zamoscus oppido suo, quod recens conditum, cognomine suo & Academiâ, multisq; aliis ornamentis celebre effecerat, egrederetur, pubes Academica, forte tum in campo proximo ludicra exercens, Aquilam cepit, vivi serpentis implexam spiris. Quod in omen Aquilæ Polonæ de serpentibus triumphaturæ raptum est.

Sigismundus à patre, multa adhuc causante, tardiusculè dimissus, cum denique exeunte Septembri, * in Portum Gedanensem appulisset, istic ab Hieronymo Rozrazevio Vladislaviensi, Alberto Barano-

ranovio Premisliensi Episcopo, eodemque
juxta Regni Vice-Cancellario aliisque plu-
rimis Senatoribus exceptus est. Eidem
ipsis Calend. Octobr., in verba, ab Or-
dinibus præscripta, juranti, Electionis
diploma, in Monasterii Olivenfis tem-
plo, traditum. Inde Cracoviam pro-
peratum. Quam tum jam cum exercitu
sugressus Maximilianus, omni vi op-
pugnare cœperat, non sine labore & peri-
culo insultus ejus sustinente Zamoscio,
qui castris ad Clepardiam positus Urbem
tutabatur. Dolo aliquando in suburbii
partem, cui Coriariorum frequentia no-
men fecit, subrepserat hostis, corruptis
qui istuc habitabant, Germanis. Sed
fraude intellectâ, Zamoscus subire pas-
sus est militem hostilem, mox locum suo
milite & simul igne accenso circumde-
dit, quod unâ cum doli structoribus sub-
urbium universum, atque in eo Carmeli-
tarum Monasterium deflagavit. Postea
prælium experiri visum est Maximiliano,
* idque antequam Sigismundi adventu no-
vum robur & animus major Zamoscia-
nis accederet. Sed primâ mox hastato-

rum acie Cataphractis submotis, reliquæ Germanorum copiæ, relictis impedimentis, amissisq; signis compluribus, cessere campo. Paucis post diebus Sigismundus inter victrices Polonorum Aquilas & triumphorum solennia, Cracoviam jam liberam ab hoste, ingressus est. Ubi illum primò Laurentius Goslicius Episcopus Camenecensis, eruditæ eloquentiæ vir, cum procerum Nobiliumque turbâ, in alterâ verò Urbis parte Zamoscius Dux copiarum excepit. Consummatis primæ lætitiæ festivitatis, in seria mox, atq; etiam dissidia, deventum est. Nam cum de conditionibus agi cœptum foret, Estonia, provincia Livoniæ contermina, multæ altercationis dedit materiem. Illam quippe ex pacto sibi à Suecis restitui volebant Poloni: id contrâ à Rege suo promissum negabant Legati Suecici, quorum Princeps erat Ericus Sparre Pro-Cancellarius. Eoque erupit disceptatio, ut ipsam Electionem Sigismundi prope irritam redderet, irritamq; se eam malle diceret Sigismundus, quàm tali lege Regnum suscipere. At tandem metu Maximiliani, in proximo adhuc agentis, & occasi-

occasionibus intenti, rem hanc integram
tantisper relinquere visum est, donec Si-
gismundus, rerum aliquando in Sueciâ,
post Patrem, potitus, de Estoniâ quoque
liberiùs posset statuere. Re hac pro ne-
cessitate magis temporis, quàm ex voto
Polonorum compositâ, solenniter de-
mum ab Archiepiscopo Karnkovio * in-
auguratus est Sigismundus. Eiq; postea
Sacramentum dixit Senatus universus:
nec non die sequenti Magistratus Craco-
viciensis. †

I V. Sed donec in Poloniâ Maximili-
anus esset, non sceptri accepti Rêx, nec
dati Polonia secura esse poterat. Illius
itaq; propulsandi cura demandatur Za-
molcio. * Qui Sborovios æmulos suos,
in Archi-Ducè persecuturus; tantò ala-
crius suscipiebat provinciam. Et auxe-
rant ei animum novæ trium millium E-
quitum suppetiæ, recens a Balthasaro Bat-
toreo affine suo ex Ungariâ adductæ. Si-
ne morâ itaq; movet in hostem. Quem
ubi in Silesiam interim recessisse intelli-
geret, ituc quoq; sequi statuit. Hic verò

O

securi-

* 27 Decembr. Anno 1587.

* 1588.

securiùs jam agebat Archi-Dux, quod & in suo solo esset, & copiis, bellicoq; instrumento longè superare videretur Zamoscium, ausumq; hunc fines Silesiæ ingredi, non arcebat, quò potuisset, transitu, eò illustriorem scilicet de tam temerariis Polonis victoriam sibi pollicens. Tandem, 25 Jan. ad Byczynam, olim ob Episcopalem sedem, antequam ea Uratislaviam deferretur, celebre oppidum Silesiæ, educto utrinq; exercitu, concursus est. Ubi initio prælii Cosacorum turma, quas in Germanos Cataphractos emiserat Zamoscius, repulsæ sunt: & Stanislaus Stadnicus in dextrum Zamosciani exercitus cornu inductus, strenuè rem agere cœpit. Tandem tamen hic à Stanislao Zolkievio, cum suis fortiter obsistente, repressus fuit. In sinistro quoque cornu non leviter aliquandiu laboratum est: donec Stanislaus Penkoslavius Sendomiriensis, & Alexander Koniecpolscius Wielunæ Præfectus gemino hastatorum suorum incurfu, Germanorum legiones perurpère. Hinc cum ad gladios deventum esset, iis promptior longè miles Polonicus non parvam stragem in exercitu hostili

stili edidit. Unde orta confusio, ut nulla jam Ducum imperia audirentur. Quod eminus videntes Ungari, quos Maximilianus conduxerat, fugam & ipsi cæperunt circumspicere. Maximilianus prælii ex propinquo spectator & ex tali exercitûs fortunâ, incolumitati suæ metuens, cum elabendi alia non pateret via, Byczynam refugit. Quò cum Zamoscium sequi videret, misso caduceatore, eum violatè tali accessu & provinciæ & amicitia Cæsareanæ minaciter admonet. Sed nihil hæc moratus Zamoscus, & ne tridui quidem inducias petenti permittens, machinis bellicis, quas post prælium Archiduci eripuerat, admotis, quaterre cœpit Oppidi mœnia, atrocissima quæq; se non dedentibus interminatus. Missis itaq; Consiliariis de libertate suâ pacisci orditur Archi-Dux, aut si ea negaretur, ut Byczynæ saltem custodiretur, postulat. Verùm nusquam securiùs tantum hostem, quàm in Poloniâ se habiturum Zamoscus putabat. Tandem itaq; post multas cunctationes, spontè exeuntem honorâ oratione veneratus, in tentorium suum manu duxit. Capti tum simul sunt Vo-

ronecins Episcopus Kioviensis, Andreas Sborovius Marefchalcus Curia, Comes Gozanus, Alexander Dux Prunski, & alii non pauci. Captivos Cracovia noluit ostentari Zamoscius, verecundia Archiducis consulens. Itaque hunc, flexo alio itinere, Crasnostaviam, Lublino non procul distans Oppidum, deduxit; Polonis, quos simul ceperat, ad sua dimissis. Difficilis quippe tantorum virorum inter tot eorum cognatos & clientes, Zamoscii verò inimicos, custodia fuisset. Et quod ratio flagitabat, malebat gratia datum videri. Varia mox liberandi Archiducis consilia inita sunt. Nam & Sboroviani, effracto arcis, in qua custodiebatur, pariete, noctu illum educere studuerunt, & Caesar per Hyppolitum Aldobrandinum Pontificis Legatum, bonis conditionibus Regis Procerumque animos sollicitabat. Sed Sborovianorum dolus magni Viri Marci Sobiescii, qui Regni vexillifer & custodia capti Principis praefectus erat, vigilantia elusit: Aldobrandini sollicitationes in futura Regni Comitia dilatae sunt.

V. Incunte Anno millesimo quinquagesimo octogesimo nono, Comitia Varlaviz habitata sunt. * In quibus jam non Pontificis tantum, sed Imperatoris, aliorumq; Principum Legatis connitentibus, dimissio Archi-Ducis, simulq; injuriarum inter Austriacos & Polonos oblivio, necnon antiquorum fœderum redintegratio sancita est: parariâ utrinq; utilitate amicitiam suadente. Sed jam porro Proceribus quoq; & Nobilibus Polonis, Archi-Ducem secutis, veniam Rex dedit, novi sceptri in populo, seyeritatis impatiente, egregio stabilimento. Uni Andree Sborovio Marechalci adempta dignitas, & Stanislae Przyemscio data est. Maximilianum verò, postquam à Rege Crasnostaviam profecto, comiter visitatus esset, tandem Goslicius Episcopus Camenecensis & Nicolaus Zebrzydovius Praefectus Cracoviensis in fines Silesia deduxêre. Ubi à Melchiore Redero copiarum Caesareanarum Duce exceptus, in implendis quibusdam conditionibus difficiliorem se præbuit Polonis. Sed Rudolphus Imperator fidem, quam pro captivo

p-tivo Fratre juratus interposuerat, amicitiamq; Polonorum intemeratam servavit, nec eam à Fratre, etsi ad servanda promissa tardiore, violari passus est. In iisdem Comitibus allata belli à Tartaris & Turcis imminenti fama fidem non reperit, atq; inde nec in tributa, belli nervum, consensit Ordo Nobilium. Eò gravius mox ab utroq; eo hoste periculum fuit imparatis. Nam non Tartari tantum Russiæ fines longè latèq; depopulati sunt, sed & Bassa, Rumeliæ Praefectus, Imperatoris sui jussu, Tyræ ripis insidens, grande bellum minabatur Polonia. Zamoscus magis nominis sui magnitudine, quàm exercitu, quem minutum habebat, sed simul quoq; paciscendo, hostem detinuit, cumq; Cosacos ab invasione ditionum Turcicarum abstinere, & mox Legatum Polonicum, pacis causâ, apud Imperatorem fore recepisset, rediit ad suos Bassa.

VI. Sigismundus interim Revaliam abierat, à Johanne Patre istuc invitatus ad colloquium. Quod quia secretius subinde habebatur, Polonis sollicitis plerumq; libertatis suæ custodibus variarum suspicio;

suspicionum occasionem peperit. Quas asperavit postea Patris, filium in Sueciam secum vehere volentis obstinatio, ægrè demum maximis Procerum, qui Regem deduxerant, obtestationibus evicta, ut cederet. Mussabat illicò fama, id molitum Sueciæ Regem, ut, ubi filium secum abduxisset, à nutu & arbitrio ipsius jura è Sueciâ peterent Poloni: ac, etsi, amsi maneret in Poloniâ Sigismundus, insuper tamen occultum cum Austriacis agitari fœdus. Quippe Austriacam ducturum Regem, hujusq; vicissim Sororem Annam Ernesto Archi-Duci nupturam. Deniq; vectigalia Prussiæ & Livoniæ, nec non argenti Summam ingentem sibi pactum Sigismundum, eidem Ernesto Regnum velle addicere. Hæc suspicionum sermonumq; sinistra, non extinxit, sed interpellavit belli Turcici metus. Quippe redux Constanti-nopoli Nicolaus Cizevius, Turcicum Imperatorem pacem cum Polonis nol-le, retulerat. Itaq; Comitia iterum indici placuit. * In quibus cùm ingens pecuniæ summa in tantum bellum necessaria

saria iudicata, adeoq; præter usitatas agrarias, in singula capita census constitutus esset, insolentiam tributi agrè alii ferentes, nova moliri cœpère. Zamoscii præcipuè æmuli, malè sopitum odium subinde iterum promentes, ab illo Turcici belli rumores spargi, & in privatæ potiùs quàm publicæ potentiæ stabilimentum, tantas pecunias corradi, passim in congressibus vociferantur minabundi. Atq; his ipse etiam Regni Primas Karnkovius accessit, nuper Gorcan Comiti reconciliatus, & Zamoscii auctoritati civilem modum egredi visæ, novos cum aliis obices ponere quærens. Nunc itaq; acuendis popularibus odiis, ex tributis, re in vulgus exosâ, arripitur occasio. Et eo illicio plurimos Procerum Nobiliumq; ad Conventum, Rege absente, pertraxit Primas, quem in oppido Kolo, autoritate Archiepiscopali habuit. In eo de circumscribenda Ducis exercituum autoritate multa deliberata. Inter alia visum in p. in. is utile, ut is in posterum ad Regni fines exeret cum exercitu, Electioni Regum ne adsit, aut si vocetur, ut absq; Comitatu militari veniat, summum

triginta

triginta familiaribus comitatus. Legatos quoq; nec mittat ad externos, nec mis-
 sos recipiat. Etiam manubiarum facta
 mentio: quas Zamoscus ex Byczynensi
 victoria sibi retinuerit, cum Regi & Reip.
 deberentur. Jactantius hæc inter æmu-
 los Zamoscii, absente ipso, agitata & ac-
 cepta vim famen non habuere, virtute
 Zamoscii discutiente omnes invidiæ ne-
 bulas. Jure virum hunc Scipioni Afri-
 cano contuleris, quem similibus ferè cri-
 minationibus olim iniquitas æmulorum
 invasit. Sed ille silentio & voluntario
 secessu ultus est adversarios; Hic cau-
 sam innocentiae suæ minimè deserens,
 ad confessionem injuriæ inimicos coëgit.
 Nam & ille ipse conventus, in quo fama
 viri vapulaverat, pro illegitimo pronun-
 ciatus, & quicquid in eo actum, acceden-
 te Zamoscio, evanuit.

VII. Sub finem autem anni indicta sunt
 autoritate Regiæ Varsaviæ Comitia,
 quæ tam Ordinum Polonicorum frequen-
 tia, quam exterorum Principum Legatis
 multum celebria fuere. A Rudolpho
 Imperatore Episcopus Vratislaviensis ad-
 fuit, qui abdicationem Maximiliani,
 tan-

tanquam severâ nimis lege & Austriacis
 inhonorâ factam, mitigari postulavit.
 Regina Anglicæ Legatus, Mercatorum
 suæ gentis societati sedem, quam Elbin-
 gæ figere decrevissent, autoritate publicâ
 firmari ac ratam haberi quæsivit. Nec
 difficiles reperit Ordines, quia & res ipsa
 non ingrata, & Regina benè merita vi-
 debatur de Poloniâ: quippe cujus Orator
 nuper Constantinopoli, in pace cum Tur-
 cis stabiliendâ, Legatos Polonicos gna-
 viter juvisset. Unde ut belli, ita tribu-
 torum quæ adeò immodica nuper
 postulata erant, remissa necessitas animos
 quoq; Ordinum, onerum impatientiâ in
 sequiora antè consilia compulso, delini-
 vit. Et reconciliatus Zamoscio Archi-
 Episcopus, ea, quæ in Conventu Kolensi
 nuper acta erant * passus facile est silenti-
 improbari, postquam ea pluribus jam di-
 splicere intellexisset: Contrâ verò etiam
 Christophorus Sborovius, quem Step-
 hanus Rex proscripserat, honori restitutus
 est, sed eâ lege, ut viginti adhuc annis Po-
 loniâ abstineret. Nempe ingenium vi-
 ri metuebatur, quod id, per se acre, & tot
 improsperis irritatum, nihil mite adhuc
 * 1591. spirare

spirare videretur. Cæterum in Aulâ magna tùm rerum mutatio secuta. Cùm enim Regi sederet, propiore nexu Austriacos sibi illigare, simul (ut illustris scriptor Piaſecius refert) vestigatum illicò est, quâ ab intimioribus Aulæ negotiis amici Zamoscii removerentur. Horum enim maximâ auctoritate arctius constringi Regia libertas; & ineunda cum Austriacis affinitas, impediri videbatur. Primò itaq; Pro-Cancellarius Baranovius ad Episcopatum Plocensem promotus est; specie honoris, sed reverà ideò, ut longiùs à Consiliis abesset. Neq; enim adire Episcopatum hunc, nisi Cancellarii munere depositò, poterat. Ei successor datus Joannes Tarnovius, consilio inprimis Alberti Ducis Râdzivillii, qui Lithuania Mareschalcus, tum verò in aulâ continuus, & præ aliis gratosus erat. Hi autem ambo minùs favebant Zamoscio. Nec multò post gratia quoq; Regis Martinus Lesnovolscius Castellanus Podlachia, intimus hætenus consiliorum Regionum arbiter, excidit: nullâ manifestâ Viri cupâ, sed solitâ instabilitate potentia, alienâ vi nixâ. Visus est Zamoscio additior,

etior, morosisq; adeò Aulæ Magistris annumerabatur ab iis, qui aures Regiæ soli possidere cupiebant. His obicibus remotis, tantò acriùs matrimonium cum Austriacâ, Caroli Archi-Ducis filiâ, agitari cœpit. Et quia id Zamoscio minus probari crederetur, maturari rem placuit, antequam robur acciperent consilia, quæ à tanto & tot alios tracturo Senatore strui possent. Nam & eo sine Andrzejoviæ capita contulerant quidam cum Zamoscio Senatores, Nobiliumq; non pauci: ubi pleriq; in itinere intercipiendam Regiam sponsam, alii comitiorum autoritate intercedendum matrimonio censuere. Sed Sponsa omnium opinione citiùs adducta, & sine mora Cracoviæ coronata, * nuptiis magnâ solennitate celebratis, spes ac conatus adversariorum omnes frustravit.

VIII. Cæterùm ducta citra multorum consensum Anna Conjux, non suâ, sed æmulorum culpâ, infesta Regi Comitia reddidit. Ad ea enim animis plurimùm asperatis plurimi accessêre. Audaciores hos faciebat autoritas Zamoscii, qui præci-

præcipuus matrimonii Regii impugnator, atq; inde publici egregii contra Regem vindex apud multitudinē audiebat. Atq; ille equidem his temporibus è re Polonorum esse credebatur, potentiam Austriacam arceri à Polonia: atq; ipsa etiam matrimonia domus illius suspecta habebat: accedente inprimis metu privato, ne adductæ inde Regina potestatem nanciscerentur ulciscendi ea, quæ contra Maximilianum ipse gesserat: ignarus nimirum, quantam illæ famam innocentiae & benignitatis sibi in Regno hoc conciliaturæ essent. Sed tum acriter in arcana Regis consilia inquisitum, & quæcumque cum Aula Cæsarea per literas nunciosq; secretos agitata dicebantur, cum curâ excussa sunt, Lesnovolscio inprimis nuper juventæ Regiæ præcipuo custode, nunc post abitum ex Aula, iras, & quidquid adversum Regi sciret, avidè promente. Rex omnium sequiorum machinationum inscium se affirmabat, & literas, quæ proferebantur ad Ernestum Austriacum scriptæ, à falsaria manu profectas esse ostendebat. Itaq; multi dies inter concertationes acerbissimas extraxi sunt.

cti sunt. Quia partes Principis non pristini tantum ejus amici & fautores, inter quos erant Radzivillius & Rozrazewius Episcopus Vladislaviensis, sed multi quoque alii, qui Maximiliano contra Regem faverant, ut Zamoscio jam contrarii essent, tuebantur. Tandem tamen, annitente Regni Primatæ, publicæ pacis bono induci se passus Rex est, ut plus, quàm fecisse se crederet, factum fateretur, promitteretq; se nec de successore, Republ. invitâ, cogitaturum, nec in Sueciam iturum, nisi datâ Ordinibus de reditu cautione idoneâ. Sub hoc tempus Januszium Ducem Ostrogium ex Palatino Voliniæ, Castellani Cracoviensem Rex fecit, Virum generis splendore, & opibus præpollentem, nuperq; Cosacorum, qui ductore Cossinio, infesta Russiæ arma intulerant, victorem. Qua ex victoria non pauca Cosacorum vexilla Cracoviam deportata leniêre nonnihil invidiam, quam collata ei princeps ista Regni dignitas conciverat: cum non unus Procerum eam aut ipse ambiisset, aut saltem minus potenti datam mallet. Adeò iniquam sapè fortunam ipsa etiam beneficia experi-

periuntur, ut cum vix unum devinciant, offendant subinde plurimos, certè irritèt æmulos, qui alienum honorem sui diminutionem arbitrantur.

IX. Secuta paulò post Joannis Patris in Sueciâ mors novis curis Regem implicuit. Longiori & difficili itinere Regni à Patre relicti adeunda erat hæreditas; nec Regi, nisi consultis Ordinibus, & rebus benè ordinatis, abeundum è Polonia videbatur. Itaq; Comitia Mense Majò, Varaviae habita. Julio exeunte, iter Rex ingressus, secundo Vistulâ, Prussiae Urbes, magnò Procerum comitatu, transiit. Thorunii & Elbingæ templa primaria Romanæ Ecclesiæ ritibus restituit. Gedani idem metuebatur: Sed erant qui Zelum Religionis cohibendum Regi esse suaderent, præsertim in Sueciam ituro, ubi eorundem sacrorum hominibus idem metus occasionem turbarum præbere posset. Interim in Urbe, quid furentis populi multitudo possit, obortus tum casu tumultus ostendit. Cùm enim bajulus quidam à Polono peditè, quem ille onus ferens incautiùs fortè tetigerat, strictâ frameâ graviter percussus esset, ad injuriam

riam socii primò concurrere bajulorum turba, mox & vicinior plebs cœpit. Polonis vicissim Polono quoq; openi ferentibus, commotus universus populus, Polonos omnes, quòtquot sese offerrent, armis correptis impetit, & recedentes, in ipsis quoq; ædibus, persequitur. Neque hospitium Regium Majestas ita defendere potuit, quin globi aliquot, per fenestras illati cubiculo, Regem Reginamq; pèrterruerint. Stabant ad portas magnò numero Satellites Procerum Regisque, strepitu armorum conciti, & Heris suis succurrere quærentes. Sed pensili ponte ingredi Urbem prohibebantur, non in remedium alioquin tumultûs, sed irritamentum potiùs adfuturi. Nam paucos illos, intra Urbem cum populo certare ausos, (cum ex iis non multi cecidissent, plures vulnerati utrinq; essent,) faciliùs mitigavit acturbæ subtraxit Krasicius, Marechalci tum absentis vices administrans. Magistratus ægriùs populum compescuit: tametsi, ubi totò biduò in causam tumultûs, portis Civitatis interim clausis, inquireretur, alia reperiri non potuit, quàm bajuli illa cum Polono fortui-

fortuita contentio. Nec is, qui ausu nefario domum Regiam violaverat, quantumvis magnâ industriâ & non modico indici proposito præmio quæreretur, inventus est. Sed Rex negotio hoc ad suum è Suecia reditum dilato, navem medio Septembris ingressus, solvit de litore. Altero ab egressu die oborta ex Aquilone tempestas classẽ dispulit; Rex ipse in Helam, Gedanensium promontorium rejectus, toto istic octiduo hæsit, donec naves per mare dilapsæ (erant verò 34 grandiores, novem triremes) denuò congregarentur. Ubi coierant, ingressus denuò mare Rex, Reginâ & Annâ Sorore, Tarnoviô item Vice-Cancellariô Polonicô, aliisq; comitatus, secundiore jam ventô, Sueciæ littora, multis scopulorum anfractibus confragosa 27 Septembr. attigit. Ubi cum aliquot diebus cæteras naves expectasset, tandem Stockholmiam progressus est.

X. Istic solenni Procerum pompâ ut legitimus Patris sui successor & hæres acceptus est. Sed quia Augustana Confessio ab Avo ejus Gustavo introducta, ibidem ita invaluerat, ut pauci jam di-

versum sentientes superessent, ea res multis difficultatibus Regem circumdedit. Quippe ille in maternâ Religione educatus, ejusdem porro & tuendæ & propagandæ acrius studium multis dudum, nec obscuris speciminibus, ostenderat. Inde Suecis plerisq;, præsertim Ecclesiasticis, & vulgo jam dudum formidatus, cum in Sueciam à Poloniâ redisset, malè grato Comitatu exasperavit animos. Nam & Malaspinam Nuncium Pontificis, & Theologos alios secum adduxerat. Qui in provehendâ Religione fervidi, primum Stockholmiæ templum occupare protenus tentavêre. Et primario Augustanæ Confessionis ministro, quod Regium concionatorem de suggestu, refellisset, concionandi potestate à Rege interdictum ferunt. Cumq; postea, in Musici Regii funere, Augustanus Concionator alteri diversorum sacrorum presbytero suggestu cedere nollet, vi inde ejectus, vociferando & opem populi implorando, ingentem tumultum concivit, qui etsi tandem non sine labore compositus est, magnos tamen in animis reliquit aculeos: cum inprimis non deessent, qui talibus

talibus turbis in rem suam uterentur. Eò certè intentius Religioni suæ cautum voluere Ordines, prius quàm diademate Regem evincirent. Et iidem, ante Sigismundi in Sueciam ingressum, habitò Upsaliæ conventu, solius Augustanæ confessionis libertatem in Regno sanxerant, ipsamq; Regis inaugurationem ab ejusdem Confessionis Archiepiscopo Abrahamo Andreae fieri cupiebant, idque eò obnixiùs, postquam Regem id abnuere viderent, qui à Nuncio Pontificis inaugurari captabat. Diu & acri utrinque concertatione trahebatur res, donec Rex, immotos Ordinum animos, et nullam, nisi annueret spem Regni adeundi relictam sibi videns, tandem præter alia dudum usitata Regni jura, Augustanæ imprimis Religionis usum ac libertatem diplomate confirmaret: addito insuper, se nullis Ecclesiis vel Scholis ei confessioni contrariis impedimentum ullo modo afferri permissurum: Nec alios, nisi ei Confessionis addictos, officiis Ecclesiasticis, vel publicis, admoturum: cæteris extra munia publica, communi Sueciæ jure, quietè jussis uti fruiq;. Priscæ juramenti

formulæ hæc insuper postea addicta, conservaturum se Regni ditiones, ne juris fiant alieni, ex proventibus Regiis victurum, nec novis oneribus gravaturum subditos: deniq; Regnum ex Caroli Ducis tum Sudermannia, Patru sui, & simul Senatus Suecici consilio gubernaturum. Jurejurando præstito vicissimq; accepto, ductum defuncti Regi Joannis funus, & cadaver in templo Upsaliensi sepultum est. Ibidemq; postea novo Regi Reginaq; ab Archiepiscopo Abrahamo Andrea, ritu antiquo, diadema inpositum. Inde habitis Comitibus, de communi consensu Ordinum ratio præscripta est, secundum quam, Rege absente, Regni munia administranda essent à Carolo Patruo & Senatu. Erico Comiti Braheo antiquæ Religionis retinentissimo Senatori arcis Stockholmianæ, inq; eâ depositorum Regni insignium scriptorumq; arcanorum custodiam Rex mandat, non sine multorum invidia ac murmure, qui publica Regni munera non nisi Augustanæ Confessionis hominibus ex pacto deberi per-
tendebant.

XI. Postea compositis ad iter rebus in Polonia Rex rediit, quam & ipsam tranquillam reperit, nisi quod vicinæ Ungariæ motibus aliquantum sollicitabatur. Illam enim Turcæ armis undiquē vexabant, Iaurino aliisque arcibus atque oppidis occupatis. Et Turcis auxilium laturi Tartari, Russiam Pocuciamque festinatis itineribus percurrerant. Imperator Rudolphus ut Ottomanicam potentiam, in Ungariā magis magisque valescentem, tanto validius refringere posset, Principum Christianorum, inprimis verò Regni Polonici opem imploravit. A tunc eā super re aliquoties, in publicis Comitibus, deliberavere Poloniæ Ordines. Tardius procedente negotio, Zamoscius, in Moldaviā præter opinionem cum Tartaris committitur. Provinciæ isti Palatinus Transylvaniae nuper suo arbitratu, sed majoris autoritatis auspiciā, & Christianitatis commodum prætexens, Stephanum Radulum imposuerat. Zamoscius antiquum jus sui Regis vindicaturus, immisso cum validā manu Jeremiā Mohilā, Radulum ejicit, venientesque deinde in Raduli vindicias Tartarorum ingentes co-

pias memorabili clade afficit, atq; in leges, quas Victor volebat, adigit. Paulò post etiam Rosvanus restituendo Radulo submissus à Transylvano, post acrem pugnam, capitur, & palo transfixus, vitam miserè finit. Sub ipsa autem istorum in finibus Regni motuum initia, Regem Regiamque omnem felix Reginae partus exhilaravit. Filium enim illa enixa est, cui *Vladislai Sigismundi* nomen datum. Quæ partum antecessit nox, fortuito arcis incendio illustis, variorum ominum ansam ingeniis dedit. Pars verò palatii, quæ conflagraverat, ex ruinâ splendidi-
or, sumptu Regiò, surrexit, totaq; tecta est cupro; juvante Regiam Magnificen-
tiam Georgii Radzivillii Cardinalis, e-
iusdemq; Episcopi Cracoviensis liberali-
tate, cui fodinæ in Kielcensi agro recens
repertæ, metalli istius vim luculentam at-
tulerant. Hoc quoq; tempore, quibus-
dam pacis publicæ cupidis hominib; stu-
dium incessit, sacro nexu Russiam arctius
Poloniæ innectendi. Nam etsi ea Pro-
vincia multis jam seculis, iisdem cum Re-
gno juribus gauderet, subindè tamen ho-
cenus ob sacrorum diversitatem (nam
pluriq;

pleriq; incolæ Græcæ Ecclesiæ ritus se-
quuntur) in turbas prona, aut turbato-
ribus opportuna fuit. Itaq; sub idem re-
gimen sacrorum redigere placuit popu-
lum, in dogmatibus alioquin à Romanâ
Ecclesiâ, si dissidentes se mutuo capere
possint aut velint, vix dissonum. Quâ in
re jam ante nonnulli laboraverant, ve-
rùm nunc duo inprimis Ruthenorum E-
piscopi, Hyppatius Pociey Vlodimirien-
sis, & Cyrillus Terlecki Luceorientis An-
tistes, prævivere cæteris. Qui Romam
profecti, pronisque istic animis suscepti
sunt à Pontifice & Cardinalibus. Sed
iidem domum reversi, plures, quàm un-
quam antè sperassent, adversos sibi habu-
erunt. Palatinum inprimis Kioviensem
Ducem Ostrogia, qui quod consilii istius
non fuisset caput, ut esse debuisset videba-
tur, ejusdem inimicus ac destructor fuit.
Virum tantæ opulentia & authoritatis
facile sequentibus aliis, præsertim ex Sa-
cerdotibus, literarum ut plurimum exper-
tibus, tum & cæterâ plebe, quæ ejusmodi
Religionum consociationes quò minus
intelligit, hoc magis abhorrrere solet. Ex
hoc utiq; fonte, per se saluberrimo, ama-

ra illa deinceps profluxère odia, & tandem bella, quibus non Russia solùm, sed univèrsa Polonia atrocissimè concussa documentum dedit posteris, quàm fœdo artificio Duces rebellionum, obtentu Religionis, ad nefaria molimina sua abuti soleant: & quàm plerumq; sub pio fidei nomine infidelitas impiissime grassetur.

XII. Turcarum potentia in Ungariâ magis magisq; Austriacis gravis reddebatur. Unde isti auxilia undiq; circumspicientes, in Poloniam quoq; denuò mittunt Legatos. Et ibidem causam eorum acerrimè agebat missus à Pontifice Cardinalis Cajetanus. Sed Polonis non satis tuta videbatur armorum societas, quæ cum Imperatore & Pontifice iniretur. Quippe quorum ut imperia, sic pacta morte ipsorum terminentur, nec successores, nisi ultrò volentes, obligent. Ne itaq; tali casu in solam Poloniam potentia Turcica moles incumberet, ipsos quoque Germaniæ Ordines eidem Societati, fide mutuò datâ, innecti volebant Ordines. Sed cum de Principum Germanorum consensu non constaret, imò potius jure dubitari posset, irrita fuit ista societatis

tatis negociatio. Cardinali quidem frustratam operam suam ægriùs ferente, sed non minus quoq; admirante liberalem sagacemq; Polonorum indolem præcipuè Cancellariorum, Zamoscii & Tarnovii, nec non Goslicii, Episcopi Premisliensis, qui meditatissimis ipsius orationibus extemporaneâ facundiâ subinde respondebant. Sub hoc quoq; tempus Cosacorum in Russiâ repressa petulantia est. Qui suis in Pontum Euxinum & aditas ditiores excursibus Turcæ molesti, eò modò pacem quoq; Poloniæ cum Turcis iniuriam, subinde vellicabant. Cùmq; eo nomine coërcerentur à Polonis, frænum ægrè ferentes, quas in hostico quærere prohibebantur prædas, inter suos venabantur. Nunc Duce Nalewaiko homine plebejo, sed impavidæ ferociæ, arma induerant. At eosdem aliquandiu fortunam non in prosperam expertos, tandem Stanislaus Zolkievius Campiductor in angustiisprehendit, & ad deditionem adegit. Dux rebellionis Nalewaiko, cum sociis, scelus suum, Varsoviæ, capitis supplicio luit.

XIII. In Sueciâ Pro-Rex Carolus procerum multorum & vulgi potissimum studiis paulatim provehebatur ad sceptrum; juvante res ejus receptæ illic noviter Religionis Zelum Sigismundi & absentia & lentiore ad obtinendum genio. Primorum contra qui Sigismundi partes acriter usq; tueri illic studerent, indies magis & authoritas & vires languescebant. Neq; hi, quantumvis Regis jus & interdicta identidem objectantes, prohibere potuerunt, quò minus Vattenis primùm, mox Sudercopiæ, deniq; Abrogæ conventus, inscio Rege, haberentur. In his Pro-Rex omnia Regis causâ se & velle & facere agebat, munus etiam Vicarii Regii nonnunquam deprensens. Eâ larvâ tegebatur ambitio, famam innocentia quærens, cum acerrimè noceret. Nam eandem potestatem mox, tantò flagrantioribus clientum suorum & populi precibus obsecratus, majore auctoritate resumebat. Tandem Procures, qui conventuum decretis subscribere nolissent, pro turbatoribus habiti & proclamati sunt. Unde aliqui seu promissis, seu minis, in partem validiorem trahi se

hi se

hi se permisere, alii, dignitate & patriâ
posthabitâ, aliò migrarunt. Inter eos
Ericus Sparre post Nicolaum Guldenster-
num, meritissimum senem, Regni Can-
cellarius, in Daniam; Comites Brahei,
Guldensternii, Nicolaô Cancellariô ge-
niti, cum aliis plurimis in Poloniam se-
cessere. Rex missis subinde nunciis, quæ
sinistra & sibi adversa ex Sueciâ accepis-
set, corrigere laborabat; cum nihil pro-
ficere, Samuelem Lascium tandem able-
gat, offensas Regias coram Regni Ordini-
bus dignâ severitate expositurum. Is
in Sueciam ingressus, commodum Proce-
res Regni Upsaliæ cum Carolo Princi-
pe coactos reperit. Quippe qui isti Gu-
nillæ Braheæ, Sigismundi Regis novercæ,
exequias pompâ solenni celebrabant. Ibi
Laski, Regis nomine, per vim, & quasi
absolutâ dominandi potestate à Pro-Re-
ge acta, in primis Calmariam, Aboam oc-
cupatas, multaq; alia objicit Carolo: Re-
gisq; porro adventum Ordinibus polli-
cens, classem ad littus Prussicum mitti ju-
bet: Proscriptis Regis ministris bona su-
a, captivis libertatem & præfecturas red-
di mandat. Alia ad Regis brevi adfu-

turi cognitionem rejicit. Pro-Rex haud modicè offensus, accusationes omnes ob-
jecto Senatus atq; Ordinum consensu re-
tundebat, sine quo nihil se unquam fecis-
se memorabat. Re itaq; nullà effectâ
Lascius in Poloniam revertitur. Ubi
cum in Comitibus, in quâ opportunè in-
ciderat, à se in Sueciâ actâ compertaque
retulisset, consilium Rex cepit in Sueciam
abeundi, hocq; idem, datâ redeundi cau-
tione idoneâ, Ordinibus Poloniæ pro-
bavit.

XIV. Ituro autem in Sueciam Regi
suadebant Proceres atq; inprimis Zamo-
scius, ut justo exercitu instructus trajice-
ret. Neq; enim adultam jam Caroli po-
tentiam auctoritati inermi cessuram aje-
bant. Sed Rex Patrum, & quotquot
istic sibi adversari viderentur, mansuetu-
dine potius vinci posse autumabat. Et
idem sentiebant, qui ex Suecis Regi ade-
rant. Duabus igitur tantum stipatus le-
gionibus iisq; magis ad custodiam cor-
poris Regii, quàm ad bellum comparatis,
iter Rex ingreditur. Unam peditum
Ungarorum Venceslaus Bekefius, alteram
ex Germanis Joannes Veier, Hildebran-
dus

duſ Kreitzius & Ferensbachius ducebant. Navibus, quas è Sueciâ fruſtra expectatas, aliunde Rex conduxerat, Steno Bannierus præerat. Aliis vehabantur Petrus Tylicki nuper Joanni Tarnovio in Vice-Cancellarii munere ſuffectus, Georgius Dux Sbaravius Pinſcensis Præfectus, Hieronymus Wolouitz, Lithuaniae Notarius, Maximilianus Przeremski, aliiq; aulici complures. Trajecto mari, Calmaria Rex cum ſuis exſcendit: hincq; ſine morâ Samuelem Laſcium Stockholmiæ præmittit, occupaturum Urbem & arcem, unde in cætera regimen. Ipſe ſecuturus Steckenbergam deſcendit, Annæ Sororis videndæ cauſâ. Huc Carolus quoque Dux cum copiis ſuis contendit: quas dimittere juſſus, antequam Regem conveniret, id facturum ſe reſpondit, ſi Rex idem faceret. Parùm hic abſuit aliquoties, quin res veniret ad manûs. Et primum quidem copiarum Carolinæ, quia anguſto loco claudebantur, non difficulter opprimi poſſe videbantur Regiis: ægrèq; has Sigismundus ipſe continuit. Sed poſtea Carolus ſuos anguſtiis eductos ita admovit littori, ut mox Regios & claſſe ſua

suâ & commeatu excluderet. Ac tametsi, Linkopiæ, de pace utrinq; tractare designati Commissarii cæpissent, armis tamè propè Pontem Stangebriensem concursû est. Ubi Cârolini ut numero sic fortunâ præpolluère. Inde ad colloquium in campo Rex & Carolus Patrvus progressi soli, mutuam factorum oblivionem paciscuntur, controversiis, quæ superessent, ad Comitia brevi instituenda rejectis.

XV. Deliberare deinde Rex cœpit, pergendumne sibi in Sueciæ interiora esset, tam parvâ militum manu. Neque enim augere exercitum facile erat, inter intensos, & apparatu bellico prorsus deficiente. Carolo' contra omnia prona: & major indies affluebat militum copia. Unde metus Regi, ne Stockholmiæ delatus, sui arbitrii esse desineret. Tristitia quoq; omnia & sibi & Regi timebant Sueci, Regem sequentes, quos jam obsides sibi dari volebat Carolus, ex arbitrio suo postea (ut suspicio erat) de ipsis consulturus. Hi itaq; suadebant Regi, maturè ut in Prussiam rediret, minõre & negotio & periculo istic, quæ conducerent, paraturus. Alii contra dissere:

Probros

& apparatu bellico malè instructam (nam necessaria Gedano serò submissa Carolus, mare & Portum tenens, exclusit) sex mensibus magnâ virtute & famis tolerantia præsidarii defendere. Sed cum omnia, coriaq; etiam ipsa, quæ in cibum famelici emolliuerant, deficerent, potestati se tandem Pro-Regis permiserunt. Qui Germanos & Polonos quidem dimisit liberos; Suecos verò, quos istic repererat, gladio obtruncari iussit. In quibus, præter loci Præfectum Joannem Sparre, multi Nobiles Viri fuere.

XV Cum occupata Calmaria esset, ejus impugnata causam in Comitibus Stockholmiae habitis, dixit Pro-Rex. Quâ approbatâ, Finlandiæ pariter atq; Estoniæ, quia in obsequio Regis manerent, arma inferri, & si qui Optimatum refragarentur, ut turbatores Regni, carceribus, proscriptione, suppliciis capitis plectendos esse, facili Ordinum consensu, decrevit. Sed jam quoq; tandem ulterius processum est. Regnum enim, ceu malè hætenus administratum, atq; omnino etiam, (quia jam nec ad literas suas ulla Ordines responsa accipiant ex Poloniâ) derelictui habitum, senten-

sententiâ publicâ abrogatur Sigismundo
sic tamen, ut filio Sigismundo Vladislao
spes succedendi maneat integra, si intra
sex menses in Sueciam mittatur, sacris i-
stic publicè receptis, legibusquè Suecicis
imbuendus. Mox & in Finlandiam mit-
titur classis, cui Alexius Korkius, sed vi-
ribus impar, occurrit. Quô amotô, ter-
ra omnis venienti Carolo mox patuit.
Nec Arcem Abrogensem Joannes Fla-
mingius & Arvidus Erici, nullis à Rege
adventantibus suppetiis, protegere potu-
ère. Estonia atq; in ea Revalia inprimis
stitit aliquantum progressus ejus, mo-
ramq; adeò Regi fecit exercitum parandi
in hostem. Sed ille naturâ cunctator,
valescere passus est hostis sui vires, quibus
adultis deinde impar fuit. * Comitia
deinceps habita sunt in Poloniâ. In qui-
bus Sigismundus crepti sibi Regni dam-
num questus, opem poposcit. Sed bel-
lum hoc tanquam alienum deprecaban-
tur Ordines, præstare alioquin in Regno
ea, quæ Regi suo deberent, promitten-
tes. Interim Carolus è Sueciâ reversus,
Estoniam impugnat occupatq;. Inva-
dit

dit eandem Georgius Farenſbachius Tribunus Regius, nullò Reip. juffu, & improſperè. Nam & provinciani non defendit, & Livonico Caroli bello occaſionem ſpeciemq; dedit. Poloniam verò tum motus Valachiæ & Muldaviæ attinebant: Valachiâ Simeonem Mohilam, Moldaviâ Jeremiam Fratrem ejus Michael quidam, homo promptus bello & felix, excuſſerat, ferox jam porrò victoriâ, de Cardinali Batoreo Tranſylvaniæ tum Principe reportata. Et in Ruſſiâ Polonicâ quicquid ingenio turbidi religionisq; ſtudio nova cupientes, in hunc ipſum Michaellem animos ſpesq; ſuas arrexerant. Tanto magis premendum eum duxit Reſpubl. atq; inprimis Zamoſcius, cui finium illorum cura è præſecturæ militaris munere incumbebat. Itaq; exercitum, quantâ poteſt, celeritate conſtat, pecuniâ, quia in Comitibus diſtracti ambitu Proceres nullam decreverant, privatim in fidem publicam ſumptâ. Et prono in Rempubl. ſtudio complures ex potentioribus cum copiis, ſub ære autoratis, occurrere. Inprimis Chriſtophorus Sbatavius, Conſtantine Viſnovectius Duces: duo

duo Tenczynii Comites, duo Danielo-
wicii, Carolus Chodkievicius, Hierony-
mus Sienvius, Pincerna Regni. Adfuit
quoq; Stanislaus Zolkievius Campidux,
Potocii aliquot, Drohojovius Regni Re-
ferendarius, Nicolaus Strusz, Kazanovi-
us. Cum his in Moldaviam festinatis
itineribus contendit Zamoscus, hostem
incautum deprehensurus. Hic verò in-
terim ad Selesinum amnem loco uligi-
noso castra posuerat, sexaginta millibus
hominum instructus. Ex quibus cum
primo conflictu mille circiter occubuis-
sent, reliqui fugâ dilapsi, terrorem latè
sparsêre. Et quia Michael quoq; incli-
natâ prælii fortunâ, paucis comitatus se
subduxerat, Valachi vim Polonorum pa-
ventes, missis primoribus, imperata face-
re, ac Simeonem nuper expulsus recipere
promisere Zamoscio. Eodemq; au-
tore Muldavi ad Soczaviam in verba Je-
remiæ, prioris Palatini sui, adacti sunt.
Neq; Michael postea fortunam, quamvis
nihil intentatum relinqueret, restaurare
potuit: intento in ejus conatus Joanne
Potocio Præfecto Camenecensi: cum
quo etiam postea ad Hardisum fluvium

con-

congressus, insigni exercitus clade accepta, ipse vix evasit.

XVII. Zamoscio in Comitibus postea habitis, pro re in Moldavia Valachiaque præclare gesta, publicè, Reipubl. nomine, diserta Oratione gratias egit Sbigneus Ossolinus, Ordinis Equestris tum director, olim Zborovianarum partium, adversus Zamoscium. Tantò splendidius Viri gloria ex ore quondam inimico nitescebat: & largius se jam in laudes effudit Orator, ne ex odio veteri quicquam videretur dissimulasse. Sed eidem Zamoscio fessam ne quicquam obtendenti atatem, aliud mox bellum committitur: Livonicum nempe cum Carolo Regis Sigismundi Patruo gerendum. Ille Regia potestatis vim exsertius indies de consensu Senatus & populi firmabat sibi in Suecia: abdicata jam omni stirpe Sigismundi, atq; ipso quoq; quem nuper illic expetierant, Vladislao, quia nimirum tempus, quod adventui ejus præfinitum erat, effluxisset; Patre jam, quicquid in Regno transmarino ageretur, minaci silentio damnante. Sed supererat in Suecia Sigismundi Frater, Patri Joanni cognomine;

nis: Hujus ex lege propius ac liquidius
 jus, quàm Caroli, ad Regnum esse judica-
 batur. Nec obesse ei Religio poterat,
 quippe usitatâ istic receptamq; profiten-
 ti. Metuebatur interim, ne potestate
 accepta, in Sigismundum Fratrem, quàm
 in Carolum & amicum isti Senatui, pro-
 pensior foret. Itaq; per homines idone-
 os inducitur, ut sponte potius cederet sce-
 ptro, rebus tam turbidis, gravi futurò a-
 dolescentiæ suæ. Ille ætatis & ingenii
 facilitate, tum reverentiâ Patruī flecti se
 passus est, ut consentiret: sicq; pro sceptro
 Suecico, Finlandiæq; quam hæcenus te-
 nuerat, præfectura, Ostrogothiæ regimen
 accipit. Carolus verò Dux, Sueciâ, quâ-
 cunq; ea invasioni hostili patere videre-
 tur, diligenter munitâ, Livoniam quoq;
 invadere statuit, quò arma Sigismundi à
 Suecia longius averteret. Præmittit i-
 gitur illuc Carolsonium nothum suum;
 Sed hunc propè Kokenhausum Christo-
 phorus Radzivillius Palatinus Vilnensis
 profligat, Oppidumq; istud & mox Ven-
 dam per ductores suos recuperat. Secu-
 tus ipse postea cum viginti millibus ar-
 matorum, Rigam Provinciæ caput petit,
 eminus

eminus obsidionem minans. Verum tunc locum Farensbachio, aliquandiu hic frustra hæsit, & veniente deinde cum Zamoscio exercitu, Parnaviam recessit. Secutus quoq; Zamoscium Rex est, sed tardiori ob impedimenta Aulica itinere, neq; vergente hoc jam anno, veniri ad prælium potuit. Volmaria tantum obfessa est, quantumvis eam omni necessario apparatu instructam hyems quoq; ipsa defensura videretur. Sed omnes frigoris remoras perluctatus Zamoscium, (Rex enim non diu moratus, in Lithuaniam recesserat) vineis aggeribusq; ductis eò redigit præfidiarios, ut deditione deniq; facerent. Captus istic Carolsonius nothus, & Pontus de la Garde. Quorum hunc ut Virum strenuum humaniter, alterum contemptim habuit victor, ob generis notam, vel quod potius crediderim, ob acerbiores in Carolum Patrem offensam, à quo nuper superbis epistolis fuerat irritatus.

XVIII. Caterum Hybernatus in Livonia Zamoscium, simul ut frigora remiserant, exercitum Fellinò admovet, arci ad Muldavam sitæ, curaq; fratrum Cruciferosum,

rosurum, olim arcendis Moschorum incur-
sionibus, diligentius munita. Sed agri-
us ob peditum paucitatem processit ob-
sidio. Unde ad oppugnationem equites
descendere oportuit, Duce ipso, ut exem-
plum Senis reliqui pronius sequerentur,
equo suo primo omnium desiliente. Nec
pauci assultorum periire, interq; eos Ge-
orgius Farensbachius, Palatinus Venden-
sis. Et postea ipse etiam Zamoscium pe-
riclitatus est, sclopi jactu cingulum ejus
rumpente. Tandem nihil remittentem
obsidentium operam casus adjuvit. For-
te enim in pulveris pyrii depositarium il-
lapsa flamma, propugnaculo disiecto, plu-
rimos praesidiariorum atq; in iis praefe-
ctum ipsum corripuit. Unde reliqui de-
ditam arce, victoris se clementiae permisere.
Post haec Zamoscium non aequè hostis,
quam militum suorum seditio exercuit.
Ille enim inducias quaesivit: hi ob non
soluta stipendia obsequium exuere coepere.
Tandem tamen humanitate, promissis,
& privatam Ducis pecuniam mitigati sunt.
Nec diu post, ut negotio ipso discuteren-
tur turbida consilia, in Estoniam leviores
aeris dimissae, cum Mansfeldii, qui vices
janu

jam Caroli hinc sustinebat, copiis tumultuariè subindè concurrere. Ipse Zamoscus cum graviore exercitu Velsienfium, firmisimum ingenio loci & operibus oppidum aggressus, eodemque post maximos toto mense toleratos labores, potitus est: accelerante deditionem Stanislas Zolkievii victoria, qui Nassovii Comitis turmas in auxilium obsessorum tendentes, memorabili clade ad Revaliam affecit, præcipuis eorum, atq; ipso Præfecto interfecto, tormentis porrò atq; impedimentis omnibus in prædam acceptis. Hinc jam, rerum militiæq; regimine in Carolum Chodkievicius interim deposito, in Poloniam revertitur Zamoscus, exercitui stipendia procuraturus, quibus tardè procedentibus obsequium militum & virtus languescebat. Tributa verò stipendiis destinata, absente ipso, æmuli morabantur, ut fortunæ Viri obstruerēt, quæ supra civilem modum provehi visa, ipsis formidini, Aulæq; prægravis erat. Nec deerant qui nimiam dominandi cupidinem, affectatumq; popularium animorum favorem, atq; in ipsum Regem quoddam quasi magisterium clam objectarēt,

stinu-

stimularentq; adeò Principem, ut autori-
 tati suæ, sub tali, ut vocabant, pædago-
 gico multum deniq; laboraturæ consuleret.
 Ista ingerebantur auribus Regis, cum ne-
 mo adesset, qui innocentiam Zamosciæ
 defendere vellet. Quo minùs mirum,
 si animo dominantis penitiùs infedere:
 Ipso plerumq; genio Principes sollicitan-
 te, ut non diu ament Ministros, quorum
 autoritas imperio quàm obsequio propi-
 or, consiliis etiam optimis gratiam adi-
 mit, quando qui dedit consilium formi-
 datur, & sæpè cum suadet, jubere credi-
 tur. Hinc in talium inimicos & crimi-
 natores major inclinatio & fides. Qui-
 bus circumfessus Princeps audentiùs indi-
 ces, si quid vellet Zamoscius, negabat.
 Unde nec in munerum publicorum distri-
 butione ratio amicorum ejus habebatur.
 Ipsaq; suprema Curia præfectura (Archi-
 Marechalcatum vocant) quam Zamo-
 sciæ aliis sibi addictioribus votò desti-
 naverat, Sigismundo Myszkowio, Zamo-
 scii amicis nequicquam obnitentibus,
 data fuit. Inter causas offensæ Regiæ
 non postrema illa erat, quòd, cum Rex
 amissâ Conjuge primâ, Vladislai jam o-

ctennis matre, germanam defunctæ Sororem, inaudito inter Polonos exemplo, ducere proposuisset, ei consilio præcæteris adversari crederetur Zamoscus. Auxere invidiam laudes ambitiosius à nonnullis prædicatæ in Comitibus, cum tanto Duci de Livoniâ feliciter recuperatâ publicè agerentur gratiæ. Gnarus omnium istorum Zamoscus manum suam paulatim negotiis subtrahere capit, nec deliberationes publicas, in Comitibus istis, solito ardore juvit, quò clariùs constaret Aulæ, quàm regimen rerum carere non possit magnis & apud populum gratiosis adjutoribus. Ordo Nobilium, in Aulæ consilia, studio libertatis, plerumq; acriùs intentus, nunc autè tanti Civis offensas quodammodo ulturus, desideriiis Regiis acerbius contradixit. Tandemq; Comititia sine ullo bono effectu diffluxêre.

XIX. In Sueciâ Carolus Dux, postquam tot annis, Regiæ dignitatis vim tenuerat, jam tandem quoq; nomen assumpsit: nemine istic amplius reclamante, quia adversarii ferè omnes aut solum, aut animum mutaverant. In diplomate,

Ord-

Ordines, causa rejecti Sigismundi hæc præcipua effertur, quod ad multiplicem procerum petitionem comparere & Regni administrationem suscipere noluerit, imo & hostem se ostendere, armisque sceptrū petere non dubitarit. Eisdem in literis tempus assignabatur exulibus Suecicis, intra quod in Patriam & simul ad gratiam novi Regis reditus pateret. Sigismundum ne ablati quidem jam plenè Regni fama in maiorem vindictiarum curam erexit, quod recuperationem difficiliore ac sumptuosiore sentiens, fato rem committeret. Sed de repetundis etiam cogitanti non satis favebant Poloni, occulta odiorum semina in animis versantes. Nam præterquam, quod in Zamoscio plurimos Nobilium Rex offenderat, quidam etiam, ex intima admissionis Proceribus incautis sermonibus magis acuerant populi voces. Inprimis Antistes Gnesnensis inter familiares aliquando dixisse ferebatur, se filium Regis Vladislauum brevi coronaturum. Id seu verè, seu falsò jactatum, facilem mox fidem reperit inter infensos. Nam & sparsa antè de matrimonio cum Austriacà prioris Conjugis

Sorore, fama magis magisq; valescebat,
 irritabatq; animos. Cum præsertim nec
 operosis multorum Senatorum dissuasio-
 nibus avocari se Rex pateretur à propo-
 sito. Nam inde tanto graviora suspica-
 ri & vetera etiam aliqua reficere cœpère
 turbidi. Ac talibus curis sermonibusq;
 altera quoq; Comitia distracta fuère, ur-
 gentioribus interim Reipubl. negotiis se-
 positis. Nec multò post hæc ipsa Comi-
 tia magnus ille Regni Cancellarius & si-
 mul exercituum Dux Joannes Zamoscus
 moritur, * Vir domi forisq;, vel ipsa in-
 vidia fatente, maximus. In quo jure
 dubitaverint posteri, magisne Sapien-
 tiam, an militiae decora mirari conveniat.
 Certè Pallade utraq; eò fastigii pervenit,
 ut alienis sub auspiciis, altius ascendere
 non potuerit: inter omnes seculi sui Du-
 ces facile primus, meritâ honorum luce
 solis Regibus secundus: quos ipsos solio
 imposuisse, & consilio suo armisq; orbi
 suspiciendos effecisse, inter potissima la-
 boriosæ virtutis solatia habuit: Cæte-
 ra quæ nactus est, sudorum præmia mul-
 tis adversitatibus diluente invidiâ: Sed
 Cælo

Cælo augustius parante brabeum, post facta tandem accipiendum à patriâ, quæ non solum famâ gratissimâ laudes deprædicat, sed & in postero ejus sanguine merita Virtutis (ut ulterior historia referet) summò diademate coronavit.

XX. Cæterum in Joanne Zamoscio præcipuum publicorum tum negotiorum fulcrum maximâq; fatorum Poloniæ mora cecidisse visa est.

Exin variis motibus externis, internisq; quati Respubl. cœpit. Quod imprimis ob discordiam Ordinum in Comitibus ultimis, nec finibus Regni prospectum, nec internis Reipubl. malis medicina facta erat. Neq; longò post Zamoscium intervallo moritur Joannes Tarnovius, Regni Primatum vix dum ingressus, Vir ingens & Regiæ autoritatis acris propugnator, eòq; nomine illis, qui alteri parti impensius studebât, minus gratus. Unde adeò, illò extinctò, tantò liberius multorum ergà Aulam suspiciones & odia erupère. Sueci Livoniam, & in eâ Rigam adoriuntur, captâ primo impetu Dunamundâ. Carolus Chodkiewiczus Comes de Sklow, Capitaneus

Q 3

Gene-

Generalis Samogitiæ, & exercituum Lithvanicorum Præfectus, parvâ manu sistere hostem conatur, & à Friderico Curlandiæ Duce adjutus, Carolum Sueciæ Regē ad Kirchholmum memorabili præliō superat, paucitatem copiarum pensante & Ducis & militum virtute. Cæsi istic Dux Brunsvicensis & alter Luneburgicus. Mansfeldius Comes & ipse Carolus Rex saucii ægrè evasere. Gregarii militis novem plus minus millia occubuerunt.

Sigismundus Rex defunctæ Reginæ Sororem Constantiam, frustra obnitentibus aliorum studiis ambit, missō ad Rudolphum Imperatorem Sigismundō Myskoviō Aulæ Regiæ Præfectō, Virō apud Regem gratioſo, eoque plurimis tum aliis magnoperè in viso, comitante eundem agnato ipsius Martino Szyskovio, Episcopo Luceoriensi, Brancio item Ensisfero Regni, Felice Kryski, Maximiliano Przerebski aliisque, qui Sponsam matre suâ ac Maximiliano Fratre comitatam, adduxere. Principem sanè virtutibus egregiam, sed eō infelicem, quòd venientem Polonia tristissimo motu Civili excepit, nescio quâ Eumenide ab ipsis propemodum tædis

tædis nuptialibus belli intestini faces accendente. Certè in nuptiis Cracoviæ celebratis, duo præcipuæ notæ Senatores offensi, prius Nicolaus Zebrzydowski, Palatinus Cracoviensis, hospitio suo, quod in Arce Cracoviensi habebat, novis, qui ad nuptias venerant hospitibus cedere coactus, cujus etiam tum statim vox audita, se quidem *Domò, sed Regem Regnò excelsurum*. Alter Maciejowski Cardinalis, idemq; designatus Regni Primas; * *Qui* tanquam Pontificis Legatus sub Uranisco in hac nuptiali solennitate sedere solitus, intempestivò Aulæ jussu, illà honoris umbrâ, subitò nec sine violentiâ privatus est. Eâ ignominiâ accensus Præsul Regiis inimicis magis posthàc favere, quàm obstarè visus est, extremâ injuriâ cæterorum omnium beneficiorum Regalium memoriam obliterante. Ordini Nobilium dudum suspecta atq; invisa hæc nova cum domo maximâ affinitas erat. Eò pronioribus animis acceptabantur, quæ in Regem sinistra inimici Aulæ jactabāt. Et adeò ista adversus Regem odia creverè, ut in secessionem deniq; publicam

Q4

(vulgo

(vulgò Rokosz voce Ungaricâ dictam) erumperent, ducto ex Conventu Prossovicensi initio, ubi Palatinus Cracoviensis, ille, cujus vocem, animi & infensi & praesidentis indicem, paulò ante retuli, Ordinem Equestrem ad exagitanda Aulæ consilia acerbaverat, tanquam libertati & salutis publicæ perniciosâ. Augebat Viri auctoritatem amicitia defuncti Zamoscii, qui moriturus hunc omnium consiliorum participem fecisse, tum inprimis expugnandæ in Aulâ factionis Austriacæ destinationem ei concedidisse ferebatur, famâ hâc eò pronius mox inter tot Aulæ inimicos receptâ, postquam cognitum est, eundem hunc junioris Zamoscii à Patre constitutum esse Tutorem, eòq; modò & gazam Zamoscianam, & scripta arcana in arbitrium ejus devenisse.

XXI. Rex Varsaviam convocat Ordines. Ubi Matthias Pstrokonski magni Zamoscii paulò ante Collega, nunc vacante majore sigillò (non sine acri tamen multorum invidiâ,) successor designatur, eò Reipubl. tempore quod Virum Magnû ostendete atq; etiam facere poterat.

Turbi-

Turbidi Stensiciæ conveniunt. Quorum
 postulatis insuper habitis, Comititia sine
 effectū diffuunt, Nobilitatis verò com-
 motæ animi magis magisq; ægrescunt:
 accedentibus indies pluribus ad tumultu-
 antes; ex Lithvanis præcipuè Janushio
 Radzivillo Duce, Pincernâ ejus Ducatus.
 Majoris Polonia Cives suscitât inprimis
 Matthias Smogulecius, Præfectus Bidgo-
 stienſis, à Palatino Cracoviensi in machi-
 nationis suæ societatem pertractus. Tu-
 multuantes primò Lublini, dein compo-
 sitioribus jam consiliis apud oppidum
 Pokrzywnicâ congregantur. Rex
 distrahere conjuratos cupiens Visliciam
 convocat Ordines, atq; inde missò Sta-
 nislaò Minski Pro-Cancellariò à Con-
 venticulis illicitis ad legitima Comititia,
 usitatum sanandorum Reipubl: malorum
 remedium, avocat. Idem Proceres à se-
 ditione integros, novis autoramentis sibi
 firmat, inprimis militares, inter quos e-
 minebant Stanislaus Zolkievius, & Ga-
 rólus Chodkievicius, Duces exercituum,
 Johannes Potocki, Præfectus Camene-
 cens̃ ac Fratres ejus Jacobus & Stepha-
 nus. Rokosiani magnis interim acces-
 sioni-

sionibus civium aucti, frustra; à Grzymultovio Castellano Bidgostiensis, nomine Regis, malè consultorum admoniti, Sendomiriæ denuò coeunt, quibus appropinquante exercitu Regio, propè ad arma deventum est. Sed interventu Procerum mitiora prius tentata, ipsiq; Duces tumultuantium fide Regis & Senatûs freti, ad osculum manûs Regiæ veniunt, atq; offensas omnes auctoritati Comitiorum subicere promittunt. Per hos Rokossianos tumultûs languescente apud utramq; partem disciplinâ, in immensum crevit audacia militaris. Dum enim utraq; bellantium pars militem comitate & beneficiis prensare, quàm pœnis offendere mavult, ille velut in precario imperioluxuriat ferocitq;. Neq; facilè posthac laxatus disciplinæ nodus adduci denuò potuit; præcipiti in vitium licentiâ morum, sed ad remedia vitiorum, nimis quàm lentâ.

* Annò sequente Rokossiani Comitiorum auctoritatem suis rebus noxiam rati, segreges iterum conventus Andrzejovix & mox Stensiciæ agitant, rejectisq;

omni-

omnibus, quæ Duces sui paulò ante promississent Regi, arma denuo accipiunt. Illis non adjungit se quidem, sed favet tamen Dux Ostrogius, Castellanus Cracoviensis, dignitatis opumq; fiduciâ nil civile in Republ: spirans. Sigismundus Rex in publicis Comitibus multum temporis & concordia publicæ gratificans, habitorum cum exteris adversus Rempublicam Consiliorum suspiciones diluit, & ab affectati Dominatus metu liberat Ordines; pristinaq; eligendæ Regis libertati novò diplomate cavet, nec quicquam se sine consilio Senatorum in negotiis publicis aggressurum, promittit. Estoniam præterea, seu armis seu quocunq; modò recuperatam, Reipubl: innectere pollicetur. Agitur ibidem de classe maritimâ, de bonis mensæ Regiæ addictis, compositione item inter Ecclesiasticum & Politicum Ordinem. Utilis porro lex de Regni arcibus restaurandis & ritè muniendis sancitur. Olim enim Arces istæ adversus quolibet vim, tempore necessario, perfugium præbebant imbecillioribus. Nec minori postea curâ reparari solebant, quam olim erant ex-

structæ. Oppida, arcibus adlita, incolarum frequentia tributa Reipubl. pendenda augebāt, sæpè & gregariæ militiæ dare supplementa poterant. Sed deinceps avaritiâ redditus Arcium Satrapiarumq; in privatos usus convertente, exhaustæ, neglectæq; & Arces & Oppida, quæ nunc perpetuis militum & cujusvis penè injuriis obnoxia, aut deseruntur, aut nonnisi à miserimis hominum perfunctoriè & fugitivâ quadam trepidatione, habitantur: paucis exceptis Urbibus, quarum celebritatem & frequentia commercia utcunq; nec sine multa tamen difficultate, tuentur. Porro autem eadem istorum Comitiorum autoritate, Sigillō privato, in negotiis Reipubl. Rex vetatur uti. Livoniæ Provinciæ Civibus in obsequio Regis manentibus data olim Poloniæ libertatis & jurium communio renovatur: Illis verò, qui Carolum à suis jam Regem Sueciæ nominatum, sequerentur, eadem ibi jura abrogantur. Matthias Pstrokonski Episcopus Vladislaviensis, olim utriusq; sigilli cura & omni vitæ cursu cum summa laude defunctus moritur, (malè enim in annum sequentem suprema

ma ejus rejicit Piaſecianum Chronicon; nunquam moriturâ Virtutum ejus memoriâ, quas elegante commentario poſteritati tradidit Cognatus, alumnus imitatorque ipſius Stanislaus Lubienſcius Episcopus Plocenſis, inter ſummos ipſe Poloniæ Viros meritò numerandus.

XXII. * Rokosſianorum factio, poſt Comitia, & ſanata in iis vulnera, non prorsus quidem extincta, multum tamen imminuta eſt, ſolito conſpirationum ejusmodi fato, ut impetu valeant, morâ exoleſcant. Ac poſtquam ordinibus Rex ſatiſfecerat, non jam publicæ rei curâ, ſed privatis ſtimulationibus agere videbâtur turbidi. Qui etſi cæteros paulatim ſe ſubducere viderent; perfeverant tamen in propoſito, quin & tantò majorem acrimoniâ, & ut ipſis videbatur, conſtantiâ oſtenſuri, eò progrediuntur, quò nondum hæcenus, etſi numero validiores, eruperant. Omni enim obſequio Regio ſolemniter ſe renunciare, & nullò nexu Principi obſtriſtos eſſe velle profitentur. Hæc atrocitas plures Regi ex Rokosſianis reſtituit, eidemq; majoris poſtea clemen-

tix

riæ campum aperuit. Quæ cò clarior,
quò facinora peccantium graviora. Sed
interim quoq; magno causæ Regiæ com-
modo moritur Bernardus Macieovius
Cardinalis, idemq; Regni Primas, tumultu-
antibus minùs, quam par erat, adversa-
ri visus. Zebrzydovius dein & Radzivil-
lius, Duces Rokossiani IV. millibus plus
minus armatis instructi, ad Guzovum 6.
Julii ambiguo aliquamdiù Marte pu-
gnant, peditatus tandem Regii, cui Joanes
& Jacobus Potocii præerant, constan-
tiâ fracti, non multò utrinq; sanguine
effusò, dilabuntur. Exin, cum rari jam
eos sequerentur, interponentibus se pro-
ceribus & deprecatione prævia, Regi re-
conciliatur Zebrzydovius, sicq; tota illa
Rokossiani tumultus moles, atrox pri-
mò, & Regi periculosa, invictâ Regis
constantia, tum bonò consiliò Senato-
rum, & fide militis stipendiarii, Ducum-
que, incolumi tam Rege, quàm Republ.,
corruit.

XXIII. Sed penè eòdem, quò Polonia,
tempore Moscovia quoq; magnis moti-
bus concussa est; qui, cùm tragica multa
& gravissimam longè imperii illius mu-
tatio-

tationem, (non postremas quoq; in eadem scenâ partes agentibus Polonis,) traxerint, non alienum videtur, rem totam altiùs repetitam hic inferere,

Joanni Basilidi magnitudine bellorû, tum morum sævità notissimo Moscorum Duci uxores septem, & ex harum prima nati Filii duo, Joannes & Theodorus, è postrema Filius unus, Demetrius. Joannem juvenili simplicitate regimen armorum adversus Polonos poscentē immanis, nihilq; in quoquam generosum, ac ne in filio quidem sustinens genitor, impacto capiti scipione occidit. Theodorus patri succedit, ingenio torpidus, & populo quidem post tam sævum tyranni imperium non ingratus, rebus tamen agendis impar, adeoq; regi, quam regere aptior. Ideo consiliis ejus moderandis Borisius Odenovius vel Hodunus admoveatur, conjugis Theodori svasu, cujus frater erat Odonovius, homo solers & captandis populi studiis apprimè idoneus. Quibus omni arte & curâ conciliatis, ad majora spem surrigere, & ipsi nempe imperio imminere animo cœpit. Atq; ut maturè obstacula amoveret, Demetrium in pri-

inprimis, impuberem adhuc, corruptis
pretiō ejus familiaribus, tollit, non mi-
nūs mox in ipsos cædis ministros faviens,
ne esset, qui prodere flagitium posset.
Simul quoq; alios præmiis inducit, ut in
Urbe Principe incendium excitent, quo
sic publicus luctus à Demetrii funere ad
privata deploranda averteretur. Nec
multò post ipse magnus Dux Theodorus
inter vivos morari desinit, morte subitâ
& eodem haud dubiè structore festinatâ.
Sterilis hic & generis sui postremus de-
cesserat. Eò pronior Borissio ad imperi-
um via, cæterorumq; in ipsum inclinatio
fuit. Sed ille porrò callida recusatione
desiderium populi accendebat. Mona-
sterium enim ingressus est, quasi solitudi-
nem religiosam imperio præhabiturus;
Cum interim sibi fidos subornasset, qui
neminem ipsi, in capeffendo rerum regi-
mine, paterentur anteponi. His occultè
simulantibus, cæterorum accuratissimis
precibus exoratur, ne suscipere abnueret,
quod intra animum flagrantissimè cupi-
ebat. Ad hunc modum potitus princi-
patu non diu post, vitia prompsit, quæ
hactenus spe regnandi occultaverat. Sed
brevis

brevi post Deum Tyranni fraudes, alterius hominis admirabili versutia ultus est. Is Hricko nomine, egenis inter Moscos parentibus, sed liberali vultu & indole non ignobili natus, cum in coenobio adolescentiam non nihil exercuisset, sua sponte, aut Monachi cujusdam senis suggestu finxit se Demetrium Basilidis filium esse, quem extinguere quidem voluerit Borisius, sed alterius suppositi infantis caede se servatum superesse. Et lenocinabatur Juveni facies a veri illius Demetrii specie non abludens. Ceterum in Moscoviam natales suos jactare intutum ratus, in Ditiones Regno Poloniae subjectas profugit, ubi apud Adamum Ducem Vlnovecium famulatus aliquandiu, cum nescio quo errore, verbera meruisset, genus suum professus est, quasi effecturus, ut honestius in posterum haberetur. Et persuasit non tantum Duci, sed Duce deinde ipsi suffragante, aliis plurimis, ut pro Ducis Moscoviae Basilidis filio suspectaretur. Venit tandem ad Georgium Mniszek Palatinum Sendomiriensem, Virum opibus & Affinitatibus potentem. Eum memorata fortuna sua, & rerum futurarum, si

ad sceptrum paternum rediret, blandimentis eò permoveret, ut quicquid opum copiarumq; haberet, ejus honori commodare velle polliceretur. Ille vicissim matrimonium cum filiâ Palatini ineundum, & inprimis Religionis Catholicæ in Moscoviâ promovendæ studium liberalissimè restipulatur, pecuniam quoque, quæ restitutioni impenderetur, fœneratò refundere spondet sanctissimè. Colligitur ære Palatini miles, accedunt alii, spontaneam novo tanti sceptri hæredi operam navaturi. Istâ etsi exiguâ manu stipatus abit in Moscoviam personatus iste Demetrius. Vix dum etiam fines ingressum fama antevolat, vivere Basilidis filium, & cum exercitu validissimo dominium paternum venire vindicatum. Borissius malè quæsitî imperii conscientia trepidus, exercitum ingentem objicit venienti. Iste ultra vires audax & nempe septingentis plus minus hominibus stipatus exercitui sexaginta millium capitum non veretur contra ire, & admirabili jocantis fortunæ ludibriò vincit antecursores, cæteros terrore in loca munitiora repellit. Eò augustior fama tanquam victo-

victoris pervolat Moscoviam, & passim
occultos sermones mox studia & novas
spes excitat. Ipse instat fortunæ, & quò
longius procedit, eò magis ut sol oriens,
omnium in se oculos convertit. Borissi-
us interim moritur, incertum an ægritu-
dine animi, an venenò. Primores Mo-
scoviæ, ne nutantibus rebus Princeps de-
esset, filium extincti successorem desig-
nant, puerum impubem. Exercitus ve-
rò, Bosmano & Gallicino præeuntibus, in
verba Demetrii jurant. Inde Odonoi-
des Princeps noviter electus & mater e-
jus, ut & propinqui jugulantur, Suiscii
Duces alique qui resistere sustinuis-
sent, dantur in vincula. Ita nemine jam con-
tranitente Demetrius magnò populi ap-
plausu, solium, quod patrium sibi dice-
bat, conscendit. Sed idem in crudo im-
perio de autoritate priùs, quàm benevo-
lentiâ subditorum sollicitus, pro autori-
tate odium peperit sibi. Cum inprimis
à gentis institutis diversus, externa & Mo-
scis supra modum invisâ sectaretur. Ac-
cuendis odiis peregrina conjux accessit,
quam ex Poloniâ, Aulâ universâ applau-
dente, Legati Regii excoGITatissimò ap-
para-

paratu, novo Principi adduxere. Movit invidiam splendor externus, spiritusque advenarum, eò gravior indigenis, quod à Principe Polonis addiçto, Moscicis opibus ali videretur. Nec nisi pejora expectanda sibi credebant Moschi, cum initia ejusmodi essent, quibus alioquin Principes vel fucatâ modestiâ soleant conciliare gratiam. Fit igitur conspiratio, & quod securiores cum Demetrio Poloni deprehendantur, nono & ultimo nuptiarum die (quæ erat 17. Maji) subito æra per Urbem circumsonant, irruitur in arcem, ipsumq; in cubiculum sponsi. Ille fenestrâ elapsus retrahitur in cubiculum, & mox variô telorum genere occiditur, atq; ubi diebus aliquot ostentui jacuisset, post varia ludibria crematur. Sponsa ægerrimè & penè nuda evasit ad Polonos suos, per Urbem dispersos. Quos pariter passim rabies populi invadit, cadibus, quacunq; perrumpere licuit, sæviens. Sed pleriq; illorum armis & comitatu ab hospitiiis suis vim prohibuere. Legati Regii jura gentium obtendentes, violentiæ, non item detentionis expertes in Urbem manserunt. Hunc Histroniæ suæ finem

finem cum Demetrius habuisset, regimen quidem Moscoviæ Basilii Suiscii, ceu præmium amoti impostoris accepit. Sed eidem alius mox succedens Impostor novam scenam instruxit, fortunâ, ut cœperat, stupendum porro mimum sibi in vastissimo illo imperio faciente. Quidam enim de nescio quâ fæce homo Gregorius Otrenovicius cum, tumultuante nuper Moscuâ Urbe, sigillum Magni Ducis, aliaq; quædam pretiosa abstulisset, Suiscio minor esse noluit, longiusq; dein remotus, Demetrium sese finxit, impudentiori jam fraude, cum prior ille impostor, verum Demetrium simili specie oris, hic falsum duplicatâ mentiendi audaciâ simularet. Nihilominus tamen nescio quô sidere deceptoribus favente, assecras reperit; multis inter ancipitia illa quidvis casu oblatum arripientibus, plerisq; & intellecto jam mendacio faventibus. Sponsa utiq; ipsa, Palatini nostri filia, & major pars Comitatus Poloni ad illum confugit, non aliô stimulo, quam quod cœpta semel fraudum fabrica non aliter, quam fraude percoli posset, fidesq; Impostori magnis exemplis concilianda videretur,

retur, cum inprimis rebus desperatis nulla alibi spes, nec propior modus ulciscendæ Moscorum sævitiae appareret. Vindictæ utiq; cupido novas etiam ex Poloniâ copias excivit, quibus Romanus Rozynius, Johannes Sapieha, Alexander Bobrovius, Viri omnes & natalibus & militiâ illustres præfuere. Auctæque deinceps sunt Mlocii, Vilamovii, Bobovii, Tyskevicii, Lanckoronii, Rusiecii, Stabrovii, Zarucii, Madalinscii, Stravinii, Buzynii, Gajovii, Rudnicii, aliorumq;, tum & octo legionum Cosacicarum accessu. His viribus succinctus Gregorius ille Principem Moscoviæ Urbem aggressus est, ibiq; Suiscium & plerosq; Proceres obsedit. Interim Rex quoq; Sigismundus, ut Civilium barbarum facie residuâ expurgeret Poloniam, tum & à Moscis Legatos suos, ignominiosè istic detentos, liberaret, præcipuè verò ut provincias olim Regno ablatas, populo illi domesticis malis fesso eriperet, ad Smolenscium admovit exercitum: non obsecutus aliis qui in Mosciei Domini interiora infundendas

* Vide Illustr: Cobierzyc. Histor.
lib. III.

das Regni vires statuebant, tutissimum
proferendi imperii campum ostendentes.
Mittit tamen Legatos tum ad Polonos su-
os, qui Moscuam obsidentes, Regiæ in-
Moscos expeditioni minus favere vide-
bantur, quia majora ab Impostore labo-
rum præmia, quàm à Rege sibi, promit-
tebant. Mittit item ad ipsos Mosco-
rum Proceres, utile illis ad res suas com-
ponendas subsidium pollicens, cum alter-
rà quoq; ex parte Suiscius Suecos in auxi-
lium magnis autoramentis vocasset. Qui
Ducibus Ponte de la Garde & Edvar-do
Hornio aliisq; latè pervagabantur ditio-
nes Moscorum. Legatos Regis adeò co-
mitter & submissè Mosci suscipiunt, ut
malorum suorum non aliud promptius
remedium quàm à Rege sese expectare,
missà vicissim legatione, testarentur; sed
conditiones, quas proponebant, Vladi-
slauum inprimis filium Regis ad Mosco-
viæ imperium vocantes, non placuere
tum Sigismundo. Et Mosci postea Sue-
corum ope fortunam & animos altiùs e-
rexere; donec à Stanislao Zolkievio,
quem ad copias Polonicas in Moschovià
turbulentiùs rem agentes, Rex miserat,
com-

commisso ad Clusinum ingente prælio
quindecim millia Moscorum cæsa, Bora-
tinus & alii ductores capti, Duces Sueci-
ci agrè fuga elapsi. Ea victoria, uti
Zolkievio Duce, Stanislao Koniecpol-
fcio, Sborovio, Balabanò, Strussio, Pori-
cio, Widzgæ, Herburto, aliisq; qui rem
strènuè istic gessère, admodum gloriosa,
Regi verò Smolenscum obsidenti peruti-
lis fuit, ita Suiscii fortunam penitus pro-
stravit. Mosci enim dominatum ejus
seu superbum seu infelicem aspernari, ha-
bitò conventu, hominem à regimine so-
lenniter amovènt, primùmq; carceri,
mox cœnobio includunt, Duci Mscisla-
vio intereâ rerum administratione datâ,
donec Vladislaus Poloniæ Princeps à Pa-
tre Rege ad oblatum regimen mitteretur.
Zolkievius victorem exercitum metro-
poli admovet, ac per Stanislaum Doma-
racium & Alexandrum Balabanum Cen-
turiones, Regis sui opem Principemque
Vladislaum Moscorum Proceribus arma-
tâ facundiâ offert. Illi pronissimis ani-
mis Vladislao se & sua omnia submissu-
ros promittebant, dummodò ille sacris
Russicis initiari se pateretur. Impudens
postula-

postulatum, sed ad præsentiam Principis
 rejiciendum videbatur, cuius augusta in-
 doles & plenissima gratiarum majestas
 facilè demulsura sperabatur animos, ut
 faverent etiam sua sacra retinenti. In
 alias leges, quibus imperium futuri Do-
 mini circumscribatur, non agrè tum
 conventum juratumq; est utrinq;. Vul-
 gatâ Vladislai Principis electione perso-
 natus ille Demetrius infectis armis hacte-
 nus Moscux gravis, Calugam cum Ma-
 rina Polona profugit; Ubi deniq; à Po-
 lonis, qui causam ejus inconsultò impe-
 tu foverant, desertus, & mox a Tartaris,
 Duce Vrozovo obtruncatus est, homo
 nullius frontis & fidei, eoq; solum admi-
 rabilis, quod fidem apud tam multos in-
 venit. Zolkievio in Urbem, velut jam
 Vladislai Principis sedem, & porro ad in-
 tima dominatus illius adita, thesauros &
 archiva admissio, dedantur tandem Zuif-
 cij tres, quorum maximus natu paulò an-
 tē a principatu in claustrum dejectus e-
 rat, ingens spectaculum fortunæ, quæ ho-
 mini nec Monasterii latebris occultare
 miseriam suam permisit. Protraxit eum
 in lucem, ut hic ad genua victoris pro-

cumberet, & mox extra patriam in Triumpho duceretur. Cæterum, dum Vladislao Principi Moscoviam fortuna ductu Zolkievii subjicit, Pater Sigismundus ad Smolenscum haret. Urbe propugnaculis & defensoribus validâ, diutiusque ad cō conatûs oppugnantium eludente, qui penes Regem præcipua autoritate erant, cœptam obsidionem minimè descendendam putabant; obliqui nonnihil in ea, quæ Zolkievius, apud Moscuam gesserat, cū ea præsentē Rege facta esse maluissent. Eorumq; instinctu legibus, in quas juratus consenserat Zolkievius, subscribere Rex abnuī; Comitia prætexens, ad quæ rem tantam deferri oporteat. Revera autem id agebatur, ut Smolensco occupato, Pater ipse armis victricibus addiret dominatum Moscoviæ, qui filio præproperè delatus videbatur. Cæterum Moschi cunctationem Regis conspicati, de studiis quoq; erga Vladislaum multum mox remisere, memorabili documento, fortunam, ubi se præbet, sine mora prestandam esse, utendumq; animis, dum urgente periculō & necessitate calent. Quæsti itaq; Mosci, destitutam spem suam

am in Aulâ Regiâ, aliò paulatim vertunt
consilia, ubi inprimis Zolkievius, ope-
ram suam malè acceptam dolens, relictô
intra Metropolim præsidio, cui Alexan-
drum Gosievium præfecit, discesserat ad
Regem. Tum Hermogenes Patriarcha,
Gallicinus Dux, Leponorius & alii ex
Proceribus Moscorum conspirare adver-
sus Polonos & mox populum trahere in
partes cœpere. Præsidarii Urbem in-
cendunt, plurimos de plebe trucidant,
ita ut flammâ ferroq; penè centum mil-
lia hominum perierint; postea fames su-
biit, non minus Præsidariis Polonis, quàm
populo Moscovitico molesta. Petitur
remedium à Rege, non sine multa expro-
batione meritorum militarium. Ille
minacem militem leniturus, per Legatos
pecuniam & subsidia promittit. Ipse
interim morarum ad Smolenscum pertæ-
sus, Urbem deniq; summâ vi aggreditur,
& virtute duëtorum militumque feliciter
occupat, primo tum murum conscenden-
te Jacobo Potocio Castellano Camene-
censi. Multum quoq; in hoc opere lau-
dis meruère Dorastaiski Lithuaniae Ma-
reschallus, Novodvorscius Eques Meli-

ientis, Joannes Vejerus Pucensis Præfectus, Stephanus Potocius, & alii, quos prolixiores Commentarii memorant. Smolensco expugnato, in Moschoviæ interiora progrediendum Regi videbatur, ut vacillanti istic Polonorum fortunæ opitularetur. Sed prævaluere consilia, Vilnam & porro Varsaviam ad Comitia redire suadentium. Interim Præsidiarii Poloni intra Metropolin Moscorum cum rebelli populo, cum fame itidem & secum ipsi mutuis dissidiis conflitantur. Neq; missum à Rege Chodkievicius, Virum alioquin fortissimum satis reveriti, Strussoductore, obsequium Regis ejurant. Sed fame tandem evicti, arcem Ducum Moscoviæ sedem dedunt Moschis, & Strussus multiq; Centuriones carcere, alii miris tormentis & morte deniq; mutantur. Quæ extra arcem erant copiae Polonæ, expilato ærario Moscorum longè ditissimo, in Poloniam redeunt, & mox tripartito agmine Reipubl. bona involant, non minus Patriæ mox graves, quàm hæctenus Moschis fuerant. Mosci verò à milite Polono jam liberi alium sibi Ducem Michaelē Federovicium, sanguine

guine antiquis Moskovia Ducibus innexum, cæterum ætate vix-dum puberem adoptant. Ejus Pater Theodorus post exactos in matrimonio complures annos, sacrum vitæ genus amplexus, nomē quoq; mutarat; Philaretus postea vocatus: ac non multò post Metropolitæ dignitatem adeptus, in Vladislaum Principem, etsi occultè aliò inclinans, inter primos consenserat. Et in Poloniâ tum usq; detinebatur, cùm interim filio ipsius Michaeli Mosci Principatum detulere. Eò ingrator mox Polonis, sed inter suos tantò felicior habitus, cum in patriam reversus filium tanti Dominatûs rectorem vidit, & ipse deinde princeps sacrorum inter Moscos nominatus, dexterum latus filii in solennitatib9 clausit, novum honorem, quem nulli Duces Patriarchis hæctenus habuerant, Patri habente filii pietate.



FLORI
POLONICI

LIBER VI.

Ad Lectorem.

QUae sequuntur, impari filo adiecta sunt, Ob-
staculis quibusdā & Negotiis prae-
vibus coepti operis cursum retardantibus: ita
ut hic aliqua quidē ex gravioribus, non per-
functoriē tractata, ceterorum nonnisi brevis-
simum syllabum, & quasi indicem habiurus
sis. Quod si Deus vitam & liberalius oti-
um suppeditaverit, ad percolenda, quae hic
strietim attigi, addendaq; ea, quae desidera-
ntur, accedam. Interim Lector curiosus ea
quae hic desunt, ex magnis Autoribus, Paulo
Piascio, Jacobo Sobiescio, Stanislae Cobier-
zycio, aliisque discet, quibus & hac magnam
partem deberi fateor, quanquam multa quoq;
ex manuscriptis fide dignissimis hausimus.

M* Ilites, qui in Moscovia hacte-
nus militaverant, eā ob discor-
dias Ducum & ingruentia à Mo-
scis pericula desertā, stipendia à
Patria

Patriâ Poloniâ gravissimis exactionibus, factâ confœderatione, emungunt. Quos ut aliò averteret, in Moscoviam jam seriò, sed serò reducere Rex & Proceres Poloniæ cogitant, nullo effectû. In Moldaviâ Constantino Mohilæ Palatino à Tomsâ, ditione suâ ejecto, Stephanus Potocius affinis privatâ autoritate & potentiâ, opem ferre moliens, ad Dziaczam fluvium profligatur. Tartari inde in Poloniam excurrunt, magnam passim pauperiem facientes.

Sequente anno * habentur Comitia, quæ cum militi ingentem à Republ. poscanti summam, nullâ liberalitate satisfecissent, plerâq; Regni provinciæ licentiâ ejusdem gravissimè, & ob æmulorum Ducum discordiam, impunè adhuc premuntur; Tandem confœderatio ista, operâ inprimis Laurentii Gembicii magni tum Cancellarii ejusdemq; simul (quod aliquin insolitum) Episcopi Vladislaviensis, Viri in Republ. magni, Bidgostia sopita est. Felix Kriski majus Regni Sigillum, minus suscipit Henricus Firlejus. Stephanus Potocius ex captivitate Turcicâ liberatur: R 4 Con-

1614.

* Conjunctio militum in latrocinia
 — defuit. Cosaci Zaporoviani captâ Syno-
 — pe (Mithridatis olim Regiâ) Constanti-
 — nopolim terrent. Gustavus Sueciæ Rex
 — Pleſcoviâ Moscorum Urbe frustra obſe-
 — sâ, postea acceptis in præmium auxilii,
 nuper per Pontum de la Garde contra Po-
 lonos lati, Castellis aliquot, nec non pe-
 cuniis, reconciliatur Moscis. Samuel
 Targovius ad Aulam Ottomannicam, ut
 — injurias à Tomzâ & Tartaris illatas que-
 — reretur, missus, nihil inde, nisi verba in
 speciem adornata, refert.

1615.

* Sigismundus Myskowski Regni Ma-
 reschallus à Vincentio Mantuæ Duce in
 nomen Gonzagarum susceptus, à Ponti-
 fice autem Maximo Marchionis titulo
 donatus, dum ex Italiâ domum profici-
 scitur, moritur, vir egregiâ indole, &
 flagrante apud Regem gratiâ ad summa
 evectus, sed idem apud cæteros parem
 fortunæ invidiam expertus. Successit
 illi Nicolaus Wolski. Mareschallus Cu-
 riæ creatur à Rege Andreas Przyemski.
 Comitibus Varſaviæ habita, quibus ineun-
 tur

* 1614.

* 1615.

tur confilia de vindicandis Suecorum, Muldavorum ac Tartarorum injuriis, sed ea sine effectu diffluunt. Conjuratōnis militaris antesignani quidam, nequicquam obluſtantibus aliis, qui militum favorem indulgentiā captābant, proſcribuntur. Tartari denuò populantur Podoliam & Voliniam.

* In Muldaviā Michaël Dux Viſnio-
wecki & Samuel Korecki, Duces ambo
inſignes, & Constantini Mohilæ affines,
privatis opibus bellum reſuſcitant, ſed
parum auſpicatò. Viſnovecius expedi-
tioni illi præcoce fato immoritur. Co-
recius in duriffimum carcerem abripitur
à Turcis unā cum uxore & Alexandro ac
Bogdano Mohilis, affinibus ſuis. Rex
habitis Comitibus, fines adverſum Turca-
rum vim muniri curat; Bellum verò,
damnatā tandem ſiniſtrā priorum con-
ſiliorum lentitudine, in Moſcos; ductu
Vladislai Principis, adminiſtrandum de-
cernit. Eidem Principi adjungitur Ca-
rolus Chodkievicius Dux exercituum
Lithuaniæ, adjunguntur item, ut neceſſari-
orum conſiliorum participēs ſint, viri in

R. 5

Republ.

* 1616.

Republ, primarii Andreas Lipski Episcopus Luceoriensis, Stanislaus Zoravinski Belzensis, Constantinus Plichta Sochacviensis Castellani, Leo Sapieha Cancellarius Lithuaniae, Petrus Opalinski Praefectus Sremensis, Balthasar Szavinius Praefectus Mozyrensis, Jacobus Sobieski Palatinides Lublincensis, Andreas Męcinius. Zolkievius supremus exercituum Regni Dux, Principem non comitatur, alibi ad Turcarum motus, qui Poloniae fines circumstrepebant, vigilem & accinctum habere militem iussus: Et expeditionibus Moscoviticis favere is desierat, postquam prosperrimi ejus in illo imperio conatus successusq; adversis Aulæ consiliis destituti, interciderant.

1617. * Felix Kriski Cancellarius moritur Vir magnæ facundiae. Vladislaum Principem, Moscorum fines ingressum, Viasmæ hyems sistit, & Moscis moram præbet cogendi vires suas. Ad Bussam habito inter Zolkievium & Skinderbassam tractatu antiquum jus Polonorum in Moldavia Principatum remittitur, vel certè multum imminuitur: famâ hinc Zolkie-

Jus
in
Mol-
davia
remittitur

1617.

vii magni alioquin Viri inter adversa æ-
mulorum judicia plurimum laborante.
In Livonia Sueci bellum cum Polonis
durantibus adhuc induciis, inchoant,
concitore Farensbachio, Pernaviâ &
Dinamundâ celeritate Suecicâ oppressis,
Riga aliquandiu resistit.

In Comitibus * consultatur de Principis
Vladislai cœptis in Moscovia provehen-
dis, & de Livoniâ contra Succos tuendâ.
Stanislaus Zolkiewski Dux exercituum
accipit à Rege majus sigillum, multis in-
dignantibus, præcipuè Ducibus Zbarasia-
nis ipsius æmulis. Minus sigillum datur
Andræ Lipski observationum judiciali-
um, quæ extant, auctori. Vladislaus post
occupatum Drohobuzum, Viasmam, Bo-
rissoviam, tandem frustra tentatô Mosai-
scô, Principi Moscorum Civitati exerci-
tum admovet, sed subinde miles stipendia
poscens rerum benè cedentium cursum
interrumpit & seditionem minatur. Hinc
cum & Moscos pertinaces experiretur,
inducias cum illis ad annos quatuorde-
cim & sex menses, Patre Rege & usu Reip.
ita poscente, paciscitur. Illis induciis
multæ ditiones & Urbes accrevêre Polo-

nia, Smolenscum nuper à Rege occupa-
tum, Biala, Roslavia, Drohobusium, Sier-
piescum, Trubeckum, Novogardia Se-
veria, cum territoriis suis, Czerniecho-
via, Monastercum, Meronscum, item Sta-
rodubum, Poczepovia, Popovagora, Ne-
vela, Siebiezo, Krasno & Toropccenses
Vielicienscsq; agri. Restituuntur liber-
tati Nicolaus Scrusus, Charlinius, Choci-
mirus aliq; intra Metropolin Moscovia
detenti. Viciſſim quoq; Philaretus Ro-
stoviensis Metropolita, Magni Ducis pa-
ter, Gallicinus item, Lugovius, Schinus
cum uxore redduntur Moscis. Livonia,
Smolenscia, Czernichoviaq; titulos Ma-
gnus Dux Moscovia penitus remittit. In
Livonia Farensbachius ad partes Sigis-
mundi fedit. Zolkievii cum ætate fene-
ſcit fortuna. Tartari impunè populan-
tur Russiam. Eo nomine multorum lin-
guis vapulat Zolkievius.

* Bello Bohemico Ferdinandum Im-
peratorem, submissis copiis Ungariam
vastantibus juvat Sigismundus. Janusſi-
us Dux Ostrogiæ Castellanus Cracovien-
ſis Vir præpotens opibus decedit, reliſta
Domi-

Dominico Duci Zaslaviæ ex filiâ genito
splendidissimâ hereditate.

* Bethlehemus Transylvanus Sigis-
mundo Regi ob præstita Imperatori au-
xilia infensus, Turcam adversus Poloni-
am concitat. Gratianus Moldaviæ Pala-
tinus Zolkievium ad Moldaviam ab
Imperio Turcico vindicandam invitat,
promptam manum & suorum operam
offerens. Idem Zolkievius scriptâ ad
Regem epistolâ causas exponit, quibus ad
arma in Turcicas ditiones transferenda
impellatur, & quasi ultimum pugnaturus
Regi valedicit, filiumq; suum commen-
dat. Is postea in Moldaviæ interiora
progressus prope Cieioram cum Skinder-
bassa infeliciter pugnat; miles ejus dein-
de in castris tumultuatur & quidam au-
fugiunt. Castra denique oppugnantur,
& octo diebus contra hostem fortissimè
defensa tandem capiuntur à Skinderbas-
sa & Tartaris. Zolkievius, cum se pe-
riculo subducere noluisse, obtruncatur,
vir togâ, sed magis sagâ eminens, Regi
ad extremum usq; carus. Stanislaus
Koniecpolski Dux Campestris captus

Con

Constantinopolim abducitur, uti & Samuel Korecki. Capti item Joannes & Lucas Zolkievii, Nicolaus Struſs Haliciensis Praefectus, Martinus Kazanovius, Nicolaus Potocius, Vlodomirus Farenſbach, Alexander Balaban & alii. Sub hoc tempus Baſilio Szviski magno olim Duci Moſcoviae, & Fratri ejus Demetrio militiae Praefecto Anno 1611. Goſtini in liberali cuſtodiâ mortuis, Sigismundus Rex in Suburbio Varſavienſi ſepulturae, & ſimul ſuarum de Moſcis victoriarum monumentum erigit. Non multo poſt icu ferali Sigismundum Regem percutit quidâ infandi nominis, ſed mentis imminuta homo, & ideo ad Curatores dudum miſſus. Subita tanti caſus fama & Aulam totam & ordines Reip. Comitibus tum vacantes, vehementer perculit. Aegreque jam creditum fuerat Regem vivere, niſi conſilio Laurentii Gembicſii Regni Primatis, Rex de fenetrâ ſe oſtendiſſet populo. Sicarius poſt exquiſita tormenta ignitis forcipibus carpitur, tandem in partes diſtractus comburitur à Carnifice. Oſmanes Turcarum Imperator juventâ & odio in Polonos ardens, ſtimulante Skinderbaffa

bassâ, Tomzâ, aliisq; bellum parat adversum Poloniam, Otfinovium Sigismundi Regis internuncium contumeliosè habet. Venceslaus Comes de Lesno suscipit minus sigillum Regni. Stanislaw Zolkievio in belli regimine ob æmulationes multorum cunctatur Rex successorem dare.

* Interim, quod à Turcis bellum Poloniæ imminere videret, Principes Christianos ad belli Turcici societatem invitat, aut potius opem eorum contra communem Christiani nominis hostem querit. Sola Anglia spem auxilii Legato Regis Georgio Ossolinscio facit, cujus ea de re ad Jacobum Britannia Regem extat oratio. Rex habitis Comitibus omnes Regni sui vires ad idem bellum commovet, summâ ejus curâ Carolo Chodkiewiczio, magnis rebus gestis inclyto Duci, demandatâ. Cui socius laboris adjungitur Stanislaus Lubomierscius Regni pocillator, Vir consilii, armorumq; gloriâ potens, & totius belli hujus consummator. In stipendia militum magna decernuntur tributa. Ordo Ecclesiasti-

fiasticus celebrato Petricovia conventu,
ad hoc bellum centum & quinquaginta
millia florenorum promittit. Privatis
sumptibus adornant, atq; ad Chodkievi-
cium mittunt cohortes suas Duces Czar-
toricensis & Zaslaviensis, Raphael Co-
mes de Lesno Palatinus Belzensis, Petrus
Opalinski Castellanus Posnaniensis, Jo-
hannes Stanislaus Sapieha Magnus Lith-
vania Marefchallus, Jacobus Sobiescius
Palatinides Lublinensis, item Szaskievi-
cius, Malinskius, Rascezenius & alii; Plu-
rimis item turmis suo impendio condu-
ctis auget exercitum Stanislaus Lubo-
mirski. Cosacis ad exercitum Polonum
inter multa ab hoste discrimina tenden-
tibus, Petrus Konassevicius homo nobili
audacia & multis egregiis facinoribus
insignis obviam mittitur: quem postea
illi, rejecto, tandemq; capitis damnato
Borodawka, homine ignavo atq; ebrio-
so, suae militiae Ducem creant. Rex or-
dinem Equestrem ad expeditionem ge-
neralem paratum esse jubet. Interim ad
castra Chodkieviciana praemittit Vladi-
slauum Principem. Cujus praetorianam
cohortem regit Adamus Kazanovius. In
hac

hac militabant Janussius Dux Visnoveci-
us, Adamus Przyemscius, Andreas Firlej,
Paulus Dzialinscius Bratianensis Præfe-
ctus, Stephanus Koniecpolscius, Sigis-
mundus Tarlo, Thomas Sobieski. Se-
quebantur eundem Principem Joannis
Wejeri Palatini Culmenfis, Ernesti ac
Gerhardi Dönhofiorum pedites Germani,
Ungari item sub ductu Nicolai Kochano-
vii, hastati præterea Equites Pauli Volu-
cii Episcopi Vladislavienfis, Nemiræ Po-
dlachienfis, Constantini Sockaczovien-
fis Castellani: Velites deniq; Gniewosfi,
Zborovii & aliorum.

Exercitus Polonus Tyram fluvium
transgressus in hostico ad Chotimum ca-
stra metatur. Quadringentos Cosacos
errore à cæteris avulsos, toto triduo om-
nibus viribus oppugnat Osmanes, tan-
demq; in specubus delitescentes maximâ
difficultate capit, atq; ipse ex iis nonnul-
lis gladio suo transfigit, cæteros ad arbo-
rem alligatos transfigi jubet, præsens ipse
carnificinæ istius spectator. Cum cate-
ris Cosacis ad exercitum Polonum ten-
dentibus toto octiduo luctatur exercitus
Turcicus, quem Osmanes Imperator in-
gentem

gentem adduxerat. Illorum triginta millia, datis in ipso itinere egregiis virtutis speciminibus, ad exercitum Chodkievicii mense Septembri accedūt, Duce, illo, quem dixi ante, Konasevicio, inter suos Sahaidacznik à pharetrâ cognominato. Illis auxiliatoribus Chodkievicius & Lubomirscius ante Vladislai Principis adventum, auspicatis dimicationibus congressi, optata belli in futurum auguria & præludia edunt; Cæso inter alios Vſaim Bassâ, successore Skinderbassæ, Præfecti Silistriensis, hominis Poloniæ multis damnis oppidò cogniti. Tartarorum Regulus Cantimiri apud Osmanem gratiam malè ferens, frigidius rem Turcicam agit. Christianus Vevellius natione Cretensis à Muldaviæ Duce mittitur ad Polonos, ostentamenta pacis à Domino suo ceu sequestro offerens: Qui pro exploratore habitus non illico fidem reperit. Cosaci in castra Turcarum irrumpunt, & sequentibus deinceps Polonis, diripere incipiunt. Chodkievicius cum multi omnem exercitum illuc effundendum esse suaderent, noctem ingruentem, tum avidos suorum ad prædam animos

mos & alia pericula veritus, prudenter
 continet militem. Gregarius miles in
 Muldavos promiscuâ cæde, injussu Ducis,
 sævit. Schlakovii & Zyczorii cohortes se-
 curius agentes cæduntur à Turcis. Hos
 postea ferocius insultantes memorabili
 strage afficit Chodkievicius. Cui irâ fœ-
 mineâ illachrimatus Osmanes, suorum
 ignaviam magnis querelis inculsat. Eo
 congressu inter alios perit Nicolaus Zie-
 novicius Castellanus Polocensis magno
 Chodkievicii & omnium luctu. Kara-
 kas Bassa Budinensis Præfectus castra Os-
 manis ingressus dum cæteros ejus Duces
 novo & insigni facinore ignaviæ convin-
 cere nititur, post factam in Polonos vali-
 dam impressionem fortissime repressus &
 ab Vlsaimo, æmulo sibi Duce, destitutus
 cadit. Moscinus, Ungarus proditor, à
 Turcis disseccatur. Colaci ob defectum
 annonæ turbidi, & penè abitum minan-
 tes, longâ pactione mercedem nundinan-
 tur cum Ducibus; Sed à Vladislao Prin-
 cipe per Petrum Opalinscium, Stanisla-
 um Lubomirscium, Jacobum Sobiescium
 promisso quinquaginta millium floreno-
 rum donario pacantur. Postea seditio-
 nis

nis crimen expiaturi in Castra Turcica
furtim irrumpunt & optimam prædam
auferunt.

Dilaver Bassa Mesopotamiæ præfectus
Supremi Veziri dignitatem ab Osmane
impetrat, deturbato Usaimo, quod hoc
consiliorū belli arbitro improspere Tur-
cis res cedere viderentur.

Tartari pabulationes undequaq; præ-
dabundi infestant. Annonæ defectum
in castris Polonicis sequuntur morbi va-
rii. Ipse Vladislaus Princeps assiduò fe-
rè ægrotat. Et Chodkievicius jam du-
dum, ægrè se sustentans, tandem morbo
& naturæ concedit, inter maximos seculi
Duces numerandus. Zelinskius, urgen-
te Vevellio, ad Osmannem missus à novo
Veziro Dilaverio bona ad pacem indicia
refert. Stanislaus Lubomirscius Chod-
kievicii defuncti locum nobilissimè im-
plet. Fekieti Ungarus furtivis excursi-
onibus Turcæ damna infert: Osniannes
die Venceslai acerrimā impressione castra
Polonica invadit. Prussinovianæ ibi le-
gioni prætoria Vladislai cohors, ipso
Principe fortiter animante, tum & Lubo-
mirscius ipse cum delectis succurrit.

Szem-

Szembergius, Rzecicii fratres, Thomæ
Zamoscii Palatini Kioviensis cohors in-
ter alios strenuè ibi rem gerunt: Tur-
cæ plurimis suorum amissis turpiter re-
cedunt. Castrensiū morborum lues ex-
ercitum Osmannis, & juxta superbos ejus
spiritus mirificè imminuit. In castris
Polonicis pabulum equis & pulvis tor-
mentarius deficere incipit. Habitō a-
pud Vladislaum conventu, proposita à
Vevellio pacis consilia Polonis acceptan-
da videntur: destinanturq; feciales Sta-
nislaus Zuravinscius Castellanus Belzen-
sis & Jacobus Sobieski Palatinides Lubli-
nensis. Per eos Lubomirscius ad Osma-
nem & supremum Vezirum scribit literas.
Legati cum Radulone Valachiæ Palati-
no primū miscent sermones. Turcæ
interim stationem Lubomirscianam ag-
gressionē tentant, sed acri Polonorum
virtute repelluntur. Ibi Krinicius cohor-
tis Prusinovianæ Subpræfectus victoriæ
immoritur, Kopyczynius vir strenuissi-
mus periclitatur de vitâ. Panowce à Jo-
anne Potocio Palatino Braclaviensi ex-
tructam olim arcem frustra oppugnant.
Turcæ. Iidem variis rationibus, minis-
que

que Polonos à Cosacis paciscendo auellere, & aliqua Imperatori suo quasi tributa annua evincere nituntur. Tartari Duce Muradino Chani fratre in Volhynensem & Belzanam usque terram progressi, latè omnia populantur. Nicolaus Cosacovius Præfectus Vîsnensis objecta à Tartaris impedimenta fortiter eluctatus, alimenta in castra Polonica advehit. Sigismundus Rex cum minoris Poloniæ nobilitate Leopolin usq; progressus, sine cæterorum Palatinatum Civib9 ad bellum proficisci cunctatur. Interim de pace cum Turcarum Imperatore factâ, accipit nuncium. Quæ IX Octobr. promulgatur. Postero die abeunt Turcæ, nullo ingentium moliminum suorum & tanti sanguinis pretio, maximo contra suorum damno cum ad 60. millia hominum hoc bello perdiderint, pluresq; in reditu autumnus absumpserit. Stanislaus Sulistovijs Osmanem comitatur Constantinopolin, magni Legati Polonici prodromus. De pace factâ ad summum Pontificem Rex scribit, rationesq; edisserit, ob quas eam fieri oportuerit, factum nonnisi ab eo reprehensum

sum iriſperans, qui alienò discrimine ſpeciem ac famam fortitudinis captare velit. Eidem ſummo Pontifici eximia magnæ indolis ac virtutis ſpecimina à Vladislao filio ſuo, hoc ipſo bello edita, commendat Pater.

Durante bello Turcico Guſtavus Suecorum Rex opportunam ſibi contra Poloniã tempus offerri gaudens, Rigam Livoniæ metropolin obſidet. Quæ principio ſpe auxilii Polonici aliquantum obniſa, tandem invitante eorundem ſacrorum communione, dedit ſe Suecis, in quã totam penè Livoniam perdit Poloniam.

* Stanislai Lubomiſcii tùm exercitum regentis virtuti ac ſplendiſſimis meritis ſolitâ liberis linguis licentiã obloquuntur æmuli. Miles ob ſtipendia tumultuans agrè ſedatur. Condiſiones tamen exortæ ſatis duræ, nimirum tria ſtipendia, ſupernumeraria item, pleniffima malè conſultorum turbarumque militarium impunitas, nec non largior in poſterum ex præfecturis Regiis liberalitas & alia multa; nonniſi neceſſitatis colore

colore excusanda. Constantinopolim mittitur Christophorus Dux de Zbaraz, vir natalibus, fortunis, studiisq; popularibus in Poloniâ potens. Osmanes à tumultuantibus Janizaris occiditur, Mustafa Patruô in ejus locum surrogato. Interimuntur etiam præcipui Osmanis familiares & Consiliarii. Sbarasianæ Legationi, fluctuante ita regimine Turcicô, morainjicitur.

1623. * Rex cum familiâ in Prussiam proficiscitur. Gustavus Sueciæ Rex pariter Vittora Prussiæ speculatur. Christophorus Sbaravius Dux Legationis suæ munia Constantinopoli splendidissimè implet, prosperèq; Stanislaum Coniecpolscium Campiductorem Poloniæ à captivitate liberat. Mustafa, ut impar imperio, rejicitur à Turcis, suffecto in ejus locum Amurathe Osmanis fratre. Capti ad Ciecoram Proceres quidam in patriam redeunt. Crimo Tartari ipsi Russiam depopulantur, pactorum Chotimensium securi. Rex Comitia agit at Varsoviæ, in quib; consilia Equeltris Ordinis moderatur insignis ille Jacobus Sobieski Lublinensis Palatinides,

nides, tandem Castellanus Cracoviensis,
 ac princeps Senator, vir ut natalibus, sic
 ingenio & doctrinâ longè eminens, au-
 tor elegantissimi commentarii, quò bel-
 lum Chotimense, cui ipse interfuit, cor-
 datè describitur. * Comititia habentur 1624.
 Varavia, quibus perstringuntur & abro-
 gantur suppetiæ Imperatori à Rege sub-
 missæ. Suspiciones item promuntur,
 ortæ ex Comitatu Zywieci à Reginâ em-
 pto, tum & Episcopatu Varmieni dato
 contra leges uni filiorum Regiorum Jo-
 anni Alberto. Chodkievicio summo nu-
 per exercituum Lithvanicorum Præfecto
 successor datur Leo Sapieha, Palatinus
 Vilnensis, indignante Christophoro Rad-
 zivillio Duce, qui Campiductor cum esset,
 proximâ spe illi muneri jam dudum im-
 minebat claritudine generis, tum bellicâ
 virtute & meritis nullo habitus inferior,
 sed Sigismundo multas ob causas minùs
 gratus. Induciæ cum Gustavo Rege
 Sueciæ initæ prorogantur. Majus sigil-
 lum, Venceslao Leszczynski, minus Sta-
 nislaw Lubinski confertur. Stanislaus
 Coniecpolski ex Turcicâ captivitate re-

S

dux

dux Cantimirum Tartarum prope Hali-
ciam fundit. Vladislaus Princeps per
Germaniam, Belgium, Italiam, Romam
proficiscitur, ubiq; gratus & decentissi-
mè exceptus. Cosaci per Pontum Euxi-
num propè ad suburbia Constantinopo-
litana perveniunt, opima spolia inde re-
ferentes.

* Militiæ Lithvanæ regimen, per æ-
mulationes turbatum, animos addit Sue-
cis Livoniam tenentibus. Nec sumptus
ad bellum necessarios decernunt Comi-
tia, propter contagiosos morbos, Var-
saviæ gliscientes, minùs tum frequentia.
Inter Academiam Cracoviensem & Pa-
tres Jesuitas magnæ contentiones oriun-
tur. Bellum Sueci redintegrant in Li-
voniâ, & in finibus Samogitiæ, Birzas
capiunt, hæreditariam Radzivilliorum
arcem. Mox & in Prussiam sibi per Pi-
lavensem portum occultis artibus moli-
untur aditum. Anna Princeps, Sigis-
mundi Regis Soror, eundemq; in Polo-
niam secuta, & à fratre, in exilii solati-
um, consentiente Republ., præfecturam
Brodnicensem & Golubianam adepta,
moritur,

moritur, Virgo insigni virtute animi
 morumq; innocentia. Ejus sepulchrum
 extat Thorunii in templo Virginis Dei-
 paræ. Præfecturæ eâ morte vacuæ votô
 plerorumque Vladislao Principi, recens
 tum ex peregrinatione, quâ egregiam de
 se passim famam præfens plurimum au-
 xerat, reverso, destinabantur. Sed eas
 Rex Regina dedit, indignante, & bene-
 ficio huic, tanquam inconsultâ Republ.,
 collato gravissimis contradictionib; ob-
 strepente Ordine Equestri. Cosaci Tau-
 ricam, inconsulto Rege, infestant. In-
 de aula Ottomannica violata pacta Cho-
 timensia objicit Polonia. Coniecpol-
 scijs Cosacos compescere incipit.

* Gustavus Rex Sueciæ per Pilavianû
 portû ingreditur Prussiam, capit Brauns-
 bergam, Frauenburgum, & in eo sacram
 supellectilem diripit, deinde Elbingam
 unam ex primariis Prussiæ Regalis Civi-
 tatibus, tertio post die Mariæburgum,
 nullo negotio occupat. Polonia nihil
 tale verita, serò ex Russia evocat copias.
 Et circa belli Prussici regimen diu Aula
 consilia vacillavêre, alijs Vladislao Prin-

cipi, aliis Thomæ Zamofcio Palatino
tùm Kioviensi id destinantibus. Sed
pervicit Caspar Dönhovius gratiâ apud
Regem præpotens, qui Stanislaſo Coniecpolſcio adminiſtrationem belli deman-
dandam ſvaſit. Sveciæ interim Regi,
Meva, Derſavia, oppida Viſtulæ adſita
deduntur. Derſaviam poſtea obſidet Co-
niecpolſcius Campiductor. Rex Sigif-
mundus Pruffiam ingreſſus, Gedanenſium
opera, adverſus hoſtē ſtructa, præſens ſpe-
culatur. Thorunii poſtea Comititia ha-
bet, ubi in ſumptûs belli tributa ſciſcun-
tur. Mortuô Archiepiſcopô Henricô
Firley ſurrogatur Joannes Wëzik Epiſ-
copus tùm Poſnaniensis. Stephanus
Chmelecius inclytus Bellator in Ruſſiâ,
Coniecpolſcio Campiductore interim in
Pruſſiâ cum Svecis luctante, feliciter Tar-
taros refranat.

1627 * Coniecpolſcius verò Svecos Arci Pu-
cenſi inſidentes, tùm auxiliares Svecis è
Germaniâ miſſos ad deditionem feliciter
cogit. Guſtavus Rex circa propugna-
culum Gedanenſium in Inſulâ minori
graviter ſauciatur. Inter Mevam & Der-
ſaviam

saviam velitationes fiunt, Coniecpolscio
maiores ex Poloniâ copias ad tentandâ
justi prælii fortunam expectante. Gu-
stavus Rex denuò ex castris Polonicis, quæ
parùm felici successu invaserat, vulnera-
tur. Ordines fœderati Belgii, missis Le-
gatis, pacis consilia partibus offerunt.
Sed ea disturbant Imperiales ministri, qui
Gustavum bellis Prussicis à Germaniâ ab-
stinere nitebantur, classem & pecuniam
offerentes Polonis. Comitia habentur
Varaviae, magis de malignioribus in Li-
voniâ & Prussiâ successib9 querula, quàm
solicita de remediis. Minus sigillum
datur Jacobo Zadzik Episcopo Culmen-
si, Viro summa omnia merenti. Classem
Hispanicam frustrâ expectat Sigismun-
dus Rex, suâ interim, qualê poterat, Ge-
dani proprio sumptu adornat, non Sueciæ
tantùm, sed & Daniæ Rege ægris oculis
hos Poloniæ apparatus maritimos adspice-
nte. Sueciæ naves portui Danti-
scano circumfusæ ab Appelmanno Polo-
nicæ classis præfecto, navigiis Dantiscan-
is strenuam operam adnavantibus, pro-
fligantur, una submersa, duæ captæ.

1628.

* Exercitus Polonus ad secessionem ob non soluta stipendia, quàm ad bellum continuandum pronior, serò ex hibernis in Prussiam, superioris anni expeditione exhaustam, revertitur. Castra ad Grudentum locantur, Gustavo Rege Culmensi provinciæ imminente. In Comitibus contenditur cum Lithuanis, magnæq; suspiciones, in unum ex Ducibus exercitus eorum, tanquam per occulta & magis fida in hostes propensum, acres etiam in Ducem Prussiæ querelæ, eodem nomine erumpunt. Cujus pedites bis mille ex lege feudi in subsidium Polonis missi, sine negotio à Suecis interceptiuntur. Venceslao Lesczynscio defuncto, majoris sigilli curam suscipit Jacobus Zadzik, minoris Thomas Zamoscius, qui ideo Palatini Kioviensis dignitatem; etsi loco longè superiorem, deponit. Legatus Hispanicus Baro de Auchi consilia pacis cum Gustavo apud Regem usq; moratur. Quam pacem expectens Nobilitas in exigua tributa consentit. Classis Regia Vismariam abducitur. Gedano interim tantò gravius assul-

tant

tant Sueci, Neringam ingressi: strenuâ
tamen Gedanensis præsidii virtute repel-
luntur, plus quam ducentis ibi amissis
militibus. Coniecpolscius militum co-
piis maligniùs instructus, hostem morari
magis, quàm urgere quærit: Qui Vi-
stulâ, lintribus omnium opinione citiùs
trajecto, Nove oppidum & in eo appa-
ratum belli Polonis subripit. Colaci
ductu Stephani Muczarscii eundem lo-
cum recuperant. Gustavus Brodniciam
intercipit. Baudisius Tribunus Suecicus
funditur capiturq;.

Brodnicia eminùs ab exercitu Coniecpols-
cii constricta ad penuriam annonæ
redigitur. * Sublevatur à Joanne Vran-
gelio, obsessores securitatem suam &
pravum regimen ad Gorzno oppidum
non levi stagleuentibus. Nec destina-
ta his auxilia, Castellano Camenecensi
Ductore, maturè satis succurrerunt, Co-
niecpolscio tùm Varsoviæ novam à Co-
mitibus opem postulante. Stanislaus Lu-
binski Episcopus Plocensis acerbis episto-
lis cum Electore Brandenburgico exposu-
lat, Vrangeli Thorunium celeritate

opprimere conatus, virtute civium, præeunte Comite Gerhardo Dönhofio, (qui postea Palatinus Pomeraniæ,) fortissime repellitur. In Comitibus ingravescens hostium potentia consilia Ordinum, & ad tributa liberalitatem acuit. Consensum ibidem in auxilia Imperatoris, quæ dudum oblata populus ut libertatis, ita suspicionum pertinax hucusq; respuerat. Arnheimius copias Cæsareas adducit. Coniepcolscius equitatu suo & novis perditum auxiliis animosus, prope Lusnam cum hoste feliciter bis configit, Suecis Stumam, post cladem acceptam, se recipientibus. Et ipse Gustavus Rex fortius apprehensus, quam servatus, petaso amissio, ægrè evasit. Ringravius junior tum cæsus; capti primipilares admodum ducenti; signa adempta quindecim; sed victoria, non instando, fructus perditur. Arnheimianus exercitus ad Album montem magno conatu nihil agit, Duce ejus occultis cum Wallensteinio consiliis aliò, quàm præ se ferret, flectere multis viso. Rex Sigismundus æger castra deserit. Arnhemio revocato successor mittitur. Dux Lauenburgicus & Mansfeldicus Comes

mes. Coniecpolscii Mariæburgo immi-
nentis destinata, cœptis cum Sueciâ, pa-
rariō Electore, tractatibus sistuntur. Pe-
stis exercitum atterit, & metu contagio-
nis parcē annona advehitur. Tantò fa-
cilius consilia pacis amplecti lubuit, Gal-
liæ & Angliæ Legatis id negotium solici-
tè agentibus. Tandem spretâ pace per-
petuâ, in inducias sex annorum consen-
sum. Quibus Elbinga, Braunsberga, &
portus Pilaviensis Sueciæ Regi concessus;
Arcis Mariæburgensis custodia sequestro
Electori datur. Qui vicissim Memelam
ad finem usq; induciarum Sueco, tenen-
dam tradit. Ratihabitio à Comitibus ex-
pectari jubetur. Ibi Rex diu obluētatus,
vix ab Ordinibus Regni persuadetur, ut
subscribat. Pestis bello superstes late sa-
vit. Tartari, Chani fratre & Cantimiro
Ducibus, in Voliniam effusi, à Step-
hano Chmelecio & Stanislao Lubomirscio,
illo Kioviæ, hoc Russiæ Palatino, memo-
rabili pugnâ ad Burstinowo cæduntur.
Captus Chani frater junior cum bis mille
Scythiis gregariis.

1630

* Coniecpolscius pactis cum Sveco induciis militem seditiosè stipendia poscentem per hyberna dislocat. Cosaci incentore Archimandrità Kioviensi rebellant, Hrickone ductore suo & quibusdam cohortibus Regiis vi subitè oppressis. Idem à Coniecpolscio circa Perea-slaviā circumventi, multo sanguine fusso, seditionis Duces ad Comitia mittere spondent. Miles postea Reipubl., factà pariter, ad Gliniani, conspiratione secedit, agrè à Rege sumptis ex Reginae aario in fidem publicam præmiis promissisq; aliis delenitus. Auxiliariibus Cæsaris copiis à Polonis præmia laborum dari Vallenstenius Dux acerbis flagitationibus poscit, non memor, Polonicis copiis toties in Germaniam submissis nulla exquisitè stipendia vel data vel postulata fuisse. Ad Turcarum Imperatorem mittitur Alexander Piasieczynski de incursionibus Tartarorum questurus. Chmelecus Vir Tartaricis victoriis inclytus anginà moritur, magno Reipubl. damno & luctu. Idem hic annus abstulit alios magni nominis viros Eustachium Volowitz, Martinum

tinum Szyskovium, illum Vilnensem, hunc Cracoviensem Antistitem. Nicolaus item Volski ad octuagesimum annum perpetuò peregrinato, nunc demùm quietem moriendo invenit. Propter pestem passim in Polonià incrudescentem Rex Varfavià Ocieckum primò, deindè Tikocinum secedit.

* Comitia Rege agrò habentur Var- 1631.
saviæ. Suspicionibus de Regno in hæreditatem redigendo ex voto Ordinum Rex medetur, promittens inter alia, cuius nobilium fas fore, Zyweccensem Comitatum, quem Rex emerat, quolibet tempore redimere: & Filium Regium Joannem Albertum Episcopatum Varmiensensem non ante aditurum, quàm ætate maturus, Reipubl. fidem jurejurando obligasset. Vladislaus Princeps recollandæ valetudinis causâ Egram contendit, acidulis istic usus. Constantia Regina celeberrimo Sacri Corporis Christi festo, supplicationi publicè diutius sub sole fervido operata, dùm æstum lotione frigidâ reslingvere malè consulti Medici nituntur, in acutam febrem incidit,

quâ omnium opinione citius, maximo
Domus Regiæ dolore extinguitur, Prin-
ceps omni genere virtutum eminentissi-
ma. Reginam paucorum dierum inter-
vallô secutus est Georgius Dux in Zbaraz
Castellanus Cracoviensis, vir Ordini E-
questri, quàm Aulæ gratior, Zbarasiorum
ultim9, Veneris legitimæ adspersator, do-
mûsq; tandē suæ antiquo splendore clari-
simæ extinctor: quippè qui & Fratri suo
Christophoro matrimonii perpetuus dis-
suasor, orbus orbû non ita dudum tumu-
laverat. Obiit tûm quoq; Andreas Lipski
Episcopus Cracoviensis, vir juris pruden-
tissimus, moribus austerior. Cæsariano
militi, quingenta millia aureorum num-
morum Polonicorum per delegatos Re-
gios in præmium militiæ Prusiciæ per-
solvuntur. Gustavus Sveciæ Rêx, supe-
riore anno Imperatorem adortus, novum
fædus cum Saxone & aliis Protestantium
Ducibus pangit. Magdeburgum à Til-
lio & Pappenheimio expugnatum miseri-
rimis modis in cineres redigitur. Tillius
postea apud Lipsiam memorabili prælio
vincitur à Svecorum Rege & Electore Sa-
xonii-

xoniæ; Indè Germaniam Svecus, Bohemiam Saxo sine obstaculo pervagatur. 1632

* Gustavus Sveciæ Rex, Tillio iterùm ad Donaverdam victo, & ex ictu tormenti Ingolstadii extincto; difficilior negotium habet cum Wallenstenio, qui ab Imperatore rebus creperis ad suscipiendum belli arbitrium, sed jam legibus solutius revocatus, ad Noribergam castra munit, ex quibus omnes Gustavianos impetus eludit sist. t. q.; postea in Misniam ducit, cujus majore parte occupatâ, apud Lutzenam confliat cum Rege Gustavo. Qui fortiter pugnavit binis vulneribus animam effundit, fato, in bonum Ecclesiæ, arctioribus terminis, quàm ipse & clientes socii q.; ipsius speraverant, ingentium ausorum cursum claudente. Pugnam eandem Bernardus Vimariensis continuat, ancipiti aliquamdiu fortunâ, sed campo deniq; cedere cogit Cæsareanos, caro emptâ victoria, cujus pretium Gustavus erat. Rex Sigismundus ætate & mærore languidus in Comitibus usum bonorum Regalium, quæ Mater Constantia tenuerat, in alimenta filiorum suorum, &

& uni porrò eorum Joanni Alberto Episcopatum Cracoviensem ab Ordinibus impetrat. Tum vicissim Rex arbitrium monetæ eudem, Regibus hætenùs proprium, cum Ordinibus partitur. Idem de successore nominando scrutatur Procerum Civiumq; voluntates, verùm occultè & nullò effectu; Ordinibus curam hanc fato & liberæ electioni præripi nō lentibus. Sed eam tūm præcōcem visam, necessariam mox fecit subsecuta mors Regis. Dūm enim is defunctam Conjugem Cracoviam ad avitum Mausolæum deportare cogitat, ætatis anno 66, potentia 44; catharrō extingvitur princeps formā augustus, vitā religiosus, justus, providus, fortunā variā, animō semper idem.

INTERREGNUM.

Iohannes Węzyk Archiepiscopus Gnesnensis Regniq; Primas, Ordinibus mortem Regiam significat, simulq; iustitium & conventum per Palatinatū habendorum tempus indicit. Primo conventu

ventu (3 Junii celebrato) Ordo Equestris Directorem consiliorum eligit Christophorum Radzivillium Campiductorem Lithvaniae. Prætentantur omnia, quæ ad promovendam animorum concordiam facere viderentur: præcipuè inter Ordinem Ecclesiasticum & Civilem, deindè inter dissidentes de Religione, atq; imprimis Græci ritûs. Tuendæ securitati publicæ Judices ad subita casuum, necnon Tribuni in custodiam singulorum Palatinatum constituuntur. Sed præter omnium opinionem quieta omnia, & vani deprehenduntur metus, quos de factionibus nonnullorum consiliisq; ultra fines Regni prospectantibus multi prudentes sibi finxerant. IV Calend. Octob. ad electionem novi Regis congregantur Ordines omnes. Ordo Equestris ad consiliorum suorum regimen Jacobum Sobieski Incisorem Regni, virum inter primos seculi experientiâ rerum numerandum deligit, & mox seorsim à Senatu sub dio, ea quæ præsens rerum status requirerat, tractare incipit. Primùm cum dissidentibus in Religione acriter contenditur, qui majora sacrorum suorum stabi-

stabilimenta requirebant. Consentitur tandem, interponente se Vladislao Principe, in formulam securitatis conventu superiore approbatam. Eodem arbitro alia quædam dissidia composita. Deliguntur ex triplici Ordine viri, qui Ecclesiasticos cum Nobilitate conciliarent. Alii, qui legum, alii qui monetæ correctioni sese intenderent. Consultatum item de publicorum Regni bonorum distributione non ad arbitrium favoris, sed ad meritum trutinam in posterum exigendâ. Regis defuncti quatuor filii fratri suo natu maximo Vladislao sceptrum Poloniæ dari petunt, præeunte Joanne Casimiro. Illis Archiepiscopus Węzyk nomine Senatûs, Sobiescius nomine Ordinis Equestris respondet. Audiuntur summi Pontificis, Imperatoris, Gustavi Regis Sueciæ Legati. Cum Brandeburgicis Legatis expostulatur acrius. Conditiones futuro Regi proponendæ per selectos ex omnibus Ordinibus viros primarios scribuntur. Vladislaus unanimi omnium consensu renunciatur, & ab Archiepiscopo nominatur Rex Poloniæ; Qui ad altare templi Johannis Baptistæ

tistæ jurat, & ibidem decretum Electionis
ab Archiepiscopo accipit: literis dein ad
Principes externos scriptis susceptum ho-
norem iis significat. Cracoviam postea
comitantibus Fratribus profectus, ibi so-
lenni pompâ Sigismundi Patris cadaver
avito sepulchro infert, & ipse XVI. Fe-
bruarii, Anno 1633, Regno, solennibus 1633.
ceremoniis, inauguratur.

VLADISLAVS IV.

POST diadema susceptum Rex Comitia
mox agitat. In quibus directore
Nunciorum Equestrium Nicolao Ostro-
rogio de negotiis publicis, & inprimis
belli Moscovitico deliberatur. Multæ
item civiles controversiæ disceptantur.
Electo Brandenburgico quâ Dux Prus-
siæ, sacramentum fidei per Legatos præ-
stat. Ad Imperatorem Petrus Gembicius
major Regni Secretarius mittitur seque-
stram Regis operam ad pacem cum Sue-
cis conciliandam oblaturus. Rex in Lith-
vaniam properat, ubi Moscus non ob-
stantibus induciarum pactis ad futurum
usq;

usq; Juliū servandis, vasto exercitu Smolenscum circumfederat, Ductoribus Michaële Schino, Simone Prozorowskio, & Alexandro Lesleo Scoro. Urbem Stanislaus Woiwodzki strenuè defendit, sed extremò ad penuriam commcatūs aliorumq; necessariorum penè redactus. Rex per Christophorum Radzivillium & Adamum Kazanovium militiæ suæ præfectos, laborantibus subvenit. Duces Moscici relictâ Urbis arctiori obsidione ad castra recedunt. Quos præeunte Alexandro Gonsievio Palatino Smolenscensi, sequitur Rex, Fratre Johanne Casimiro comitatus, (cui supremam vigiliarum curam in castris suis Vladislaus commiserat,) & hyemis incommoda non moratus, obsidere incipit hostem. Auxilia Schino submissa cædit Kazanovius, Podoliæ Palatinus. Schinus totâ hyemæ obsessus inopiâ lignorum alimentorumque premitur, nullâ auxilii spe superstite. Regem à Smolensco abstrahere nititur Turcarum Imperator, magnis Moschorum precibus ac pollicitationibus sollicitatus ad opem ipsi ferendam. Abazi Bassa magnum Turcarum, Tartarorum, Mol-

1634.

Turca
Moscorum
in bella

Moldavorum exercitum ad Cameneciam Podoliæ metropolim ducit. Coniecpolscius Castellanus Cracoviensis & juxta Dux exercituum Tartaros præmissos parvâ manu suorum, mox & Abazi Bassam profligat. Ad aulam Ottomannicam mittitur Alexander Trzebinski Leopoliensis Succamerarius. Ad Pontificem verò Romanum admirabilis facundiæ vir Georgius Ossolinscius tum Thesaurarius Curia. In Silesiâ Ulricus Daniæ Princeps juvenis maximæ spei tum Suecis militans, occiditur. In Belgio Isabella Eugenia, quæ Alberto Austriaco nupta, & postea vidua, Duce Spinolâ multa præclara gesserat, fato concedit, inter magna seculi sui nomina connumerari merita.

* Sehinus, cum toto exercitu Moscovitico, constantissimâ Vladislai obsidione ad deditionem subigitur, solamq; libertatem adeundi pactus, signa ad pedes Victoris deponit, omnemq; apparatus & impedimenta relinquit. Rex post splendidissimam hanc victoriam ad Principem Civitatem Moschorum tendens circa Bialam, impigrè ab hoste defensam,

Tu.

sistitur. Interim Turca abolenda igno-
 minia superioris belli, tum quod Mosco-
 rum ruina potentiam Polonicam nimis
 crescere nollet, Trzebinio Poloniae Lega-
 to superbius habito, bellum Regi indict.
 Moscici contra Legati pacem orant. Istis
 Rex annuens, mittit Jacobum Zadzik
 Cancellarium Regni, Ducem Christopho-
 rum Radzivillium Palatinum Vilnensem,
 Lithuanici exercitus, Martinum Kazano-
 vium Palatinum Podoliensem, campe-
 stem Polonici exercitus Ducem, Alexan-
 drum Gonsievium Smolenscensem Pala-
 tinum, Alexandrum Piaffeczynium, Ca-
 stellanum Camenecensem, Martinum
 Trisnam Referendarium Lithuaniae, An-
 dream de Naglovice Rey Praefectum Li-
 bussiensem, Alexandrum Oginski vexil-
 liferum Trocensem. His facialibus apud
 rivum Polanowka (unde & Tracta-
 tus isti Polanovienses dicti sunt) pax co-
 aluit. Quae provincia Czernichovien-
 sis & Severia cum multis aliis oppidis ac
 lati fundiis ultra centum milliaria paten-
 tibus, Poloniae, jure perpetuo accrevit.
 Tu. Turcicus Legatus Schin Aga, jussu aulae
 Ottomannicae, Vladislao pacem offert,
 Abazi

Dux
 Gonsievius
 Severia
 Polonia
 accrevit

Abazi Bassâ, quòd armis laceffivisset Polonos, strangulato. Commissarii Polonici cum Turcâ paciscuntur, antequam Rex advenisset. Qui belli adversum Turcas avidus hanc occasionem indignabundus amittebat. Joannes Casimirus frater Regis graviter ægrotat Leopoli. Alexander natus minimus Frater, excitatissimæ indolis Princeps, non ita dudum ex Italiâ reversus, moritur anno ætatis 21. Quem bienniô major Johannes Albertus Cardinalis, idemq; Cracoviensis Antistes, eodem annô sequitur, fatô familiæ Regiæ multum infestô. (Valsteinus Domino suo nimîa autoritate gravis, & occultarum molitionum jamdudum suspectus, struente Octavio Piccolomineo Italo, per Gordonum, Lesleum, Butlerum, Scotos, apud Egram Bohemorum trucidatur. A Casareanis, ductu filii Imperatoris Ferdinandi, Regis Ungariæ, necnon Principis Hispaniarum Cardinalis commedum tûm Germaniam transeuntis, ad Nordlingam magnô & funestô præliô vincuntur Sveci. Capitur Gustavus Horn; Bernhardus Dux Vismariensis cum majore parte equitatus evadit. E-

lector

lector Saxoniae cum Imperatore paciscitur Pragæ. Schenkianum castellum in Rheni fluvii divergiis situm, astu Hispanorum intercipitur, sed non diu retinetur.)

1635.

Rex Vladislaus finem induciarum * cum Suecis imminere sentiens, arma & abitum in Prussiam parat: deq; classe parandâ consilia init, curâ ejus rei Gerardo Dönhofio & Sigismundo Guldensternio commissâ. Comitia habentur, in quibus Ordini Equestri præsidet Ossolinscius tum Curia Thesaurarius, Româ, ubi summum Pontificem legatione splendidissimâ, nomine Regiô veneratus erat, nuperrimè reversus. Pax Moscovitica iisdem his Comitibus stabilitur jurejurandô. Cœptum quoq; tum est à nonnullis agi de jungendis duobus fluviiis Pinâ & Muchawiec, quorum ille in Pripetum, & cum hoc in Borysthenem, ac tandem in Pontum Euxinum: Alter in Bugum propè Brestiam, & in Vistulam deniq; majorum fluminum aquis mixtus, decurrit. Conjunctio ista uti Reipubl. non nimium difficilis, cum fluviorum i-

storum

storum primordia nonnisi duorum milli-
arium intervallo distent; ita summè uti-
lis fore judicatur, quod ita commercia
ex mari Balthico in Orientalia usq; Re-
gna protendi possent. Sed negotium
hoc, etsi gravissimi momenti, privatâ
magis quorundam, quàm publicâ curâ,
hic agitatum, animos augendis commer-
ciorum fructibus, boniq; exindè publici
rationibus intentiores desiderare, res ipsa
ostendit. Ducatus Czernichoviensis spe-
ctabile belli Moschovitici pretium, in Pa-
latinatum, ad Smolenscensis Ducatûs ex-
emplum, conversus, nomina dignitatum
& jura aliis Regni provinciis usitata ac-
cipit. Adamus Kisielus Castellanus Ki-
oviensis in Moscoviam à Rege ablegatus,
tabulam marmoream, Basilii & Demetrii
Suisciorum, in captivitate Polonicâ mor-
tuorum, memoriæ dedicatam, & simul
victoriarum Polonicarum in Moscoviâ
obtentarum testem reddit Magno Duci
Alexio Michaëlovicio, cujus Legatus ca-
davera eorum in Moscoviam deportatu-
rus, efflictim id Varsoviæ oraverat. Tali
quippe trophæo adversa sibi sua expro-
brari putabant Mosci. Interim sacel-
lum

lum Suiscianum in suburbio Varſavienſi
uſq; manet, & victæ tûm Moſcoviæ me-
moriâ æternitatis tabulis inſcriptam,
nulla temporum vetuſtas delebit. Sum-
ptuum & damnorum Thorunio & Geda-
no Urbibus bello Suecico illatorum re-
ſtitutio promittitur. Jura Academiæ
Cracoviensis reſtabiliuntur. Diſciplina
militaris lege publicâ acuitur. Rex con-
jugium agitans inſtinctu Aulicorum ſe-
cretiorum animum ad Elizabetham Fri-
derici, Electoris olim Palatini, & poſtea
Bohemorum Regis ſeditioſè electi filiam,
adjicere cœpit, ideôq; ad Angliæ Regem,
cujus Sorore illa genita erat (allucēte
ſpe aliquâ reducendi, tali ope, ad vetus
obſequium Regni Patrii) mittit virum,
in rebus agendis apprime verſatum Jo-
hannem Zawadski Præſectum Suecen-
ſem. In Pruſſiâ, antequam ad arma cum
Suecis rediretur, Stundorſii tentamina
fiunt pacis. Quæ cum perpetua impetra-
ri non poſſet, induciæ viginti ſex anno-
rum, parariis Galliæ, Angliæq; & Ordini
Fœderatorum Legatis XII Septemb.
panguntur. Reſtituitur Regi Poloniæ
Ebinga & Mariæburgum. Rex Gedani
trium-

Inſu-
cia
26
domi
cuſe
cij.

triumphali honore excipitur. Jacobus Zadzik, vir magnus in Rep. & de Ecclesiâ Catholicâ præclarè meritus, paulò antè primarius induciarum Facialis, depositò in manus Thomæ Zamosccii sigillo majore, Episcopatum Cracoviensem suscipit. Minus sigillum committitur Petro Gembicki, tùm Secretario Regni majori, paulò post Episcopo Premisliensi.

Vladislaus Rex Vilnam proficiiscitur, 1636.

* ubi illi, ut felici post bella finita pacis fideri, varii honores exhibentur. Ipse vicissim Musis exhibet, lauream Doctoralem Matthiæ Sarbievio Soc. Jesu, viro ut genere, sic carminibus Lyricis nobilissimo, impositam, præsentia suâ & annulo aureo dignatus. Idem ad Comitia Imperii, quibus filius Imperatoris Rex Romanorum creatus est, mittit Georgium Ossolinski, qui nuper dùm Româ reverrens Viennam transfret, Princeps Imperii nominatus, novo titulo Ordinem Equestre non leviter offendit. Agitur de matrimonio Regis cum Ferdinandæ II. Imperatoris filiâ, Cæcilia Renata, parario inter alios Patre Valeriano Magno,

T

Capu-

& uni porrò eorum Joanni Alberto Episcopatum Cracoviensem ab Ordinibus impetrat. Tum vicissim Rex arbitrium monetæ eudendæ, Regibus hætenùs proprium, cum Ordinibus partitur. Idem de successore nominando scrutatur Procerum Civiumq; voluntates, verùm occultè & nullò effectu; Ordinibus curam hanc fato & liberæ electioni præripi nò lentibus. Sed eam tùm præcocem visam, necessariam mox fecit subsecuta mors Regis. Dùm enim is defunctam Conjugem Cracoviam ad avitum Mausolæum deportare cogitat, ætatis anno 66, potentia 44; catharrò extingvitur princeps formâ augustus, vitâ religiosus, justus, providus, fortunâ variâ, animò semper idem.

INTERREGNUM.,

Iohannes Węzyk Archiepiscopus Gnesnensis Regniq; Primas, Ordinibus mortem Regiam significat, simulq; iustitium & conventuum per Palatinatûs habendorum tempus indicit. Primo conventu

ventu (3 Junii celebrato) Ordo Equestris Directorem consiliorum eligit Christophorum Radzivillium Campiductorem Lithvaniæ. Prætentantur omnia, quæ ad promovendam animorum concordiam facere viderentur: præcipuè inter Ordinem Ecclesiasticum & Civilem, deindè inter dissidentes de Religione, atq; inprimis Græci ritûs. Tuendæ securitati publicæ Judices ad subita casuum, necnon Tribuni in custodiam singulorum Palatinatum constituuntur. Sed præter omnium opinionem quieta omnia, & vani deprehenduntur metus, quos de factionibus nonnullorum consiliisq; ultra fines Regni prospectantibus multi prudentes sibi finxerant. IV Calend. Octob. ad electionem novi Regis congregantur Ordines omnes. Ordo Equestris ad consiliorum suorum regimen Jacobum Sobieski Incisorem Regni, virum inter primos seculi experientiâ rerum numerandum deligit, & mox seorsim à Senatu subdicio, ea quæ præsens rerum status requirebat, tractare incipit. Primum cum dissidentibus in Religione acriter contenditur, qui majora sacrorum suorum stabi-

stabilimenta requirebant. Consentitur tandem, interponente se Vladislao Principe, in formulam securitatis conventu superiore approbatam. Eodem arbitro alia quædam dissidia composita. Deliguntur ex triplici Ordine viri, qui Ecclesiasticos cum Nobilitate conciliarent. Alii, qui legum, alii qui monetæ correctioni sese intenderent. Consultatum item de publicorum Regni bonorum distributione non ad arbitrium favoris, sed ad meritum trutinam in posterum exigendâ. Regis defuncti quatuor filii fratri suo natu maximo Vladislao sceptrum Poloniæ dari petunt, præeunte Joanne Casimiro. Illis Archiepiscopus Węzyk nomine Senatûs, Sobiescius nomine Ordinis Equestris respondet. Audiuntur summi Pontificis, Imperatoris, Gustavi Regis Sueciæ Legati. Cum Brandeburgicis Legatis expostulatur acrius. Conditiones futuro Regi proponendæ per selectos ex omnibus Ordinibus viros primarios scribuntur. Vladislaus unanimi omnium consensu renunciatur, & ab Archiepiscopo nominatur Rex Poloniæ; Qui ad altare templi Johannis Baptistæ

tistæ jurat, & ibidem decretum Electionis ab Archiepiscopo accipit: literis dein ad Principes externos scriptis susceptum honorem iis significat. Cracoviam postea comitantibus Fratribus profectus, ibi solenni pompâ Sigismundi Patris cadaver avito sepulchro infert, & ipse XVI. Februarii, Anno 1633, Regno, solennibus ceremoniis, inauguratur.

VLADISLAUS IV.

Post diadema susceptum Rex Comitiamox agitatur. In quibus directore Nunciorum Equestrum Nicolao Ostrogio de negotiis publicis, & imprimis bello Moscovitico deliberatur. Multæ item civiles controversiæ disceptantur. Elector Brandenburgicus quâ Dux Prussiæ, sacramentum fidei per Legatos præstat. Ad Imperatorem Petrus Gembicius major Regni Secretarius mittitur sequestram Regis operam ad pacem cum Suecis conciliandam oblaturus. Rex in Lithvaniam properat, ubi Moscus non obstantibus induciarum pactis ad futurum usq;

Mo:

usq; Juliū servandis, vasto exercitu Smolenscum circumfederat, Ductoribus Michaele Schino, Simone Prozorowskio, & Alexandro Lesleo Scoto. Urbem Stanislaus Woïwodzki strenuè defendit, sed extremò ad penuriam commeatūs aliorumq; necessariorum penè redactus. Rex per Christophorum Radzivillium & Adamum Kazanovium militiæ suæ præfectos, laborantibus subvenit. Duces Moscici relictâ Urbis arctiori obsidione ad castra recedunt. Quos præeunte Alexandro Gonsievio Palatino Smolenscensi, sequitur Rex, Fratre Johanne Casimiro comitatus, (cui supremam vigiliarum curam in castris suis Vladislaus commiserat,) & hyemis incommoda non moratus, obsidere incipit hostem. Auxilia Schino submissa cædit Kazanovius, Podolia Palatinus. Schinus totâ hyeme obsessus inopiâ lignorum alimentorumque premitur, nullâ auxilii spe superstitæ. Regem à Smolensco abstrahere nititur Turcarum Imperator, magnis Moschorum precibus ac pollicitationibus sollicitatus ad opem ipsis ferendam. Abazi Bassa magnum Turcarum, Tartarorum, Mol-

*Turca
Moschi
rū causa bellū
incipit.*

Moldavorum exercitum ad Cameneciam Podoliæ metropolim ducit. Coniepcolscius Castellanus Cracoviensis & juxta Dux exercituum Tartaros præmissos parvâ manu suorum, mox & Abazi Bassam profligat. Ad aulam Ottomannicam mittitur Alexander Trzebinski Leopoliensis Succamerarius. Ad Pontificem verò Romanum admirabilis facundiæ vir Georgius Ossolinscius tum Thesaurarius Curix. In Silesiâ Ulricus Daniae Princeps juvenis maximæ spei tum Suecis militans, occiditur. In Belgio Isabella Eugenia, quæ Alberto Austriaco nupta, & postea vidua, Duce Spinolâ multa præclara gesserat, fato concedit, inter magna seculi sui nomina connumerari merita.

* Sehinus, cum toto exercitu Moscovitico, constantissimâ Vladislai obsidione ad deditiorem subigitur, solamq; libertatem adeundi pactus, signa ad pedes Victoris deponit, omnemq; apparatus & impedimenta relinquit. Rex post splendidissimam hanc victoriam ad Principem Civitatem Moschorum tendens circa Bialam, impigrè ab hoste defensam,

Tu.

sistitur. Interim Turca abolenda ignominia superioris belli, tum quod Moscorum ruinâ potentiam Polonicam nimis crescere nollet, Trzebinio Polonia Legato superbius habito, bellum Regi indit. Moscici contra Legati pacem orant. Istit Rex annuens, mittit Jacobum Zadzik Cancellarium Regni, Ducem Christophorum Radzivillium Palatinum Vilnensem, Lithuanici exercitus, Martinum Kazanovium Palatinum Podoliensem, campestem Polonici exercitus Ducem, Alexandrum Gonsievium Smolenscensem Palatinum, Alexandrum Piaffeczynium, Castellanum Camenecensem, Martinum Trisnam Referendarium Lithuania, Andream de Naglovice Rey Praefectum Libussensem, Alexandrum Oginski vexilliferum Trocensem. His facialibus apud rivum Polanowka (unde & Tractatus isti Polanovienses dicti sunt) pax coaleuit. Quâ provincia Czernichovien-
 sis & Severia cum multis aliis oppidis ac
 lati fundis ultra centum milliaria paten-
 tibus, Polonia, jure perpetuo accrevit.
 Tu. Turcicus Legatus Schin Aga, jussu aula
 Ottomannica, Vladislao pacem offert,
 Abazi

Ducal
 Gener
 Geniti
 Severia
 Polonia
 antrif

Abazi Bafsâ, quòd armis laceffiviffet Polonos, strangulato. Commiffarii Poloni cum Turcâ pacifcuntur, antequam Rex adveniffet. Qui belli adverfum Turcas avidus hanc occafionem indignabundus amittebat. Joannes Cafimirus frater Regis graviter ægrôtat Leopoli. Alexander natus minimus Frater, excitiffimæ indolis Princeps, non ita dudum ex Italiâ reverfus, moritur anno ætatis 21. Quem bienniô major Johannes Albertus Cardinalis, idemq; Cracoviensis Antiftes, eodem annô fequitur, fatô familiæ Regiæ multum infestô. (Valsteinius Domino fuo nimîâ autoritate gravis, & occultarum molitionum jamdudum fufpectus, fruente Octavio Piccolomineo Italo, per Gordonum, Lesleum, Butlerum, Scotos, apud Egram Bohemorum trucidatur. A Cafareanis, ductu filii Imperatoris Ferdinandi, Regis Ungariæ, necnon Principis Hispaniarum Cardinalis commodum tûm Germaniam tranfeuntis, ad Nordlingam magnô & funestô præliô vincuntur Sveci. Capitur Gustavus Horn; Bernhardus Dux Vifnariensis cum majore parte equitatûs evadit. E-
lector

lector Saxoniae cum Imperatore paciscitur Pragæ. Schenkianum castellum in Rheni fluvii divergiis situm, astu Hispanorum intercipitur, sed non diu retinetur.)

1635.

Rex Vladislaus finem induciarum * cum Suecis imminere sentiens, arma & abitum in Prussiam parat: deq; classe parandâ consilia init, curâ ejus rei Gerardo Dönhofio & Sigismundo Guldensternio commissa. Comitia habentur, in quibus Ordini Equestri præsidet Ossolinscius tum Curia Thesaurarius, Româ, ubi summum Pontificem legatione splendidissimâ, nomine Regiõ veneratus erat, nuperrimè reversus. Pax Moscovitica iisdem his Comitibus stabilitur jurejurandõ. Cœptum quoq; tum est à nonnullis agi de jungendis duobus fluviiis Pinâ & Muchawiec, quorum ille in Pripetum, & cum hoc in Borysthenem, ac tandem in Pontum Euxinum: Alter in Bugum propè Brestiam, & in Vistulam deniq; majorum fluminum aquis mixtus, decurrit. Conjunctio ista uti Reipubl. non nimium difficilis, cum fluviorum istorum

storum primordia nonnisi duorum milliarium intervallo distent; ita summè utilis fore iudicatur, quod ita commercia ex mari Balthico in Orientalia usq; Regna protendi possent. Sed negotium hoc, etsi gravissimi momenti, privatâ magis quorundam, quàm publicâ curâ, hîc agitatum, animos augendis commerciorum fructibus, boniq; exindè publici rationibus intentiores desiderare, res ipsa ostendit. Ducatus Czernichoviensis spectabile belli Moschovitici pretium, in Palatinatum, ad Smolenscensis Ducatûs exemplum, conversus, nomina dignitatum & jura aliis Regni provinciis usitata accipit. Adamus Kisielus Castellanus Kioviensis in Moscoviam à Rege ablegatus, tabulam marmoream, Basilii & Demetrii Suisciorum, in captivitate Polonicâ mortuorum, memoriæ dedicatam, & simul victoriarum Polonicarum in Moscoviâ obtentarum testem reddit Magno Duci Alexio Michaëlovicio, cujus Legatus cadavera eorum in Moscoviam deportaturus, efflictum id Varsoviæ oraverat. Tali quippè trophæo adversa sibi sua exprobrari putabant Mosci. Interim facellum

lum Suiscianum in suburbio Varſavienſi
 uſq; manet, & viſitatum Moſcoviæ me-
 moriam æternitatis tabulis inſcriptam,
 nulla temporum vetuſtas delebit. Sum-
 ptuum & damnorum Thorunio & Geda-
 no Urbibus bello Suecico illatorum re-
 ſtitutio promittitur. Jura Academiae
 Cracoviensis reſtabiliuntur. Diſciplina
 militaris lege publicâ acuitur. Rex con-
 jugium agitans inſtinctu Aulicorum ſe-
 cretiorum animum ad Elizabetham Fri-
 derici, Electoris olim Palatini, & poſtea
 Bohemorum Regis ſeditioſe electi filiam,
 adſicere cœpit, ideòq; ad Angliæ Regem,
 cujus Sorore illa genita erat (allucēte
 ſpe aliquâ reducendi, tali ope, ad vetus
 obſequium Regni Patrii) mittit virum,
 in rebus agendis apprime verſatum Jo-
 hannem Zawadski Præſectum Suecen-
 ſem. In Pruſſia, antequam ad arma cum
 Suecis rediretur, Stumdorfii tentamina
 fiunt pacis. Quæ cum perpetua impetra-
 ri non poſſet, induciæ viginti ſex anno-
 rum, parariis Galliæ, Angliæq; & Ordini
 Fœderatorum Legatis XII Septemb.
 panguntur. Reſtituitur Regi Poloniæ
 Eibinga & Mariæburgum. Rex Gedani
 trium-

in
 26
 torn
 in Sue
 cy.

triumphali honore excipitur. Jacobus Zadzik, vir magnus in Rep. & de Ecclesiâ Catholicâ præclarè meritis, paulò antè primarius induciarum Facialis, depositò in manus Thomæ Zamosceii sigillo majore, Episcopatum Cracoviensem suscipit. Minus sigillum committitur Petro Gembicki, tùm Secretario Regni majori, paulò post Episcopo Premisliensi.

Vladislaus Rex Vilnam proficiscitur. 1636.

* ubi illi, ut felici post bella finita pacis fideri, varii honores exhibentur. Ipse vicissim Musis exhibet, lauream Doctoralem Matthiæ Sarbievio Soc. Jesu, viro ut genere, sic carminibus Lyricis nobilissimo, impositam, præsentia sua & annulo aureo dignatus. Idem ad Comitia Imperii, quibus filius Imperatoris Rex Romanorum creatus est, mittit Georgium Ossolinski, qui nuper dùm Româ reverrens Viennam transiret, Princeps Imperii nominatus, novo titulo Ordinem Equestrem non leviter offendit. Agitur de matrimonio Regis cum Ferdinandâ II. Imperatoris filiâ, Cœcilia Renata, patario inter alios Patre Valeriano Magno,

T

Capu-

Capucino multum celebri. Joannes Casimirus Princeps Poloniæ in Hispaniam, Barrensem hæreditatem postulaturus, proficisci cogitat, sed obstantibus à peste periculis revocatur. Stanislaus Danielowicz Palatinides Russiæ, strenuus Patriæ propugnator, inauspicatò cum Tartaris pugnans, occiditur magno omnium dolore.

1637.

* Rex dubiis de conjugè quærenda consiliis animos Principum Europæ suspensos tenet, aliorum verò, qui affinitate innecti cuperent Regi, mirè excitat studia. Multi Palatinam usq; insinuant. De Christina hærede Sueciæ quidam vanè creduli mustitant. Sacer Ordo Austriacam Regi, alij omisâ ob Religionis diversitatem, Palatinâ, Nivernensem Principem commendant. Tandem in Austriacam Renatam Cæciliam flectit animum Rex: & præmissis Maximiliano Przerębski Castellano Siradiensi, Princeps Casimirus Frater Regis, cum Joanne Lipski Episcopo Culmensi, & Casparo Dönhof Palatino Siradiensi, Viennam abit, Sponsam fratri adducturus. In Angliam

giam mittitur. Andreas Rey Praefectus
Libuffienſis, conſilium de Palatina mu-
tatum excuſaturus diſſenſu Senatûs Polo-
nici, qui alienam à fide Catholica Regi-
nam nolit. Ille ex Anglia redûx Ha-
gam Comitſ divertiſ, & ab Ordinibus
foederatiſ honorificè habetur. Vladisla-
us Rex annis ſuperioribus novum ordi-
nem militarem Equitum immaculatæ
conceptionis Deiparæ Virginis inſtitue-
re decreverat. Quem legibus certis de-
ſinitum ſummus Pontifex Urbanus VIII,
rem fervidè inprimis agente Georgio Os-
ſoliſcio, hoc anno confirmat. Sed in-
ſtitutum à malè ſuſpicacibus mirificè vi-
tuperatum, per diſſenſum Ordinum, ac-
cedente inprimis Comitiorum, annò ſe-
quente habitorum, autoritate, exolevit.
Poſtea Rex, extructò ad littus Pucenſe
munimentò ſibi cognomine, tributum in
oſſio Viſtulæ pendendum inſtituere co-
natur, Dantiſcanis id vehementer & ma-
gnò ſumptu deprecantibus. Ad conſlu-
entem Samaræ & Boryſthenis extruitur
aliud operoſius munimentum, Kodar
nominatum refrenandæ Coſacorum li-
centiæ. Coſaci ad Kumeiki ducti Ni-

colai Potocii Campi Ducis profligantur,
& Ductorem suum Paulucum aliosq; an-
teignanos dedere coguntur. Tartari in-
ter se discordes: Cantimirus ad Achil-
leam vulgò Kiliam à Chano vincitur, &
postea à Turcis strangulatur. Cecilia Re-
nata Imperatoris filia, comitante cam-
Claudià Archiduce, & Episcopo Jaurinen-
si in Poloniam adducitur 12 Septembr. &
Varaviae, allatò illuc Cracovià, præter
morem diademate, insignitur ab Archi-
episcopo Gnesnensi. (Guilielmus Auri-
acus sub hæc tempora Bredam obsidet, &
tertiò mense capit. Cardinalis Hispanus
Venloam & Ruremundam recuperat.)

1638.

* Paulucus Cosacorum nupèr antesi-
gnanus capite plectitur. Cosaci fidem
sibi minùs servatam querentes, arma du-
ctore Demetrio Timofzevitze corripunt,
sed partim vi, partim promissis reducun-
tur ad obsequium. Thomas Zamoiski
magnus Regni Cancellarius virtutis glo-
ria uni Patri suo secundus, moritur. Pe-
trus Gembicki majus sigillum, minus Ge-
orgius Ossolinski, deposita Sendomiri-
ensis Polatini dignitate, suscipit. Johan-

ni Węzyk Archi-Episcopo Gnesnensi
mortuo surrogatur Joannes Lipski vir
judiciô & facundiâ summus. Frater Re-
gis Joannes Casimirus eundi in Hispani-
am consilium recapessit, quem comitatur
Joannes Carolus Konopatsius Abbas, &
postea Antistes Varmiensis, cui Rex Le-
gati nomen addit, Fratri, dissimulatô ge-
nere, fortunaq; proficiscenti, securitatis
futurum præsidium. Eunt quoq; simul
Ferdinandus Myskovius Marchio de Mi-
row, Gothardus Vilhelmus Butlerus in-
timus tûm Aulæ familiaris, dein ma-
gnus cubiculi Regii præfectus, Theodo-
rus Dönhofius postea Butleri in cubiculi
Regii præfecturâ successor, Andreas Co-
tovicius, M. Ducatûs Lithvan. Notari-
us, postea Castellanus Vilnensis, Samuel
Opatscius, & deniq; Andreas Basius tûm
à secretis Principi, dein Canonicus Var-
miensis, & multi alii. Cæterum istis co-
mitibus Princeps per Austriam & juga
Tridentina in Italiam tendit. Indè na-
ve Genuensi in Hispaniam trajecturus,
valetudinis & animi recreandi causâ in
littus Gallicum exscendit. Ibi à Joanne
Gothofredo, homine Massiliense prodi-

tus, apud oppidum Martegez à Nargō-
 nio proximi castelli Præfecto, nomine Re-
 gii per provinciam Gubernatoris, atti-
 netur, & primùm in arcem Salonensem,
 postea Cisteronem deducitur, vincente
 tum innocentia & hospitalitatis jura su-
 spicione, cui destinatum in Hispaniam
 iter obnoxium Principem fecerat. Ha-
 bentur Comitia, in quibus Ordo Eque-
 stris consiliorum suorum Directo-
 rem habet Lucam Opalinium Palati-
 nidem Posnaniensem, postea, evedto ad
 Palatinum Ravensem Patruo, Mar-
 schallum Curia, viru cultissimi ingenii &
 summae eruditionis. In eo Regni convetu
 Cosaci antehac victi, jam lege comitali
 in ordinem rediguntur, & abrogato ve-
 teri eorum regimine, ceu turbis ciendis
 nimis opportuno, Ductorum Polonico-
 rum arbitrio subesse jubentur, ipso etiam
 eorum numero, antehac infinito, in sex
 millia reducto. Exercitui Polono, cu-
 jus virtute Coniecpolscius & Potocius,
 Duces militiae, Cosacos rebelles subege-
 rant, ex omnibus Regni Ordinibus viri
 assignantur, debita laborum stipendia
 merentibus distributuri. Regina novi-
 ter

tèr adductæ Rex præfecturas quasdam publicas autoritate Comitiali certis legibus dotatitias facit. Eidem non Cracoviæ, loco antiquitus usitato, sed Varsoviæ impositum diadema, queruntur Regni Ordines, & ne in posterum id fiat, lege præcauent. Ad definiendum vestigalium maritimorum negotium, Comitia certos ex tribus Regni Ordinibus destinant recuperatores. Controversia de externis honorum titulis, quam dignitas Principis, superioribus annis, Georgio Ossolinscio, collata à Cæsare, inter Ordines æqualitati pristina timentes excitaverat, lege publicâ definitur, publicusq; ejusmodi titulorum usus iis tantum permittitur, qui olim, cum ad Rempubl. Lithvania & Russia accederent, illa decora secum attulere. Lemborgense & Bytoviense territorium morte ultimi Ducis Pomeraniæ, in potestatem Poloniæ Regum relapsum ordinari jubetur. Græci ritus libertati, legum veterum repetitione cavetur. Ne Decreta Tribunalia Comitialibus & hæc vicissim illis derogent, limites judiciorum statuuntur. Vestigalia Prussiæ Ducalis, quibus Polo-

ca & Lithvanica negotiationes gravari videbantur, circumscripta. Postea Rex valetudinis causâ ad thermas Austriacas profectus, primum ex intimo Joannis Casimiri Aulico Theodoro Dönhofio, detentionis Fraternalis nuncium, & rei ferriem, dein verò ex literis Christianissimi Regis & Cardinalis Richelii causas, quæ tanto ausu pretegebantur, intelligit. Magnâ in Poloniâ invidiâ laborat Claudius Memmius Comes ab Avaux, quod eò autore detentionis in Galliâ decretum stetisse putaretur. Ad quem eò nomine stylo gravissimo scribit Joannes Lipski Regni Primas. Ille acutè nec sine bile respondet. Rex Vladislaus in finibus Moraviæ ab Imperatore multâ comitate & honore excipitur. Sed eundem Principum congressum multo murmure suspicaciores in Poloniâ perstringunt.

1639. * Rex in Lithvaniâ cum Regina degit ex pacatissimis Poloniæ rebus quietus lætusq;,, nec nisi ob Joannis Casimiri Principis in Galliâ detenti calamitatem sollicitus. Ille Cisteronem ad Druentiam situm oppidum deportatus, gravibus

T 5

episto-

* 1639.

epistolis cum Ludovico Duce Valesio, Provinciae Gallicae Gubernatore, de injuriis sibi illatis expostulat. Et ipse Rex scriptis Vilnâ ad Ludovicum XIII. Christianissimum Regem, tum ad Cardinalem Richelium literis, missôq; dein Legato Principis dimissionem urget. Exin Princeps Vincennas propinquiorem Lutetiae locum deducitur. Comes Principis Conopatscius, vir praeclaræ stirpis & virtutis, in Poloniam reversus, ibiq; à Rege Insulâ Varmienfi honoratus, antequam adiret dignitatem, morte subitâ præripitur. Legatus Regis Christophorus Gonsiewski, post patrem recens mortuum, renunciatus Palatinus Smolenscensis, Gedano, præcipiti jam anno, solvit vela, comitantibus eum inter alios Stanislaô Rakowski Plocensi, & Dominico Roncallio Varmienfi Canonicis, utroq; Regi à secretis, Andreâ item Przyemscio ut genere, sic ingenii dotibus illustri, postea Castellano Culmensi. Rex Vilnæ agens feudum Curlandiæ, Duci Jacobo filio Vilhelmi, olim ob Noldium virum nobilem interfectum proscripti, post fata Friderici Patru, confirmat. Legatus Regis Gonsie-

1640.

vius Lutetiæ splendide excipitur, * & à
 Duce Engolismensi ad S. Germanicum,
 ubi Aula tùm erat, honorificentissimè
 (præfens enim omnia tùm spectavi, qui
 hæc scribo) deductus de Principis dimis-
 sione cum Christianissimo Rege & Car-
 dinali Richelio agit, datâ amnestiæ, quæ
 postulabatur, cautione. Dimittitur Prin-
 cepts & post multas benevolentiae datas ac-
 ceptasq; significationes valedicit Regi Re-
 ginæq; & in Brabantiam tendit. Ad Im-
 peratorem Turcarum mittitur vir insi-
 gnis Albertus Miaskowski Succamerari-
 us Leopoliensis, de incursionibus Tarta-
 rorum in illâ Aulâ questurus: Sed simul
 quoq; exploraturus, quò collineent ma-
 chinationes Turcarum & apparatus bel-
 lici. Cognitum postea novo ad Bory-
 sthenem munimento Codakano offen-
 sum Amurathem, quod ad frangendos
 Cosacos exstructum, ignaris & suspicaci-
 bus vanos metus ciebat. Hic utiq; Amu-
 rathes id tollere voluit, postquam in pri-
 mis recentibus de Persarum Rege victo-
 riis intumuerat. Dùm in itinere Lega-
 tus est, Amurathem in medijs belli cona-
 tibus

Vlad: 14, 1633, -1640.

LIBER VI.

443

tibus extinctum, inq; ejus locum fratrem Imbraimum Sultanum successisse intelligit. Vladislaus auditâ illâ morte ad supremum Vezirum & ad ipsum Imbraimum Imperatorem literas mittit per Miaskovium reddendas. In iis amicitiae cum Ottomanico Imperio servandæ studium testatus, ejus præcipuum hætenus scopulum, Cosacorum petulantiam, Ducum Polonicorum virtute, repressam jam nunciat,, alteramq; ejusdem amicitiae pestem Tartaros à Turcis vicissim eohiberi postulat. Morte Amurathis belli metus in Polonia non est extinctus. Atq; ideo Rex convocat Ordines. Sed hi nullâ re effectâ discedunt. Indicuntur deinceps alia Comitia. Ad quæ priusquam Ordines convenirent, Regina in Aprili filium enititur, cui Sigismundi Casimiri nomen inditum. In augmentum lætitiæ publicæ, redux ex Galliâ Joannes Casimirus Varsaviam, ipsò Comitiorum tempore, ingreditur. Cancellarius Regni animos Nobilium, suspicionibus, multâq; adversus præcipuos consiliorum Ministros diffidentiâ turgidos componere oratione facundâ aggressus,

T 6

mox

mox propositâ belli imminentis & periculorum magnitudine, ad scienda tributa, quibus miles stipendia efflictim postulans placari, & novus conscribi possiet, hortatur. Et in hæc quidem, Nunciorum Equestrium moderatore Joanne Stanislao Jablonovio, magnæ autoritatis Viro, consensus est: Alia consultationum argumenta in futuros Conventus rejecta. Christianissimi Regis Legatus Baro de Avangur in hoc conventu ea, quæ Principi Joanni Casimiro adversa contigerint, excusat, extremaq; humanitatis & amoris officia, quibus eundem ex detentione & ipsâ Galliâ dimissum persecutus sit Rex Galliæ, & quanti is amicitiam Regis Regniq; Poloniæ æstimet, disertè exponit. Ei nomine Regis & Senatûs respondetur, *felice Principis in Poloniam reditu abolitam jam esse omnem acerbioris sensûs memoriam, veteremq; & tot documentis antehac constatam Polonia cum Galliâ amicitiam jam auspiciatissimè renasci.* Datæ sunt eidem Baroni literæ ad Christianissimum Regem, omnem benevolentiam testantes, Sub hæc quoque Comitia controversia, quæ à Sacris Virginitibus Cænobii Vilnensis.

sis, quod S. Michaëlis vocatur, Calvinii
affectuum cætui, illic, jam dudum, ob
violentiam quandam intentata fuerat,
deciditur decreto Regio, & cætus eo lo-
co impoterum haberi vetatur. Miasko-
vius Legatus Constantinopoli ex voto
Regis & Reipubl. mandata exequitur, etsi
sparsa istic de nova Cosacorum incur-
sione fama cæptæ negotiationi non modicè
officeret. Pacem cum Poloniâ initam
servare promittit Turcarum Imperator.
Ab eodem Tartari Poloniam lacerare,
postulare item ab eadem donaria inusi-
tata, tum in Buczacnsibus agris domi-
cilia & prædandi receptacula locare pro-
hibentur. Captivi aliqui restituuntur
Legato. Literis ad Vladislaum missis vi-
cissim stipulatur Turca, ne Poloni opem
ferant Mosco, quem ob interceptum à
Cosacis Moschicis Asovum bellum aggre-
di novus Imperator cogitabat. Geor-
gius Vilhelmus Elector Brandenburgicus
& Dux Prussiae moritur. Ante obitum
ejus habebatur Ordinum Prussiae Ducalis
conventus, ad quem Rex Legatos mis-
erat, Ernestum Magnum Dönhofium Pa-
latinum Pernaviensem, Remigium Za-
leski

leski Castellanus Lenciciensem, Stanislaum Kobierzicium Pocillatorem tum Caissienseni post Palatinum Pomeraniae, cujus praecleara de *Vladislao Principe* extat historia. Sed ob mortem Electoris oportuit abrumpi Conventum.

541. * Missus à Rege ad portam Ottomanicam cum pactis reciprocis Prandota Dzierzek redit in Poloniam, & cum eo Turcicus internuncius Osmanus. Hi literas ab Imperatore afferunt Regi, quibus omnia antiqua, & nuper praesente Legato Miaskovio restabilita pacta rite servatum iri promittitur, dummodo vicissim Cosacos in officio contineant Poloni, eosdemq; à ferenda Mosciv circa Asovum ope cohibeant. Rex per eundem Osmanum Imperatori Turcico mutuum pactorum fidem contestatur, sed juxta quoq; de Tartaris ad interdicta Imperatoris nimium haecenus contumacibus queritur. Ad defuncti Electoris filium Fridericum Vilhelmum, necnon ad Conventum Prussiae Ducalis eosdem, quos ante Legatos mittit Rex, paternam illi benevolentiam, his Regiam offerens curam;

ram; simul monens de nonnullis, quæ
præsens necessitas postulabat. Venit
Varſavianà Chano Tartarorum nunci-
us, qui dona à Republ. dari ipsis solita
geminari, Domini sui nomine flagitat.
Rex de hac insolentia Chani Tartarici,
apud Imperatorem Turcarum, misſo A-
lexandro Otvinovio Secretario ſuo, que-
ritur. Ille cum internuncio Muſtaphâ
in Poloniam reverſus ab Aula Ottoman-
nica literas affert, quibus Imperator ſi-
gnificat, Chano ſeverè imperatum à ſe
eſſe, ut uſitatis dudùm muneribus con-
tentus, Poloniam de majoribus ſolicita-
re deſinat, viciffim Coſacos ſub fræno i-
ta, ut cœptum ſit, porrò haberi poſtulat.
Moſci circa limites cum recuperatoribus
Regiis contendunt, & re indeciſâ, turbis
in futurum materiem relinquunt. Bel-
lum Turcicum imminere ſibi ſentiens
Dux Moſcoviæ Legatum mittit ad Re-
gem. Rex vicini belli contagionem
metuens, ac ſimul militi ſtipendia procu-
raturus Comitia indicit. Quæ acribus
multis diſceptationibus, Nuncios Eque-
ſtres regente Boguslao Comite de Leſzno,
ad ſumma omnia in Republ. jam tum
ſurgen-

7 surgente, efferbuere. Przecipue in Senatus consulta inquisitum. Atq; ut Senatoribus, comitali lege Regi præsto esse iussis, nonnisi ob fonticam causam abesse liceat, tùm ut suffragia Senatorum Regi assiduorum scribantur, ac in proximis semper Comitiiis examinentur, severe sancitum est. Cautum quoq; ne Regi absq; consensu Reipubl. extra fines Regni proficisci fas sit. Fratri Regio Joanni Casimiro duas præfecturas, alteri verò fratri Carolo Ferdinando Episcopatum Plocensem conferri permittitur. Lex de abrogandis titulis antehac promulgata, (excipi ab illa poscentibus antiquæ originis Ducibus) explicatur iterùm. Audita tùm quoq; querelæ de finibus à militia Suecica ex Marchia, Pomerania, Silesia sollicitatis. Supremo Regni Dicastrio, ne ullam in Comititalia decreta sibi potestatem usurpet, certi limites positi. In latrocinia, raptus, & hominum proscriptorum grassationes, impunitate invalescentes, quæsitæ remedia. Armentaria, uti olim sub prima Regis Vladislai auspicia erigi & apparatus bellicos procurari jusserit Respubl., ita, ut in rem istam

istam majore studio incumbatur, iis, ad quos illa cura pertineat, injunctum. Vestigalia, quæ Regiomontani cives à Lithvanis immodica ferebantur exigere, temperantur.

* Dux Moscoviæ per Internuncium Joannem Pakadinum de injuriis quibusdam circa confinia, ab incolis Regni & Magni Ducatûs Lithvaniæ illatis queritur. Rex ad componenda hæc dissidia cognitores se ad fines Russiæ missurum pollicetur. Conveniunt Regni Ordines mense Februariô, quod tempus anterioribus Comitibus ad constituenda militiæ stipendia, de quibus ampliandum censuerant Ordines, præfinitum erat. Primum igitur Ordinis Equestris consilia moderante Christophoro Zavisâ, Magni Ducatûs Lithvaniæ Notario, Præfecto Minscensi, rationes cum Palatinatibus subductæ, ut, si quæ territoria in ære adhuc Reipubl. essent, cæteris, qui solvisent, æquarentur. Mox quantum cuiq; Palatinatui ad stipendia militaria conferendum esset, definitum, ibidemq; ærarii publici quæstori adjuncti ex triplici Ordine

dine viri primarii, (inter quos Regni Duc-
ces,) qui 7 Julii Leopoldi exercitui satisfac-
cerent. Juxta quoq; ex Regni Proceri-
bus Civibusq; destinati alii non pauci,
qui in Radomienſi Tribunali, Palatina-
tuum, quæ reſtarent, nomina diſputarēt.
Deniq; ne incerti cum Moſcoviâ & Vala-
chiâ limites in poſterum contentiones pa-
riant, eò quoq; miſſi cognitores. Eo-
dem hoc anno Philippo Vilhelmo Neo-
burgico, Principi magnis dotibus emi-
nenti, Soror Regis unica Anna Cathari-
na Conſtantia jungitur matrimonio, ut
eventus docuit, parùm fortunato.

1643. * Cecilia Renata Poloniæ Regina,
ſecundo partu filiam edit, ſed quæ paucis
poſt diebus extinguitur. Rex extra Or-
dinem Varſaviæ Comitia habet; in qui-
bus Equeſtrium conſultationum regimen
adminiſtrat Georgius Lubomirski Præfe-
ctus tum Sandecenſis, poſtea ad magnos
in Republ. honores perventurus. In his
Comitiis majus ſigillum datur Georgio
Oſſoliſcio, Petro Gembicio ad Antiſti-
tiū Cracoviènſe, poſt Jacobi Zadzik ſummi
in Republ. & erga Eccleſiam impenſè
liberalis

liberalis Viri, mortem, evecto. Minus sigillum suscipit Alexander Trzebinski Episcopus Przemisliensis. Ineuntur tūm inter alia rationes dissolvendi æris alieni quod tot expeditionibus & indefinēti liberalitate conflaverat Rex Vladislaus. Dispunctis nominibus, addunt Ordines cautionem, ne in posterum Reges in fidem Reipubl. debita contrahant, nec ad ea solvenda obligetur Respublica. Magni Ducatus Lituanie vestigalia augentur. In res, quæ à mercatoribus in Poloniam invehuntur, novum vestigal instituitur, dein mercium quarumvis pretia definiuntur arbitrio delectorum à Republ. vi-
rorum, qui fuerunt Andreas Szoldrski Episcopus Posnaniensis, Alexander Trzebinski Episcopus Przemisliensis, idemq; Pro-
cancellarius Regni, Lucas Opalinski Magnus Regni Marefcallus, Georgius Ossolinski Cancellarius Regni, Joannes Nicolaus Danilowitz Regni Thesaurarius, Nicolaus Ostrog Pocillator Regni, Petrus Danilowitz Incisor Regni, Alexander Lubomirski Pocillator Regni, Sandomiriensis præfectus, Boguslaus Lesczynski Majoris Poloniz Generalis, Martinus Toli-

Toilibowski Succamerarius Brzestensis;
 Joannes Oborski Præfectus Sochacevien-
 sis. Smolenscensis Palatinatus ordina-
 tio, tum mœnium urbis restaurandorum
 cura, ut & stipendii præfidiariis solvendi
 exsolutio sancitur. (Rex Daniæ nothum
 suum Comitem Voldemarum in Mosco-
 viam mittit, amicitia cum Magno Duce
 novo vinculo adstringendæ. Sed quasi-
 tum istic matrimonium in carcerem de-
 finit: quod is sacra Moscorum, in con-
 ditionem expetiti conjugii proposita,
 non respuere tantum, sed ludibrio habu-
 isse videretur: Ex quo demum Comitem
 illum Regis Poloniæ Legatus Stephanus
 Stepkovius Castellanus Braclaviensis po-
 stea liberat.)

* Regina Cecilia Renata informem
 1644. fatum enixa 24. Martii moritur, Prin-
 ceptis ob virtutes insignes longissimâ vitâ
 digna. Rex persolutis Cracoviæ deside-
 ratissimæ Conjugi iustis, in quibus An-
 dreas de Lesno Episcopus tum Culmensis
 peroravit; in vicina Ungariæ bellum a-
 nimum intendere, Militemq; colligere
 cæperat, pacis impatientiâ, negotium &
 gloriæ

gloriæ campum quærens. Ac jam Imperatori contra Racocium & alios Ungariæ Proceres, qui Cassoviam tum occupaverant, auxilia laturus videbatur. Racocius enim bellum eò tempore indixerat Cæsari, prætextu religionis aliarumque injuriarum, revera autem instinctu Svecorum, qui eâ ratione Cæsarem armis Ungaricis occupare quæsierant, dum ipsi Regem Daniæ, hostilia in Sveciam meditari visum, repentino incursum corripissent. Vladislaus bello Ungarico & sic porro Svecico penè implicitus, ad Senatus dissvadentis judicium, mutato consilio per internuncios componere bellum illud quærit. Sed Imperator Majestate suâ indignum judicavit, cum subditis suis pacem, quam ii supplicando quærere debere videbantur, negociari. Tandem animos, quos non Martia vis, nec ratio componere potuit, temporis mora sanavit. Miles Cæsareanus, Duçore Kracovio, per Poloniæ limites in Pomeraniam Svecicam irrumpit. Poloni rem improvisam, quam à milite imparati, prohibere non potuerint, paulò post excusant apud Svecos. Horum vicissim in Livo-

niâ novi paratus bellici suspensionem movebant Vladislao Regi. Sed tûm intra occulta molimina utrinque res substitit, postea, ut eventus docuit, parte ab unâ inter prætextûs belli futura. Alexander Trzebinski post indutam sacram togam Regni Pro-Cancellarius, duos filios maximæ spei juvenes amittit, & ipse in medio honorum cursu 26 Julii præripitur, magno detrimento publicæ rei & familiæ suæ, quam Civili primûm, postea Sacro vitæ genere, datis utroque magnis ingenii speciminibus, ad summa evchere cæperat. Exercitus Polonus Duce Stanislaô Koniecpolscio Castellano Cracoviensi memorabilem victoriam de Tartaris ad Achmatoviam reportat. Egregiam hic præ aliis operam navavit Stephanus Czarnecki, qui primos hostium aggressus, fortitèr pugnando totum exercitum perculit, egregio futurarum, quas postea in turbatissimâ Republicâ summè memorabiles gessit, rerum præludio. Insignem quoq; in hoc campo laudem meruere Jeremias Dux Vishnovicius, Nicolaus Ostrogius, & alii, quorum nomina scriptus de

*Gar
necki.*

de hoc conflictu peculiaris commentarius prolixè edisserit.

Post expeditionem istam prosperè finitam, mittitur à Rege Constantinopolin Nicolaus Bieganovius, tum Sub-Dapifer Palatinatûs Rusliæ, postea Castellanus Camenecensis, de irruptione Tartarorum questurus. Imperator Turcicus constantem in pactis servandis fidem per Osmanem Internuncium suum Poloniae promittit; sed Tartaris solitum donativum dari postulat. Archiepiscopus Avenionensis sinistris relationibus apud summum Pontificem perstrinxisse Regem creditus, cum insuper Jacobum Maximilianum Fredro Succamerarium Premisliensem à Rege ad se missum minùs dignè habuisset, indignationem Regiam incurrit, & per maximæ autoritatis virum Jacobum Sobiescium Palatinum Rusliæ, nomine Ordinum Regni ab Aula Regiâ abesse jubetur, salva illâsq; veteri Poloniae in Pontifices Romanos reverentiâ & soliti obsequii fide. Interim Urbanus VIII. moderatione animi (ne alias virtutes jam attingamus) & omni eruditionis genere inclytus Pontifex anno ætatis septuagesimi-

agesimo septimo moritur. Cui cum surrogatus esset Joannes Baptista Pamphilus Romanus, postea Innocentius Decimus appellatus; Vladislaus Abbatem Valbacensem Lipsium, qui illi principem in orbe locum gratularetur, & per eum has literas mittit: *Prodiit ex Augusta Apostolici conclavis arcâ, candida Columba, naufraganti inter belli procellas orbi pacis promens Symbolum. Salve, Pater Oprime, cujus candida & tranquille mentis presagium Tuae Sanctitatis majoribus commissæ auctæ nobilitatis jamdudum exprimunt insignia. Nec porro assumptum Innocentii nomen aliud promittit, quàm felicissimi Pontificatus innocentiam, nocentibus insensam. Ad tanti Pontificis pedes gratulabundus propero, & per Internuncium meum de Lipe Lipski Abbatem Valbacensem, Metropolitanæ Ecclesiæ Gnesuensis Scholasticum, Tuae Sanctitati, in legitimo interris Christi Vicario, & Universali Episcopo meam & Regnorum ditionumq; mearum obedienciam supplex deferro, ipse interim huic stationi, quæ mihi, pro Christiano nomine excubanti, Dei voluntate & majorum meritis obligit, intentius propaganda fidei Catholica ac Sanctæ Sedis Tuae*

autoritati, arma mea, immò sanguinem & vitam confecro. Tu modò id agas, Pater Beatissime, ne diutius reliquorum Principum inter se decertantibus armis, exhaustæ Christiani populi vires, invitent nunc otiosum spectatorem, sed occupanda Europe avidissimū hostem, ad invadendum gregem Tibi cœliiūs commissum. Quem ubi tanto metu libera-veris, tūc demum Innocui & Innocentis seculi Pastor ei gratisimum offeres sacrificium, cujus vicariam curandi gregis operam divinitus in Te collatam suscepisti. Ego iterum pedibus Apostolicis ad volutus Sanctitatis Tuae Paternam mihi & subdiis meis expeto benedictionem. Sub finem anni in salisfodinis Vielicensibus, pabulo equino in candelam per incuriam injecto, ortum incendium est, quod ultrà annum in illis specuum anfractibus teterrimò vapore, omnem extinguere cupientium industriam exclusit, ingente proventuum Regionum intertrimento.

* Duci Moscoviæ Michaëli Federo-1645.
wię defuncto, filius Alexius Michalowitz
succedit. Ad quem à Rege missus est
Stephanus Stępkowski, Castellanus Brac-

U

lavi-

laviensis de successione illi gratulaturus :
simul & novæ armorum conjunctionis ,
in alium vicinum populum, Polonis Mos-
ciscq; perpetuâ prædandi libidine æquè
hactenus gravem, jacturus fundamenta.
Eodem tempore Legatus hic Polonus ef-
fecit, ut Comes Voldemarus Christiani
IV. Regis Daniæ nothus, ex custodiâ Mos-
coviticâ liber, & in compensationem
injuriæ illic acceptæ, liberalibus donis o-
nustus dimitteretur. Rex Cracoviâ Var-
saviam reversus, Comitia istic agitât, in
quibus Ordo Equestris directorem habuit
Hieronymum Radzejowski Præfectum
tùm Lomzensẽ. Gravissimè hinc op-
pugnata sunt instituta novissimè in res
invectas evectasq; vectigalia, ea quippe
ordo nobilium penitus sublata volebat,
antequam ad alia Comitialium delibera-
tionum capita accederetur. Magnas
quoq; turbas tùm Lithvaniæ Ordines de-
dêre, factâ nupèr cum Moscis finium de-
terminatione vehementèr offensi. Trube-
cense enim territoriũ, quod anno 1634.
ad Polanowkam pacta cum Moscis inita,
Lithvaniæ adjecisse dicebantur, consti-
tuti postea à Republ. limitum definidores
Moscis

Moscis reddiderant. Atq; ita præter Trubecios, primiceriæ Nobilitatis ibi viros, multi alii Nobiles aut solum mutare coacti, aut ex libertate Polonicâ in Moscoviticum dominium erant delapsi. Quibus opitulari volens Lithuania, tot latifundia à Moschis repeti, aut certè compensationem tantæ jacturæ & sibi & tot Viris Nobilibus fieri flagitabat. Inter multas igitur altercationes extractum tempus, & deniq; nullâ re memorabili effectâ soluta sunt Comitia, oborto hinc rursus ingente æmulorum strepitu in eos, qui novo rerum invec̃tarum & evec̃tarum invento occasionem tot gravibus inter Aulam & Cives collisionibus præbuisse ferebantur. Cancellario Ossolinio, vacante post mortem Trzebinii Episcopi Przemisslensis Vice-Cancellarii munere, Collega adoptatur Andreas Lesczinski antehac Cancellarius Reginae, postea Episcopus Camenecensis, dein Culmensis, ac tandem Primas Regni, ut posterior historia docebit, creatus, Vir majorum suisq; meritis illustris. Exin agitato jamdudum matrimonii iterandi consilio diligentius Rex incubuit: Gal-

liâ pulchram Venerem per Legatos & literas offerente. Quam rem cum seriò jam agi Austriaci animadvertissent, intercedere volentes Leopoldi Archi-Ducis Tyrolensis filiam ostentavere Regi. Sed vigor Gallicus tum prævenit: seditq; consilium Vladislao ducendi Ludovicam Mariam Caroli Gonzagæ, Mantuæ in Italiâ, Niverniiq; in Galliâ Ducis filiam, Principem corporis animiq; dotibus insignè. Missus itaq; à Rege citatissimis itineribus in Galliam Gerhardus à Dönhoff Palatinus Pomeraniæ, vir longo aulæ militiæq; usu, multisq; meritis Regi intimè carus: qui novi nexûs apud Aulam Gallicam fundamenta stabilivit. Secuti deindè majore mole & apparatu duo magni in Republ. Senatores, Venceslaus Comes de Lelsno, Episcopus tum Varmiensis, & Christophorus Opalinskj Posnaniensis Palatinus. Quorum splendidissimâ & longè sumptuosissimâ legatione honorata Gallici Regni administratrix Regina, luculentis vicissim erga Poloniam animi testimoniis magnos hos optati conjugii proxenetas suscepit, sicq; conditionibus dudum utrinq; probatis Ludovica Maria

Niver-

Mss. 124 1633, -1540.

Niverno-Mantuana Princeps V. Novembris præsentibus Rege Ludovico XIV. octo annorum tùm Principe, Matre item Regni administratrice, & filio ejus altero Gastone Duce Aurelianensi, desponsata est Vladislao Regi: posteaq; decentissimo comitatu Episcopi inprimis Arausio-nensis, tùm Renatæ de Guebrian per Belgicam & Saxoniam inferioris terras deducta est in Poloniam: quò tamen nonnisi anno sequente pervenit. Sed Rex diu, antequam secundis his nuptiis animum applicuisset, aliud novum inter diversarum religionum instituta conjugium moliri cæperat. Quod enim inter Christianos dogmatum dissensum malâ interpretatione & falsis judicii exasperari crederet, eos, qui in Poloniâ à Catholicis dissiderent, & tamen antiqua fidei Christianæ symbola ac fundamenta amplecti se crederent, placido colloquio Ecclesiæ Catholicæ aut conciliare omninò, aut blandiores saltem reddere instituit. Consilium suum Rex Regni Primate Matthiæ Lubienscio & ipsi Pontifici Romano Innocentio X. aperuit, probavitq; Primas Synodo Varsaviæ habitâ ad futurum

colloquium Præsidem nominavit Georgium Tyskevicium Episcopum Samogithiæ, pietate, innocentia vitæ & affabilitate præ cæteris ad temperandos animos idoneum. Literis deinde Regiis invitati dissidentes, ex suis pariter viros primarios ad hunc Conventum delegere. Reformatorum, qui Calviniani vulgò appellantur, jussu Regio, caput fuit Sbigneus de Goray Goraiski Castellanus tum Chelmenfis; Lutheranis, qui alioquin ab Augustanâ Confessione nuncupari malunt, auspiciis Regiis, præsedit Sigismundus Guldensternius L. B. Gubernator Stutthensis, postea Castellanus Gedanensis. Singuli præsidēs, quam plurimis suar partium Theologis stipati accessere. Inter eos etiam exteri, quidam. Ex quibus Lutheranorum, ut vocantur, causam Johannes Hulsemannus, Professor Lipsiensis, Reformatorum, D. Joannes Bergius, Ecclesiastes Brandenburgicus, egere publicè. Aderat quoq; ex Academiâ Juliâ Georgius Kalixtus, sed apud suos ob Syncretismi consilia suspectus, à publicis confessionibus abstinuit. À Rege præterea duo aderant Senatores magni nominis, Georgius

orgius Ossolinski Regni Cancellarius, qui splendidâ oratione Domini sui consilium toti Conventui commendavit. Alter Joannes Comes de Lesno Castellanus Gnesnensis, qui, avvocato postea Ossolinio, Regii præsidiî dignitatem solus sustinuit. Scriptæ etiam autoritate Regiâ certæ leges, quarum beneficio opus tantum ordinatè ad finem optatum procedere posse videbatur. Ad harum normam 28 Augusti Thorunii, Urbe Prussiæ ^{colloquii} ^{Thorun} primariâ colloquium cœptum. Sed 21. ^{ne/c,} Novembris inter varias protestationes & reprobationes abruptum est, unaquâq; ^{abra-} ^{ptum} ^{3 mē.} partium rescissi Conventûs invidiam à se in alteram amoliri studente. Quicquid sit, gloriosior tam pulchri operis ingressus, quàm finis fuit. Neq; enim Dissidentes cum Romanâ Ecclesiâ conciliati sunt, & ipsi inter se hîc sapiùs collisi, longè acrioribus postea odiis flagravêre. Causas irriti conatûs Regii alii alias memorant. Et ipse Rex postea aliquos consilii sui obices & veluti scopulos scripto publico vulgari jussit.

* Anni sequentis initia solenni in

U 4 Prussi-

Prussiam ingressu Sponsæ Regiæ Ludovicæ Mariæ Principis Niverno-Mantuanæ celebra fuisse. Cui apud Olivense Monasterium Frater Regius Carolus Episcopus Plocensis & Vratislaviensis, necnon Albertus Gnievossius Episcopus Vladislaviensis, tum & splendidissimo inprimis paratu Leo Casimirus Sapieha Pro-Cancellarius Magni Ducatus Lithvaniæ, missi à Rege occurrere. Inde festivissimâ solennitate Gedanum 10. Februarii deducta est. Quæ Urbs exquisito armorum ornatu, tum excogitatis spectaculis & omni magnificentiæ genere debitam erga Regem suum & futuram Reginam reverentiam non sine ingentibus & penè Regiis sumptibus testata est. Rex ipse podagræ doloribus eò, quod voluerat, obviam ire prohibitus, Varsaviæ Sponsam in templo S. Johannis excepit. Ibidemque mox Conjugium, manus copulante Legato Pontificis Joanne Torrefio, ritu solenni sancitum, diadema autem postea, mense Julio, Regiæ in Principe Regni Urbe impositum est. Verùm eundem anni hujus mensem Aulæ universum festum lætumq; obitus Stanislai Coniecpolscii

Castel-

Castellani Cracoviensis ejusdemq; exercituum Regni Ducis supremi tristem fecit Polonia. Qui non ita pridem alterâ Conjuge ex illustri Opaliniorum familiâ domum ductâ præproperè thalamum tumulo mutavit, vir in Republ. summus, magnus inter Cives Senator, magnus in Senatu Civis, Imperator ad fortia ausa factus naturâ, ad solertiam multis casibus à fortunâ elaboratus, severis moribus apud militem, apud Rempubl. verò & Regem ipsum magnam auctoritatem, apud omnes famam longè maximam adeptus. Sed quasi nec magnitudinem Coniecpolscii, nec felicitatem suam capere tum amplius Polonia posset, eodem tempore & ille vivere, & hæc quæta esse desit. Quod quo pacto evenerit, paucis edisseram. Coniecpolscium istum, dùm viveret, inter paucos conscius Rex habuit consilii, quod de bello suscipiendo ceperat, partim otii, quo Respubl. corrumpi videbatur, impatiens, partim, quod tempus venire putaret, liberandi Poloniam à servitute stipendii, quod prædonibus finitimis pendere ex pacto teneretur Respubl., sua sibi mercede emens alensq;

perniciem. At consilium, cui exequendo par erat Coniecpolscius, illo extincto. non initum modò fuit, sed & Regem cum Republ., & Rempubl. cum Cosacis colli-
sit, verissimum malorum ingentium, quibus Poloniæ felicitas tantum non extincta est, seminarium. Rex paulò post nuptias, ex acceptà dote militem subito conscripserat, inconsultà Republ., seu, ne cum pluribus communicata destinatio hosti innotesceret, seu quòd facilius delectibus militum factis, quàm faciendis subscripturi Proceres Civesq; viderentur. Et quamvis Regi sine Comitiorum consensu militem legere illicitum esset, credebatur tamen fore, ne contra leges factum putarent Ordines, quod pro Republ. factum vidissent. Aderant generosi auctores svafores homines exteri, Itali præcipuè, & in iis validissimus Joannes Tiepoli Legatus Venetus, cui à Republ. suà, bellum tum adversus Turcas gerente, negotium erat datum, Regem ad arma inducenda omni conatu impellere. Rex suamet indole ad bella pronus, facile admisit stimulos, cum inprimis non Venetis modò, à quibus olim multo honore cultus

cultus erat, sed & toti rei Christianæ scita commodaturum crederet. Et ex præcipuis Regni ministris continuus ei aderat, qui hunc novum Regi sibiq; gloriæ campum impensè videbatur optare. Cæterùm, ubi legiones non paucae sub variis, nec unius nationis Ductoribus confluerant, ad rem insolentam & subitam commoti Proceres Civesq;, occultis primùm carpere rumoribus, mox publicò strepitu incursare hæc Aulæ molimina caperunt. Habeo literas, quas Primas Regni tùm scripsit, jura Regni jurejurandò sancita, objiciens Majestati, quibus cautum sit, ne insciã Republ. vel bellum occipiat Rex, vel militem colligat: tùm monens Regem, ut Comititia indicat Reipubl. Civibus, quibus volentibus rectius processurum bellum, quod iis invitis susceptum, Patriæ, quàm cuivis hosti sit futurum periculosius. Simili gravitate duo Cracoviensis Palatinatûs Senatores, Episcopus Petrus Gembicki, & Palatinus Stanislaus Lubomirski, ille autoritate Infulæ, hic maximis sagi togæq; ornamentis eminens; enorme consilium & maturam indè in Republ. convulsionem, Se-

natoria, populoq; gratissima libertate ob oculos posuit. Acerbius primùm Rex tulit, destinata sua, quæ nihil non laudandum spirarent, sinisterius accipi. Attamen, cum ingens ubiq; in Republ. animorum tumor, nec lene murmur Nobilium, nullis excusationibus Aulicis leniri, sed in magnam calamitatem erupturus videretur dolor publicus, passus est deniq; persuaderi sibi Rex, ut in Comitia consentiret. Quæ in Octobri hujus anni habita, magno libertatis æstu, adversus consilia novi belli, ejusq; tubas ac faces, Regiâ etiam auctoritate non intactâ, exarsere: Ordinem Equestrem moderante viro cordato Michaële Stankevicio Notario Magni Ducatus Lithvaniæ. Magnus equidem Cancellarius, dùm capita consultationum publicè, more ulitato, proponeret, causam Regiam in ipso Comitiorum exordio facundè egit; Regnum, inquit, Polonia in patenti-
*simis undiquaq; campis, non alio quam mu-
 tua in triplice Ordine confidentia munimen-
 to defenditur. Medium ejus spatium altis-
 sima Majestatis Regiæ specula tener, undè
 remotissima etiam tempestates prospici, deq;*

illis moreri ceteri Cives possint. Additi specula illi sunt custodes, quibus nomen senectus, consulendi auctoritatem magni muneris ratio dedit. Cives ipsi gladiis accincti iuenda securitatis publica partes sibi sumpsere. Hec intra munimenta stat Respubl. nostra, magnis tot anteriorum Principum egregiis virtutibus decorata, tum hostium inprimis gloriosissimi Regis egregiis facinoribus aucta, magnorumq; porro, Deo favente, nationum accessu augenda. Sed Statui huic tam bene composito insidiari non desinit nefaria privati commodilibido. Illa arroganti audaciâ tumens primum illud, quo tuti hactenus stamus, confidentia munus propugnaculum molitur. Illa inturbido crescere quarens providis optimi Regis monitis fidem detrahit; illa Senatusconsulta sinistrè interpretatur, illa dissolvit Comitia, totiusq; Reipubl. vincula convellit. Ingemiscit his malis Serenissimus Rex, eoq; magis ingemiscit, quod in Reipubl. huius gremio natus, ejusdem legibus atq. institutis innutritus, tandemq; post data a primâ juventutē suâ in ipsam amoris tot illustria documenta, Pater verius, quàm Rex nominatus, externas Paternorum Regnorum spes, & decora huic Reipubl. submisit, eidemque vitam & sanguinem suum consecravit,

sp:

spe conciliandi sibi benevolentiam omnium & fiduciam, quā fretus, Rempubl. non domi solum beatam, sed vicinis formidabilem; amicisq; admirandum æquē, quā venerandam reddere, ac porro ad seram posteritatis transmutere posset. Neq; nunc de benevolis voluntatum vestrarum studiis Sua Majestas dubitat; quin optimè de iis persuasa, ad eadem illa, quæ in particularibus Palatinatum Conventibus proponi voluit, destinata, promovenda horiatur & invitai; vos securos esse jubens, de sincerâ suâ erga salutem Patriæ, libertatem vestram, felicitatemque publicam curâ ac perenni sollicitudine. Cuius præclarum iudicium vel hac Comitia, affectâ Majestatis suæ valetudine indicta, nec sine morbi accremento fortassis finienda, præbent. Quæ jam ordiens providentia Regia primò omnium de periculis imminentibus monet Rempublicam, immanem maximè gentium vicinarum perfidiam vobis ob oculos ponens. Hæc enim nec pacta, nec stipendia, quæ præ tributis illi suscipiunt, nec injecta Cosacis sanguinis nostri impendio habena, ab invasione terrarum nostrarum hætenus cohibent. Depredamur fines Polonia, subditisque nostris Budacenses campos, & totius penè Turcici Imperii ergastula replent. Nobili-

bilibus pariter, quos deprehenderint, jugum
servitutis aut durissimam redimenda liberta-
tis necessitatem imponunt. Jam en praclara
Nobilitatis Virum per Poloniam ipsam non
sine summo gentis nostra dedecore circumdu-
cunt, quendam quasi mercatum Poloni san-
guinis in mediâ Republ. exercentes. Horret
ad haec animus noster, horret imprimis Ma-
jestas Regia, reputans secum, quid a barbaro
hoc populo Polonia expectandum esset, si
quando exercitum nostrum, qui numero per-
exiguo in sinibus excubat, quod Deus prohi-
beat, clade aliquâ affici contingerit. Cui pe-
riculo dum S. Reg. Majestas remedium cir-
cumspexit, perversis multorum iudicis sacra
destinatio exagitata est. Sirepuere vaces,
in scia Republ. Regem etiam non lacesitum
bella suscipere, exercitus magnos in viscera
Regni infundere, & nescio quid, (quod bonus
fidelisque subditus de tam bono Principe elo-
qui refugit,) moliri. Ille optimè quidem sibi
consciens, sed & Cives de consiliis suis rectius
instrui cupiens, stitit sacrum impetum, & de-
stinationem suam publicis horum Comitiorum
suffragiis submittit: paternè vos exhortans,
ut pensi habeatis, quid Dei, cui Respubl. flo-
rem suum debet, gloria, quid tot animarum
sub barbaro jugo gementium cura à nobis re-
quirat.

quirat. Adjuncti atrocissima gentis Legati, quos dudum immania petentes Rex & Senatus in hac Comititia rejecit. His itaque deliberandum, num fœdi illius, quod minaci ferocia postulanti, stipendii labe nomen nostrum aspergere, & avaritiam barbarorum in nostras porro cervices armare velimus. Habet Serenissimus Rex faventem suo consilio Moschum, ad quem publicâ auctoritate missus Castellanus Braclaviensis fundamenta novæ societatis jecit, sed talia, quæ auctoritate Comititalistare aut cadere Sua Majestas cupit. Quid magnus bellator Stephanus Rex in simili negotio, jam olim agitaverit, notum omnibus est. Nec alia mens Magni Ducis Coniecpolsci fuit, quem ingente Reipublicæ hujus damno, magnoque Serenissimi Regis nostrumque omnium dolore, in medio pulcherrimarum cogitationum molimur, atque cursu mors aripuit. Hæc super bellico negotio cum solitâ vi eloquii dixisset Cancellarius, juxta mox alia in his Comititiis tractanda proponere perrexit. Quorum præcipua hæc erant: Quomodo controversia de limitibus cum Mosco agitata, natumque inde Trubecense negotium componi, ac porro ejusdem finibus legitimo præsidio, atque in pri-

inprimis Smolenscensi Urbi totiq; illi Ducatui prospici possit.

Ut consuletur securitati Reipubl. maturato cum Suecis negotio pacis, cum inducie ultra medium jam processerint. Tum ut arcis Duneburgensis, unici in Livoniâ propugnaculi Regii, cura major habeatur, quam hactenus habita sit.

Ut stipendiario Reipubl. exercitui, qui sese ut victimam salutis publicæ, perpetuò obijiciat hostibus, præmia laborum meritorumq; solvantur initio factò à summo Duce Nicolao Potocio, qui post tot edita prioribus bellis eximia virtutis specimina, novissimam hyemem in ultimis camporum solitudinibus, quæ gravioris armatura militi hactenus verè inaccessible fuerint, pro Reipubl. excubans, pulcherrimo ausu successuq; transfegerit.

Ut & ratio habeatur Magnatum Civiumq;, qui spontaneâ alacritate & sumptuum impensâ Reipubl. contra hostes finitimos, laudabile Majorum secuti exemplum, servierint.

Ut inprimis quoq; Regina nuper coronata dignum amplissima, quam in Regnum intulerit, dotis redhostimentum, recepto aliarum Polonia Reginarum exemplo, liberali Reipubl. curâ constituatur.

Ubi

Ubi ad consultationem deventum, dixere sententiam Senatores temperatâ pleriq; gravitate. Archiepiscopus inprimis Gnesnensis, & post eum alii Antistites. Vice-Cancellarius Andreas Lescius, Episcopus tum Culmensis, *belli consilium se non probare, dixit, sed quia debita iuenda auctoritatis Regia cura fere irrevocabile id faciat, idem illud conditionibus ejusmodi circumscripsit, quibus revera irritum fieret. Inprimis Regem non ductu suo gerere bellum, sed auspicia tantum sua commodare volebat.* Hoc ipso injiciebatur frigus animo Regis, qui nonnisi tale bellum volebat, cujus ipse præsens teneret regimen. Verum post Antistites, severo sermone, Palatinus Breſtensis Stanislaus Sczavinius, vir acer, sed magnæ & multum inter Cives spectatæ prudentiæ Senator, non hoc tantum bellum, sed & alia multa, quæ in Aulâ improbabat, perstrinxit. *Ne, inquit, solo sacro Ordinationis incumbas carpendi qua displicent, addam inter alios calculum meum, ut causis malorum, quibus premimur, demonstratis, S. Reg. Majestas Vestra mala ipsa tanto promptius tollat, ac desiderio fidelium subditorum*

satis-

satisfaciat. Nihil dare videbitur gratia
nihil assentationi, (quam sceleris instar qui-
libet, maximè verò Senator, fugere debet)
quisquis fauebitur, Rempubl. nostram semper
ingentem benevolentiam & indefinientem cu-
ram S. Reg. Majestatis Vestra ab ipso usq;
felicis regiminis primordio sensisse. Simu-
latq; diadema Majestati Vestra impositum
fuit, magna mox ejusdem de finibus Regni
proferendis, de recuperandis ablatis, de pace
deniq; firmandâ effulsit sollicitudo. Nec de-
fuit conatibus favor cœli. Nam & ereptas
Mosci terras amplissimas & Prussiam re-
dintegratam restituit Reip. Majestas Tua,
scepiro Moscovitico, quod liberâ genis illius
erectione accefferat, sponte remisso, Svecica
hereditatis jure in longum tempus reiecto.
Factum hoc agnoscimus ex mero erga hanc
Rempubl. amore, Senatu tamen non inscio.
Et res Majestatis Vestra tum Regni totius
ita hætenus cesserunt, ut in summo altissima
pacis flore, publicè privatimq; non alia cre-
brior vox sonuerit, quàm, Vivat Rex Vladi-
slaus. Sed iam gaudium nostrum in luctum
& amaritudinem degenerat. Jam miseria
inopum, & gemitus pauperum vulnerant ocu-
los & pectora nostra. Causa mali est con-
siliium peregrinum, quod S. Reg. Majestati,
intra

intra palatii recessus ab hominibus fortunam
in alieno Regno quarentibus suggeritur. Non
possunt illi Remp. amare, in quâ nihil suum
habent. Nos quoq; qui jam lateri Mti Fra
ni Seniores assidemus, olim Camera Regia
familiares fuimus. Sed ab eâ consilia ejus-
modi longissimè tum aberant. Porro autem
alii augent malum, qui nove in Anlâ po'en-
ria inbiantes, ad nova molimina S. Regiam
Mtem Vram spe variâ suscitant; Ordinem
verò Equestrem perturbant: multam ore sa-
cundiam, optimumq; in Rempubl. affectum
ostentantes, reverà suæ militatis studiosi. De-
dit Respubl. Majestati Vestrâ justitiæ distri-
butoria arbitrium, sed non credidit illa, tam
audaces, & ipsi Mti Vra adco importunos
fore filios suos, ut unum idemq; beneficium
multi petaturi, multi etiam, quod pessimum,
impetraturi essent. Non metuerat illa tan-
tam antiquæ vir'is Polonæ corruptelam,
nec homine in libero Regno natos quicquam
libertati praposuitos existimavit. Sed nec
Legatus iste peregrinus culpâ caret, qui in
Regno nostro jamdudum versatus, Legatio-
nis sue scopum nunc demùm exprimit, id o-
mni agens studio, ut belli molem à patriâ suâ
in nosram avertat. Merito admonendus
respondi

responsi illius, quod olim ejusdem illius Resp.
à quâ ipse missus est, Senator Boemis socie-
tatem belli contra Casarem quarentibus de-
dit: Nolle Venetos domum suam incendere,
ut fumo illo Casarem tercant. Has igitur
causas malorum conspicati, S. Reg. Mtem
Vram supplices oramus, ut peregrinos istos
exesse jubeat à consiliis. Deinde obsecra-
mus, ut Maiestas Vestra assentatoribus au-
res praecludat. Illorum enim blanditiæ dul-
ces iniitiō, in multam denique acerbitem
desinunt. Veritas contra primâ fronte a-
mara, dulcissimos fructus parit. Peius
prætereâ, ut & Legatus hic Venetus, & ex-
ercitus externus, qui magnô numero in vi-
scera Reipublica penetravit, quàm citissimè
dimittatur. Summè enim gravis est omni-
bus Regni Civibus, adeo ut verè jam dicere
liceat, tetigisse nos manum Domini: Nec
ullum profectò acerbius vulnus est, quàm
quod manu amicâ infligitur. Sed non mi-
nus quoque calumniatrices nos lingua vulne-
rant, qua Sacra Regia Majestati Vestra
multa, qua in mentem ipsi nunquam vene-
rant, imputare aliqui obicere audent.
Spargunt enim libertati nostra casses
sterni, & nescio quam miram agitari
Alchy-

Alchymiam, qua Nobiles in servos, servos in Nobiles transfusa sit. Merito hec rideamus, qui benignam Majestatis Vestrae naturam & totannis testatum ejusdem erga Patriam amorem novimus. Nec ferre ejusmodi mutationes terra iste tam late patentes, tamq; plena virorum possent. Inicrim auribus nostris ejusmodi voces, eo acerbiores accidunt, quando simul milite externo horrea nostra perstreperunt, quando Aulis Nobilium vis inferiur, adeoq; in intumam quasi pupillam libertatis nostra infestus imprimitur unguis. Quodcum sit, murari jure nemo potest, si querimur, si clamamus, si supplices manus ad Deum & Majestatem Vestram Regiam protendimus. Quare & nunc verum iterumq; Majestatem Vestram quam humillime obsecramus, ut ab hoc metu Rempubl. nostram liberet, nihilq; contra pacta & jura gentilitia fieri permutat. Hoc ubi voto nos Majestas Vestra beaverit, nihil erit tam arduum, tam difficile, quod non alacriter Majestatis Vra causa suscipiuri simus. Finiam sermonem meum magni illius Cancellarii & Exercituum Ducis Joannis Zamofci verbis: Cum eo amore nos Reg. Mias Vra complectetur, quo Mias Vra decessores complexi sunt majores nostros, non decedes ex hac vita
statio-

statione, nisi satur dierum, nisi plenus gloriae,
& *Mis Vefire soboles soboli noſtra olim im-*
perabit. Ita Palatinus, auſterâ Regi &
Aulicis, cæteris non ingrata facundiâ.
Nec minori interim fervore nuncii Pala-
tinatum in militum delectus & totum
hoc de bello novum conſilium detonue-
re: cumq; ex Palatinatu Sendomirienci
eques quidam Cancellario M. addictior,
intercedere decretæ militum miſſioni
vellet, non intendi modò contra ſe acri-
moniani verborum, ſed & gladios ſtringi
ſenſit. Effectumq; tandem, ut Ordinis
Equeſtris moderator Stankevicius, no-
mine Nunciorum omnium, dimiſſionem
militis à Rege gravi ſermone poſtularet.
Rex conſtante omnium Ordinum con-
ſenſu, exautorationem copiarum urgeri
videns, obluſtari noluit. Quin ut tan-
tò citius commotos in Republ. fluctus ſe-
daret, publicis reſcriptis exauctorare mi-
litem promiſit, id viciffim ſtipulans, ut
ſumptus, quos in delectus militares feciſ-
ſet, de ſuo Republ. refundat. Ne huic
quidem poſtulado tum anxuit Ordo No-
bilitum: ſed vel damno Regio voluit ſta-
bilitum jus, quo militem ſuo lubitu coge-
re

re Reges verantur. Mirè torquebat generosissimum Principem ista in Civibus tenacitas propositi; nec perfunctorie inde vis morbi intendebatur, cum jamdudum non nisi lecto incubans publicis consultationibus interesset. Neq; deerant, qui Comitia placido exitu carere optarent, dum Principis autoritas maneret incolumis. Sed alia Regi mens, & domesticis pulsabatur stimulis, ne Comitia sine effectu pateretur diffuere. Neque enim Filio suo unico, Principi septem annorum rectè se consulturum putabat, si re male composita discedere Ordines, Civiumq; adeo & Procerum animos diutius agrescere sineret. Sed & Reginae noviter ductæ prospectum volebat, cui nulla Reipublicæ bona sine autoritate Comitiali poterant dari. Illa autem quia magnam dotis suæ partem marito numeraverat, mutuam Regis & Reipubl. liberalitatem efflictim & æquo jure poscebat. Cujus voto ut satis fieret, cò remissius astuantis populi studiis obnitendum videbatur. Tandem itaq; post longa verborum certamina in severam admodum exaudorandi militis legem consensus est, quæ

quæ publico sancitorum volumini inserta ostendet posteritati, optimè sibi Majestatem Regiam consulere, cum intra consveta se jura continens, nihil committit, quod novis legibus coerceri mereatur. Sed & Trubecense negotium denuò obturbabat animos, Lithvanis compensationem damni indefinenter usq; flagitantibus. Tandem designatis ad compositionem tentandam Viris primariis, eò consensum, ut Georgio Trubecio & Vlodkovicio summa centum octuaginta milium florenorum: Lithuaniae autem pro territorio Trubecensi Lojoviensis & Lubeczensis Praefectura ad Kioviensem Palatinatum pertinentes darentur. Ad lustrandas præterea ordinandasq; terras, quæ olim pactis Polanoviensibus Reipubl. accreverant, Cognitores nominati sunt. Serenissimæ Reginae reditu annuo in donum, ut vocant, nuptiale, in salinis Cracoviensibus à Rege assignato, satisfactum. Militi stipendia, arcibus finitimis praesidia designata. Sic tandem pacatis utcunq; Civium animis Comititia soluta sunt, ita tamen, ut superesset materia, ob quam anno sequente denuò Comititiis o-

pus fuit. Quia enim metus erat, ne belli ilitius minæ altiores in animis vicinarū gentium aculeos reliquissent, magno studio id egerunt Ordines, ut Conventus de nūo haberetur, * quod omnis belli illius mentio, & simul offensa, si quæ alicubi infedisset, modis idoneis aboleretur. Sed & alia quædam non tenuis momenti negotia, quæ in illo æstu animorum peragi nequiverant, sub trutinam revocari, publicæ rei intererat. Primum igitur in his Comitibus, Ordinis Equestris consilia regente Stanislao Sarbievio Præfecto Graboviensi de periculis, quæ à populis vicinis impendere videbantur, actū est. Quibus arcendis copias quidem à Rege antehac conductas bonam operam jam navare potuisse, Regio nomine Cancellarius ferebat; sed eas jampridem exanctoratas dimissas quæ à Rege, qui eā in re libertatem imò & Majestatem suam constringi passus sit, ne desiderio Civium decesset. Grato animo agnoscendum hunc Regis affectum, nec recusandam à Republica repensationem sumptuum, quos Rex optimo in Reipublica commodum & de omni affectu, ex suo & Regina peculio effuderit.

derit. Sed nec dum quicquam ab Ordinibus impetrari tùm potuit. Ordinariis tamen Reipubl. copiis ut stipendia melius in posterum procederent, provisum, atq; ut lecti de fundis Reipubl. coloni antiquo ritu ad publicas belli necessitates vocari posthac possint, in fundos illos, quos in privatos usûs avaritia convertere cæperat, cum curâ inquiri iussum est. His quoq; Comitiiis usitata aliis terris literarum curandarum ratio, in Regnum, consensu Ordinum, introducta est. Hactenus enim literæ Regiæ per Aulicos Ministros, quò res postularet, ferri solebant, quibus in præfecturis Regiis vehicula non sine multis querelis dabantur. Nunc abolitum id onus, & ad aliarum nationum morem, tabellarii constituti publici, quales Persis Angari & Astandæ, hodiè per Europam³ Postæ vulgò vocantur. Cura rei istius in Regno primùm Carolo Montilupio, in Prussiâ viro insigni Francisco Grattæ, Secretario Regio, tùm commissa est. Constituta item multa, quæ in brevi hoc rerum graviorum compendio, ommissa, alibi, inter vulgatas Regni leges repetiri possunt. Caterùm Comitii ista

Regi Vladislao extrema fuere, initaq; hic consilia necdum effectui caperant dari, cum multiplici mox ictu, non domus tantum Regia, sed & Respubl. percussa est; fatis jam tandem velut signo dato effundere incipientibus calamitates, quae multis postea annis, nullam propè datam respiratione, incubuerunt Poloniæ. Ac primum prole unicâ Sigismundo Casimiro, impuberis quidem ævi, sed excitatissimæ indolis Principe orbatu est Rex, ingente solatio ægritudinum, quas corpore & animo, inter tot adversa, tantosq; inprimis accensæ Nobilitatis æstus passus erat: sensim & ipse accedens ad fatalem illum terminum, qui cum vitâ & spiritu Regio quietem Reipubl. ablaturus erat: Hoc ipso enim anno inolescere caperunt semina motuum Cosacorum, qui per se semper graves, multoq; sanguine antehac etiam constiterunt Reipubl. nunc, attractis aliis atq; aliis nationibus, non lassarunt modò, sed ad extrema pericula addux^are Poloniam. Quæ cum curâ & minutatim descripta historia plenior, si Deus vitam prolongaverit, aliasq; occupationes minuere voluerit, exhibebit.

Nunc

Nunc in brevissimi compendii lineas contracta trademus.

Ordinur ab Ukrainâ, quæ eo nomine inter Slavonici generis nationes sic appellatur, quia Russiæ, Polonis subjectæ (nam & Moscoviam plerâq; gentes Russiam vocant) adedq; & Regni eâ parte margo ac meta est. Terra fertilitate glebæ & pascuorum ubertate felix: sed Tartarorum invasionibus multis jam seculis perpetuò exercita, atque inde magnam partem deserta, nec nisi in commoda deprædantium sæcunda. Quâ Borysthenes interluit, frequentatior, cultiorq; est: oppidis istic quibusdam sese adversum barbaros tuentibus. Præcipuè verò fluvii illius accolæ Cosaci manu armatâ defendere consuevêre: genus hominum ex agrestibus Ruthenicis, aliisq; licentioris ingenii convenis collectum, atq; insulas potissimùm, quas Borysthenes per cataractarum scopulos delapsus plurimas efficit, incolere assvetum. Cataractæ illi numero tredecim, Ruthenis appellati *Poro- rohi*, Polonis Progi, addidêre Cosacis istis cognomen, ut Zaporovii vocentur. Alii, qui Tanain accolunt, Donenses di-

Ukrainâ.

Cosaci.

Zaporovii.
Donenses.

cuntur. Hi Moscis, illi Poloniae Regno
subjecti. Utrique Tartaris praedatoribus
infesti: nonnunquam & Turcis graves.
Quorum ditiones Zaporovii isti subinde
olim invadere consueverant, navigiis ru-
di artificio confectis Pontum Euxinum
praedandi causa tramittentes. Domi vi-
ventibus piscium copiam Borysthenes
hic late stagnans tum & alii amnes, feras
autem sylvae insulares, milii proventum
vicini agri suppeditant. Graecum omnes
ritum sequuntur, & quia numero creve-
runt, ferocissimo quoque subditorum Po-
loniae ad illos profugiente, omnes, qui e-
iusdem ritus, in Regno, haud prisco ho-
nore sibi haberi viderentur, eo respecta-
bant. Illi vero suis in Pontum excursi-
onibus Turcam saepe in se & simul Regnum
nostrum irritavere. Unde frenarecos ra-
tio & necessitas iussit. Et in ordinem
quidem, sed multo labore & sanguine re-
ducti sunt; sic tamen, ut perpetuo ad pri-
orem seu libertatem seu licentiam suspi-
rarent. At cum saepius fræna momorde-
rint, ad arma etiam confugere ausi: nun-
quam tamen vi graviore & diuturniore
graves fuere Poloniae, quam his temporibus

bus ductore Chmelnicio. Qui in exercitu Cosacorum Scriba, & aliquoties ad Regem missus, tali exercitio in negotiis publicis peritiam, & deinde ad nova molienda animum collegit, quem tandem privatae quædam cum Czecherinensis territorii sub-Præfecto Coniecpolsciano lites & dimicationes in perniciem publicam elicuere. Malarum quippe molitionum suspectus, cum domi non tutum se amplius videret, ex fundo suo in Zaporovianas Insulas profugit; ubi plurimos sodalium cum reperisset, auxissetq; gregem suo comitumq; accessu, omnes mox ad vindicias, ut loqui solent tales, libertatis sumendas stimulavit, obtentui simul sumens iussa Regia, quæ ad navigia comparanda ceu novi belli futura instrumenta, accepisse se ferebat. Dux exercituum Regni Potocius novis his molitionibus obicem positurus, vocat ad se Chmelnicium. Ille invitationibus Ducis, suisque viribus diffusus, ad Tohaibegum^{Tartarum} in campis desertis tum hyemantem confugit. Initur istuc nova & hactenus inaudita inter Cosacos & Tartaros conjuratio societasq; belli, cum antehac inter illos, ut

gente, linguâ, moribus, religione discordes, internecinum odium & perpetuum certamen fuerit, inprimis ex quo Turca nobis Tartaros, nos Turcis Cosacos opponere cœpimus.

* Juncti ita inter se isti primò filium Ducis Potocij à Patre cum copiis præmissum ad Flavas Aquas, deindè & majorem exercitum apud Corsunum circumveniunt, & magnâ ejus parte casâ, Duces ipsos & præcipuos Ductores militesq; in Tauricam mittunt. Inter causas cladumistarum præcipua fuit ordinariorum Reip. Cosacorum perfidia, quos iteratò sacramentò adactos, Dux cum filio & aliis Ductoribus adversus Chmelnicium miserat, & sus nimiùm illis, & initâ à Chmelnicio cum Scythis noviter societatis ignarus. At illi, occisis ductoribus suis, quos Poloniæ fidos, suis consiliis adversos timebât, turpi transfugio junxere se Chmelnicio, perduelles perduelli. Quorum prævio exemplo neminem penè Russorum posthac puduit à Republ. deficere. Dùm hæc in Ukrainâ sunt, Merecii, oppido Lithuanico, moritur Vladislaus Rex, dudum

& cor-

& corpore & animo ob dictas antè causas
ager: Princeps omni antè vitâ hostibus
formidabilis, Civibus suis gratissimus,
Reipubl. felix & salutaris, postremò ean-
dem inconsultâ belli cupidine non pa-
rùm offendit, & morte præmaturâ tan-
tùm non evertit.

INTERREGNUM.

Extincto Rege Anno 1648. Chmeln-
cium Palatinus Braclaviensis Adamus
Kisielus svadâ suâ sistit. At interim Crzy-
vonossius agrestium Ruthenorum du-
ctor, connivente Chmelnicio, immanis-
simè grassatur: nemine impediante, præ-
ter Jeremiam Visnovecium Ducem, qui
cum Tyskievicio Palatino Kioviensi &
Ossinscio cohortis prætorianæ Ductore
apud Constantinovum ei feliciter occur-
rit, & cum congredi ausum prælio ali-
quoties vicisset, bello etiam vincere po-
tuerat, si justis auxiliis suffultus fuisset.
Sed nemine succurrente, periculis tandè
impar futurus ad tutiora se recipere cogi-
tur. Varsaviam interim ab Archiepi-
scopo

scopo Gnesnensi Matthiâ Lubinscio convocantur Ordines: & orbæ tantisq; claudibus obrutæ Reipubl. dispiciuntur remedia. Duces inprimis belli deliguntur Dominicus Dux Zaslaviensis, Nicolaus Ostrorogius Pocillator Regni, Alexander Coniecpolscius, Regni vexillifer, Magni illius Ducis Stanislai filius. Visnovecium multi optaverant bello simul præfici: sed eum præcipuis Aulæ & Consiliorum Ministris privatæ simultates, & ipsa populi studia ingratum reddiderant. Ipse etiam Kisielius jamdudum illi infensus, Ducem acerrimi ingenii, & Cosacis adversum exosumq; morâ pacis fore monebat, cujus conciliandæ causâ ipse ad Chmelnicium mittebatur à Reipubl. Habita istic de ponendis armis consilia, mutis aliorum quorundam incursionibz interpellantur. Nam interim ex Convocationis Varsaviensis decreto, magnæ Polonorum copiæ confluxerant, Magnatibus passim, & Palatinatum singulis turmas benè & splendide instructas submittentibus. Sed regimen exercitus illius vacillabat discordiâ Ducum, immutâq; eorum per oppositos magno numero

mero quasi ephoros, autoritate. Certè
 haud clariore unquam documento patu-
 it, non *constare bellirationes, nisi cum uni*
redduntur: & periclitari omnes, ubi plures
regere, quàm obsequi cupiunt. Malo itaq;
 consilio hostium copiis, apud Pilaucos
 tuto loco confidentibus, admotus ex-
 ercitus; at pessimò exemplò, idem mox
 dilapsus est. Et castra citra laborem &
 pugnam occupata, vacua hominum, o-
 pum plena reperit Cosacus & Tartarus.
 Qui deindè Zamosciam usq; impunè, &
 sine obstaculo progressi, ejus Urbis obsi-
 dione fortunam suam sufflaminavêre.
 Dùm enim locum fortitèr defendunt præ-
 sidiarii, datur interim spatium Reipubl.
 novum Caput eligendi, sine quo nihil au-
 spicato geri, tot ingentibus illa damnis
 suis fenserat. Sed inter tanta discrimi-
 na Electio etiam ipsa non caruit difficul-
 tate: cum ut nihil non in Regno turba-
 ret discordia, fratres etiam Regios com-
 misisset. Duo ex Sigismundi III. Filiis
 supererant Johannes Casimirus & Caro-
 lus, & uterq; magnis suorum studiis sus-
 sultus suspensam tenebat Rempubl. Sed
 ille ut non natu tantùm, sed & belli pe-

ritiâ, usq; rerum prior, præpotentibus
plurium suffragiis, fratre tandem ultro
cedente, sceptrum obtinuit: Deo ipso
Principi optimo & jam multifariam ex-
ercito, campum ad explicandam porro
virtutem, sibi verò ad ingentia miracula
illustrius pandente theatrum.

JOANNES CASIMIRUS
Rex.

Electionis Regiæ magnum mox pre-
tium Respubl. habuit inducias cum
Cosacis. Et pacis perpetuæ firmandæ
causa mox iterum missus Kisilius Palati-
nus Braclaviensis cum aliis Viris prima-
riis ad Chmelnicium. Rex interim Cra-
coviæ Regem defunctum fratrem suum
ritu solenni sepelit, & mox ipse ab Archi-
episcopo Gnesnensi Matthiâ Lubinski pi-
issimo Sene evinctus diademate, Comitia
agit. In quibus idem Primas rerum per
Interregnum actarum seriem & Senatus-
consultorum rationes Regi & Reipubl.
exponit. Cæteri verò Senatores de mor-
bis Reipubl. eorundemq; remediis disse-
runt.

runt. Ab Ordine verò Equestri Pilauci-
apa discessio acerrimè culpatur, & cog-
nitio in tanti dedecoris Autores postulaba-
tur, magnâ libertate, nullò effectû : mul-
tis magnis viris rigidè nimis id examina-
ri volentibus, quod dissoni regiminis
vitiò contigerat, documento futurû in-
posterum, ne multis committatur belli
clavus, quem *rectissimè unus tenet, ubi i-
doneum felix electio invenit.* Ac tumqui-
dem, cùm de ulteriore belli ductu delibe-
raretur, Rex summum militiæ regimen
arbitrio suo reservavit, vices tamen re-
giminis inter tres partitus est: Quorum
unus fuit Andreas Firlejus, Belzensis, al-
ter Stanislaus Lanckoronski Camene-
censis Castellanus, tertius Nicolaus Ostro-
rog Regni Pocillator. Interea autem
Chmelnicius à Legatis Regiis clavam re-
gendi Zaporoviani exercitûs insigne ac-
cepit Pereaslaviæ, ibidemq; multa in Je-
remiam Visnovecium Ducem, Coniec-
polscium Regni Vexilliferum, aliosq; qui
novis injuriis Cossacos irritare videren-
tur, inclementèr dicit. Subindè & Le-
gatos asperrimis responsis offendit, vires
suas odiosè jactans, nonnunquam & al-
tio-

tiorum moliminum consilia, & Turcarum quærendum aut jam quæsitum patrocinium, cum potu inalefceret, minime dissimulans. Multa tamen Palatini Braclaviensis patientia & facundis rationibus motus est tandem, ut Cosacos intra fines, quos ad Pripetum & Horinum, alibi ad Cameneciam usque hybernis suis fixerat, contineret, atque eorum album conficeret, à Rege deinceps confirmandum. Captivorum liberatio aliaque Legationis postulata in futurum Conventum rejecta. Ubi ad pacem perpetuam & obsequii fidem se non difficile fore spondebat, si in conditiones, quas Cosacorum exercitus posceret, Rex consenserit.

1649. Rex immodica spirantes Cosacos & in pace etiam inquietos conspicatus, colligit exercitum. * Quicquid verò veterani militis supererat, Duce Firlejo & Lanskoronscio præmittit, ne fines Volhyniæ & Podoliæ alicui incursioni subitæ paterent. Istic multis circa hyberna velitationibus cum plebe Russicâ, quæ Ductore Krzywonosii filio, Haraskone ite, & aliis passim grassabatur, novo bello

apud

apud Zvechalū, in primis Ostropolim, Mied-
zibozum, Constantinovum, præludeba-
tur. Vere appetente, Chmelnicius implo-
rat denuò Tartaros. Quorum ope fre-
tus copias Polonorum novem circiter
millium celeritate opprimere aggressus,
cum non imparatos reperisset, apud Zba-
rasium, ubi illæ castra fixerant, circum-
sedit. Flos exercitus veterani istic clau-
sus est, & cum eo præter Duces antè no-
minatos, Jeremias Dux Visnovecius, A-
lexander Coniecpolscius, & multi alii
militiâ spectatissimi viri; Quorum o-
mnium virtute ingens ille Cosacorum
Scytharumq; exercitus non modò forti-
tèr propulsatus, sed & multis excursioni-
bus attritus est. Ter contracta tùm ca-
stra, quò à tam paucis contra tantam
multitudinem faciliùs defendi possent.
Secuti obsessores intra valla à nostris de-
serta stabulantur, & omni vi, simulq; cu-
niculis, & deniq; variis pactionum quasi
blanditiis ab ipso Tartarorum Regulo
solicitantur ad deditionem. Sèd obses-
si continuatos inter extrema pericula diu
noctruq; labores, tùm famis etiam ingru-
entis, & ex jumentorum morientium fæ-
tore

tore contagionum discrimina, bimestres
obsidii ærumnas, magnorū Capitū illorū
ductu & exemplo, summā fortitudinis &
constantiae laude pertulere, donec Rex
cum copiis adversus hostem tendens, ob-
sessis, respirationem primò, mox & li-
bertatem dedit. Verū magnō consti-
tit Regi & Reipubl. illa exercitūs obsessi
liberatio. Cum enim ut huic succurre-
ret, collectis in Regno viribus non sper-
nendis, in Podoliam Rex festinaret, ho-
stes tacitis itineribus obviam progressi,
ad Zborovum, præter expectationem, cir-
cumfundere se caperunt nostris, itineri
magis, quàm prælio paratis. Et abrepti
sunt primis incurfibus aliqui Regiorum.
Inter hos Felicianus Tyskewic, Baldui-
nus Ossolinski, Georgius Rzecicius, viri
insignes, occubuere. Postea cum com-
positus in acie miles Regius ordinatiùs
pugnaret, sensit hostis, si diutiùs istuc sub-
sisteret, non minore suo, quàm Regio-
rum periculo constiturū certamen. Cha-
nus in primis Tartarorum, qui simul tūm,
deserto Zbarasio, advenerat, veterum
cum Poloniā pactorum & suā sponte me-
mor, & per submissos internuncios ad-
moni-

monitus, pacisci cum Rege, quàm bellum
producere maluit. Conventum itaque
in conditiones, quas plenior Historia ex-
hibebit: Inter eas minimè postrema
hæc erat, ut obsidio, quâ apud Zbarasium
alter Reipubl. exercitus duob9 penè men-
sibus circumseptus tenebatur, solveretur.
Eodem hõc tempore in Lithvaniâ auspi-
ciis Regiis amplissimam de Cosacis victo-
riam Dux Janussius Radzivillius, copiarũ
Magni Ducatũs Lithvaniæ Campi-Du-
ctor, ad Lojovum, reportavit. Jam du-
dum enim in illam quoq; Provinciam se-
Russicæ seditionis lues infuderat, Mich-
nenko, Poddubitio, Podobaylo du-
ctoribus. Sed præ cæteris validam ma-
num Chmelnicius commiserat Criczevi-
o, veteri inter Cosacos Tribuno, nec ad-
eò pridem ex captivitate Tartaricâ, in
quam Corsunenſi clade unâ cum Ducibus
Regni inciderat, redempto: Nimirũ
ita rependebatur beneficiũ, quod ab illo
olim Chmelnicius acceperat, fide ejus in-
terpositâ liberatus ex vinculis, jussu Co-
niecpolſcii inditis, cum primarum con-
tra Rempubl. molitionum anquireretur.
Crzizevio huic simul ut Lithvaniam in-
gressus

gressus erat, cupido incessit recto cursu castra Radzivillii ad Lojovum posita adoriendi, quæ tùm forte dimissis speculandi causâ plurimis selectorum turmis, minùs valida crediderat ad sistendum novi & numerosi exercitûs, quem ipse duceret, impetum.

Sed dùm ante castra egregiâ virtute equitatûs Radzivillii, ductoribus Mirscio, Niewarowio, Chodorowio, Podlescio, & aliis pugnatur, interim Samuel Comorovius, speculatum antehac cum mille ducentis missus, peropportunè & quasi divinitûs ad opem suis ferendam vocatus redit. Ac mox à tergo hostem aggressus, dextrum Crziczewiani exercitûs cornu hastatorum suorum vi perumpit, impellitq; in fugam. Quos dein secuta cætera acies in sylvis tamen proximis restitabat, multos militû acrius instantium indè saucians. Subvenitq; laborantibus Podobailo, alterius Cosacorum exercitûs ductor, sed & hic à Gonsievio, Pawsâ, Mongomerio, Przypcowio, tùm Principis ipsius turmis equestribus fortitèr exceptus superatur, & alibi Carrago, quâ peditatus & impedimenta Cosaci-

Cosacica protegebantur, à Mirscio, Tisenhausio, Noldio, aliisq; disjecta, in prædam victoribus cessit. Inter hæc Criczevianorum agminum reliquiæ ex sylvis erumpere ausæ, dùm fortunam ruentem erigere nituntur, victoriam Radzivillii auxêre. Quâ Cosacorum in Lithvaniâ robur mirificè infractum, & ad pacis apud Zboroviam initæ lætitiâ fructumq; ingens additus est cumulus. Exin Comitia Varsoviæ habita sunt à Rege, in quibus Ordinis Equestris Director Boguslaus Comes de Lesno magnificâ oratione periculorum, è quibus duplicem exercitum & ipsum Poloniæ Regnum singularis Dei favor eripuerat, magnitudinem edisseruit. Quæ, ut elegans multarum memorabilium rerum, quas ab exitu Vladislai Regis tulerat Polonia, compendium, pleniori operi inferetur. Inter Ordines deinceps de militiâ actum. Cui & stipendia ex tributis & supplementa ex certis Regionum bonorum agris, qui antiquitus ad id destinati, & deniq; stativa, in quibus is hyeme æquè atq; æstate pro Republ. excubaret, designata sunt. Pacis item cum Tartaris & Cosacis nuper
initæ

initæ conditiones ratæ habentur. Duci Jeremiæ Visnovecio in compensationem hærediorum, quæ superiori transactione Mosco cesserant, alii fundi ad amnem Horol, Duci item Janussio Radzivillo Nevelensis & Zebirensis ditio lege feudi addicuntur. Deniq; ad rem Colacicam rectius componendam Viri in Republ. primarii consensu Ordinum delecti sunt. Verùm mentio stativorum de quibus sæpius publicè actum, nihil verò, nisi in his Comitibus statutum est, invitat me, ut de veteri bellandi in Poloniâ nostrâ more, in alias subindè atq; alias formas mutato, nonnihil disseram. *Gens Sarmatarum antiquis temporibus ita belli curis unice fuit dedita, ut penè omnis in armis, exercitiis instar, perpetuò ageret: genio ipso populi aliarum tum adhuc artium rudi, paratiorq; Nomadum instar, promovere subindè, quàm figere sedes. Namq; inter vicinos, imminentesq; à fronte Germanos, à tergo verò instantes Scytharum alas prædatrices, nunquam tuta nec securâ erat. Cum utrisq; multum subindè negotii habuit, cum Germanis tamen, ut laborum artiumq; patientioribus, etsi vix unquam solidâ amicitia fide,*

fide, nihilominus fœderum religione jungi, & convictus necessitudine misceri consuevit. Ruſos quoq; ſui generis populum, ubi diu armis fatigaverat, partim ſubegit tandem, partim unâ cum Lithuanis, matrimonii Principum, ſpontaneâq; associatione ſibi innexuit. Sed majores, quia cum potentibus populis rem habebant, viritim ſerè omnes, ipſo Principe ducente, arma capeſſebant, eôq; modò & tuebantur ſua, & aliis formidabiles erant. Et Principibus, quoties opus eſſet, univerſum populum ad bellum vocandi poteſtas fuit. Proniq; tum omnium in militiam animi erant, quia nullius alterius laboris luculentius pretium oſtendebatur. Per ſola enim Martis opera ad Nobilitatis jura aditus patebat. Quos honoris ſtimuli minùs excitarent, eos permovebat metus. Si quis enim Regi vocanti non pareretur, graviffimam incurrebat pœnam, idq; ipſe monebat reſtis, ſeu vimen arboreum, quo, ceu ſigno publico arma capiendi neceſſitas omnibus indicebatur. Namque olim delectus facere, aut are exercitum conſtare vix unquam moris erat: quia pecunie deerant, cultu agrorum iſtis temporibus non ultrâ vigenie, quàm ut populo indigena victus neceſſarius domi non deeſſet. De exportandis lucri cauſâ meſſibus, invehen-

disve

disve luxuria instrumentis nulla tūc erat
cogitatio. Ita facilis omnibus in terrā per
se fertili annona suppetebat. Neque ipsa in-
fima plebs adeò acriter urgebatur ad rusticū
opus, quia qualicunque labore & sua necessi-
tati & Heri desiderio satisfaciebatur. Postea
ubi fruges vernaculas cum mercibus externis
magnā curā mutare collibuit, & in opes lu-
xumque laboratum est, magis magisque mili-
tia tūc negligi, tūc corrumpi, eo vehemen-
tius etiam ima plebis servitus capit gravesce-
re. Ceterū oppida in Polonia primū
rara, cū postea majore indies gliscente cul-
tu, à vicinis, præcipuè Germanis, frequen-
tarentur, ea adversus invasiones externorum,
suorumque licentiam à Regibus munita fu-
ere: & pulchrè satis aliqua horum florne-
runt, dū majore Principum autoritatis de-
fenderentur. Illā postea minvente, neglectim
hec haberi ceperunt, multis ea incessantibus,
ut instrumenta dominationis, & oppidorum
incolas eodem penè numero cum agrestium
plebe habentibus. Qui verò Urbis Regiā
liberalitate præficiebantur, in quosvis alios
potius usus, quàm in reparationem arcium
Regiarum mœniumque convertebant redditus.
Jamque adeò injuriis variis impune plera-
que patebant oppida. Nam & in istis potis-
simū

simas, pagisque subjectis, toto penè Regno hybernaturnis militaribus solebant distribui. Undè stativis ejusmodi, crebroq; ad hyberna longissimis itineribus cunium, tum inde ad castra quâvis estate redeuntium transitu mire atterebantur, tandemq; desolabantur Civitates & pagi: invalido legum auxilio, cum & Duces belli longe abessent, & vulgares judiciorum animadversiones licentia militaris saepe nimis facile evaderet. Ita passim cum rapacitate profusio certare capit. Nam cum quisque militiâ ingressurus, magnam patrimonii partem in arma nimis pretiosa, vestes praeplendidas, gregem calorum impenderent, hic jam, quod in hanc nimis usitatam & quotidie augesceniem luxuriam nulla stipendia, aliquando nec patrimonia sufficerent, ingruenti inde inopia, miserorum hominum oppressione, remedia querebantur. Meliores plerique, ut culpam, quam negare non possent, elevarent, magnam ejus partem in Aulam derivabant. Quippe quae non militi bene merenti, & pro patriâ cum dispendio rei familiaris, assiduoque vita periculo excubanti, praefecturas ac alia Reipubl. munera daret, sed palatii familiaribus aut Magnatibus aliisque minus vel egenis talium, vel dignis. Quidam & ararii ministros incu-
sabant.

ſabant; A quibus ſtipendium laborioſe ple-
rumq; nec niſi inſignis parie ejus detracta &
poſt longas ſape moras pactioneſq; expro-
candum quaſi eſſet. Quo nomine graves
ſubinde militum audite in Comitiiſ querela.
Porro cum externa quoq; identidem ad pede-
ſtrem militiam conſcriban'ur cohortes, ha-
rum ductores nimium plerumq; rei faciendæ
intenti, non exhauriunt tantum ubiq; plebē,
ſed & militem gregarium defraudant. Quip-
pe ei aut non ſolvunt ſtipendium ex ærario
acceptum, aut modis iniquis imminuunt. Eo
atrocius is deinde excuſatusq; quodammodo
fer'ur in rapinas: nec caſtigant ſtigitia Pra-
ſecti, quippe ipſi eorum & auctores & exem-
pla. Superioribus annis Stanislaus Coniec-
polſcius, Caſtellanus Cracoviensis, idemque
Dux exercituum prudentiſſimus, agitare, ac
Regi Ordinibusque proponere cepit conſili-
um, ſtipendiarios perpetuo in caſtris retinen-
di. Nam ſic illi ad ſubita caſum ſemper
prompti & magis ſubfrano diſciplina habe-
ri, noxiæque iſta & Regno prorsus exitioſa
legionum turmarumque diſcurſationes aver-
ti poſſe videbantur. Agreſtibus porro oppi-
danisq; omnibus longē & gravius & procli-
vius erat, cumulatori ære dato ſatisfacere
longe agentibus, quam toties tranſeuntes, at-

que impotenter dominantes intolerabili servitute domiare. Placuitq; hic refranande militaris licentia modus non paucis Magnatibus. Sed plurium dissensu irritus aut dilatus fuit: multus tam in Aula, quam ex Ordine Equestri, nimiam belli Ducum potestatem fore meventibus, si armatos exercitus soli perperuo, procul à Rege & ceterâ Rep. sit haberent obnoxios. Nunc quia magnitudo exercitus Cosacici, cujus quadraginta millia capita in album militare à Chmelnicio erant relata, propiores Polonicarum copiaris excubias requirebat, lex tandem destitutum stativis lata est, Rege nimirum ipso supremum tunc militia regimen tenente, cujus Majestate, quicquid in Ducibus hactenus formidandum erat, inumbrabatur. Sed mutata paulo post res hac ipsa stativa instabilia fecere. Adeo enim deinde & tot immissis undiquaq; hostibus Rempubl. fata exagitavere, ut exercitus nusquam consistere, sed locis diversissimis, nec in finibus modo, sed intra ipsa viscera Regni pro Patria salute, vario sub regimine, parietum fortune vicissitudine pugnaverint, uti posterior historia docebit. Nunc enim ad captam rerum seriem ab excursu redeo. Dum Comitibus Varaviae

Y

agitan-

agitantur, miles interim fremere & stipendia ferocius solito poscere cepit, postquam inprimis decessit Andreas Firlei, cui inter constitutos à Republ. Ductores militiæ, post Zbarasianæ expeditionis ærumnas, exiguo tempore Palatini Sendomiriensis dignitate fatum permisit frui. Habito tamen postea Lublinensi Conventu, delecti in Comitibus viri militares animos mitigavere, emicante hinc inter alios dexteritate ejusdem Boguslai Lescinii, qui ut Comitibus novissimis director Nobilium præfuit, ita hinc recens thesauro Regni Præfectus, quicquid ærario deerat, ingenii & facundiæ promptitudine, magno Reipubl. emolumento, supplevit. Chmelnicius,* alburni militiæ conficere jussus, à multitudine tot obsequentium armatorum animos indies majores sumit: Regeq; inconsulto, Chano Tartarorum contra Circassios opitulatur, & ab eodem mox auxiliares copias accipit adversus Moldaviæ Cisalpinæ Palatinum. Qui subito circumventus, vix demum multo auro, & magnis promissis extremo sese periculo exemit, datâ tunc quoq;

quoq; hęc locandæ filio Chmelnicii Timotheo filiæ suæ. Nec istiusmodi societatibus potentiam suam munire contentus, portæ etiam Ottomannicæ patrocinium, missis nunciis, implorat. Gravis interim equitibus Polonis in Ukrainâ ad fundos & subditos suos postliminiô reversis; tantoq; magis mox efferratus est, exercitûs Poloni, sub Nicolao Potocio, recens tûm vinculis Tartaricis exempto, ad fines Ukraynæ propiore accessu.. Nimirum res est timidissima recens parta potentia, præsertim quæ malis artibus creverit; nam quas fecit injurias, expectat semper, nec ulli ferè pactioni ita fidit, quin, si quibus iniqui aliquid extorsit, ab iis, etiam aliud agentibus, agi se putet repetundarum. Rex animô ea, quæ imminere viderentur, præcipiens, convocatis denuô Ordinibus Regni, de tuendâ Reipubl. securitate deliberat. Itur primûm sententiis in diversa. Alii in-
ita nupèr pacta religiosè servanda esse suadent, donec prior ea apertô bellô violare occupet Chmelnicus. Aliis con-
sultius videbatur *parare maturè arma, quibus vel ad meliora flecti Cosacos, vel si con-*

sumax sit, averti aut etiam praveri possit.
Imprudentium fore, fidere diffidenti, & nu-
dum Reipubl. latius exponere cupidini homi-
nis tantum exercitum in procinctu habentis.
Experiendum potius, an feliciore aliquo co-
na u accidi illud Cosacica militia robur pos-
sit, quod nec Chmelnicium unquam esse quie-
tum sinat, nec Rempubl. securam. Disces-
sum deniq; est in eam sententiam, legen-
dum novum militem, & qui jam paratus
habeatur, præmittendum, ut vim subitam
prohibeat. Interim verò ablegandos ad
Chmelnicium viros idoneos, qui mone-
ant hominem, ne Nobiles Ukrainæ in-
colas premendo, tum Principes externos
ad patrocinium sui sollicitando, metum
& sic porro causam novi belli præbeat Re-
gi & Regno. Missus cum aliis Collegis
Zareba Episcopus Kioviensis, inter stre-
pentia mox simul arma parum auditus,
nihil effecit. Campiductor verò Cali-
novius, quem Rex excubare in Chmelni-
cii conatus jusserat, cum Nieczajo, Bo-
huno Cosacorum Ductoribus, jam tum,
mediâ etiam hyeme, luctari incipit. Ne-
que enim ullam Polonorum manum pro-
pius accedere patiebatur Chmelnicus,
quin

quin eam ut hostilem mox persequeretur. 1651

Rex præludia belli jam videns, * tanto maiore curâ exercitum parat, simul quoq; omnem Equestrem Ordinem evocat. Progres paritè armati ad Regem confluunt, suam pleriq; manum proprio ære comparatam adducentes Venitur in campos Berestecia, oppido Lesciniano subiectos, & cum istic Rex junctum Cosacorum cum Tartaris universum robur, nec Chmelnicium tantum, sed & Chanum præsentem reperisset, tribus diebus istic pugnatur. Primâ prolusione præcipuè Georgii Lubomirscii & Alexandri Coniecpolscii virtus eluxit. Altera, multo nobilium sanguine cruenta, excitavit Regem, ut tertio die omnem exercitum scitè ordinatum duceret in hostem. Primi incursus gloria Duci Jeremiæ Visnovecio, & Stanislao Potocio, Podoliae tùm Palatino, cessit, & magnò quidem luctamine obnisi istic Cosaci, nostrorum tamen constantiâ aliis subinde atq; aliis suppetiis roboratâ fracti, loco deniq; cedere cœperunt. Media acies, quam Rex ipse ducebat, Tartaros, vi ma-

chinarum in fugam propulit, Chanū elabentem ipso etiam Chmielnicio comitante. Cū Tartari aufugissent, Cosacorum exercitus, quantumvis acie submotus, non procul tamen inde ad uligines constitit, & mox nocturno labore patientia castrorum, vallo circumdedit. Admotæ, quæ ad gradum stabile solum erat, cohortes Regiæ, ut intercluderent exitum, structisq; mox suggestibus, detonari cœptum est in obsessos. Illi longo obsidio impares, missis deprecatoribus pacem, non pari equidem studio, pari tamen sinceritatis specie oravere. Et plebs in quascunq; leges tum facile contentura videbatur. Sed nonnulli Ductores veriti, ne suis capitibus luerent peccata omnium, periculo se subducere meditabantur. Suspicio inde ac dissidentia primum, atq; mox levi occasione consternatio sparsa est in omnes. Ruere igitur cuncta, & per aggerem, mirâ solertiâ, ex coriis & omnis generis impedimentis, annonæ vehendæ causâ, tumultuariè pridem structum, magnò certamine fugere cœpere. Ac major sanè pars incolumis evasit. Cæteri aut uligine merfi,

merſi, aut gladio inſequentium cecidère.
Quoſdam in ſylvis abditos clementia Re-
gia ſervari juſſit. Inſtare poſtea Rex
fortunæ, & in ulterioreſſimam Ruſſiam ire
volebat. Sed interceſſit Ordo Eque-
ſtris, Ducibuſq; adeò proſequendi belli
negotium datum eſt. Qui lento quidem,
continuo tamen itinere velut ad reliqui-
as Coſacorum faciendas tendebant.
At interim Chmelnicuſ ex prælio nuper
elapſus, denuò plebem concitaverat Ruſ-
ſicam, conſtatilq; novis copiis Tartaros
iterùm advocat: nuſquam tamen pu-
gnandi copiam dare auſus, ſed morâ la-
ſa, res ſuas reficere quærens, ſiſuſq; locis,
in quibus omnia ſibi prona, adverſa Po-
loniſ ſciebat. Et percommoda ei acci-
dit mors Ducis Jeremiæ Viſnovecii Pa-
latini Ruſſiæ, quem maximè ſemper, nec
immeritò formidaverat. Hunc enim dùm
in Ukraïnâ juxta cum Ducibus pergit,
febris acuta tum abſtulit, magnum Reip.
decus ac præſidium. Is virtute bellicâ,
comitate ac beneficiâ apud pleroſq;
Nobilium ſummum amorem adeptus e-
rat. Sed eò acrior potentibus quibuſ-
dam obluctator, infeſtior ſuis incre-

mentis Aulam habuit, major omninò futurus, si minor esse potuisset. Postquam ad Borysthenem usq; processisset exercitus Polonus, Nicolao Potocio exercituum Duci sociare se properabat Dux Janussius Radzivillius, qui Lithvaniâ à Cosacis repurgatâ Kioviâ nupèr occupaverat. Junctisq; mox copiis majore dehinc vi ibatur in hostem. Sed bellicis progressibus pacis subindè consilia alii, atq; inprimis Adamus Kisielius Palatinus Kioviensis interponebat. Quæ Chmelnicio optatissima, nec à nostris Ducibus usquequaq; respuebantur, cum inprimis exercitum attererent morbi, ingruente jam autumnò haud dubiè gravius mox favituri. Ipsa tamen adhuc pacis etiam tentamina velitationibus interpellabantur; plebe Russicâ juxtà cum Tartaris multum obstrepente mitibus consiliis: quod illa inter arma vacationi operarum agrestium & licentiæ assveta, veterem in pace servitutem metueret; Tartari quoq; ditescendi ex prædis occasionem amissuros se putarent. Nihilominus saniorum & autoritate potiorum connisu pax tandem inita est, quâ inter alia,

ut vir armis exercitatissimus, eodem penè tempore & vitâ & bellô defungeretur, fortè etiam, ut instantibus maioribus malis aut præriperetur, aut locum faceret. In Aulâ quidem ortum Senatoris & Ministri itatûs cum conjuge dissidium in violentos aliquos ausus, & acres ausuum pœnas, tandemq; pulso in exilium marito, in summam Reipubl. noxam erupit: calamitate istâ tristi alicui incendio simili, quod in unâ primum domo natum, postea latè volantibus flammis, tecta plurima, atq; etiam urbes integras in cineres redigere consuevit. In Ukrainâ Calinovius, turmis militum Polonorum non paucis Borysthenem trajicere jussis, multitudinem Russicam illic irritavit, agrestibus istis agrè adhuc præsentiam exercitûs nostri, multò magis injurias & licentiam ferentibus. Chmelnicium quoq; structi in ipsum doli indicia à Publico quodam prodita, stimularant adversus Ducem. Interim tamen ille, irâ in vindictæ occasionem reconditâ, monet Polonos in castris apud Batovum hybernantes, ne quâ obicem transitoris Cosacis ponendo, vim provocent. Aderat
inter

inter alios tum rei tormentaria Magister
 Sigismundus Przyemscius, vir natalibus
 illustris, ingenio autem & multo apud ex-
 teros bellorum usu ad prudentiam & res
 agendas apprimè exercitus, & inde ad
 summa, si vixisset, iturus. Is periculi in-
 telligens, maturè hortatur Ducem, ut
 cum equitatu liberio rem campum ingre-
 diatur, ubi ceteros per hyberna disper-
 sos, & si opus, alia etiam subsidia colli-
 gere contra vim majorem posset. Se
 interim cum peditibus, firmatâ instru-
 ctâq; necessarijs omnibus statione, hosti
 incurfaturus tantisper negotium facessu-
 turum, donec auxilio Ducis sublevaretur.
*Sed cum extrema fato imminet, non nisi
 nocitura placere solent, bona consilia pro
 noxiis damnantur.* Transeunte cum co-
 pijs benè validis Timotheo, Chmelnicii
 filio, laceffuntur primùm pabulantes, &
 mutuis mox luctationibus excursorum
 proliciuntur Scythæ non pauci in vici-
 niam castrorum. Hæc verò latius exten-
 di jusserat Calinovius, ut locus etiam ad-
 venturis propediem, ut sperabat, turmis
 esset, quas sub ductu Volinovicii, Ma-
 chovii, Calinovii junioris ultra Bory-

athenam miserat. Sed his cunctantibus, prior hostis adfuit. Quæ jam imminente, dare campum equitibus, & castra deserui placuit, quod horum amplitudini defendendæ paucitas militum haud suffectura videbatur. Ea itaq; cum impedimentis hosti cessare: quiq; egressus erat miles, nullò cinctus munimentò, sagittis Scytharum undiquaq; patebat: equites inprimis, peditatui circumfusi præ aliis telis hostilibus erant obnoxii. Turbati mox Ordinibus ita ab equitatu & turbâ castrensi obsepti sunt pedites, ut nonnisi per latus suorum petere possent hostem. Crevit indè invasoris audacia, nostris consternatio. Irruentibus illis hi implexi inter se, penè nec movebantur. Protinus igitur, & jam nemine penè impediante, rapi capere. Et cæsis primò furore obviiis quibusq;, reliquis non libertatis quidem, sed vitæ tamen spes relinqui videbatur. Verùm postea luce per universa Scytharum castra horrendi carminis mandatum sonuit, universim omnes trucidandos captivos. Periiit ibi vetus militiæ & antiquis meritis opibusq; splendidus, sed infelix Dux Caligula.

Calinovius, periit Przyemscius, periit Marcus Sobiescius Cracoviensis Castellanides, qui erectissimâ indole, & magnis virtutis speciminibus datis ingens decus pollicebatur Reipubl.; periêre simul multi alii insignes viri, imò omne, quod Reipubl. tum supererat, veteranæ militiæ robur. Paucissimi sub primordia conflictûs elapsi. Coricius ex præcipuis equitum ductoribus in castra hostilia cum aliis deductus, faventiorê fortunam sensit. Eum enim primæ notæ Tartarus, contractæ antehac in Tauricâ familiaritatis memor, nunc agnitum summâ sollicitudine periculo, quod cæteros abstulit, exemit. Par quoq; fatum Christophorum Grodzicium servavit, qui deindè ab Hilario monacho Carmelitâ ex vinculis Scythi-
cis redemptus, in locum præclari illius Przyemscii successit, & insigni erga patriam fide rebusq; gestis Senatoriam tandem dignitatem obtinuit. Sed antequam hæc ad Hypanim fierent, domi etiam gravem Respubl. labem acceperat, Comitibus per discordias citra ullum bonum effectum dissolutis, frustrâ cum aliis obnitente magno in Reipubl. & scriptis
etiam

etiam celeberrimo viro Maximiliano Fredro Nunciorum præside. Ideò alia indici oportuit, in quibus Ordinis Equestris direttore Sielscio Præfeto Stęficiensi de novo exercitu conficiendo deliberatum. Non multò post obiit Regni Primas Matthias Lubienscius, qui vir recti semper consilii, suavissimæ pietatis indole, animò tranquillò, corpore & iudicio integer ad grande senium pervenerat. Ei successor designatus Andreas Comes de Lesno, hætenus Episcopus Culmensis & Cancellarius, locum aperuit Stanislaò Coricinio Præfeto Oswiecimensi ad majus sigillum, ad minus Andræ Trzebicio, cujus acre & perpolitum ingenium tum vigilem fidemq; operam in maximis negotiis Rex jamdudum erat expertus.

Sed munerum istorum promulgatio pro more Regni in proximis demùm Comitibus facta. * Quæ exeunte hyeme habita sunt; nuncios Palatinatum moderante summi ingenii viro Christophoro Pacio M. Ducis Lithvaniæ tum Vexillifero, post M. Cancellario. In Ukrai-

nā verò interim excubabat pro Republica
Stanislaus Potocius Palatinus Podoliae
post acceptum de eade Calinovii nunci-
um adeptus regimen exercituum Regni.
Ad quem deindè Regi etiam ipsi, colle-
ctis ex Comitiali decreto copiis, tendere
visum est, evocante, inprimis ipsum famā
novorum motuum, qui in Valachia tūm
surrexerant. Istic enim Basilium Lupuli
principatu dejectum ibant duo vicini Pa-
latini Transylvanus & Moldavus, æmuli
potentiæ, & nunc Chmelnicianā affini-
tate nixum suspectantes. Ac consiliis su-
is faventem habuere Stephanum, Basilii
Cancellarium. Qui pravo ambitu in Do-
minum rebellis, tali tamen lenocinio au-
xilia vicinorum excivit, quòd in Basilio
Cosacica simul potentia premi videbatur.
Undè adeo Regia quoq; arma sociavit su-
is. Sed omnis belli istius vis intra So-
czaviam stetit, primariam Valachia ar-
cem. In quam profuga Basilii uxor, the-
sauros simul deportarat. Ea ibi à Ste-
phano, necnon duorum vicinorum Prin-
cipum, Regiis denique copiis, ductore
Conradscio obsessa, defendebatur à Ti-
motheo genero suo, filio Chmelnicii.

Sed

Sed hunc rota tormento ista fragmen-
tum neci, Soczaviam verò praesidii Co-
sacici quod jam capite careret, desperatio
obsessoribus tradidit. Qui cum Rege e-
rat exercitus, tarda causatus stipendia,
segniter & lentè tum Imperia audivit,
morâq; postea ad penuriam reductus est.
Laborantibus supervenit Chanus, Tartar-
is & Cosacis comitatus, nec contentus
ad Zvanecium comineatum copiis Regi-
is interceptisse, longè latèque populatur
provincias circumjectas. Tandemque
amicitiam cum Rege veterum stipendio-
rum & auxilii mutui stipulatione pacisci-
tur. Hoc pretium anni hujus expeditio
tulit, cum Respubl. multò majus speras-
set. Sed atrociora longè parabat fortuna.
Primùm enim Comititia * inter mul-
tas Senatorum civiumq; offensas diffu-
unt, grandes inprimis difficultates mo-
vente Lithvanici exercitûs supremo re-
gimine, quod tum vacuum Dux Janussi-
us Radzivillius suis meritis deberi per-
tendebat. Contranitebantur alii, qui
Principem supra civilia eminere visum,
majore

majore potentiâ armare verebantur. In
 Russiâ verò Cosaci, Tartaros fortunæ
 suæ hætenus autores & vindices, cum Re-
 ge vetus amicitie fœdus renovâsse con-
 spicati, alia sibi munimenta dispiciunt.
 Quæsitumq; diu Moscorum patrocini-
 um, nunc demùm, pertentatis diu utrin-
 que animis, suscipiunt: Moscô antehac
 rebelles contra amicum adhuc Regem
 tueri dedignato, nunc lubenter suscipi-
 ente supplices, quia istô Cosacorum ad
 se accessu veterum cladium maculas eluë-
 re, & damna sarcire se posse sperabat. Et
 hæc utilitatis illecebra ad rumpendam a-
 micitiæ fidem Aulæ huic suffecit. Quan-
 quam Dux ille alias Polonorum injurias
 obtendebat, titulos inprimis aliquos,
 quos à Proceribus quibusdam Polonis si-
 bi negatos jamdudùm questus erat. Neq;
 Respubl. quicquam eorum, quæ ad ho-
 norem Principis illius facere viderentur,
 omisit. Sed occasionem res suas augen-
 di naçto, inania etiam in prætextum bel-
 li placuerunt. Rex novum fessæ Reip.
 ingruere hostem videns, Comititia denuò
 habet. * In quibus nuncios terrestres
 mode-

moderante Christophoro Grzymultovio Succamerario tùm Calissienſi, poſtea Caſtellano Poſnaniienſi, tributa ſciſcuntur, & exercitus ad 36 millia militum augeri jubetur. Dux Januſſius Radzivillius Lithvanicæ militiæ regimen, ſed ſimul mox Collegam accipit, Vincentium Gonſievium, qui cum theſauri ſimul Lithvanici gereret curam, hoc nervo rerum Ducis majori interdum gravis, ſemper æmulus eſſe viſus eſt. Glifcentesq; inter hos ſimultates plurimùm Reipubl. obſuere: *re omnibus ſeculis teſtatiſſima, malè certari in hoſtem, ubi qui bella regunt, mutuè inter ſe odiu, negotium quodammodò hoſtis agunt.* Hic utiq; Moſchus validiſſimò exercitu Lithvaniam ingreſſus, diu nullum obicem reperit, copiis Lithvaniarum minoribus, quàm ut opponi tantæ potentiæ poſſent, quæq; erant, in diverſa Ducibus trahebantur. Ita hoſtis Polociam, Drohobuſcum, Mſciſlaviam, Vitepſkum, Mohiloviam nullo negotio cepit. Smolenſcum quoq; aliquamdiu obſeſſum, opinione omnium citiùs deditur obſeſſori, atq; ita perit cum validiſſimâ Urbe provincia ampliſſima, tanto moli.

molimine à Sigismundo & Vladislao Regib⁹ olim recuperata, defenſa & tot territoriis eidem Mosco ereptis, aucta. Rex de Lithvaniâ liberandâ Grodnæ deliberat, & auxilio cophortes prætorias Ductore Fromondo de Ludingshausen Wolffio veteri Tribuno eodemq; rei armentariæ præfecto submittit. Obsidetur Mohilovia, sed inani conatu. Majora ex Regno subsidia desiderabantur, commeantibus eâ in re gravibus Procerum Lithvanicorum & inprimis suspecti ibi Ducis exercituum literis, nec minùs acribus in illum Primatis Andreæ Lescinii responsis. Regni exercitus in Ukrainâ attinebatur, navabantq; istuc eo ipso bonam adversus Moscos operam, cum Cosacos refrænarent, qui alioquin missis Mosco, Patrono tùm suo, suppetiis, res Lithvaniæ magis turbassent. Et recuperavêre tùm Regni Duces Bussam, aliaq; loca, adscitisq; Tartaris, quorum nuper Chanus cum Rege fœdus mutuo juramento firmaverat, obstacula, quâ poterant, Cosacis Moscicisq; progressibus, posuêre. Inter hæc vitâ exceilit Chanus Islan Geraius, magna Poloniæ, dùm Cosacis patrocina-

atrocigaretur, perniciēs, postremò Polo-
 niā reconciliatus, belliq; socius eidem
 & auxiliator, cum Cosacus, Moschorum
 dominio innexus, non minùs damnum
 Tartaris, quàm Polonia, minaretur. Et
 hæc cum Rege amicitia Chano etiam su-
 perstes mansit. Nam Successor ejus, sub-
 indè postea laborantibus rebus, nostris
 succurrit: eò gratior Regi amicus, quod
 nunquam hostibus Polonia sociatus, nul-
 las, ut decessor fecerat, à se illatas injuri-
 as, ope præstitâ expiandas habuit, & ma-
 num eo maximè tempore porrexit Regi
 Regnoq;, quo totus Septentrio in perni-
 ciem Poloniae conspiraverat, cum deniq;
 nemo propemodùm afflictam sublevare
 auderet: Deo per sacræ fidei expertes po-
 pulos ruborem incutiente Christianis,
 qui mutuis odiis, bellisq; profanæ bar-
 bariae tum potentiam augment, tum opem
 ejusdem mutuo sibi faciunt neces-
 sariam.

— 000 ? 000 —

— 000 —

Λ

FLORI
POLONICI

LIBER VII.

Verùm cum non modicas Reipubl.
Polonæ calamitates libris superio-
ribus memoraverim, futuras tamē
si spectes, quæcunq; illa hætenus
pertulit, nonnisi præludia fuerāt majorū.
Nimirum flumina malorū quodammo-
dò ripis suis effusa huc usq; pauperiem hic
hic fecisse; nunc collectis ubiq; torren-
tibus totum undiquaq; Regnum inunda-
ri dixeris; ac jam mare ipsū quoq; flu-
ctus suos in intima terræ illius viscera in-
fundere. Nec vando colore mare jam no-
minamus. Quos enim hætenus Polonia
experta est hostes, eos nonnisi terræ po-
tentes, præcipuos etiam ipsa sibi infelix
mater in malum suum se progenuisse sen-
sit. Nunc stratâ per illos viâ, & apertâ
velut ostiô, transmarinæ etiam gentes,
ceu declivi solò sese injiciunt. Bellum
Suecicum innuo, quod ut omnium tri-
stissimum funestissimumq;, nunc tangere
verius,

verius, quàm curatè describere aggredi-
or. Exacta enim ejus historia implebit
librum peculiarem: & præter me non u-
nus argumento huic, gravi sanè & tra-
ctatu aspero, admovit manum, vel admo-
vebit. Primum autem belli originem
aperiam. Ingens super hæreditate Re-
gni Suecici inter Sigisfinundum Regem
& Carolum patrum ipsius, controver-
sia olim orta, & dein armis diu discepta-
ta, sumptâ per inducias respiratione,
ultra mortē utriusq; ad posteros transiit.
Vladislaus Rex Sigismundi filius & suc-
cessor, juris paterni hæreditatem titulo
semper professus, belli inducias proroga-
vit, & postea fato abreptus, rem integrā
ad fratrem Joannem Casimirum transmi-
sit. Inter hunc & Christinam Gustavi
M. filiam illibata armorum quies man-
sit. Et horum Principum auspiciis de
pace perpetuâ agi cœptum est, misitq; Po-
lonia eo fine bis Lubecam Joannem Co-
mitem de Lesno, & Sbigneum Goraisci-
um, insignem utrumq; Regni Senatorem.
Misit & Suecia suos. Sed stetit uterq; co-
natus intra disputationes de titulis Re-
gum, & præliminaria, quæ vocant. In-

tereà Christina sceptrum avitum, & post
ingentia ditionum accrementa opimâ
etiam pace felix, Consobрино suo Carolo
Gustavo, Principi Bipontino, sponte tra-
didit. Seu ut animum supra sceptrâ emi-
nentem ostenderet, seu quod majorem
ad Divinæ Sapientiæ studia libertatem
vestigaret. Europa, nondum in aperto
exstantibus, quæ magnam Principem a-
gitavêre, stimulationibus, magnopere
admirata est cœptum seculo inauditum,
nec antehac nisi paucissimis, & ferè tali-
bus usurpatum, quibus fessæ ætatis, &
molesti regiminis fastidia fecerant desi-
derium quietis. Ista Princeps in ipso &
ætatis & fortunæ flore magnitudine se
suâ exuit. Cæterum Poloniæ multum
noxia hæc abdicatio fuit. Cum novo
enim Sveciæ Rege novæ mox natæ sunt
lites, & atrocissimum deniq; bellū. Nam
quod in Sueciâ Internuncius Regis Po-
loniæ Canafilius gente Gallus inaugura-
tioni Caroli Gustavi reclamâssset, etsi id
in sciō Senatu & Republ. Polonâ factum
videretur, violata tamen eō-ipsō inducia-
rū pacta dicebantur. Classis præterea pro
Poloniæ Rege conficiendæ mentionem
in

in Hollandiâ & alibi fecerat quidam Regia negotia apud foederatos Belgii Ordines agens; non quod ullum eâ de re mandatum à Republ. Polonâ haberet, sine cujus tamen scitu & consensu ardua istiusmodi non habentur rata; sed quod naves ejusmodi ex usu Reipublicæ fore, sibi & aliis persuaserat, talibus imprimis, quæ hæc, ut pactis adversa, à Suecis, in causam belli raptum iri, minimè erant arbitrati. Regi ipsi utiq; & Reip. fide pactorum servantâ nihil erat antiquius. Nec sana profectò ratio sva-debat, plura arcescere bella Regno, inter tot hostes jam distracto fatigatoque. Testando insuper animo benevolo, pacisq; studio, missus hõc tempore in Sueciam est ex intimis Aulæ familiaribus Andreas Morstinius tùm Dapifer Cracoviensis, postea Regni Referendarius, & tandem jam supremus ærarii Præfatus.

* Sed quod in fronte literarum Regiarum quas fidei conciliandæ exhibuerat delegatus, titulo Regis Sueciæ duâ notæ abbreviationis (&c &c) non tres appositæ, in fine porrò earundem literarum,

NON

non Regni, sed Regnorum Joannis Casimiri annus adscriptus erat, id ita Holmiæ acceptum est, ac si Rex Poloniæ juri novi Regis Sveciæ detractum iret; & quasi idem Rex noster in Sueciam etiam scribens, titulô Regis Svetici, contra pacta Stumdsdorffianæ conventionis uteretur. Quæ res etsi minoris momenti esse videri possit, quia tamen inter prætensas belli sequentis causas Principem penè locum obtinuit, curatiùs hîc exponenda videtur.

Cum anno 1635 inter Vladislaum Poloniæ Regem & Christinam Sveciæ Reginam induciæ annorum 26 fuissent initæ, aliquandiu illic circa titulos pactorû instrumentis præfigendos disceptatum est, quia Sueci volebant in illis pactis Vladislaum vocari Regem hæreditarium Suecorum, quô alioquin titulô Rex ille uti solebat. Litem istam finire tandem placuit factâ utrinq; titulorum Regalium abbreviatione, ita ut postquam Vladislao Regi datum esset nomen Regis Poloniæ, Magni Ducis Lithvaniæ, reliqua quæ addi cæteroquin moris erat, nonnisi triplici etcæteratione (ut vulgò dici solet) appositâ

positâ innuerentur. Similiter triplex
 etcæteratio addebatur Christinæ, post-
 quam Regina Sueciæ, Magna Dux Fin-
 landiæ nuncupata esset. Tales tituli pa-
 etis inscripti, & typis editi sunt. Rex
 deinde Casimirus, si quando Christinam
 Reginam Sueciæ compellaret literis, eas
 linguâ Gallicâ scribebat, atq; etiam Gal-
 lico more compendifacere solebat titu-
 los. Postquam Carolo Gustavo Christi-
 na tradidisset sceptrum Sueciæ, ille lite-
 ris ad Johannem Casimirum exaratis, tres
 illas &cæterationes adjecit; idq; vicissim
 à Joanne Casimiro in responsum obser-
 vatum est. Sed cum postea amicitia æ
 pacis stabilientiæ causâ mitteretur Able-
 gatus, in literis fidei duæ tantum &cæte-
 rationes titulo Regis Sueciæ fuerunt ad-
 jectæ, errore scribæ, qui malè correctum
 exemplar pastorum Stumndorfianorum
 in curiâ quâdam erat secutus. Scienter
 studiove offendendi id ~~hanc~~ fuisse com-
 missum nemo credere possit, qui nove-
 rit, minimè tum è re fuisse Poloniæ bello
 Moscovitico & Cosacico implicita, plu-
 res sibi inimicitias quocunq; modò at-
 trahere. Ea tum res adeò offendit no-
 vum

vum Sueciæ Regem, ut nec Ablegatus, nec literas, etiam errore correcto, admitterit. Postquam enim Ablegatus citatissimis itineribus Aulæ Polonæ causam negatæ admissionis significasset, aliæ sine morâ literæ submissæ sunt, in quibus tres & cæterationes expressæ, & in calce illud *Regnorum nostrorum*, quo pariter offensa erat Suecia, mutatum fuit. Sed pro-
nō in bellum Caroli Gustavi animo, inter alias etiam hæc levissima excusatio sufficiebat, nec ulla mutatio mutavit Poloniæ invadendæ cupidinem. Quam immotam ei sedisse, ex ipsis quoq; patuit sollicitationibus, quibus Electorem Brandeburg. ad societatem belli concitare dudum studuerat.

Rex Poloniæ cum in Sueciam expediret Morstinium, per eum ipsum Majoris Legati adventum eidem Suecorum Regi promitti jusserat. Et destinatus jam pridem illuc erat Sbigneus Goraiscius, Castellanus Kioviensis, vir spectatissimæ ad ardua agenda dexteritatis. Sed eum ob valetudinem, & alia obstacula, cunctantem subita ab apoplexiâ sideratio abstulit. Interim venit Varfaviani

res Poloniæ exploraturus Kochius, hæc-
nus res Suecorum Gedani agere solitus.
Qui cum literas ad Senatum Polonorum
scriptas Primati Regni Andreæ Comiti
Lescinio porrexisset, responsum tulit
plenum benevolentię affectûsq; pronissi-
mi non ad inducias solum integerrimè
servandas, sed & ad pacem pangendam
perpetuam. Quin simul ac luctuosa mors
Goraiscii innotuit, designatus mox sum-
mæ autoritatis Senator Joannes Comes
de Lesno Palatinus tum Lenciciensis, ut
in Sueciam cum plenissimâ pacem tra-
dandi potestate, autoritate Comitiorum,
quæ XIX. Maji Rex habuit, confirmatâ,
proscisceretur. Additus eidem ex Lith-
vanici Statûs ministris Collega Daniel
Narussevicius, postea sigilli Minoris
Lithvanici, uti & Comes Lescinius Polo-
nici, curam adeptus. Ivit simul Regni
Vice-Instigator Joannes Tonski vir ma-
gnæ & prudentiæ & facundiæ Legatoni
à Secretis. Inter arcanorû conscios etiam
hujus historiæ autorè Comes Lescinius ex
consilio Primatis & aliorum adsciverat.
Holmiam Legati venère ineunte Julio
sub ipsum prope finem Comitiorum Sve-
tico-

ticorum, in quibus bellum adversus Poloniam jam erat decretum. Parum igitur tempestivum videbatur de pace istic agere. Nihilominus consensum utrinque est, ut aliqua fierent tentamina, ne Legati prorsus irritum iter tantum sumptu suscepisse viderentur. Atque ut tempori parceretur, convenit inter partes, ut citra solennitatum praeliminarium ambages, ad ipsa negotii capita accederetur. Venere itaque ad Legatos nostros Comes Ericus Oxenstiernius Cancellarius, Comes Magnus de la Garde tum Thesaurarius, Gustavus Bielke Regni Senator, Laurentius Cantersteinius Secretarius Statuum. In primo congressu Cancellarius Sueticus pauca honori & benevolentiae testandae causa praefatus edisserere coepit omnia, quibus fides induciarum ex parte Polonae rupta esse judicaretur. Primum irruptiones violentae a Bothio & Crocovio Duxtoribus militiae, in ditiones Sueticas olim factae objiciebantur, item inimica aliqua machinamenta in Oesaliâ Insula, ad haec consilia cum Ordinibus Belgii foederati de classe paranda inita, denique, usurpatus a Rege Poloniae Regni Suetici titulus.

lus. Ad singula Comes Lescinius Palatinus Lenciciensis breviter reposuit: *Primum* Rothius, si quid aliquando tentaverit, factum id esse inscio & inconsulto Senatu Polono, ejusdemq; ut fidejussoris interventu omnem illam Bothianam fabricam in herbâ oppressam. *Krocovium* eo tempore, quo per Polonia fines Pomeraniam invaserit, *Cesari Germanico* militasse. *Transitum* verò ejus Polonia prorsus fuisse inopinatum. *Ac* pactis equidem *Stumdorfianis* cautum olim esse, ut neutra pars hosti alterius auxilietur, sed neutri tamen injunctum, exercitum perpetuò dare, qui ad quævis vicinorum molimina excubaret, subitaq; ejusmodi irruptiones transiitionesq; prohiberet. Si transgressus tales in causam belli trahere liceat, habiturum etiam Imperatorem, quod Polonia objiceret, cum quo initis olim pactis similiter cautum sit, ne pars alterutra hostes alterius juvet. At transisse per Poloniam *Majorem Banieri Ducis Suetici* conjugem mille ducentis militibus comitatam. Omnes hos nihil hostile in Poloniâ expertos, ab aliquibus etiam comiter habitos esse. *Cesarem* tamen nunquam eo nomine de Polonis quæsum,

sum, multò minùs pactorum violationem
 iis objectasse. De Oesaliâ quod oggeratur,
 prorsus inauditum sibi antebac: neq; adeò
 rem, quæ aut nulla sit, aut adeò obscura,
 ut & præcipuorum Regni Senatorum noti-
 tiam effugerit, in causam belli sufficere.
 Cum Ordinibus fæderatis, si quid unquam
 agi ceptum est, id à Regni Ordinibus nun-
 quam approbatum, adeoq; irritum fuisse:
 Quæ autem Polonia Regno imputare quis
 velit, ea Rege & Senatu autore, ab Ordine
 Equestri iussa esse oportere. Secus enim
 in hoc Regno nihil ratum haberi. Cate-
 rùm quod Rex Polonia jus & titulum ad
 Regnum Suecia sibi vendicet, id nec mi-
 rum, nec vitio vertendum esse, cum naturâ
 omnibus mortalibus insitum sit, eò non li-
 benter cedere, quod sibi deberi videatur.
 Præcipuè autem de titulis non adeò esse la-
 borandum. Reges etiam alios, etsi Regno-
 rum suorum & autoritatis pertinaces, cir-
 ca hæc inania haud-quaquam esse difficiles.
 Titulum Franciæ à Regibus Anglicis usur-
 pari, Galliâ ideò bellum non movente. Re-
 gni Gothorum & Vandalorum titulum tam
 Daniam, quàm Sueciam sibi vindicare, sal-
 vâ tamen utriusq; Regni pace. Henricum

Valesium non Galliarum modò, sed & Polonia se Regem vocari voluisse, etiam cum Polonia alium jam Regem haberet. Polonos tamen inane hoc nominis blandimentum illi haud quaquam invidisse. Regem Poloniae, Dominum suum, longè validius ad Regnum paternum sibi ius esse arbitrari, & tamen, cum re ipsa id non possideat, nominis saltem honorem non agrè illi permitteri posse. Ceterùm his quae nonnihil acerbitatis forsitan habeant, omissis ad ipsam negotii quasi arcem sibi accedendum videri. Et si Legati partim de his sine mutua offensa metui agere non posse putentur, Mediatorem adhibendum, qui rerum tractandarum asperitatem verborum mollitie castigaturus sit. Cancellarius Sveticus respondit: Non esse nunc de his, quae mutuò animos exulcerare possint, operosius disputandum, sed missa obiectorum responsionemq; reciprocatione, ad ipsum, quem Legati habent, scapum accedendum. Et fieri id optimè posse citra Mediatorem. Ejus enim interventu multum temporis perdi, cujus angustia, Rege abitu minante, omnia compendia querere jubeat. Moderati autem animi ea utrinq; jam data specimina, ut
militare

mitiore modo agere negotium nec Mediator
 fortasse possit. Cum hoc dixisset Comes
 Oxenstiernius, visus est expectare, ut fi-
 dentius tandem Legati exponerent desi-
 deria sua, ob quæ venissent. Illis non-
 dum penitus è re esse videbatur animum
 nudare. Non abstinuere tamen, quin
 innuerent armorum Sveticorum socia-
 tem contra Moschos gratam Poloniae, Sue-
 ciae ipsi non inutilem fore. Notas esse gen-
 tis istius injurias, & quid ab illâ polliceri si-
 bi Suecia debeat, p[re]lex bello Lithuaniae præ-
 ter ullum fas illato, tractisq[ue] ad obsequium
 suum subditis Regni Cosacis disci posse. Ho-
 stem istum amplissimis ditionibus & immen-
 sò hominum numero pariterq[ue] opibus polle-
 re, & nihil non in alios etiam ausurum, si
 quod fata prohibeant, sinistris Poloniae suc-
 cessibus potentiam auxerit. Cancellarius
 Sveticus, etsi Legatos nostros nondum
 penitus sensa animi sui detexisse perspice-
 ret, ea tamen, quæ dicta essent, ad Regem
 sibi & Collegis suis referenda dixit. Po-
 stridie Rex Sueciae cum Senatoribus Re-
 gni sui habuit consilium, in quo quid
 constitutum sit, effectus postea explicuit.
 Exin verò iterum iterumq[ue] iidem illi Sue-

ciz proceres cum Legatis nostris, de præcipuis capitibus, jure inprimis, quod Rex Poloniæ in Sveciam, Polonia in Livoniam habere se asserat, utrinq; multâ cum curâ, citra tamē verborum acrimoniam, agitatū est. Et ita procedebat negotium, ut & animis odiū, & odiis ansa magis magisq; detrahi videretur. Nec dubitabant Legati nostri, paucis diebus magnum quid effici potuisse, si Rex ad bellum quā pacem paratior, aliquam moram itineri suo injici sustinuisset. Verū is eundi certus, apertè testabatur, suam apud exercitus præsentiam omninò requiri. Interim tamen vel inter arma etiam de pace acturum se, si Legatis secum in Pomeraniam ire luberet. Legati negabant se injussu Regis & Reipubl: suæ sequi posse Principem, arma Poloniæ jam inferentem. Interim ne & pacis negotiationem aspernari viderentur, consenserunt, ut mense sequenti rediretur ad capta pacificationis tentamina: simul ingeminantes, rem æquam facturum armatum Regem, si saltem eo usq; destinata bellica differret. *Melius sub clypeo induciarum, quā inter siccōs gladios de pace*

agi posse. Sed Regi adeò belli amor se-
debat, ut nulla penè celeritas festinanti
satisfaceret. Reigitur aliò rejectâ, Rex
cum classe multò milite & impedimentis
gravidâ in Germaniam, Legati verò Ge-
danum suis, quibus venerant, navibus,
cum Rex adornatissimam frustrâ iis obtu-
lisset, contendere.

Cæterùm à Rege Sveciæ præmissus jam
erat Wittebergius cum multis millibus
armatorum in Pomeraniam, quos dein
ordinatos auctosq; rectâ in Majorem Po-
loniam duxit, mirificâ, non inani spe,
omnia istic prona sibi pollicitus. Et le-
vi ad Notesium amnem paludosum dimi-
catione mota sunt prima provinciæ capi-
ta, ut sese, & amplissimos duos Palatina-
tûs protectioni Sveciæ, scriptis certis le-
gibus submitterent; Equitatu, quem ad
defensionem conduxerant, ex ordine No-
bilibium conflato, qui pedestribus copiis
junctus, bonas operas edere potuit, so-
lus verò Sveciæ militiæ robur non diu
sustinuit. Pedites autem ex certis Reip.
agris conscripti, & modici numero, & re-
bus ad bellum necessariis malè instructi
erant. Nimirùm spes pacis per Legatos

in Sueciâ protrahendæ plerosq; hîc & alibi securos reddiderat; nec nisi pacem, ipsâ hâc armorum ostentatione à Suecis quæri, subdoli aliqui persuasum iverant populo. Æmulatio porrò inter præcipuos Poloniæ Magnates, tum & inter ipsos belli Duces simultates, jamdudùm istic consilia publica, & nunc apparatus belli, progressumq; rerum turbabant. Nec leves quorundam Principum contra Aulam offensæ intervenerant. Unde & oblatas ab Electore Brandenburgico in Noteti præsidium cohortes, alii censuerant suscipiendas, alii ut suspectas spreverant. Deniq; cum ubiq; omnia in Regno laborare viderentur, desperatio subiit, & ultro creditum quibusdam, cæteris persuasum est, satius esse maturè amplecti protectorem Regem, quàm victori postea legibus iniquissimis subiecti. Aderant scitò talium suggestores, ambitus aut vindictæ cupidine flagrantes. Cæterùm omnia hæc cum in Pomeraniâ audiret Rex Sueciæ, tantis fortunæ auspiciis lætus, eo magis sibi approperandum censuit, ut præsentia suâ inclinatas Poloniæ res impelleret. Alterumq; adeò exercitum nuper

ex navibus in terram expositum, non lentò agnune, aliò tamen, quàm quò Wittebergius irruperat, itinere, in viscera Regni duxit; & mox accessione Wittebergii ad Colum oppidum factà, persequi cepit Regem cognatum. Hic inopinatà celeritate istà, quà imminere sibi jam sentiebat Regem, quem nondum hostem esse crediderat, nec minùs defectione Majoris Poloniæ perculsus, sistere ruentem, quà paciscendo, quà armis, nitebatur. Et contraxerat ex proximis Palatinatibus non exiguam Nobilium manum, cui ex veteranis & pratoriis inprimis cohortibus tria admodum millia robur addiderant. Nam ordinarii Reipubl. exercitus cum Ducibus alibi detinebantur: Cosacis in Russià, Leopoli, Moschis Lithvaniæ Metropoli imminentibus. Hi singuli minimùm sexaginta millia pugnatorum ducebant in Polonos: & totidem millibus, quoties vellent, augere poterant exercitùs suos. Nunc Sueciæ Rex minorem quidem, sed compositiorem invehebat exercitum, & spe ambituq; immensò incensus, cor ac caput ipsum Poloniæ Varsaviam & hinc Cracoviam petebat.

ebat. Ac primæ felicitatis blanditiis
 augeſcebat indies exercitus Sveticus. Ac-
 cingebantur pariter Poloni in Palatina-
 tibus quîq; ſuis, & aliqui, ut memoravi,
 ad Regem apud Loviciam caſtra figentem
 acceſſerant, ſed ſparſim & tumultuariè
 magis, quàm ut in juſtam mox aciem e-
 duci poſſe viderentur, præſertim in ho-
 ſtem apparatusſimè inſtructum. Hunc
 igitur pacificis conditionibus mollire,
 curſumq; rerum hoſtilium utcunq; retar-
 dare cupiens Joannes Caſimirus, natali-
 bus & militiâ ſpectatiſſimum in Republ.
 Virum miſit, qui tali oratione Carolum
 Guſtavum allocutus eſt: *Mirari ſatis non
 potuit Sereniſſimus Rex ac Dominus meus
 Clementiſſimus Johannes Caſimirus & Se-
 natus Regni accepto primo nuncio, intrâſ-
 ſe exercitum Majeſtatis Tue Duce Witten-
 bergio fines Regni ſui, tum verò ſupere ma-
 gis cepit, cum & perſonam Regiæ Majeſta-
 tis Tue alio exercitu ſtipatam veniſſe intel-
 lexit. Me igitur tam Sereniſſimus Rex
 meus, quàm & Senatus ad Tuam Majeſta-
 tem ablegare voluerunt, ſcire cupientes,
 quis ille ſit affectûs & animi impetus, qui
 Majeſtatem Tuam eo uſq; impulerit. Ve-*
 hemē-

bementem enim esse oportet, qui nullis bu-
usq; modis, nullis de pace tractatibus, nullis
Legationibus in Sueciam missis, nec sacris
fœderum & induciarum vinculis cohiberi
potuit. Ad iram & indignationem non
satis causæ videmus. Quod enim tantum
fâcinus vel Reges nostri, vel Respubl. com-
miserunt, ut tam inexpectatâ ultione illud
vindicare Majestas Tua in animum indu-
xerit. Nos, Deo teste, nihil tale scimus,
inducias semel factas sanctissimè semper co-
luimus. Suecis in Germaniâ bellum geren-
tibus, licet multoties in societate belli con-
tra ipsos, rebus nostris florentibus, invita-
remur, nunquam publicè nocere volumus.
Antiquior enim nobis semper fuit fides,
quàm utilitas. Quod si privati aliqui re-
bus Cæsaris favebant, multi etiam fuerunt,
qui Suecis operam suam navarent. Tot
Borussi, Livones, Curlandi Regni Poloniae
subditi, tum & ipsi Poloni, nemine prohi-
bente, in castris vestris militarunt. Testis
vel Frater meus Germanus benè Majestati
Tuae notus, & jam tristi hoc bello nostro nu-
per à Barbaris extinctus, vel ego ipse, qui
non tantum sub signis Gustavi illius Magni,
Avunculi Majestatis Tuae tyrocinia mea
exer-

exercui, sed non ita pridem etiam Gallia
Regi, Regi Sueciae Confederato, non con-
cinnendam Polonorum manum ad expu-
gnationem Dückerkanam adduxi, nec in-
utilem, ut credo, per triennium operā pra-
stiti. Cancellariae etiam errores, vel alia
minutiora non tantis fuere, ut armis vindi-
cari deberent. Est igitur aliquid aliud.
Dicerem esse cupiditatem divitiarum. Sed
scimus hoc animi vitium longè à naturā
Majestatis Tuae abesse: Et Regno tam mise-
ro à tot hostibus conjuratis lacerato vassa-
toq; quid jam amplius extorqueri potest?
Obtenuum est, ex quo Regnum bellis atro-
cissimis affligitur, Et quot anni, tot ferè cla-
des numerata, tot exercitus vel caesi vel dis-
sipati, totq; iterum reparati. Quod tandem
est Imperium, quod tantis calamitatibus
non succumberet? quales thesauri, qui
non exhaurirentur? Intrasti, Rex poten-
tissime, provinciam ceteris opimiorē, ma-
jorem nempe Poloniam, illam ab incommo-
dis belli remotiorem felicioremq; ceteris.
Nonne tamen hic incolarum pauperiem vi-
des? nonne indè de aliis longinquioribus,
sed quae mala belli propius senserunt, vel ad
huc sentiunt, judicas? Nullae hic Urbes o-
pulen-

fulenta, non mercatores divites, non aurum
& argenti fodina; divitiae nostra annui
fructus sunt, & pecora campi, quae omnia
si ab exercitibus tam Majestatis Tuae, quam
nostris consumentur, agricultura cessabit,
nec ulla unquam tributa speranda: imò
metuendum ne & nobis, & exercitibus Tuis
fame perevndum sit: Non satis igitur cau-
sa habes ad iram, sed nec irritamenta ad
cupiditatem. Suspiciari cogimur, Maje-
statem Tuam aliis stimulis adactam, ut no-
bis bellum inferret, famam nempe & gloriam,
vanissimis ingenii humani oblectamentis.
Sed quae haec gloria? dum nos cum tot ho-
stibus immanissimis pro salute & vita nostra
decertamus, Tu, Rex potentissime, ultrò
& improvisò nos armis invadere sustines?
Si gloriam vis veram, quare? Vera au-
tem erit, si aliena non expetes, suum cuique
tribues. Plura tum quoque addidit verti-
gine illarum rerum & necessitate publicâ ex-
cusata, hosti conducibilia, si animo &
fortuna suarum frangere imponere scivisset.
Rex Sueciae, quae pro tempore esse vide-
bantur, respondit: & mox literas simul
dedit, quibus Regi Poloniae omnes pacis
mature tractandae occasiones ex-
pro-

probrabat: simul tamen innuens, neque
nunc ad pacta, sed qualia præsens rerum
status posceret, difficilem se fore. Desi-
gnandum locum, mittendos Legatos, o-
mnibus necessariis rectè instructos. Sed
undiq; patebat, non placere ipsi tracta-
tum pacis, qualem res Poloniæ require-
bant celerem æquumq;. Lentum is qua-
rebat, in quo pro successu rerum adduce-
re & laxare consilia pacis posset. Interea
fortunæ suæ instare decreverat, acrior Re-
gni, quàm pacis Candidatus. Certum est
eò tempore hostem paciscendo optimissi-
ma quæq; impetrare potuisse, qualia de-
indè tot millium hominum sanguine, tot
populorum miseriis, terrarumq; vastitati-
bus, suæ denique vitæ impendio non
“ obtinuit. Sed incerta fortunæ pa-
“ rum pensibabent, qui nonnisi faventem
“ sunt experti; Enormi plerumq; spe me-
“ tam bellinimis altè ponunt, quibus po-
“ nendi fiduciam fortunata initia dedere.
Spretis igitur consiliis pacis ad arma mox
reditum est, & congressi cum equitibus
Suetiis Poloni, Duce Stephano Czarne-
ciò Castellano tum Kioviensi satis osten-
dere, abundè sibi animi & virium ad be-
nè &

nè & feliciter pugnandum esse. Sed peditatus, qui Suetico opponi posset, deerat. Sine quo impediri phalangum hostilium progressus nequibant. Itaq; tentatâ aliquot velitationibus fortunâ Czarnecio, versus Regni caput Cracoviam ducere copias libuit, morâ & majore subindè Nobilium accessu sumpturas augmenta. Ita Varfaviâ citra pulverem & sanguinem potitus Rex Sueciæ, atq; ibi præfidiâ militari, tùm Cancellariô suô rebus constituendis relicto, citatis mox itineribus ad Wittebergium, qui Polonos sequi jussus erat, redit. Interim illi ad Opocznam progresso, circumvolitans undique Polonorum equitatus multum faceffiverat negotii. Et postea cum Rex accessisset, aliquæ intercessere velitationes, non sine mutuâ jacturâ. Ex solâ enim Legione Ponti de la Garde, confessione ipsius hostis, desiderati sunt ducenti amplius equites: Captusq; tùm fuit Forgeilius Tribunus, juniorq; Königsmarckius, ac Suleoviam uterq; deductus ad Regem nostrum. Sed tandem peditatu & tormentis gravior nostris extitit hostis, & pulsos ad Metropolin dein Regni Cracoviam

viam secutus est. Deliberatum ibi, num incolumitas Regis credenda esset loco nec multum munito, nec commeatus necessarium ad tolerandam obsidionem habenti. Sed Proceribus visum est validam manum militarem imponendam Urbi, Regi aperta potius tenenda, unde liberius, quæ è re publicâ esset, dispiceret. Relictus igitur ibi Czarnecius Castellanus & Fromondus Volsius prætoriarum cohortis Ductor. Rex Veliciam primò, locum salinis celebrem, inde Visniciam splendidam Alexandri Lubomierscii tum Stabulo Regni Præfecti postea Palatini Cracoviensis arcem, exin Sandecum, quod alter frater, Præfectus loci, tuebatur, & deniq; Czorstenum contendit. Intereà abeunte Rege suburbia Cracoviæ exusta à nostris. Sueciæ autem Rex, præmissò explorandi causâ Sultzbacensi Principe: cum hic occupatis nullò negotiò suburbiis, ex incendio adhuc fumantibus, omnia circa Urbem patere nunciâisset, cum exercitu & ipse accessit, structisq; suggestibus in mœnia detonare cepit: dimisitq; simul legiones aliquot, quæ resistentes in montibus illis copias Polonas scrutarentur.

tur. Ubi non pauci utrinq; ceciderunt. Sed Rex Joh. Casimirus prævalente ubiq; hoste, non aliud securitatis asylum superesse duxit, quàm ut in Ducatum suum Oppaviensem, quò & Regina jam præiverat, secederet, dum procellæ transirent, quæ averti non poterant. Certè eò tempore omnia malorum genera conspirasse videbantur in hoc Regnum. Lithvaniani vim Moschi effugere quærentes præcipui Proceres Magno Comiti de la Garde Regis Sveciæ, vices in illo Septentrione gerenti, perpetuò fidei & obsequii nexu subdiderant. Quantumvis aliqui Procerum Nobiliumq; huic submissionis sacramento refragati sint, & sinistra multa auctoribus ejus objecerint. Fideles illi, præeunte Paulô Sapiehâ, constantissimò patriæ libertatis defensore, versus Poloniam duxere copias, quas habebant. Sed periculum Reipubl. conjunctione virium avertere laborantes, ubi salutem reperire speraverant, non minus periculum adire. Nam & prævalidos ubiq; Suecos, & obsessam Regni metropolim Cracoviam & totum Regnum capite suò destitutum repererunt. Nec desuere Sueci per subordi-

ordinatos militi promittere stipendia, si-
que in partes suas pertrahere. Ac tan-
dem, transeuntes etiam Duces ipsi, urgen-
tibus, ut rebantur, fatis, Regi Sveciæ sub-
misere se certis conditionibus. Craco-
via à Czarnecio Castellano Kioviensi &
Wolfio totò penè mense defensa, tandem
defectu com meatûs & spe nullâ auxilii,
dedita est Wittenbergio. Victor Rex in
Prussiani contendit, ipsis jam veteranis
proh dedecus! Poloniæ stipendiariis eum
comitantibus quasi Regē suum. Venientē
Primarium Prusiæ claustrum Thorunium
non vi, sed suasionibus victum, nullo ne-
gotio admisit. Elbinga deindè domi
dissidens, quorundam dudum obnoxio-
rum studio ad obsequium Sueticum rela-
psa. Gedanum in aliud tempus rejecit
hostis, classe tùm portui appositâ com-
mercia interclusisse contentus. Postea
in Electorem Brandenburgicum omne ro-
bur suum convertit; Qui dudum equi-
dem Prussiam cum exercitu sat valido in-
gressus, Ordines Provinciæ ad socia se-
cum arma vocarat. Et in aliquas mutua
defensionis leges, præsentē In. ernunciō
Regiō Johanne Tonscio Vice-Infligato-
re

re Regni convenerat apud Rinscum, illustres viri Michaëlis Dzialinii hæredium. Sed animorum diffidentiâ, aliisq; defectibus irritum, aut non diu servatum fœdus omnia in Prussiâ faciliora Svecis reddidit. Non enim Thorunium modò, & Elbinga præsidio justo destitutæ, ut memoravi, cesserunt, sed & Mariaburgum oppidum, Electorali primùm milite infestum, cùm hunc revocasset Elector, ab oppidanis deditum est hosti, Arcisq; licet munitissimæ periculum intendit. Elector copias suas diffundere veritus, omnes Regiomontum, Principem Prusiæ suæ Arcem, contraxit. Rex Succiæ suas quoq; admovere cepit, & alicubi ad mutuas incursationes deventum est: stipendiariis inprimis Polonicis omnia passim pervolitantibus. Ex Lithvaniâ quoque jam Succis subditâ Comes Magnus de la Garde indies propiùs imminabat. Elector nullâ ope, nec spe opis erigebatur. Unde adeò tandem cum Rege Carolo Gustavo transegit: Quod necessitate equidem extortum, postea eò inprimis excusatum fuit, quod non modò secessu Regis à Regno desertus, atq; adeò à fidei nexu absolu-

absolutus videretur Vassallus; sed & à septem millibus Polonorum militibus, qui ad Carolum Gustavum defecerant, sollicitatus esset ad transigendum. Non multò post Mariaburgensis quoq; arx à Comite Stenbockio, Barone de Dohnâ, Hornio, omni conatu bellico diu oppugnata, in potestatem Caroli Gustavi Regis cecidit, factâ cum impedimentis exeundi potestate Jacobo Veihero Palatino, qui & Fratribus sui Ludovici Palatini Pomeraniæ intra Arcem obsessam mortui cadaver secum asportavit, Sigismundo item Guldensternio Baroni, Regiæ Oeconomiz administratori eidemq; Praefecto Stumenfi, aliis deniq; Nobilibus viris, quos bellæ tempestas in nominatissimum Prusiz propugnaculum compulerat. Solum in Prusiz Gedanum supererat, quod nobili in Dominum suum etiam extorrem fide, postquam omnia jam ubiq; per Poloniam, paucis exceptis, in verba Suecorum Regis transierant, immotum stetit, & cum fortuna Joannis Casimiri conclamata erat, novo se illi sacramento obstrinxit, posteaq; Suecos non modò non admisit, sed & constantibus armis, sumptu maximo, quâ

mo, quâ potuit, terrâ mariq; magnâ multorum invidiâ, at apud bonos laude propulsavit. Rex Sueciæ Urbis portum navali classe, Duce Vrangeliô, circumvenisse contentus, ipsam, ceu coronidem, cæteris suis victoriis, vel sponte vel levi negotio accessuram crediderat. Nunc verò ad extrema omnia paratam armis, quantumvis ubiq; tûm formidatis, aggressurus haud dubie erat, nisi novi in Poloniâ motus aliô illum vocâssent. Istic enim fortuna, conversâ velut rotâ, Joannem Casimirum, quem nupèr Poloniæ subduxerat, revehere in solum & solium suum jam moliebatur; * Et ipse Caroli Gustavi in Prussiam discessus postliminium Regi exuli aperuit, relictis in Poloniâ animis erga hostem ubiq; agris & in jugi excutiendi occasiones intentis. Restabantq; aliqui Optimatum, qui frænum nunquam receperant. In Carpathiis præcipuè montibus Georgius Lubomierscius Regni supremus Mareschalcus, idemque Præfectus Cracoviensis, & se & fratres suos & magnam Senatûs partem, multosq; alios ex præcipuis Nobilium à

A a

commu-

communi tùm labe intactos servaverat, ipsum deniq; Regis diadema, quod Alexander Wolfius tùm Regius Aulicus, post Abbas Pelsplinensis, ex Arce Cracoviensi summa inter discrimina extulerat, secum habebat: Ita ut quicquid Reipubl. integrum tùm superesset, penes hos maneret. Certè ex arce illà Lubomlianà, quâ reliquias istas libertatis pauci illi tutabantur, commeabant subindè literæ ad Regem in Silesiâ agentem. Pariter Joannes Comes de Lesno tùm post mortem Christophori Opalinscii, Posnaniæ Palatinus, securitate Legati adhuc usus, non desuebat animis, quaquà ibat, seu veterum seu stuporem excutere, ipse de Republ. etiam cùm deplorata videretur, nunquam desperans, eoq; aptior ad spem aliis adspirandam. Ipse ego sæpè ex illo, afflictissimis Poloniæ rebus, hanc audisse vocem memini: obruere nunc hostis nos potest, retinere aut subjugare non potest. Nec minus illi, qui in Majore Poloniâ, apud Costinum, Fridericum Hassiæ Landgravium occiderant, Duce Zegocio, Præfecto tùm Babimostensi, remittebant spiritus. Celebre miraculis

cœno-

cœnobium Czestochoviense strenuè contra Duces Suecicos Monachi, antesignanò ipsorum Præfectò, tùm loci religione & virtute suâ animosè fortissimè defendere. Nec procul inde Dancovianam arcem possessor loci Stanislaus Warzicius Castellanus Cracoviensis à molitionibus hostium intactam tenuit: Idemq̃ue Pilczam oppidum tutatus est. Miles hostilis per Palatinatus dispositus, avarè & superbiùs agebat: Ita ut passim Poloni spoliata templa, juraq̃; omnia Divina & humana violata quererentur. Sensimq̃ue conspirare tacitis consiliis, & mox publice habito ad Tissevicias conventu conjurare in jugi externi excussionem ac libertatis vindicias caput pars exercitûs, & ingens Nobiliû multitudo, præside conventûs & consiliorum Stanislaò Potociò Palatinò Cracoviensi, eòdemq̃; exercituum Duce. Leopolin paulò ante obsidere ceperat Chmelnicius: quam cùm fortiter defenderet Christophorus Grodzicki, rei tormentariæ Magister; Obsessor Cosfacicus, Suecicam potentiam formidans, evocatò ex urbe Grodziciò, miserationem erga exulem Regem ostendere, & o-

pem ei restituendo promittere capit. Super-
pervenit Chanus Tartaricus cum ingente
exercitu, & minùs jam reluctante Chmel-
nicium totumq; exercitum Cosacicum in
verba Joannis Casirci adegit: simul mox
litteris ad Duces Polonos missis, venisse se
indicat, ut auxilietur oppresso Regi; ex-
trema simul omnia iis minatur, qui ma-
num illi adversus externum Principem
non porrigerent. Omnia ista, milites
quidam sponte, alii à Grodzicio missi, ex-
actissimè autem magnus Marefchallus Ge-
org. Lubomierscius, & qui cum eo erant
Senatores nunciabant Regi in Silesià hæ-
renti, ad reditum simul eundem exhor-
tantes. Ille in tam inexpectatis auxiliis
Dei dexteram agnoscens, incitante simul
Reginà, capessit animum revertendi in
Regnum, & magnis mox per montes Car-
pathios itineribus, ineunte anno 1656, co-
mitante M. Cancellario Coricinio, & ali-
is Aulæ ministris, Leopolin contendit.
Relicti in Polonià militæ Svecicæ Re-
ctores, Duglassius inprimis, turbas orien-
tes consiliis manûq; compescere quidem
quæsierant, sed labentibus dispositu fa-
tali rebus impares, Regem deniq; ipsum,
Mariz-

Marieburgi cum Regina, quæ ex Sveciâ
 tum accurrerat, inter antè erecta tot tro-
 phæa, latantem, ad parta tuenda exci-
 re. Qui interiora Poloniae denuò cum
 exercitu ingressus, sensit mox, malum di-
 uturnitatis custodem esse metum servi-
 tutis, nec stare firmiter dominatum, 3,
 qui nullò justitiæ fundamentò innixus,
 impetu tantum creverit. In Poloniâ,
 inprimis, ubi *quot equites, tot liberta-*
tis filii: quibus generosa mater sui amo-
rem tam alrè in sevit, ut exui non possit,
nisi cum vitâ. Quæcunq; igitur ince-
 deret hostis, infesta ubiq; omnia habuit.
 Et non multò post ii ipsi etiam stipendia-
 rii Poloni, quos in Prussiam antè secum
 duxerat, ubi in patriam reversos, cœli &
 libertatis Polonæ aura rursùm afflaverat,
 ab externo Rege ad suum rediêre. Eun-
 tem porrò hostem perpetuis incursionib-
 us laceſſebat magnus ille bellator Ste-
 phanus Czarnecius, qui exilium quidem,
 sed agillimarum copiarum ductor, patriæ
 Civibus signa sua ubiq; ostentans, ani-
 mos omnibus addiderat; hosti verò eâ-
 dem celeritate instans cedensq; nocuit
 plurimum. Huic enim necessitas injecta

est, ire semper praelio paratum, majore
damno, quàm fructu, quia nec excurrere,
commeatus aut praeda causâ, nec iustâ a-
liquâ victoriâ potiri poterat. Circa Ve-
pri & Vistulæ confinia intercessit certa-
men, Succo quàm Polono felicius. Sed
ibidem lapsu equi sauciatus Frater Regis
Adolphus curandi cruris causâ, non caput
modò deferere, sed ingravescente vulne-
re, extra Poloniam quoq; opem querere
coactus est. Rex Carolus trajecto Vi-
stulâ Lublinum perrexit. Quò comita-
tus illum Comes Valdemarus, Christiano
IV. Daniæ Rege, ex impari matre geni-
tus, in hoc bello Chiliarcha Sueticus, vi-
vendi finem fecit. Sveciæ Rex Zamo-
sciam Urbem benè munitam armis ag-
gredi non ausus, Dominum Urbis adorna-
tis in speciem verbis expugnare tenta-
vit, sic compendiò potiri sperans locò,
qui à nullo Poloniæ hoste hactenùs subigi
potuit. Sed Zamoscius ad blandimenta
& minas æquè invictus, fidem suo Re-
gi debitam intrepidè servavit. Rex Jo-
hannes Casimirus Leopoli res suas, ancipites
adhuc, quâ poterat, firmare quærebat.
Ejus consiliis turbandis, & velut rena-
scentis

scensis fortunæ primordiis, omni nisu occurrens hostis Jaroslaviam & Premisliam usq; ausus est progredi, Leopoli si posset, excussurus reducem Regem. Sed consiliis & conatibus suis metam divinitus esse positam, ex eventu didicit. Premisliam enim infeliciter aggressus, plurimos suorum perdidit: & tergo suo tot & tantas copias instare comperit, ut jam non de augenda fortunâ aut gloriâ, sed de salute sibi contendendum videret. Interim enim non modò Polonicæ copiar, magnò undiq; numero, ductu Procerum, concurrerant, sed ex Lithuanîâ etiam egregium exercitum Vistulæ admoverat ille, quem antè nominavi, Paulus Sapieha, Palatinus postea Vilnensis, vir magni animi, & qui aliis patriæ suæ Ducibus, metu Moschorum, Suecicum regimen sequi ore consiliò, amplexis, nunquam accesserat, suis verò & defuncti Vice-Cancellarii, patruelis sui, opibus, adversum omnes patriæ suæ hostes sese hætenus, rebus etiam desperatis tuitus erat, nunc deniq; Regi suo, adductis insperatò copiis, manum alacer, etsi eminus, porrigebat. Summo itaq; periculo progressuram se

FLORI POLONICI

sentiens Carolus Gustavus, reditum mē-
 liri capit, antequam is sibi penitus præ-
 cluderetur. Nihilominus sic quoq; dif-
 ficillimum habuit, & cum à Polonis un-
 diq; terrâ infestaretur, beneficio inprī-
 mis Vistulæ, quō pars peditatūs & impe-
 dimenta deportabantur, ægerimè elap-
 sus est. Periculi magnitudinem vel indē
 conjeceris, quod ipse Rex in assiduo Mar-
 tis pulvere & sudoribus continuis, vestem
 per dies viginti non exuit. Recedente
 autem illō, multa in Urbibus præsidia in-
 tercepta perierunt. Sincklerum Tribu-
 num submissæ aliquot Suecorum alæ agrē
 defendere. Quæ Sendomiriam cum de-
 ferrent, pulvis tormentarius, hostili do-
 lō, in turri relictus, subeuntes sine metu
 Polonos non paucos in aërem explosit.
 Sed his plurimi Suecorum in improsp̄ro
 hoc recessu parentavēre eadē suā, & eō-
 dem incendiō cadaver Vallerstedii Secre-
 rarii Suetici rogam in nubibus reperit.
 Festinārat Regi laboranti in auxilium.
 Fridericus Durlaco-Badensis Marchio.
 Sed in itinere ad Varcam à fortissimo
 Czarnecio oppressus, copias, quas optimē
 instructas ducebat, capitum plus quam
 trium

trium millium, amisit universas. Ipsæ
ægrè cum fratre Regis Gustavo Adolpho
Schlippenbachio, & aliis Czircum pri-
mò, ubi in ruderibus arcis per triduum
jejunos delituit, ac dein Varlaviam, elap-
sus est. Penè eòdem tempore totidem
milia Suecorum non procul Lovicio à
Polonis & Tartaris circumventa, & in-
terneccione cæsa sunt, ita ut nec nuncius
cladis indè evaderet. Istiusmodi cladibus
Carolo Gustavo altera hæc in Poloniam
expeditio constitit. In Prussiam cum
fesso & lacero exercitu reversus, ex Lith-
vania itidem deterrimos accipit nuncios.
Nam Samogithæ occultâ conspiratione,
quicquid Suecorum in Provincia reper-
tum erat, Crispino, qui postea Thesauro
Lithuanico præfectus est, Rybicio aliisq;
ductoibus, ad interneccionem usq; jugu-
larant; exterorum odio, & amore liber-
tatis ad immitte injuriarum, quas à Sue-
tico præsidio patiebantur, remedium de-
lapsi. Interea etiam Moschus bellum à
Polonis in Suecos ex Lithuania in Livo-
niam transtulerat. Dudum ille Regis
Suetici fortunam, nimis splendidâ ægris
oculis intueri ceperat. Et cum Palati-

nus Vilnensis idemq; Dux exercituum,
 Vilnâ hostis arbitrio relictâ, Episcopo Ti-
 skevicio, aliisq; non paucis Procerum, Pa-
 nicô terrore & svadâ hostili eodém indu-
 ctis, se & Lithuaniam Sueco subdidisset,
 Moschus victam à se, ut rebatur, provin-
 ciam tali Succorum patrociniô sibi eripi
 indignabatur. Eò facilius in armorum
 interstitium, quod nomine Reipubl. Po-
 lonæ Joannes Casimirus Crasinius, Pala-
 tinus tùm Plocensis, postea Regni Thesau-
 rarius, tùm & Wiersbowski, pòst Palati-
 nus Siradiensis, cum aliis quærebat, inter-
 ponente se Imperatoris ministro Alegret-
 tio, consensit. Quæsita mox belli in Sue-
 cum causâ, & facilè inventa est, quan-
 tumvis etiamnum vera dissimularetur.
 Paulò pòst arma Mosci in Livoniam illa-
 ta diltraxère Succos, & Sapiehæ nec non
 Gonsievio Lithuanici exercitûs Ducibus
 commodum adversus illos agendi cam-
 pum aperuère. Eò quôq; tempore ma-
 jor Polonia lacertos denuò contra hostem
 movit, Ducibus Petro Opalinscio Palati-
 no Podlachia, Palatinô item Inovladisla-
 viensi, nec non Grzymoltovio, Castellano
 nunc Posnaniensi tum Succamerario Ca-
 lisieni

fisfiensi, & aliis. Qui hostium vires passim accidere, & oppida aliquot liberarunt. Tristissimam tunc fortunam experta fuit Lelsna, celebre exulantium ob dissidia in religione Bohemorum Silesiorumq; asy- lum. Creverat oppidi incolis cum opulentiâ invidia, & ex religione odium, quod nunc eò acrius erupit, quando qui in oppido rerum potiebantur, non receptum modò, sed & consilia hosti commodaſſe credebantur. Ac primùm quidem suggressas Polonorum cohortes, non Sueci tantùm, sed & cives, hortatore præ aliis terrestri Iudice Wlchovenſi, violentâ eruptione repulerant. Sed ortâ postea formidine subitâ, & propugnatores, & incolæ omnes, fugâ miserabili, res suas atq; oppidum ipsum prædæ Polonorum, & incendio deniq; exposuere. Exusti unâ cum ædibus multi homines, seu ætate, seu morbo invalidi. Conflagravit ibidem cadaver eximii olim & apud externos etiam clari bellatoris, Christophori Arcissevii, rei armentariæ, olim in Poloniâ Præfecti. Sed is munere isto depositò, successorem nactus Sigismundum Przyemscium, de quo ante, quietem, quam in

vitā privata quæſiverat, nec in morte qui-
 dem invenit. Neq; enim more uſitato
 tumulari potuit, ſed cum caſu dilatae exe-
 quiaẽ eſſent buſtum in cinerib9 oppidi re-
 perit. Ad Coſcianum deindẽ oppidum
 perrexẽre victores, multis Ductõrib9 Sue-
 ticis inſeſſum. Qui Palatini Inovladis-
 lavienſis & Succamerarii Califfienſis tur-
 mas mille ducentis militibus ſuis 8. Maji
 aggreſſi, memorabilem cladem paſſi ſunt.
 Complura iſtæ ſigna adempta hoſti. Ca-
 ptus eſt inter alios Voſſius Tribunus. Ex
 Polonis Sucoſſevius, Bronicovius, Don-
 brovius, Przyſiecius, aliiq; nonnulli peri-
 ère. Rex Poloniae, contracto undiq; ex-
 ercitu ſat numeroſo, Leopoli movit; Lu-
 blinumq; primò, indẽ Varſaviam petit:
 quam mille quingenti admodum præſi-
 diarii Suetici inſederunt. Erant ibidem
 multi ex præcipuis Suecicarum rerum Du-
 ctõrib9 toga ſagoq; clariſ; Securi om-
 nes, ſeu fiducia præſidii, ſeu quòd Po-
 lonos ad obſidia nec pronos nec aptos ju-
 dicarent. Sed circumfuſa Urbi ingens
 hominum multitudo omnia externa mu-
 nimenta perrupit, extremumq; expug-
 nandi periculum popoſcẽre ſibi lixa, in-
 ſenſu-

scensuri moenia, simulatq; Rex annuisset,
Sed hic gnarus illorum hominum audacia
nihil invium, pariterq; à furentium
sævitia, tum & avaritia nihil tutum aut
salvum in Urbe mansurum, comiter ob-
fessos monuit, ut sponte se potius dede-
rent. Illi visa magnitudine periculi, per-
miserunt se fidei Regiæ. Educti Urbe Co-
mes Vittenbergius, primus Poloniae hōc
bellō impugnator, Comes Ludovicus Lö-
wenhaupt, Joannes Vrangelius, Adamus
Veiherus excubiarum præfecti, Erskenius,
Laurentius Cantersteinus, Consilarii in-
timi Regis Sueciæ, Bussius, Schlangfeldius,
Hamerschildius, pace Regiæ abire po-
terant. Sed fremens multitudo reclama-
vit, & periculum erat, ne per tumultum
occiderentur, cum eos Regis clemen-
tia salvos vellet. Nec servari aliter tum
poterant, quam si tutō locō ad tempus
attinerentur. Unde adeo Zamoscium
postea deducti sunt. Fæminis abeundi
potestas & securitas, additō comitatu fa-
cta est. Gabriel Oxenstierna Comes, æ-
gritudine, quā tum affligebatur, liberta-
tem, cæteris negatam, retinuit. Sue-
corum Rex, antequam ista in Polonia
fie-

fierent, in Prussiam reverfus, literis publicatis, rebellii crimen iis, qui ad Regem suum redierant, acerbè exprobrans, revocare eos ad datam sibi fidem conabatur, aliis porrò literis, subditos agrestes in cervices Dominorum sub Suecicum regimen redire negantium, magnis autoramentis concitabat, ausu inglorioso, quiq; animos Nobilium vehementer exulceravit, acerbumq; nonnullorum calamum elicit. Violata enim ita videbantur gentium benè moratarum jura, quibus venena & sicæ serviles ne in hostes quidem permittuntur. Gedanenses quoq; violentius tum, quàm unquam hætenus, hostis aggressus est. Nam & propugnaculum in territorii Urbani finibus erectum abripuit, fufis quingentis militibus, quos Vinterus Urbis Tribunus, ad defensionem Dersaviæ oppidi miserat. Et tulit casus, ut hæ non in Suecos primùm, sed in Electorales, qui fortè tum Dersaviam transibant, inciderent, in vectæq; in illos, tergo mox instantes Suecos habuere. Ita cæsi hic plurimi, major tamen pars per uliginis sparsa, in Urbem postea rediit. Hostis deinde occupavit Hauptum, occiso hic,

fic, cui loci tutela commissa erat, Dilge-
ro egregio Ordinum Ductore. Hauptum
autem ab hoste magnò opere postea mu-
nitum, Vistulam commerciis interclusit;
Suecis contra Insulas Urbis, apertas ob-
noxiasq; reddidit propè ad finem usque
belli. Sub ipsa deindè pacis tractatum
primordia, idem Hauptum expugnatum
haud parùm momenti & facilitatis ne-
gotio pacis addidit. Sed porrò acerbà
& minaci Otthonis Steinbockii, rei
armamentariæ Magistri, & deindè Regis
ipsius epistolà acriter culpata sunt Civi-
tatis actiones, quibus illa rebus Suecicis
officere laboraret. Responsum est omni-
bus, qui scripserant, inprimis & Regi ipsi
prolixè. Cumq; illa responsio à Claris-
simo Urbis Syndico Vincentio Fabricio
concepta, multa contineat ad historiam
pertinentia, non piget huc eam annecte-
re. Ita autem habet: *Serenissima Maje-
stas Vestra ex sanctiori tabulario suo, & iis,
quæ extant, historiis, jampridem sufficien-
ter erit informata, quantoperè majores no-
stri à primâ istius Civitatis origine, maximè
verò ab illò tempore, quò sub imperium in-
clytorum Polonia Regum concessit, & cum
Regno*

Regno illo per incorporationem coäluit, id
 sedulo curaverint, uti inclitis quoq; Suecia
 Regibus debitam reverentiam omni cum
 submissione exhiberent, atq; eorundē com-
 moda atq; incolumitatem, non adeo consi-
 derantes difficultates quamplurimas, sum-
 ptus immensos & extrema pericula pro ca-
 pitu suo promoverent: Quā dere inprimis
 tempora Caroli Canuti & Gustavi primi lu-
 culentissimum dabunt testimonium. Cle-
 mentissimè pariter Majestas Vestra recorda-
 bitur, quod omni tempore id nos quoq; ob-
 nixè operam dederimus, tam constantèr in
 eo persequi majorum nostrorum vestigia,
 quam simul cum Sereniss. Reg. Majestatu
 Vestra Regnis, ditionibus ac subditis, per-
 severanter colere atq; alere mutua commu-
 nibusq; salutaria commercii officia.
 Quemadmodum porrò ex adverso Majores
 nostri, & Nos quoq; retroactis temporibus,
 inclitorum Suecia Regum gratia atq; ele-
 mentie uberes fructus tulimus; ita summa
 nobis voluptatis fuit, quod Serenissima Re-
 gia Majestas Vestra statim circa Regni feli-
 citer aditi augusta auspicia dignata est per
 literas clementissimè scriptas de prosperis-
 simā suā gratiā atq; benignitate pro conser-
 vatione

uatione commerciorum, statusq; nostri, efficaciter ac planè Regiè securos nos reddere. Antequàm verò ulli tam clementis spon-
sionis effectus ad nos pervenire possent, inci-
derunt pro dolor hæc infelicia & calami-
tosa tempora, cum Regia Majestatis Vestra
exercitus Clementissimum Regem ac Domi-
num nostrum, Regnumq; Polonia magnâ
vi invasit, plurimumq; exindè Christiani
sanguinis effusum, neq; pauca præclara
Provincia ac Civitates desolata atq; fundi-
tùs excisa sunt. Cujus fuit consequens, ut
calamitas bellica statim à primordio hanc
quoq; attigerit Civitatem, nunc verò magis
in eandem magisq; incumbat. Apparuit
hoc non solum ex hostili & copiosâ impressi-
one in ea bona, quæ ad Civitatis istius terri-
torium pertinent, factâ, sed verò præcipuè
ex Regia Majestatis Vre die 14. Maji juxta
Calendarium Julianum Stibilavia datis, &
per ejusdem tibicinem transmissis literis a-
pertis intelligere fuit, quod nisi subito de
accommodatione transigamus, extrema o-
mnia nobis expectanda sint. Actiones por-
rò nostræ & consilia extremè culpantur,
perq; exprobrationem aliquam expectatio-
ne nostrâ acriorem insimulamur, ac si spon-

te culpâq; nostrâ imminentia isti Urbi hoc tempore discrimina provocaverimus. Nos inter ista nihilominus memores sumus debita venerationis & respectûs, quibus nos uti erga Sereniss. Reg. Majestatem Vestram, Principem tam eminentē, licet tot circumventos adversitatibus, constantè oportet. Atq; idcō arbitramur, neq; consultum esse, neq; verecundia nostrâ congruens, ut cum Majestate Vestrâ de omnibus & singulis, quæ in suprâ memoratis Regiis literis continentur, prolixè controvertamus. Propositum quoq; nostrum non est inquirere, an illi, qui Majestatem Vestram ad hoc bellum gerendum perpulerunt, tanti cæpti sufficientes atq; idoneas terrarum Orbi rationes ediderint: Sed potius ejus, qui justè judicet, gentiumq; cordatarum & inclytæ posteritatis judicio id decernendū relinquimus. At enim verò ut Regia Majestas Vestra de consiliorum processuumque nostrorum ad conscientia regulam directâ integritate aliquantò intimius informetur, omittere non possumus, quin eidem aliqua momenta perobservanter atq; humillimè proponamus considerata: si fortè Deus misericors & benignus id nobis gratia concedere velit, ut

Sere-

Sereniss. Reg. Majestas Vestra probè illa in
sublimi Regiòq; animo perpendens, quam
nullo nitantur fundamento delata ad Regi-
as aures de nobis detractiones, dijudicet,
benignius de nobis ut bonis fideisq; homini-
bus sentiat; atq; exindè per minas jam in-
tentata contra hanc Civitatem extrema in
effectum deducere pro sublimi gratiâ Regiâ
clementer supersedeat. Principio speramus
illos, qui Regiæ Majestati Vestræ sinistra o-
mnia de rebus actionibusq; nostris impri-
mere hætenus aggressi sunt, id saltem nobis
concessuros esse, etiamsi fortè in plurimis
deficiamus consummatâ facultate Civita-
tem exactè gubernandi, & salubria perpe-
tuò instruendi consilia, quod nihilominus
per benignitatem Supremi Numinis satis
intelligamus, quantum nobis & Urbi isti
populose situm sit in summorum Principum
atq; inter eos Sereniss. Regiæ Majestatis
Vestree constanti Regiâq; gratiâ, & quan-
to perè ad illam obtinendam tuendamq; ra-
tiones omnes, quæ modò excogitari & bo-
nestè usurpari possint, conquirere meritò
debeamus, quo pacificè vivamus, & com-
mercia, quibus ista Civitas dedicata est ac
dedita, quæq; almâ pace maximè indigent,

in

in vigore ac flore suo conserpentur. Atq;
indè non facile quis nos tam perverse ani-
matus præsumpsit; ac si turpiter projicien-
tes tantum, & tam perspicuum interesse nu-
strum, per proterviam, fastum, ambitio-
nem, aut alium quemvis affectum Majesta-
tis Vestrae prapotentia arma ultrò lacesse-
re, & Civitatem banc in illa, qua nunc ip-
sam circumstant, pericula conjicere consul-
to destinaverimus. Nos sanè ab istius mo-
di affectibus immunes præstat conscientia
nostra, ac de super ad Deum omnium cordi-
um scrutatorem sine scrupulo ullo, atq; adeò
animosè provocare possumus. Quia au-
tem nihilominus non levia Civitati huic in-
cubère pericula, qua putamur per tolem-
biles & aliquoties nobis ultrò oblatos mo-
dos, præcavere ac divertere potuisse, inge-
nuè equidem fatebimur, fuisse omninò cau-
sam, qua acceptare modos illos non permi-
serit, & porrò nos ad hæc angustias, in
quibus modò versamur, redegerit. Cæte-
rùm omnibus accuratè exatèq; examina-
tis, atq; perquisitis, etiam illi, quibus ma-
ximè sumus exosi, aliam neq; reperient ne-
que producent, quam quod prohibemur re-
ligione subiecti simus & debitaq; fidei, quibus

Clementissimo, & per legitimam electionem à Deo nobis concesso Regi nostro, Reiq; publica Polonica, respectivè vigore tam juramenti Regi præstiti, quàm ultra duo jam secula cum Republ. perdurantis unionis adstricti sumus: quodq; ideò ista nos oppresserit calamitas, quia exempla honesta laudatorum Majorum nostrorum secuti, rectè coram Deo conscientia, & famæ honestæ coram Orbe terrarum illibatam sinceritatem tueri studuimus. Ulti igitur propter tanti momenti causas, licet inviti adacti fuimus ad quædam defensionis media procedere, & quantum in nobis esset, periculis summis paulatim in nos ingruentibus occurrere; ita hand dubiè in proclivi erit defensio eorum, quæ circa illa, subnascentibus, ut fit, occasionebus acciderunt. Omnino certissimus, dummodò Regia Majestas Vestra clementer dignetur acta nostra eorumq; causas perpendere, quod nos inter Regii pectoris penetralia jam absolvet, & uti Rex Christianus nolet permittere, ut propositum bonorum subditorum supremo Magistratus suo fidem incorruptam præstandi (quod in primis Evangelica doctrina à quovis sincero Christiano exigit) ipsorum ruinam &

exi-

exitum operetur, aut Majestatis Vestra
præpotentia arma executioni intentatorū
nobis malorum commodentur. Benignè
& clementer consideret Regia Majestas Ve-
stra, si qua calamitas hujusmodi, qualis
proh dolor Clementissimum Regem nostrum
ejusq; Regna & ditiones corripuit, in ipsam
Regnaq; ejus & ditiones recidat, & inter il-
las in felicitates Statūs, aut Urbs aliqua
constanter Domino suo legitimo adhaerere
decernat, nec licet oblatiis benigniis & ad
salutem temporalem pertinentibus mediis,
à fidei sua debito se demoveri patiatur, non
attentis maximis inde exorientibus damnis
atq; incommodis, annon Regia Majestas
Vestra tam honesti propositi, constantiam
& ipsa laudatura, & paritèr judicatura sit,
factum id ut potè laudabile & deprædican-
dum ab ipsis quoq; hostibus, & quibusvis a-
liis vero suo precio debere æstimari, etiamsi
acriorib; adhuc processibus, & vehementio-
ribus, quàm quales hætenus nostri necessa-
rio fuerunt, isti impetus prorupissent. Sin-
cerè porrò declinamus, quod si fortè pauca
quædam adificia circa Derschaviam &
Fürstenwerder à quibusdam nostrorum mi-
litarum incensa fuerint, id & invitis nobis,

nec jubentibus militia nostra praefectis accidisse, atq; adco quantoperè displiceant nobis talia, per severas prohibitiones, ne quid in posterum istiusmodi intentetur, abundè nostris fuisse denunciatum. Novit praeterea, qui omnia novit, Deus, nunquam placuisse Nobis calumnias & libellos famosos, & constat publicè, nos Praeconsules & Consules, quoties tale quid fuit divulgatū, servò inquisivisse in Autores, & in Typographos facinoris compertos animadvertisse. Prodiierunt sanè, quae vocantur novellae, de variis eventibus, saepè non absq; favore partium, aliquando contra quam se res haberent. Sed neq; nos illas producimus, uti ipsa Regia Majestas Vestra per se satis intelligit, neq; prout nunc sunt tempora, ordinarii Magistratus commode mutare ea, quae ita fiunt, aut prohibere possunt, gestientibus utring; partibus faventium animis, quod ipsi optant ac cupiunt, sparsis prosperis rumoribus praesumere, affectumq; suum declarare. Id quod palam notum est Elbingae, Regiomonti, Stetiniq; toto die fieri. Postremò non possumus, quin Nos, qui istius Civitatis Senatus sumus, de eo conqueramur, quod Sereniss. Majestati
Vestra

*Vra quidam sunt persuadere conati, quasi
 qua nomine Majestatis Vestrae ab ejus mi-
 nistro vel alijs ad hanc Civitatem fuerunt
 delata, non sincerè retulerimus ad cetera
 Collegia, ex quibus consilium istius Civita-
 tis publicum compotesq; in aliam speciem
 sponte nostrâ transformaverimus. At ve-
 rò nos pro ratione officii nostri, omnia ac
 singula fide optimâ per omnes in utramque
 partem circumstantias proposuimus, &
 cum ceteris Ordinibus sollicitè expendimus
 atq; examinavimus. Cui rei testimonium
 solenne nos ceteri Ordines Senatui nunc
 perhibemus. Atq; post illa omnia humil-
 limam absolutamq; fiduciam in misericor-
 dia ac bonitate benignissimi Dei reponimus,
 non dubitantes, quin velit clementer hanc
 Civitatem protegere, & paternâ suâ gratiâ
 disponere animos tam Clementissimi Regis
 ac Domini nostri, quàm Sereniss. quoque
 Majestatis Vestrae, omniumq; eorum, qui
 utring; à ministeriis & consiliis sunt, quo
 sincera ac mutua hinc inde amicitia rur-
 sùs stabiliatur, almag; pax cessante cruen-
 to isto bello reducat. Neg; dubitamus,
 quin Regia Majestas Vestra inter ista Chri-
 stianè & clementer id actura sit, ne res E-
 van, eli-*

Evangelica Religionis aliquid detrimenti ca-
piat, neve, quod maximè formidamus, bel-
lo ulterius progrediente, animiq; supra
modum exacerbatis, in ea precipitetur pe-
riculi, ex quibus illam eripere difficile for-
tè erit. Deum precamur, ut malum tan-
tum clementer avertat! Nos quoq; & to-
ta Universitas semper erimus, salvis iis, ad
qua per juramenti & fidei nexum tenemur.
 Tali modo Magistratus Gedanensis Regi
 Carolo respondit. In Majore Polonia
 Duces Suetici passim cum Proceribus &
 Nobilitate Provinciæ, tum & inprimis
 cum Stephano Czarnecio variâ fortunâ
 luctabantur; qui, more suo, pro re natâ,
 nunc cedebat, nunc, quâ poterat, denuò
 carpebat hostem. Cracoviam Regni En-
 sifer Zebrzydovius, & inprimis Lubomier-
 scii fratres vicinorum Nobilium ope ob-
 sidere cæperunt; tametsi alter horum Re-
 gni Marschalcus, datus à Rege Ductor
 Equestri Ordini, non unò locò consiste-
 ret, sed circumlatò per provincias, quas
 hostis tenebat, terrore, postremò quoque
 Regi in recuperandâ Varsaviâ operam
 adnavavit. Carolus verò Gustavus, inter
 tot adversa sollicitus, nova fulcra nutanti

potentia suæ quærebat. Neq; aliud præ-
 sentius & validius quàm ab Electore Bran-
 deburgico sibi pollicebatur. Eum itaque
 omni studio ad jungenda secū arma per-
 trahere conatus est. Effectumq; tandem
 per Internuncios, ut Hollandiæ, Prussiae
 Ducalis oppido, consilia Rex cum Electo-
 re conferret. Ibi arcanis inter præcipu-
 os utriusq; partis Ministros colloquiis,
 leges novæ societatis scriptæ: & exerci-
 tus utrinq; mox Golubum, quod oppidum
 septem leucis à Thorunio distat, movere
 iussit. Elector verò quod Regi Poloniæ
 illaturus erat, bellum per literas Regio-
 monti primò Julii scriptas denunciavit.
 Quibus non sine stupore lectis Rex, prout
 res præsens & ratio poscebat, indigna-
 bundus & jura feudi, veteraq; beneficia
 prolixè objectans, vigesimo quintò Jul. re-
 spondit. A literis deventum est ad arma,
 quæ lethalem maximè ictum intulere Po-
 loniæ. Et omnis melior orbis indoluit,
 cum Regem Joannem Casimirum, ab exi-
 lio noviter reversum, & collapsæ fortunæ
 tabulas demùm colligentem duo exerci-
 tus Svecicus & Brandeburgicus aggressi
 sunt.

Posita'erant castra Regia apud Pragam oppidum, Varfaviam contra situm, nec inde ampliore spatio distans, quam quod interfluentis Vistulæ alveus occupat. Circumjectus exercitus Urbi, ita ut hujus unum latus Vistulâ, alterum castris latè porrectis protegeretur. Et castra ipsa satis munita videbantur, operibus, quâ opus esset, adstructis. Militum quoq; plus satis aderat: Etsi Nobilitas, quæ nupèr adfuerat, radiò morarum, seu defectu annonæ, domum redierat. Hostes inter Vistulam, Bugam & Narvam amnes aliquamdiu morati, Trajecturi credebantur cum ad Zakrocinum ripas fluminis ponte junxissent. Sed iis cis Vistulam subsistere, Polonis trajicere, hostiq; occurrere placuit. In campis igitur, Pragæ oppido adsitis explicatæ sunt cohortes. Hostibus, cum provocâsse antè, nunc provocari viderentur, suborta dubitatio, nùm prælio committenda res esset, ubi si infelicitè fortè pugnaverint, totius belli fortuna erat periclitatura. Et Gallicus Legatus ancipitem aleam Carolo Regi pugnaturo cum curâ proposuit: Sed jam eò deventum videbatur, ut ad conflictum

non animus solum Regius, sed & necessitas ipsa hortaretur. Dintius enim illis campis stare exercitus hostilis non poterat citra extremæ famis periculum, cum gregarius jam tum totò biduò jejunasset. Potius igitur pugnandum, quam aut cedendum, aut inediâ pereundum videbatur. Proindeq; in aciem uterq; Princeps eduxit suos. Dextræ atq; præerat Carolus Rex & frater ejus Adolphus Princeps, Philippus Palatino-Sultzbacensis Comes, Carolus Marchio Badensis, Gustavus Comes Oxenstierna, Duglassius, Hornius, Bulovius. Sinistram Elector, Comes Valdecus, Sparrius, Cannebergius curabat, quibus à Rege, Carolus Gustavus Vrangeli-
us, Tortius, Böttcherus adjuncti. Polonicum exercitum præcipuâ post Regem autoritate regebat Stanislaus Potocius, Dux supremus, Landskoronscius Campiductor, & Czarnecius, qui tamen infelice consiliò aliò mox missus pugnae non interfuit. Lithvanicas copias adduxerat Paulus Sapieha Palatinus Vilnensis, idemq; exercitus Lithvanici Dux: eximiam haud dubiè operam in hoc campo præstiturus Regi & Reipubl., nisi tristis casus prælio illum

illum exclusisset. Quô enim die antecursores Suetici ostendere se cæperant nostris, ille prælium imminere sentiens, Ductores Ordinum tumultuariô conviviô exceptos ad nobiles belli ausus velut sacramentô adegerat. Cum mutuan sibi laudabilis operæ fidem dedissent, insonat rumor, adesse hostem. Ille ardens cum suis evolat. Sed incautiùs festinanti, gravissimô equi lapsu, cruris dextri os diffusum est. Ita saucium vulneris curandâ causâ Varſaviam deportari oportuit. Ex acie Polonâ primi omnium hastati in hostem invec̃ti, duas ferè turmas Suecicas protrivêre. Quos si cæteri pari alacritate secuti essent, haud dubitatum, eo die penes Polonos mansuram fuisse victoriâ. Incurſu enim illorum disrupti hostium Ordines nec sine multo negotio restituti sunt. Et adeò penitùs in aciem hostilem se immerſerant præſultores illi, ut unus ex iis ipsum Regem Sueciæ hastâ aggressus, penè dejecerit equô. Sed is à nullo suorum sublevarus, Suecicô deinde sclopô trajectus est. Tartaricæ alæ terga hostium circumire, & illac irrumpere tentavêre. Sed cum omnia ibi peritiâ Du-

etorum prævisa munitaq; reperissent, non ausæ sunt tonantibus undiquaque machinis se objicere. Peditatus Polonus imperata non impigrè faciebat. Non minùs quoq; pars nonnulla equitum. At in multis aliis par alacritas est desiderata. Rex ipse satagebat rerum suarum, & ubique obequitans voce indefessâ animare conabatur suos; ipse periculi nec fugians, nec expers, cum non procul ipso Subpræfectus Nadorowski caderet, nec non famulus Andreæ Trzebicii, qui tùm Vice-Cancellarius Regni, Regem fido obsequio, etiam præliantem comitabatur. Regina quoq; animosa Princeps ex adversâ fluminis ripâ non spectabat otiosa prælium, sed astans machinis grandioribus, jussa militaria dividebat. Cæterùm hostes singulari sagacitate occurrere insidiis, eludere impetus, stationes, prout res posceret, mutare, bono ordine laborantibus succurrere, machinis ubiq; se tueri, iisdem oppositum equitatum, tum insolentem, terrere & avertere periti, & tùm insuper, velut desperationis quodam æstu, ad contendendos omnes virtutum & solertiz nervos compulsi, et si plu-

res suos amiserant, quàm trucidassent Polonos, deniq; prævaluêre. Sed utriusq; partis confessione certum exploratumque habeo, quod ante dixi, longè difficiliorē incertiorēq; futuram fuisse victoriam, si in primo conflictu aggressores Poloni à suis sublevati, si & tormenta tormentis opposita fuissent; & denique ad nutantem fortunam restaurandam noctis beneficiū usi nostri, die sequenti ad prælium rediissent. Nam apud hostem & milites & equi fame jam deficiebant; victu Polonis liberaliter suppetente. Sed hi perditā vincendi fiduciā, noctu, urgente nemine, ultrò abiêre; Cum pro magnitudine prælii pauci sanè cecidisset, paucissimi etiam & penè nullus ex primipularibus captus esset. Neq; aliud difficillimi periculosissimiq; congressus solatium habuerunt hostes, quàm quod Præpam oppidum eo die, sequentibus verò Varsaviam desertam obtinuêre. Urbs commissā Bûlovio est. Rex Sveciæ cum expeditissimis suorum Cracoviam ire decreverat, opem ei loco laturus adversus circumfusam Nobilitatem. Sed cum Radomum pervenisset, monitus est, diffici-

sem sibi ad suos regressum fore Polonico exercitu, qui sospes & integer cessisset, facile illi itinera interclusuro. Itaq; Varsaviam rediit, atq; illinc in Prussiam profectus, cum Mariæburgum peste infectum reperisset, Reginam suam Frauenburgum duxit. Ubi tùm ei Cancellarium Ericum Oxenstiernium virum, si proximisset, magno Patre non futurum minorem, febris acuta abstulit. Elector cum copiis suis ad Bugum amnem non nihil moratus, exercitum morbis haud parùm imminutum reduxit in Prussiam suam, quam tùm Gonsievius alter Lithvanicarum copiarum Dux incurfare ceperat. Atq; idem paulò post cum Comite Valdeco ad Lycum oppidum feliciter congressus, fuderat Electorales copias, & qui interfecerant, Suecos. Captiq; istuc ab auxiliatoribus Gonsievii Tartaris Israël nominatissimus Suecorum tribunus, Engelijs item, Brunellus, Kok, Scharenbergius, aliiq; quidam in Tauricam captivitatem acti, in quâ multos annos miserè contriuere. Captus ibidem Dux Boguslaus Radzivillius stabuli M. D. L. Praefectus. Sed benigniùs cum eo egit fortu-

fortuna, quæ ex Tartarorum manibus ereptum, Gonsievianæ custodiæ tradidit. ex quâ deindè, cum Stenbockius Comes in Livoniam tendens Gonsievio incauto superveniret, elapsus est. In Livoniâ interim Moschus ingentes fecerat progressûs: occupatisq; locis compluribus caput Provinciæ Rigam 19 Augusti ceperat obsidere. Ubi in primis initiis equitatus Suecicus Moscho se ausus objicere, ad villam Bartholdi multos suorum amisit, atq; inprimis ipsum Ductorem Comitem Turritanum & Cronmannum prætribunum. Comitibus deindè caput à cadavere abscissum viduæ Conjugi Moschus remisit. Exin à I. Septemb. usq; ad V. Octobr. quotidianis grandiorum machinarum fulminationibus fatigata Urbs est: defendentibus illam Comite Magno de la Garde, Gubernatore Livoniæ, Simone Helmsfeldio, aliisq; Ductoribus, quorum virtuti Magistratûs & gnavissima civium Rigensium opera feliciter respondit. Undè tandem, quam vastissimo exercitu & maximâ tormentorum ad deditionem compelli non posse hostis videbat, deseruit; hyemem inprimis ingruentem veritus,

itus, quæ victum jumentis, tantq; hominum multitudini difficilem redditura, tum & opera sua circa Urbem structa aquis corruptura videbatur. Dùm hæc in Livoniâ aguntur, Ordines interim federati Belgii classem Rectore Opdamio, Sub-Præfectis Reitero & Trompio, ad portus Gedanensis littora misere, pro libertate portus istius excubituram. Misit eodem quoq; suam Rex Daniæ. Nec multo post mirificum fortunæ facinus magnû Bellatorem Comitem Königsmarckium à suis proditum in manus & captivitatem Gedanensium tradidit. Rex Poloniæ Varaviâ nupèr Lublinum regressus, collecto denuò exercitu hostem in Prussiâ ipsâ quærere non dubitavit. In itinere Lancicia armis expugnata est, & oppidanorum major pars furore militari trucidata. Præsidarii in arcem se recepere, sed vi & fame ad deditionem compulsi sunt. Captus ibi Schöneckius Electoralis Tribunus, tum Boninus, eidem Electori à consiliis intimis, atq; hi in Prusiam secuti sunt Regem victorem. Qui dein prætermisso Thoruniô, quod moram & vim majorem requirebat, Choiniciam aggressus

gressus est, infessam tùm præsidio Sveti-
co, sub ductu Johannis Georgii Principis
Anhaltini. Hic inexpectato aggressu de-
prehensus, se tamen & oppidum duabus
illis legionibus, quibus præerat, impigrè
aliquamdiu defendit. Sed potentia Regiæ
impar, cùm honorificas à Rege con-
ditiones impetrasset, suos omnes in Po-
meraniam cum impedimentis, securita-
tem itineris præbente Regii militis co-
mitatu, deduxit. Tam benignum se Jo-
annes Casimirus ubiq; etiam hostibus præ-
buit. Eodem quippe tempore dedita est
Calissia, factà præsidiariis Sveticis Tho-
runium eundi potestate. Ita ovantem
Regem fortuna deduxit Gedanum, ubi
maximis post tot rerum vices lætitiæ in-
diciis exceptus, non obscurè vicissim o-
stendit, quanti constantem Urbis fidem
æstimaret. Et omnium confessione cer-
tum est; hanc si Urbem Svecorum Rex
arbitrio suo obsequentem habuisset, ma-
ximum illi indè stabilimentum ad reti-
nendam potentiam fuisse accessurum.
Nam nec nervus rerum, nec supplementa
militum tam nobili portu fruente defuis-
sent; & in Polonos convertere ille totū

exercitum potuisset, cujus non spernendam partem, Urbem à tergo positam respectans, in viciniâ ejus coactus fuit relinquere. Cæterùm Regem Poloniæ in Prussiam comitati erant Duces Stanislaus Potocius & Landskoronius, cum exercitu benè valido. Sed hic inclementiæ hyemis diu oblectatus, cum & victus inopia instaret, ad liberiora hyberna, relicto circa Urbem peditatu, discessit. Hostis diu hætenus in Mariæburgensi Insulâ nocendi occasiones speculatus, misit expeditissimos suos, qui abeuntes sequerentur. Et nonnulli incautiùs agentes non procul Choiniciâ oppressi sunt ab Aschenbergio; non inulti tamen, cum plurimi persecutorum in manus Stephani Czarnecii inciderent: eum antequam vicinum cognovissent, præsentem clade suâ experti. Opportunè enim ille Choiniciam cum copiis suis venerat, deductâ illuc Reginâ, quæ ad Regem tendebat. Rex interim Gedano Ignatium Boncovium Succamerarium Culmensem, postea Pomeraniæ, nunc Mariæburgensem Palatînum, virum grandi ingenio, rerumq; usu ad arduum aptissimum, in Moscoviam ablegavit, proro-

prorogandis induciis, quas ille cum Republ. Polonâ antehac initas, tûm quidem adhuc servabat, bellô Livonicô occupatus, & in spem adductus, fore, ut Succesor viventi etiam Regi eligeretur. Quod nec certô promittere Respubl. voluit, ne libertatem eligendi infringeret, nec apertè negare, ne ambitiosum Despoten tali tempore offenderet. Sed dexteritate Succamerarii, & qui eum secutus est Sumovii, tûm Commissariorum alibi cum Legatis Moscicis agentium effectum est, ut amicitia inter Moschos & nostros tûm adhuc incolumis maneret. Accessit alia illic belli remora, pestis atrocissima, quâ innumera hominum in Moscoviâ multitudo extincta est. Regem verò ambigua tûm tenebat consultatio, cum pacem sibi perpetuam aut cum Moscho, aut cum Sueco necessariam videret, utra præferenda esset. Legati Gallici Avangurius & Antonius de Lumbres ad Svecicam hortabantur, & prolixam illuc operam offerebant. Alii & inprimis Procerum Lithvanorum pleriq; pacta cum Moscho continuari maluissent. Sed Rex, cum ad æquam & optabilem pacem neutribi sa-

lis matura omnia videret, novas armorū
societates & subsidia quærebat. Atq; ad
Cæsarem Inprimis Germanicum jam du-
dum missi fuerant Legati, qui opem istic
solicitarent, ostensis periculis, quibus per
Reipubl. Polonæ stragem, aditus ad pro-
vincias Austriacas strueretur. Rem eam
magno inprimis studio egit Joannes Co-
mes de Lesno Palatinus tūm Posnanien-
sis, Joanne Wielopolscio, Castellano tūm
Voinicensi, post Palatino Cracoviensi,
viro magno in Republ. comitatus. Sed
Ferdinandus III. Cæsar, diu cunctabatur,
veritus ne instans suis terris periculum
propius ad se attraheret. Nec nisi mor-
ti vicinus decrevit rem Polonam seriò si-
bi adjuvandam. Mors deindè superveni-
ens capta opis ferendæ consilia interrup-
pit. Neq; enim è re filii Cæsarei visum
est, subito se bello externo implicare, an-
tequam res domi suas, quæsitis etiam ali-
bi fœderibus firmasset. Occulte itaque
commeavere consilia, quibus major plu-
rium Principum societas adversum Polo-
niæ hostem struebatur. Et Rex Joannes
Casimirus proximi sibi Electoris amicitia-
am, eo tempore, ut maximè necessariam,
requi-

requirendam duxit. In quâ conciliandâ jamdudum arcanô labore occupabatur Venceslaus Comes de Lessno, Episcopus tum Varmienfis, postea Regni Primas creatus. Cui ut Principi tanti operis architecto alii subservierunt; inter quos me fuisse, fiduciâ veri fretus, profiteor. Et successisset tum opinor negotium, nisi novum è Transylvaniâ obstaculum intervenisset. Et Rex ipse Suecorum, circa Hollandiam oppidum cum Electore congressus, blandiente suadâ Principem hunc ita sibi illigaverat, ut tum quidem ab eo auelli nequiverit: cumq; ad illum ego, qui hæc scribo, sub id tempus ideo missus essem, ut vadum compositionis tentarem, post longam satis moram id tandem responsum accepi, fortunam necdum videri res Poloniæ ad æquam pacem maturasse. Interea autem Lithvanici exercitus Prussiæ Ducalis agros & oppida in finibus sita, igne & ferro vastabant. Et hoc tempore à Paulo Sapieha Palatino Vilnensi expugnatum est Tykoczinum, quod situ & arte munitissimum, obsessores diu eluserat. Cæsi istic ab expugnatibus plurimi ex iis, qui contra Patri-

iam consilia & arma hosti commodaverant. Accepta etiam ingens præda, cum illi hostium socii pretiosissima quæq; huc intulissent. Eâ tempestate Rex Sveciæ novô & atroci ultionis genere suam in Gedanenses iram effudit. Perfossâ enim parte aggeris illius, quod depressius solum contra illulæ vim defenditur, aquas fluminis in subjectam Urbem Insulam immisit. Ita multi cultissimi agri inundati, ex quibus hætenus opima tributa miles Sueticus hauserat. Obruta & sata, & pascua, & vastô adedò circa Urbem æquore effectô, egestas longè sparsa est. Incolæ enim subito aquis circumdati, agrè se & sua subduxere periculo, & cum primum aliqui sub tigna confugissent, postea tamen, ubi hiatus aggeris indies major, plures identidem aquas, nullam verò spem remediimitteret, in vicina dilapsi sunt. Plerosq; novum illud æquor, inhumanum iratæ potentiae opus, in Urbem devexit. Nam ad ipsa usq; mœnia stagnabat fluvius, magnoq; aliquando impetu per cataractas in Urbem illapsus, humiliora ad Motlavam loca perfudit, metumq; majoris diluvii Civibus injecit. Sed intra Urbem

bem quidem nihil triftius poftèa fluvio li-
cuit. Cæterùm extra mœnia, totò am-
plius lufro vaftiffima terrarum circumje-
ctarum fpatia ufui folito inepta reddide-
runt aquæ. Neq; enim agger nifi poft
bellum reparari potuit, & cùm deindè
maximis Urbis impenfis reparatus efferet,
aquarum & glaciæ violentiâ opus recens
deftroxit: nec nifi alter & eò gravior la-
bor & fumptus fluvium coërcuit, ut vete-
ri more innocens & commodus accolis
efferet. Sed jam novam Poloniæ calami-
tatem ex Transylvania datam exponere
aggredior. Provinciæ enim illius Pala-
tinus Georgius Racocius contractas lon-
gò molimine copias in Poloniam deniq;
infudit: dudùm ad id à Rege Sveciæ, &
Cronvellio Anglici Dominatûs in vafore
folicitatus, tùm aliis quibusdam pravi
confilii Magiftris impulfus. Nullâ is un-
quam injuriâ læsus fuit à Rege vel Republ.
Poloniæ. Quin-imò multis benevolen-
tiæ pignoribus obligatus tenebatur u-
triq;. Nam & antehac bellò Valachi-
cò, cujus fuprà facta mentio, copias ei fu-
as fubmiferat Rex, & poftèa eundem Ci-
vitate Polonâ donatum, omnium Nobi-
litis

litatis jurium, summorumq; adeò honorum, autoritate Comitiali fecerat capitem. Bellò præterea postremò amicissimis identidem literis Rex & Respubl. opem ejus quæsierat, spe etiam factà, adipiscendæ olim, post fata Regia Successionis. Sed is invadere Regnum, quàm mereri, & eripere, quàm expectare maluit. Venit igitur in Poloniam, ingentem non Transylvanorum tantùm, sed Moldavorum Valachorumq; exercitum (triginta millium capitum pleriq; fuisse asserunt) trahens: juxtaq; magnam Cosacorum multitudinem, quàm jamdudùm occulto fœdere & pretio adversus hanc Rempubl. autoraverat. Atq; ut animos sibi Polonorum faciliùs molliret, spargi passim jussit, venire se animò Poloniam servandi. Arteni Cromvellianam tùm nimis usitatam secutus, quâ oppressuri Regna, blandè, & velut protecturi, alas expandere cernebantur. Et aliquibus sane fallaci hac specie impositum est. Rex Gedano festinatis itineribus in Poloniam properat, curâ hîc rerum ad breve tempus relictâ penes Joannem Sobiescium Regni Vexilliferum, qui tum juvenis militiæ &

in Aulâ prægratiosus, summarum Virtu-
tum meritis ad primarias postea in Rep-
dignitates, & ipsum deniq; sceptrum Po-
loniæ pervenit. Regem Gedanô dedux-
it Stephanus Czarnecius, qui hostibus
mirè circumductis, alicubi etiam proflig-
atis, cum expeditissimis suorum idè acc-
urrerat, ut ituro Regi esset præsidio. Cze-
stochoviæ habentur consilia, locò jam-
dudum miraculis celebri, sed qui hõc bel-
lo felicissimâ ac planè mirificâ sui tutelâ
famam sub Cordecio Cœnobiarchâ plu-
rimùm auxit. Verùm quia quæ istic hac
tempestate gesta sunt, singulari commen-
tario complexus est illustris Senator Sta-
nislaus Cobierzicius Palatinus Pomera-
niæ, qui idem antehac Vladislaum Prin-
cipem curatissimè composuit; nolim huc
intexere, quæ ibi recens edita prostant.
Viennæ mox cæpta antè de auxiliis Polo-
niæ ferendis consilia eò jam magis re-
calescebant, urgente inprimis Boguslao Co-
mite de Lelsno Regni tum Thesaurariò,
qui cum plenâ tractandi facultate in au-
lam Cæsaream missus, inter alia salisfo-
dinarum Cracoviensium redditus in sti-
pendia militis Germanici publicâ Regni
fide

de promittebat. Et successit tandem
negotatio, obtentusq; est ab Austria de-
cem millium peditum, sex equestrum ex-
ercitus. At Racocium prius monendo
avocare à bello conatus fuit Cæsar, misit-
que ad illum Hungariæ Cancellarium, qui
capti iniquitatem, & malos eventus prin-
cipi ob oculos poneret. Sed in fata sua
ruentem nulla suada, nulla auctoritas re-
tinuit. Ingressus Poloniæ fines rectè pe-
tiit Cracoviam, quam tradere ei Rex Sue-
ciæ promiserat. In eâ Urbe jamdudum
tenebatur obsessum Suecicum præsidium,
rem ibi curante Georgio Lubomierscio,
Magno Regni Marechallo. Sed novo
hosti occursury abstraxerat inde copias, &
postea injurias à Racocio, Poloniæ illa-
tas, in provinciis ipsius, comitante Joane
Sobiecio Regni Vexillifero, de quo
paulò antè, ultus est: latè sonantibus per
aspera illa montium armis Polonis, famâ-
q; ipsâ Ducû, quibus & Majorum decora
& virtutes suæ magnum jamdudum no-
men in illis etiam oris, pepererant. Ra-
cocium verò obviis cum copiis suis Sue-
ciæ Rex & Comes Valdecus, Electoralium
turmarum Ductor Cracoviam deduxere:
nullo

nullo impediente, quia non erant in promptu vires, quæ tanto & ex tot gentibus in unum conflato exercitui opponi possent. Unde feroces potentiâ hostes longè latèq; mox per Provincias vim sævam diffudère. Et quod Brestiam Lithuanorum conficiendis cum Moscho pactis destinatam noverant, eò iter verterunt, incredibili violentiâ ubiq; pauperiem facientes. Brestia nullo negotiò occupatâ, Varſaviam progressi sunt, & Sedi Regiæ junctim omnes, sed præcipuè Muldavi, Cosaciq; immanitèr insultavère. Et tùm inprimis direpta ferro, juxtaq; flammis vastata sunt, quibus antehac Sueci Germaniq; pepercerant. Sed & hi à sociis barbaris velut contagione infecti corruptiq; nihil hic crudelitatis omiserunt. Quodq; juncti hi omnes populi fecerant, separati etiam pòstea facere perseverârunt: singulis libidinem & avaritiam explere cupientibus, quasi sentirent, nunquam deinceps huc se redituros. Mox enim ut ipsi inter se divelli, ita res omnium mutari cæperunt. Sueciæ Regem Dania trahebat, quæ bellò tùm indictò, antiquitùs ablata à Suecis repetere voluit. Sve-

cus ad sua defendenda festinans in Prussiam primò, deindè per Pomeraniam ad Albim, porroq; in Holsatiam ivit. Ubi quas utriusq; sortis vices expertus sit, ex aliis disci Scriptoribus potest: Sed & nobis aliquandò, Deò volente, uberius exponetur. Nunc Racocianæ fortunæ periodum absolvere juvat. Postquam Palatinus iste à Rege Sueciæ secesserat, Cracoviam repetere statuit. Sed dùm in itinere est, Cæsareum exercitum cum Polonicis junctum, non procul ab illa Regi Principe Libe abesse intelligit. Quæ res quò provisâ minùs, eò vehementius illum conturbavit. Nam agitari quidem inter Cæsarem & Polonos conjunctionem dudum animadverterat. Sed tam citò coalituram & in effectus tam properos erupturam, sibi non persuaserat, solito in perniciem ruentium satò, ut contemptu sibi accelerent periculum: quodq; prudentiâ vitare potuissent, inconsultâ impetu ulterò incurrant. Cæterùm ille Cracoviam, ita jam circumseptam non ausus reverti, Sandomiriam progreditur: exercitu ejus indies minuente. Qui enim secuti ipsum erant Moldavi, Valachi, & similis notæ,

cùm rapinis sese onerassent, de his aspor-
tandis solliciti jam erant, de Racocio se-
curi, nec nisi ad prosperam ejus societa-
tem proni, malorum consortium abnue-
bant. Ita à multis jam desertus, eò citi-
us recedendum sibi censet, ne propiore
hostium suorum accessu trepidatio cæte-
ros quoq; abriperet. Itaq; apud Zavi-
chostiam abjectis impedimentis tranat I-
stulam flumen, instantes Polonos apertâ
formidine jam fugiens. Copiæ Regiæ
fæderatis junctæ, Cracoviæ vicina repe-
runt; Sed Ducibus Polonis Lithuanisq;
nec non Palatino Russiæ Czarnecio da-
tum negotium est Racocium persequen-
di. Pari omnium & velut æmulâ ala-
critate, quanquam viis diversis, instatur
fugienti. Primus eum ad Magiroviam
assecutus expeditissimus ille Czarnecius,
Sapiehanis turnis, quas Polubienscius
nunc Marefchallus Lithvaniæ duce-
bat, comitatus, magnâ clade depre-
henfos affecit, cæsis eorum quàm pluri-
mis, præsertim Cosacis, quos tergo suo
prætenderat Racocius. Machinæ tum
ablatae suprâ viginti; captivorum multa
millia liberata. Exin tantò magis dila-
bi cœperunt non Moldavi tantum, sed &

ipsi Cosaci, quorum robori plurimum Ma-
stenus confusus erat Princeps, & in terra
ipsis notissima fugere volentibus viarum,
quibus se subducerent, compendia facile
patuere. Postremi eorum, apud Mied-
zibozum fugam orsi, aggere transfolio, ut
Polonos instantes morarentur, Racocio
ipsi, quem à tergo jam reliquerant, iter
præcluserunt. Eò pronius assequi illum
Duces nostri & undiquaq; cingere potu-
ere, per diversa itinera in unum denique
congressi. Nam & Magnus Marschal-
lus Lubomierscius, qui superiore mense
Racocium, ditiones ejus vastando, exPo-
lonia evocare studuerat, per arduas mon-
tium salebras reduxerat interim milites
suos, quanquam difficillimo & equis in-
primis periculoso itinere lassos. Extre-
mis itaq; periculis se tandem circumven-
tum sentit Racocius. Nam perpetuo jam
ejus castra Poloni Lithuanique, undiquaq;
solicitabant. Superandus erat Hypanis
fluvius, cujus trajetibus recessum ejus non
parum erat moraturus. Neq; ignora-
bat is fronti suæ Tartaros imminere, quos
fama belli à Racocio in Poloniam missi
contra ipsum exciverat, Turca minime id
prohi-

prohibente, quem ista Principis Vassalli
audacia non parùm offenderet. At terge-
cum Rége Joanne Casimiro exercitum Au-
striacum sequi, fama studiò à nostris spar-
sa ferebat, quæ apud trepidos facilè fidem
invenit. In præcipiti igitur constitutus
Racocius, pacem orare constituit, misitq;
Mikessium Cancellarium suum. Qui inter-
rogatus à nostris an paratus esset Racoci-
us omnia Divina humanaq; in Polonia à
se violata, & magnam partem in cineres
conversa, auro vel sanguine pensare, re-
spondit: Aurum non dabimus, dum fer-
rum tenemus. Subjunxit Palatinus Rus-
sæ Czarnezius; *Racocio instant extrema,
nobis verò sanguis jam penè profluit venis,
pro Rege & fortunis nostris effundendus.*
Quæ prolocutus proripuit se locò, suosq;
milites tubarum clangore convocatos il-
licò ducere cœpit in hostem. Quem pa-
ri alacritate secutus est Polubinski cum
Lithvanis. Quæ res non Mikessium mo-
dò, sed & cæteros, qui in castris hærebant,
perterrituit. Unde & Janussius Keminus
copiarum Racocianarum Dux prælio pa-
ratos videns nostros, per Druskevicium
ad pacem tractandam spatium oravit.

Inpetu itaq; fortissimi Czarnecii blandè
inhibito de conditionibus actum. Quas
victores primùm numero novem, omnes
duriusculas imperavère. Sed Mikeſſius
homo facundus & agilis à generoso Du-
cum animo moderationem earum obti-
nuit. Deniq; ergò in has leges conven-
tum, ut deprecetur Polonia & Ungariae
Reges & ingentem pecuniae summam exer-
citus renunciet amicitiae Sueti-
ca; captivos omnes, & deniq; Cracoviam
Brestiamq; Lithvanorum, quantum in se
sit, reddi faciat. Sancitâ pactone, da-
tisq; obsidibus, St. Abassio & Georgio
Geroſſio, copias ille suas per mediū exer-
citus Polonum duxit. Ipse cum Ducibus
nostris eodem deinde curru vectus, mul-
ta familiaritèr de belli sociis questus, Co-
sacorum inprimis subleſtam fidem accu-
ſabat, suam verò uti liberaret, misit ex-
templo internuncium ad Januſſium Bet-
lehemum, quem Hungaris in praesidio
Cracoviae relictis praefecerat, jubens, ut
milite inde educto, Regi Poloniae tradat
Urbem. Ac Bethlemus quidem Racocio
Domino suo, at non item Bethlemo Sue-
ticus Gubernator Paulus Wirtzſius paruit.

Nam

Nam is obsidione demùm ac Casareani Ducis Hatzfeldii tractatu ad deditionem Urbis istius flecti potuit; tandemq; 24 Augusti cum milite suo impedimentis omnibus, & optimis spoliis in Pomerani- am, deductus est, multis Polonorum con- ditiones, quas nimium laxas ab Hatzfel- dio obtinuerat, ægrè admodum ferenti- bus. Racocius verò vix dum finibus Re- gnii egressus in majora mox discrimina incidit. Facilitati Polonæ satisfecisse vi- debatur pro illatis injuriis, at minimè Di- vinæ Nemese. A quâ in Scythicas ma- nus traditi sunt, qui Polonas effugerant. Tartari enim, qui jamdudum capta istius Principis agris oculis aspexerant, nunc perculsum & oppressu facilem conspicati, locò sibi opportunò circumdedere exer- citum ejus, eundemq; haud multò nego- tiò victum, unà cum Ducibus, Tribunis, & Ordinum Ductoribus in Tauricam ab- duxerunt: cedentibus sic in prædam bar- borum iis, qui modò Poloniam barbarè deprædati erant, suaq; adeò facinora fœ- disfima ibi servitute expiavere. Neq; Ra- cocius ipse eadem vincula effugisset, nisi, jussu Ducum, à Joanne Sapieha exercitu-

um Regni Notario comitatus, & ab aliis
Polonis viâ Tartaris ignotâ supremo di-
scrimini fuisset subductus. Ad eum mo-
dum qui nupèr plusquam triginta milli-
bus stipendiariis cinctus, in Poloniam ir-
ruperat, nunc vix quinquaginta homini-
bus stipatus, summâ cum trepidatione, &
salvis vix dentibus, in Patriam suam rediit,
atq; ita rediit, ut post ea vi Ottomannicâ
non solum honore & possessionibus suis
omnibus, sed & vitâ exueretur: Magnum
& illustre Principibus documentum, non
esse appetenda bella iis, quibus pace sine in-
juriâ frui licet: Et de suis ut plurimum pe-
riclitari quod improbè inhiant alienis. Swe-
tici Regis in Holsatiam discessus, ruina
Racocii, & Austriaca auxilia captum diu-
dum cum Electore Brandeburgico recon-
ciliationis negotium nunc tandem acce-
leravere. Cum præter Episcopum Varmi-
ensem, quem antè huic operi invigilasse
diximus, Vincentius Gasieuius Thesaura-
rius & idem Campiductor Lithvaniæ, cum
aliquibus Ministrorum Electoralium, qui
arma cum Svecis juncta minùs probave-
rant, imprimis Barone Overbequio, rem
validè ageret. Et ingens momentum ad-
debat

debat Franciscus Baro de Lifolâ à Rege Hungariæ & Bohemiæ in id missus, ut Electorem ab amicitia Svecicâ avulsum, Polonia restitueret, eidemq; societati, quam Patre orbis, & Imperii Germanici jam Candidatus Leopoldus nuper cum Rege nostro & Republicâ inierat, innecteret. Respondit labori successus, & Labiaviæ primùm Compositionis leges scriptæ, postea verò Bidgostia mutuò Principum sacramentò sancitæ sunt. Splendidæ satis illæ in partem Electoris, Polonis graviores semper visæ, nisi eas tempori datas excusaret necessitas. Golicivius interea in Livoniam movit. Ubi ei prosperè primùm res celsere, adeò ut Rigam quoq; ipsam circumfidenti caperet animum: quamvis non immemor, eam nupèr à Moscho majore longe exercitu frustra oppugnatam fuisse. Ceterùm captò obsidiò, dùm ipse alibi gravibus negotiis attinetur, malè rem egerunt Ductores. Quorum præcipuus dum ægro-
tans alteri regimen structo convivio tradit, superveniunt obsessi, & quicquid ibi militum fuit, dissipant, cæsis non paucis, captis compluribus. Ita soluta est obfi-

*Pax
cui Bræ
deb.*

dio, neq; quicquam magnum postea in Livoniâ geri potuit. Paulopost verò in Curlandiâ pensata est labe, quam circa Rigam Galsievanis copiis culpa paucorum conflaverat. Germaniam verò his temporibus ingressus est Czarnecius tantâ celeritate, ut famam sui Dux longè lateque celeberrimus anteiret. Vigorem Martiamq; sagacitatem Viri jamdudum audiverant remotissimi etiam populi, nunc vicini vident; hostes extra Poloniam quoque sentiunt. Ille consilii sui obregens, invictus laboris, ad pericula increpidus, militi suo carus æquè ac venerabilis, omnia ex voto ubiq; agit. Flumina etiam maxima, & quæ alioquin pontibus longè quæsitis, vel suppaginibus lentò opere contractis trajici solent, tranat, ipse præviis suis. Pomeraniam Svecicam cum intrasset, urbes munitas præterit, oppida, pagos, & quicquid passim patebat, diripit, vastatq; ut ostenderet hostibus, quid in Poloniâ peccassent; Simul & nervos Regi Sveciæ in propriis ipsius terris incisurus. Sed antequam hæc fierent, Rex Poloniæ Bartholdum Rautenfeldium Secretarium ad Electorem

Saxoniz miserat, qui arma Polonorum
in Germaniam transeuntia excusaret.
Non enim mirum cuiquam videri debe-
re, hostem Poloniz ubivis quari à Polo-
nis. Nec ideò pacem cum Imperio ini-
tam lædi, læsamq; eam potius à tot Ger-
maniz Principibus, qui sub auspiciis Sve-
ticis suos exercitus in Poloniam ducere
sustinuerint. Causam quoq; Poloniz a-
pud fæderati Belgii Ordines agebat, mis-
sus Regiò nomine Pinoccius Nobilis Ita-
lus, postea Regni Indigena; Coricinio
Poloniz Cancellario intimè carus, quod
viri ingenium negotiis gerendis aptissi-
mum cognoverat. Sed Ordines illi suæ
in Mari Balthico libertati commerciorū
Elbingensi Tractatu consuluisse rati, ultrā
tū non processere. Angliam idem Hie-
ronymus Pinoccius jussu Regio adiit:
Verū istic omnia hosti amica, Polonis
adversa reperit, Cromvelliò insistente
consiliis, quæ cum hostibus nostris insti-
gante Enthusiastarum spiritu jam dudum
inierat. Polonis autem, sicut Racocii
collapsa fortuna & Electoris ad amicitia-
am reditus, ita Danicum etiam bellum
non leve adjumentum attulit. Id enim

Regem Sveciæ ita attinuit, ut nec reverti
posthac, nec justum exercitum mittere in
Poloniam potuerit. Atque istis quoq;
perindè ut in Poloniâ fortuna illum pri-
mum successu blandò ad summa evexerat,
sed ut postremò defereret. Principio quip-
pè Holsatiam impunè ingressus, mox sine
multo negotio ad ipsam Daniæ metro-
polin penetravit, patente per maris sinum
itinere, cum rigidissima hyems, inusita-
tis frigoribus, ita durâset glâciem, ut
exercitus armatos & impedimenta ferre
posset. Ita improvise hostis accessu op-
pressus Daniæ Rex in pacem consensit,
qualem subita necessitas expresstit. Sed
mox reditum ibi ad arma est, etiam an-
tequam pax effectum fortiretur. Denuò
præter opinionem circumventus ille Rex,
& non modò aliis ditionibus, sed & in-
clytâ illâ tùm Regni sui, tùm totius ma-
ris clave Cronenburgò exutus, atq; intra
Regiam sedem Hafniam obsessus est. Cæ-
terùm ad unam hanc Urbem fregit impe-
tum & vires suas Rex obsessor. Nam &
gravissimò insultu plurimos suorum, inq;
iis longè fortissimos viros amisit: & mo-
ra obsidii spatium dedit Daniæ amicis, ut
opem

dericodeum, nusquam non fortiter rem-
gesisse, fassi sunt hostes ipsi, & agnovit
præter alios Princeps optimus Fridericus
III. Rex Danicæ, uti vel ex Epistolâ appa-
ret, quam ad Czarnecium scripsit, dignam
meo iudicio, quæ & hic iis verbis, quibus
scripta est, legatur, in testimonium virtu-
tis Polonæ, quæ in Czarnécio, tanquam
in primario hujus expeditionis Duce ce-
lebratur: Ita autem habet illa:

*Singulari favore ac benevolentia nostrâ
Regiâ præmissis, Illustrissimæ Domine, sin-
cere grateg, Nobis dilectæ, maximâ cum
existimatione Nobis relatum est, quomodo
Illustr. Vestr. diversis conflictibus, novissimè
etiam in occupatione Insule Alsen, sitor-
umq, in eâ Castellorum, inter alia hostis
copias, numero militum, plusquam triplo
suis fortiores, præcunte suo agmine prosli-
gando, virtutem suam verè Heroicam, cum
laude & admiratione omnium exercuit.
Quemadmodum Nobis semper de Illustr.
Vestr., ut pote Duce rebus suis gestis præcla-
ro, gratulati sumus, affectumq, Serenissimi
Regis Vestri fraternalium in auxilium armo-
rum nostrorum Illustr. Vestram submit-
tendo abundè deprehendimus: Ita benevo-
lentiam*

lentiā nostrā Regiā, quā meritis
suis etiā apud Nos Illustr. Vest. acquisivit,
contestari hisce volumus, ex animo optan-
tes, ut felicissimis quibuscunq; successibus
fama Illustr. Vestræ non solum Patriæ, sed
exteris etiā cognita, universo Orbi, præ-
sertim huic Arctoo magis magisq; inno-
scent. De ceteris certò sibi persuadeat
Illustrisf. Vestra, nos quicquid officiorum
Nobis præstitum fuerit, grato animo,
omniq; favore Regio cum DEO & tempore
agnituros. Dabantur in arce nostrā Re-
giā Hafniæ die 24. Decembr. Anno 1658.

Hoc anno (ut togata quædam intermi-
scent) post fata Petri Gembicii, infulam
Cracoviensem adeptus est Andreas Trze-
bicius, gesto magnā prudentiā utroq; Re-
gni Sigillō, Legatione etiā ad Imperi-
um Germanicum dexterrimè obitā, ali-
isq; multorum annorum meritis, Regi
ac Reipublicæ dudum cognitus. Pre-
misliensis, quam is hactenus gesserat, da-
ta est Stanislao Sarnovio, cujus eximias
virtutes in Supplicum libellorum magi-
sterio, seu Referendariatu ita Rex adama-
verat, ut & Sigillo Regni dignissimum
judicaret. Sed is dato Episcopatu con-

tentus, multos ibi annos inter varia pericula, à Scythis præcipuè, transegit, donec postea ad Vladislaviensem insulam citra ambitum, & ferè invitùs à Rege Joanne III. est evehctus. Jam ad arma redeo, quæ dum prospere & gloriôsè in Holsatiâ & ultra hanc peregrinabantur, Rex Joannes Casimirus interim pestes, magis magisq; eliminare nititur. Ac magno inprimis studio id agit, ut Cosacos à Mosco ad se & Rempubl. retrahat. Curæ istius particeps fuit Regina, nec pepercit sumptibus, sine quibus res tantæ molis perfici non poterat. Ministri operis præcipui fuère duo Stanislaus Binievius, Castellanus tùm Volhiniz, postea ob egregiâ merita Palatinus Czerniechoviz nominatus; alter Casimirus Ludovicus Jevvlassevius, Palatinus posthac Bresciannensis. Stimulatores & simul proxenetæ, sed armati erant Tartari, qui nec cessabant, infestare, quâ poterant Cosacos, & istiusmodi vium hostilem perpetuam fore minabantur, nisi ii ad priorem Dominum reverterentur, à quo ad Moschum, æternum Tartarorum hostem, defecissent. Agitari hæc capère, cum Chmelnicio Cosacorum Duce: Et acclinare is aures

animumq; visus est bonis consiliis: Sed
hominem non dignata sunt fata consumi-
mati operis istius honore. Extinctus est
inter prima cæpta, homo inquietus qui-
etâ tamen & siccâ morte: mirante non
ano, qui tot barbarum in Regno autor,
tot hostium externorum concitor, non
modò supplicium effugerit, sed & hono-
ri opibusq; integris sit immortalis. Ve-
rùm *justitiæ Divinae tabulas rimari anceps*
& illicitum: cui judiciorum suorum con-
stat ratio, etsi hominibus obscura aut igno-
ta sit. Moriturus Chmelnicius convo-
caverat Tribunos exercitus, iisq; filium
suum duodecennem commendârat; pue-
ri tutelâ speciatim commissâ Kovalevio
& Lesnicio. Sed Cosacorum alii & tu-
telâ illâ & regimine exercitus digniorem
existimavêre Vihovium, qui jamdudum
Chmelnicio administer, rerum Cosacica-
rum rationes pernoverat. Legatus Mo-
seicus Mattevicius hæc se in scio facta in-
dignatus, Pereaslaviâ convocat Cosa-
cos, atq; ibi, clavam deponente Vihovio,
publicè rogat, quem Ducem velint. Post
longum omnium silentium gregarius
quidam Vihovium laudare incepit. Nus-
quam evidentius emicuit, quantum pos-

mir.

Scilicet
p. 74
hanc.

ut primat ox. Succlamavère mox alii,
& non alium se velle Ducem testati sunt;
Ita clavam, quam modò posuerat, Vihovius recipit: Matissevicio Mosco consentiente quidem, sed simul mox leges addente, ut novus Dux nuncium remittat Regi Poloniæ, & omnibus externis Principibus, contra autem ad Czarum Moscoviticum profectus fidem ei obsequii iurejurandò præstet. Sed Vihovius Mosco se suspectum esse noverat: adeoq; securitati suæ prospecturus, mittit ad Regem Poloniæ Internuncium Theodosium, hominem in Aula ob fidem jamdudum cognitum, compositionem offerens, quæ ante deliberata magis, quàm capta fuerat. Suboleverat de his Mosco, adeoq; variè insidiatus Vihovio, & apertè deniq; eum persequi cepit, Cosacorum regimine in Puskarenium quendam translato. Mittitur, eodem Mosco machinatore, ad Insulas Zaparovianas Barabassius, ut vetustissimum quemq; militiæ Cosaciæ in Vihovium concitet. Sed hic dum ad Puskarenium cum non exigua manu tendit, interceptus à Vihovio, atq; in patibulum actus est. Idem Moscus alium deinde

deindè Tribunalum Dziadzalium occultis sermonibus, magnisq; invitamentis corruptum in caput & vitam Vihovii subornat. Qui eò periculosior huic, quò familiarior. Suggestusq; aliquandò noctu cum paucis tentorium Vihovii, hastis lectum ejus transfodit, Vihovium se fodere ratus. Sed illè maturè excitus, eadem, quâ illi ingressi fuerant, solertiâ, se in equum proripuit, & ad Karazbeium Tartarorum Ductorem, qui non procul indè cum exercitu suo stabulabatur, profugit. Puskarenus interim cum selectis, propius se castris Vihovii admoverat, de eo, ut cæso, jam triumphans. At vivere illum nec ii, qui vivum maximè vellent, sciebant, donec à Karazbeio poscentibus ostenderetur incolumis. Eò fortiùs postea contra Puskarenium & Dziadzalium pugnatum est. Obtinuitq; ibi victoriam Vihovius, & suam inter Cosacos auctoritatem aliquantum stabilivit, hoc insuper solatiò potitus, quod Dziadzalium insidiatorem scelus suum vitâ luere vidit. Intereà missus antehac Theodosius, & postea hunc secutus Tettera, Vir egregius, & in Regem optimè animatus, effecerant,

rant, ut Duum-viri illi, quos jam ante ad
negotium compositionis Cosacicae de-
signatos dixi, adventarent. Qui Vihov-
vium in castris ad Hadziacum positus re-
pererunt. Istic res difficillima agi mox
capit magnò molimine. Nihil medio-
cre poposcere Cosaci, & annuerunt Fa-
ciales Regni: cum Respub. tot adhuc bel-
lis implicita quòvis pretiò exercitum
hunc Cosacicum reconciliare sibi statuis-
set, iturum alioquin sub Turcarum domi-
nium, vel ad Moscos rediturum, pari
Reipubl. Polonae periculò & damno. Ac
Polonia quidem ut antehac plurimum
semper libertatis illecebrà potuit, ita
nunc eadem hanc Cosacos præcipuè traxit.
Cum nimirum ad paria Civitatis jura pri-
marios milites, Ducem verò eorum ad
Palatini Kioviensis dignitatem, Græci ri-
tùs equites, ad munera præcipua, ejusdem
ritùs præfules, atq; inprimis Metropoli-
tam Kioviensem ad sedes Senatorias ad-
misit. Vihovio præter Palatini honorem
data est in feudum Oeconomia Lubom-
liana; Nieczaio autem Bobroisensis
præfectura, quam utramq; hætenus Re-
gina tenuerat. Multa præterea alia tum
Religio-

Religioni, tùm Provinciæ Russicæ, Duci item & militiæ Cosacicæ concessa, quæ in volumine legum Poloniæ legi possunt. Illi enim inserta sunt, postquàm, quæ hic placita fuerant, à totâ deindè Republ. in Comitibus anni sequentis confirmari oportuit. Cæterùm simul ac eò pactò transactum fuit apud Hadziacum, missi illic à Vihovio sunt nuncii, qui nomine totius exercitûs Regi ad Thorunium agenti dixêre sacramentum: simul verò exercitum sex millium Polonorum Vihovius à Rege impetravit, subsidium adversus Moscos, & ipsi inprimis Duci, adversum perfidiam suorum, asylum securitatis. Eum exercitum mandante Rege duxit Andreas Potocius, Castrorum tùm Præfectus, postea Palatinus Braclaviensis, vir ad magna natus, & ad maxima perventurus, si diutiùs vixisset. Tum quidem Ukrainæ tuendæ præfectus, rem strenuè & vigilanter gessit, impigros expeditionis comites nactus Stanislaum Jablono-vium tùm vigiliarum Præfectum, postea Palatinum Russiæ, inclytum meritis virum, & jam Poloniæ Campiductorem, Jacobum item Potocium, Castellani olim

& Ducis exercituum filium, Eustathium Tiskevicium Praefectum Zytomiriensem, Thomam Karzevium, Georgium Ruscium, Josephum Lacinium & alios. Sed quæ hic Poloniae favit fortuna, alibi Curandiam eidem abstraxit, Ducemq; ejus Jacobum unà cum conjugē, Sangvinis Brandenburgici insignisque prudentiæ Principe, cumq; septem liberis in vincula Svetica mirò & miserabili orbis spectaculo compulit. Optimus ille Dux, lege feudi, Polonæ Reipubl. innexus, à Rege tamen jamdudum impetraverat, ut à belli Svetici consortio immunis, atque adeò utrique dimicantium amicus maneret, quia pactis Stumdorfianis paci inter partes conciliandæ destinatus pararius, non miscendus jam armis videbatur: & dubiis Poloniæ rebus consultius fuit, intermediis ejusmodi studiis intolumem servari Provinciam, quam, bello implicitam, Regni arma, alibi distracta, ægrè defendissent. Ac diu equidem sic se & res suas circumspeditione suâ ut cunq; sustentavit Dux quanquam ab injuriis belli haudquaquam immunis. Nam subindè utriq; parti & pecunias & victum suppeditare coactus

coactus fuit. Plurimum tamen Svecis
dederat, quia illis in locis diu haftenus
præpolluerant: & hoc ipso Septembri,
quò in potestatem Duglassi cum omni fa-
miliâ suâ, citra culpam suam devenit, vi-
ginti millibus Imperialium, multoque
commeatu pacem redemerat. Sed ante
transactionem hanc acceperat Duglassus
à Rege suo mandatum, Ducem, quâ pos-
set, corripienti. Causas tam asperi man-
dati Svecia peculiari postea scripto dixit,
sed easdem aliò Ministri Ducis refellere.
Duglassus, exequendi mandati occasione-
bus jamdudum intentus, postquam tribu-
ta antè memorata impetraverat, redditum
in Livoniam simulavit, & in eum finem
à Duce navigia per Spensium Tribunalum
poposcit, avhendis flumine, quod arcem
Mitoviensem alluit, militibus, quorum
plurimos haberet ægros. Consensit Dux,
etsi ægrò & præsentiente jam sinistra mo-
liminis animò. Non tamen auctæ excu-
biæ, aut quicquam contra vim præpara-
tum. Prid. Calend. Octob. prima navi-
gia non procul arce conspici capere, qui-
bus ceu ægrum militem vehentibus, ali-
menta præberi optimus Dux jussit. Atq;
illa

Illa quidem sine noxâ transferunt. Secuta deinde paulatim alia, numero quadraginta, custodias eò facilius fefellere, quod fortè tum obscura nubes Lunam offuscaverat. Expositus sine morâ miles, arcem nemine obstante, inscendit, ac tormenta vallis imposita invertit. Neque vim, in primo aggressorum impetu, pretiosissima Principis effugere. Ducem Arnfeldius, Optio legionis Svecicæ, bono animo esse iussit; ad futurum mox Duglassium & rationes facti istius expositurum. Interim custodiæ circumpositæ, quæ exitum præcludebant. Simul verò & oppidum Mitaviense ab Ixelio occupatum. Ita intra arcem suam captus Dux, capta cum sex liberis conjux, Brandenburg. Electoris Soror, quæ & partui tum proxima, octavo post die masculum peperit: captivum, antequam nasceretur, & exulm, antequam patriam suam nôset. Nam sequenti mox Octobri, die 28. idem Dux cum puerperâ ac omni familiâ Rigam, & paulò post memorabili inhumanitate, Iwanogrodiam, locum cælô & nomine ipsô horribilem deductus est. Provincia tantô Duglassii facinore, in Vindicias Ducis

Ducis & suæ libertatis, arrecta impigrè
quidem arma corripuit, sed exiguo pro-
fectu, quia regimen & concordia defuit.

At eadem, annò sequenti, Lithvanici
exercitus ope, ex manu Sveticâ liberata

est. Nunc series temporum Thorunium,

cujus paulò antè mentionem injiciebam,

me vocat. Eam Urbem, simul ut occupa-

ta à nostris erat Cracovia, aggredi Rex
statuerat. Sed citra Germanicum pedi-

tatum, frustra se rem tantam videbat ten-

taturum. Dux autem Cæsareus, vir militiâ

inclytus, at annis fessus, maturè hyberna

respicere, quàm Urbem oppugnatu ardu-

am alienò tempore adoriri maluit. Rex

tamen præmisit Joannem Sapieham, exer-

cituum Regni Notarium, qui eminùs cir-

cumpositis turmis com meatum Urbi &
præfidiariis accideret. Cui postea Suchi-

us Generalis in exercitu Cæsareo magi-

ster excubiarum accessit; nec non alius
copiarum Germanicarum Ductor Heste-

rus, nuper carcere Marieburgensi elapsus
astu. Maturandæ oppugnationi missus
quoq; à Rege est Christophorus Grodzi-

cus, Castellanus Camenecensis, rei arma-

mentariæ per Poloniam magister. Tan-

dem

Thorun
nunc à
Polonijs
obsessum

dem & Rex ipse unà cum altero exercituum Polonicorum Duce, eodemq; Regni Mareſſhallo Georgio Lubomierſcio ſecutus eſt. Tum demùm arctius undiquaq; circumſepta Urbs, & fortiffimè oppugnata eſt, Gubernatore Sveticò Bùlviò, magnà vigilantia ſolertiaq; locum defendente, plurimisq; ſubindè excuſſionibus carpente obſeſſores. Rex violentiæ armorum benignitatis ſubindè teſtimonia interponebat, ſcriptisq; literis æquas obſeſſis conditiones pacis offerebat, urbem nimirùm integram potiùs, quàm mutilatam ab hoſte recuperare optans. Sed præſidii Gubernator, magis de famæ ſuæ, quàm Urbis alienæ integritate ſolicitus, à noſtris vim majorem, à ſuis auxilium opperiendum ſibi ducebat. Aut certè morari quærebat obſeſſores, dùm hyemis incommoda interromperent labores obſidii. Rex Joh. Caſimirus clementià nihil profici conſpicatus, generali aggreſſione Urbem adoriri ſtatuìt, quā ſi ultra profici nequiret, externa ſaltem opera, quibus mœnia Urbis protegebantur, hoſti eripi poſſe ſperabantur. Cum omnia ad oppugnationem illam parata eſſent, ex
ione Giziàna, in quā Dux Lubomier-

scius erat, signum dātum est. Insonuere
mox nimbi lapidei, ignibus mixti, ac vo-
lare simul capere lapides molares, quos
ex statione Grodzicii jaculabatur Gōd-
kantius, Vir in arte pyrotechnicā incom-
parabilis. Incubuere simul undiq; co-
hortes, singulæ in propugnaculum ali-
quod hostile, prout ordinaverat Dux, a-
cerrimō impetu luctantes, fortiter ubiq;
præeuntibus Ductoribus. Sed vehemen-
tissima omnium circā primarium sugge-
stum, quō hostis occidentale Urbis latus,
& simul Vistulæ, eā parte, dominium tue-
batur, conflictatio fuit, & ultra quinq;
horas duravit. Ubi Giza Tribunus du-
centos primū milites emisit, ut palos
lateri suggestūs præfixos convellerent.
Qui ponte portatili fossam transgressi,
imperata feliciter effecere. Secuti mox
alii, qui jactis subito opere aggeribus tu-
torem cæteris oppugnationem facere
tentabant. Sed horum plurimī ictibus
globorum interempti aut fauciati. Et
dubitari captum fuit, an tantō periculō
continuanda esset oppugnatio. Sed Dux
Lubomierscius instare operi jusfit, misitq;
novos subsidiarios. Et mox redintegra-
tā

Ita vi datus in hostem impetus est, eo successu, ut hostis omisso hoc maximi momenti propugnaculo, in Urbem refugeret. Eodem tempore aliud propugnaculum feliciter occupavit Boccamus pratoriae cohortis Tribunus. Sed hostis ne in manibus quidem ipsis jam haerenti obsessori cedere velle videbatur: nisi orta lues Sceleratica praesidiarios praeter opinionem jugulare cepisset: ita ut morbus denique trecentos relinqueret intactos. Rex quoque etsi ad iterandam oppugnationem cuncta haberet parata, gregariam vero multitudinem a violento manuum aggreffu agere contineret, denud tamen cives & praesidii inprimis Rectorem per literas monuit, ne inani mora & suum, & Urbis fatum acerbius redderent. Consensum est in colloquium mutuum, spatiumque datum, ut obsesi mittere aliquem suorum possent Marienburgum, ubi Princeps Adolphus Regis Sveciae Frater degebat. Neque enim ulla transactio valitura erat, nisi quae consentiente ipso fieret. Quippe quem ad Danicum bellum profecturus Frater rebus Prusicis praefecerat. Ille fortunam Urbis intellecta deditionem

ditionem morari amplius non sustinuit.
Et paulò post obsessi faciales poposcere
quibus cum de Urbe tradenda transige-
rent. Misi à Rege viri præsignes Jo-
hannes Andreas Morstin Regni Referendari-
us, postea ærarii summus præfectus, Vla-
dislaus Rey Reginae Cancellarius, dein-
ceps Palatinus Lublinensis.

Horum operâ scriptæ deditiois leges,
æquæ admodum & multam Regis victo-
ris clementiam spirantes. Urbi utiq; non
venia modò data admissorum, sed et jura
omnia conservata. Thoruniò occupa-
tò Regem cura Comitiorum, Varsaviam;
Ducem Lubomierscium, commissio mili-
taris Lublinum; exercitum in hyberna
tempestas anni & necessaria post tot labo-
res quies vocavit. Præsidia Urbis novi-
ter recuperatæ Paulo Cellari, excubiatum
Magistro Generali, Prussiæ totius tutela
Christophoro Grodzicio Castellano Ca-
menecensi commissa. Sed huic exiguae
militum copię; hosti contrà novæ ex
Pomeraniâ suppetiæ Ductore Würtzio
adfuere. Quâ occasione correpta ab illo
Choinicia, Culma, Dersavia, Stargardia,
in Ducali Prussiâ Lipstadium, Salsfeldum;
D d Geda-

Sedano quoq; se admovit Würtzius, & cum literis satis asperis, tum ignibus in proximo accensis atrociaminatus est Urbem. Sed hæc majora jam dudum, pro fide in Regem suum, experta, tentamina hæc, ut levia, animo immoto transmissit. Varavia interim Comititia haberi capere, in quibus Ordinis Equestris consiliis vit summam experientiam & multis legationibus illustris Johannes Gninski, Succameratus tum Pomerania, post Palatinus Culmenensis, insigni dexteritate præfuit. Multa ibi ardua tractata negotia. Sed duo imprimis diutissime animos tenuere ambiguo: Unio ritus Græci cum Romana Ecclesia, quæ olim Anno 1595 sub Clemente VIII. Pontifice, Pociō & Terleciō autoribus, coalescerat talis, ut Ruthenidogmata & ritus Græcos retinerent, Romanum tamen Pontificem pro capite venerarentur. Eam Cosaci, & quotquot inter Russos antiquarum consuetudinum retinentiores, vehementissime semper oppugnaverunt. Neq; aliud efficacius telum habuerunt ad concitandum adversas Reipubl. populum rudem, nec adeo momenta rerum, quam inania nominum expen-

expendentem : ubi inprimis sacerdotum
 qui Popi istic vocantur, zelus praeivit
 Eandem unionem Hadziacensibus quoq;
 pactis Cosaci sublatam voluerant. Neq;
 visum fuit committere, ut ad vadium istud
 utilis Reip. negotiatio obhaeresceret. Nunc
 cum autoritate Comitiali lex confirman-
 da esset, operose de apta aliquâ ejus con-
 temperatione actum est. Altera difficul-
 tas consiliis publicis objecta fuit à stipen-
 diario Reipubl. milite. Cui quod stipen-
 dia ob inopiam publicam malignius pro-
 cesserant, orti inde fremitus, in hybernis
 coitiones, & manifesta obsequii Ducibus
 negandi primordia. Nam etiam aliud
 caput sibi constituerant. Egere cum il-
 lis Viri à Reipubl. selecti. Sed cum insti-
 tuto in id conventu Lublinensi nihil effe-
 ctum esset, ad Comitiam res rejecta. In his
 stipendia equidem sancita, qualia presta-
 re Respublica exsucca videbatur posse :
 Sed miles majora poscebat : nec ullâ ra-
 tione avocari à proposito poterat; pars
 tamen ejus, novô capite repudiato, legi-
 timos Reipubl. Duces sequi maluit, & sub
 his non poscere tantum, quod reliqui effli-
 ctim faciebant, sed & porro mereri stipen-
 dia,

bia, publicè in Comitibus, ore Stephani
 Nimericii Succamerarii Kioviensis, pol-
 liciti sunt. Ista secessione multum im-
 minuta conjuratio, tum quidem citra
 majora Reipubl. detrimenta deservit: sed
 mansit sub cineribus flamma, cujus peri-
 culosissimos æstus sequentes anni vidè-
 runt. Interim qui à contagio illà integri
 manserunt milites, egregias Reipublicæ
 operas præstitere. Nam primum illi, qui
 procul à finibus Regni in terrâ Cimbro-
 rum sub regimine Electoris Brandebur-
 gici militabant, fortitudine suâ nomini
 Polono non mediocriter decus addere per-
 gebant, copiis Germanicis Cæsaris & Ele-
 ctoris Brand. per Holsatiam, Alsen, Fio-
 niam ubiq; comites, plerumq; etiam præ-
 vii. Certè ad clarissimam illam victori-
 am, quæ Fioniam & propè omnem fortu-
 nam Daniæ Regi restituit, plurimum con-
 tulere mille bellatores Poloni, quos rever-
 tentes in Patriam cum Czarnecio Ducto-
 res nostri, penes Cimbros reliquerant. Sed
 eadem illa victoria, uti ingenti legionum
 Svecicarum clade, ita Casimiri Plasieci-
 nii, viri & genere & bellò inclyti, sangui-
 ne nobilitata est. Is enim fortiter istuc pu-
 gnans

gnās occubuit. Non minùs quoq; gnaviter opera Martia domi procedebant. Nam etsi major exercitus aut abnueret penitus, aut serò reciperet impèria Ducum, vigilabat tamen Potocius supremus exercituum Dux, ne quid in Rusiâ detrimenti caperet Respublica, & alter Potocius Andreas, castrorum tum Præfectus, nec non Jablonovius & alii, quos eò loci adgubernandis Cosacorû rebus dixi relictos, robur iis & consilium adversum Moscos magnâ vigilantia & dexteritate addebât. Sed maximi omnium momenti expeditio Prusica Lubomierscio Duci demandata fuerat. Excussus quippè aliis Regni Provinciis Svecus, in Prusîâ nihil præter Thorunium amiserat. Hic ille munitissimarum aliquot Urbium usq; pertinax, usum imprimis Vistulæ, & commerciorum cui summa Poloniæ intercludebat. Ad liberandâ igitur Provinciam magno studio ferebatur Lubomierscius. Sed, cunctanter tum adhuc Imperia Ducum audiebat miles, lentè etiâ, & præparcè suppeditabantur ea quæ ad oppugnationes Urbium necessaria erant. Sic attinebatur Dux, donec suis ferè nervis ea, quæ aliundè negabantur,

ret. Comparatis quantum temporaferebant omnibus, Grudento admovent exercitum. Quod inter minores Prussia Civitates, commodè ad Vistulam situ, commerciorum opumq; non expers, tum ab hostibus super vetera munimenta novis operibus & quingentorum militum praesidio adversus Regem suum erat firmatum. Structis suggestibus quatiantur mania, & undiquaq; immittuntur ignes, illò inprimis machinarum genere, quæ globos primùm integros, sed in plurima mox frustra dissilientes jaculantur. Undè tecta ædium passim fracta, oppidum totum periculis infestum fuit. Obsessi partim per contumaciam non intelligebant periculum, partim dissimulabant metum, ne suspecti redderentur aliis obstinatis. Tubicen utiq; qui deditibus se veniam à Marschallo offerebat, spretus est. Acrius indè vis oppugnantium exarsit, cumq; fortè globi aliqui in fanum sub tecto quodam servatum incidissent, concepta ibi flamma fumò se mox prodidit. Instantibus mox undiquaq; pyrotechnitis, flammæ ita tandem invaluere, ut oppidum brevi tempore in rogam convertetur.

retur. Distractis circa incendia oppida-
 nis & præfidiariis, eluctatur in propugna-
 cula & mænia miles, & oppidum ingres-
 sus, nihil earum rerum omittit, quas fa-
 cere solent expugnatores Urbium. Non-
 nulli hostium civiumque cùm occupata
 mænia viderent, in arcem sese receperant;
 quæ alto monti antiquitùs imposita & fir-
 missimi operis muris circumdata est. Sed
 à Cæsareanis legionibus, quas sub ductu
 Gotfredi Heisteri excubiarum Magistri
 Generalis secum habebat Lubomiercius,
 negatus ad amnem aditus, refugis aquas
 primùm, mox animos eripuit. Cumq;
 Tribunus, cui oppidi & arcis custodiam
 Svecus commiserat, spontè se potestati
 victorum permittere nollet, apertâ ab
 aliis portâ admissus est miles: & Tribunus
 ille, qui interim in turri quadam se ab-
 struserat, cum viginti aliis primipilaribus,
 gregariis centum octoginta, tormentis
 triginta quatuor traditus est Lubomier-
 scio. Ille brevi tempore, nec magnô san-
 guinis impendiô locô tam memorabili
 potitus, eò fidentioribus animis versus
 Mariæburgum processit. Ea, Crucifero-
 rum olim præcipua sedes, nunc Svecis

primum dabat receptum: ingenio
 & prodigiosa molis operibus contra
 vim firmata, & inter uberrimas Insulas
 posita, alimentis abundabat. Antequam
 munimenta aggredieretur Dux, Insulam
 maiorem occupandam judicabat, ut suo
 militi cederent, quæ hostem hætenus sa-
 ginarent. Initumq; eâ super te consili-
 um est, ut aliâ parte Gedanenses, cum
 Wilhelmo Bûtlero Generali excubiarum
 Præfecto sociati, aliâ Electorales sub Hil-
 lii ductu irrumperent, caput Insulæ Mon-
 toviense, Dux ipse cum suis adoriretur.
 Benè cessit res, & locuplete illô penuariô
 suô, omnium opinione citius, exutus est
 hostis. Ad Urbem indè & arcem Mariæ-
 burgensem perrectum est. Sed utraq;
 hæc longissimis spatiis secundùm Nogati
 amnis ripam extensa, non nisi à vasto ad-
 modum exercitu cingi poterat. Suum
 verò longè minorem sentiebat Dux, quàm
 ut tam latè porrigi, ex & utraq; fluminis
 ripâ circumdari posset. Unâ itaque parte,
 quæ Vistulam respicit oppugnationes
 capte sunt: atq; inprimis circa pontem,
 qui oppidum Insulæ majori jungit, acer-
 time dimicatum est: eodem illô Buloviô,
 qui

qui nupèr Thoruniū fortissimè, dùm licu-
it, à se defensum reddiderat Polonis, hìc
nova bellicæ constantiæ specimina eden-
te. Sed potiùdi eò tempore Mariæburgi
spes ipsi etiam Duci, qui nihil loco isti ad
tolerandum longum obsidium deesse no-
verat, exigua erat. Itaq; eò summa con-
siliorum dirigenda videbatur, ut si minùs
ea, quæ ad Nogatum annem sita essent,
eripi nunc possent hosti, Vistulæ saltem
plena libertas redderetur. Id verò flumen,
cum non nisi ex Haupto jam frænaret Sve-
cus, hoc ante omnia adoriendum videba-
tur Gedanensibz, quantumvis id grandibz
multis arduisq; superatu operibus valla-
tum esset; Marefchallus omne illud studi-
um suum auxiliumque pollicebatur, &
mox, cum magnum opus aggredieretur
Urbs, conferebat. Postquam enim Büt-
lerus, quò sociò Gedanenses antea in In-
sula pedem fixerant, rediisset ad Ducem,
misit hic deindè Baronem Ratschinium &
Joannem Montrimum cum valida Cæsa-
reanorum Polonorumq; militum legione
ad societatem capti obsidii, & ipse inter-
rim copiis suis, hoste intra Mariæbur-
gum, Elbingamq; ita conclusos tenuit, ut

loco obfesso nusquam opitulari poſſent.
 Copias Urbis tam pedestres, quàm eque-
 ſtres autoritate omnium Ordinum Civi-
 tatis regebat Vir bellò exercitatiſſimus
 Valentinus Vinterus Tribunus. Is bis mil-
 le octingentos milites (tot enim omninò
 ad obſidionem hanc adducti) ita diſtri-
 buit, ut pars ex Inſula Mariæburgenſi ſub
 regimine Valteri Siberti, cui Montgome-
 rius & Brandeſius Ordinum Ductores ad-
 juncti, occupato Schönbergiano trajectu,
 hoſti cum Mariæburgicis & Elbingenſibus
 præſidiis commuicandi copiam eripere
 tentarent. Quod & feliciter effectum, et-
 ſi non ſine acri conflictu & evidente pe-
 riculo; A quinquaginta enim Syecis pe-
 nè circumventi illi, ex hortò quodam ita
 ſe defendère, ut hoſtis plurimis ſuorum
 delideratis conatus ſit recedere. Et alibi
 ab equitatu Cæſareo, Polòno, & Geda-
 nenſi ſubindè acriter exceptus repulſusq;
 eſt. Ex Neringiâ Inſulâ Vinterus Tribu-
 nus Urbis, majore mole Caput ipſum, ſtru-
 ctis viis obſidionalibus, ſuggeſtibusq; quâ
 opus videbatur, aggreſſus eſt, ſtrenuam
 addentibus operam Joanne Bobarto, præ-
 ſidii Mindani Præfecto, Nicolao de Lin-
 dâ,

dâ, Salomone Brandefio, Petro Fuchſio
Dragonariorum Duſtore, Davide Bred-
tio, Georgio Strakvicio, Matthiâ Hir-
ſchio, ſubveniente etiam deindè Georgio
Schurio, & Henrico Vechelto. Nihil hinc
quâ conſilio, quâ manu, quâ ſumptibus
omiffum eſt, quod ad juſti numerisq; om-
nibus perfecti obſidii opus pertineret.
Sed & hoſtis ſatagebat rerum ſuarum: re-
gimen loci multis jam annis tenente Ni-
colaô Danckvartiô Lilienſtröm, genera-
li excubiarum inter ſuos Praefectô, cujus
etiam præcipuè curâ caſtellum hoc multis
admirandi operis vallis, ſoſſis, propugna-
culis, citra & ultra utrumq; Viſtulæ bra-
chium, jam dudum, militum agreſtiumq;
operâ adhibitâ, fuerat munitum: cum &
ab ipſâ naturâ, in illo aquarum Iſtularium
divortio, adverſus vim externam ſatis
firmatum, adeoq; oppugnatu difficillimū
eſſet. Idem huc ingentem vim frumenti
& omnis generis alimentorum conveſtâ-
rat, longô nimirum tempore omni Ne-
ringanæ & viciniorum Inſularum fructu
ad arbitrium ſuum pleniffimè uſus. Mili-
tis præſidiarii, machinarum item bellica-
rum, pulveris tormentarii, aliarumq; re-

rum necessariatū affatim habebat. Non-
 nisi magnā igitur vi ad deditiōem adigi
 posse videbatur. Eò acrius institere ope-
 ri cœpto obsessores. Et ab ineunte Octo-
 bri penè ad mediū usq; Decemb. omni co-
 natu eò laboratum est, ut propiore indies
 accessu arctius includerentur obsessi, &
 tūc via, tūc spes omnis auxiliorum præ-
 cederetur. Adempta violentis, assultibus
 munimenta non pauca. Ex suggestibus
 undiquaq; immissa in ipsum Castellum
 machinarum ignita tonitrua non terro-
 rem modò, sed in illis loci angustiis mul-
 tūc subindè damni inferebant clausis.
 Tandem, quantumvis omni ope, & tam
 lapidum, quàm pilarum jactibus conti-
 nuis obniterentur obsessi, adeò propè i-
 psis interioribus Castellī vallis successum
 est, ut Danckvartius deniq; non putaret
 locum diutius defendi posse, ubi in primis
 nūki egregii defensores ceciderant, ex
 quibus præcipui Kühnius & Brandtius
 Vice-Tribunī, Littonus, Buschius, Ahle-
 feldius, Böcklingius Centuriones, Bütle-
 rus Optio, Bötcherus Vexillifer, gregari-
 orum verò dimidiam jam penè partem
 absumperat obsidio. Et intra Castellī in-
 timi

timi etiam penetralia nihil à jactibus ob-
 fidentium tutum erat. Ita ut istic filius
 quoq; Danckvartii ictu machinæ 14 No-
 vembr. brachium & deniq; vitam amise-
 rit. Inter hæc mittebantur à Vintero li-
 teræ, quibus monebat Danckvartium, ut
 cederet tempori & fato. Nunciabatur
 eidem, simul non solum Pomeraniæ omnis
 à Casareo Electoraliq; exercitu infestata
 ærumnosa conditio, sed & ingens clades,
 quam Rex Sveciæ in Fioniâ novissimè ac-
 cepisset, ubi non modò uberrimam Da-
 niæ Insulam sed & multa millia optimo-
 rum militum amiserat. Ut inde conjice-
 re ipse Danckvartius posset, nullam sub-
 sidii spem sibi restare. Nam Mariæburgo
 ita acriter instabat Lubomirscius, ut loci
 Præfectus ægrè sibi tuendo sufficiens, de
 sublevandis aliis nec cogitaret; Elbingam
 pariter idem miles Polonus, & aliâ parte
 Electoralis, sub ductu Boguslai Radzivil-
 lii, premebat. Metus prætereà erat, ne
 novæ Poloniæ copiæ sese jungerent ob-
 fessoribus: Undè majus periculum, certè
 difficiliore deditiois leges expectandas
 haberent obsessi. His etsi aliquandiu fi-
 dem negare videretur Danckvartius, tan-
 dem

dem tamen ad credendum, magnitudine instantium discriminum, mollitus, inducias primùm poposcit: & cùm hæ spernerentur, omniaq; ad vim propiorem parata essent, in deditionem consentire coepit. Dati invicem obsides, ex parte Gedanensium strenui & præcipuæ autoritatis Viri Nicolaus de Lindâ & Joannes Bobartus: ex parte Svecorum pariter duo. Maturando tractatui ingressus est deniq; Albertus Rosenbergius Consul: cujus operâ in conditionis leges, quæ, numero quatuordecim, publicè extant, conventum est. Non multò ante transactionem Rex, qui interim Gedanum venerat, non modò prætoriam cohortem in auxilium, si quâ opus esset, submitit, sed & ipse Nerîngiam, deducente Valentino de Lindâ Consule, ingressus est; & cum Schivenhorsti, qui pagus est nobilium Brandesiorum, pernoctâset, sequenti die castra Gedanensium lustravit, ubi à Vintero Tribuno, militari honore, mox & à Præ-Consule Bömelio, & cæteris consilii bellici assessoribus, conviviò exceptus est: quod optatissimo fine exhilaravit & clausit Rosenbergius, deditionis intereà conclusæ,
paulò

paulò ante pararius, nunc felix nuncius.
Jactura tanti Castellì non parùm perculit
hostes, momentumq; addidit ad pacem,
cujus suasor jamdudum erat Christianissi-
mi Regis Legatus Antonius de Lumbres,
Vir ingenio & facundiâ excellens. Neq;
alienum se ab illâ Rex Poloniæ præbuit,
etsi omnia jam sibi, quàm Svecis secundi-
ora videret. Nam non modò in Prussiâ
res benè cedebant, occupatò jam & Hau-
pto & Brodniciâ, quæ & ipsa inter vali-
dissima Prussiæ propugnacula habebatur:
Elbingâ autem & Mariæburgò arctè clau-
sis: Sed & Curlandiâ penè universâ, ar-
mis Comorovii, Alex. Polubinscii, Mi-
chaëlis Pacii, aliorumq; Ductorum, tam
Polonorum, quàm Electoralium, inter
quos Boguslaus Radzivillius Dux fuit, e-
jecta erant præsidia Svetica. In Ukrainâ
pariter Vihovius Cosacorum Ductor, ad-
jutantibus tùm Scythis, tùm copiis Polo-
nis, quas Andreas & Jacobus Potocii,
Stanislaus Jablonovius, nunc Palatinus
Russiæ, Tiskevicius, & alii ducebant, in-
signes aliquot victorias reportaverat de
Moscis. Nam & Conotopum, & in eo
obsessum Ulanovium liberârant, cæsis istic
quinde-

1639.
Haupt-
stadt
fodde-
rally.

C.

quindecim millibus Moscorum, & ex Ducibus ipsis Pozarscio & Leone Piotrowitz interfectis. Trubecium verò alterum Moschorum Ducem in ipsos usq; fines Moscoviæ, dièi ante ductores Poloni repulerant. Quò secuti deinde & Cofaci & Scythæ penè, ad ipsam penè Metropolin penetravère, longè lateq; omnia populantes; & immensam deinde hominum multitudinem, aliq; spolia domum egère. Contra Sveciæ Regi ubiq; ferè adversari tum videbatur fortuna, & cum multis in provinciis simul bellum gereret, penè omnes eas in busta suorum militum sentiebat conversas. Nihil certè læti ex Daniâ, Prussia, Curlandiâ accipiebat. A Stetino equidem virtute Vûrtzii aliorumq; ductorum suorum repulsos obsessores gaudere poterat, sed interim ibidem Damum, Demminum, Grisenhagum, & alia oppida perdiderat, Pomeraniâq; penè universam, à Cæsareanis, Polonis, Electoralibus, miserrimis modis haberi non nesciebat. Undè adeò non difficulter Svecis persuasum est à Gallicis Ministris, ut pacem sibi salutiferam & necessariam crederent. Sed cum utrinq; jam non obscura

obscura ad paciscendum propensio videretur, multæ identidem, ut in re maximæ objectæ difficultates congressum fecialium retardaverunt. Nam de loco & tempore diu dubitatum est. Alia item, quæ præliminaria vocant, multum negotiū facessivēre. Ac quod non cum Polonis tantum, sed simul cum Cæsare & Electore Brandenburgico ut fæderatis Poloniæ, tractandum esset Svecis, incidebat controversia de Mediatore. Etsi enim Gallum, tam Polonia quam Svecia acceptaret, eum tamen recusabant fæderati. De loco tandem convenit inter partes, & nimirum, Olivense Monasterium, uno lapide à Gedano distans, utrinq; delectum est. Non procul indè maris littori ad-
*Trach
tio de
pare.*
jacet pagus Czopotensis, multis Gedanensium prædiis hortisq; amænus. In eo data facultas commorandi Legatis Svecicis, Cæsareis, Polonicis, Electoralibus, partim in Urbe Gedanensi, partim in vicinis pagis designata hospitia. Legatus Gallicus Antonius de Lumbres, ut inter partes medius, intra ipsum Monasterium debebat, utrinq; commeans, & obstacula, quæ subindè interponebantur, magnâ inge-

nii dexteritate & industriâ removens. A
 Cæsareis & Electoralibus hætenus is re-
 cipiebatur, ut nihil quidem coram illis
 proponeret, sed quæ is proposuisset Polo-
 nis, ea Poloni cum Fæderatorum Legatis
 communicarent, vicissimq; responsa eidẽ
 referrent. Verum quia res magni operis
 & momenti hîc effecta est, pretium vide-
 tur operæ, nomina Legatorum cum titu-
 lis honorum huc apponere.

**SACRÆ CÆSARÆ MAJESTA-
 TIS LEGATI FUERUNT :**

FRANCISCUS CAROLUS S. Rom. Im-
 perii Comes de Collav Rath Dominus
 in Reichenau, S. Cæs. Majestatis Con-
 siliarius, Camerarius, Majoris Judicii
 Provincialis Assessor Regius, Locum
 tenens Regiarumq; Appellationum
 Præses in Arce Pragensi.

**FRANCISCUS DE LISOLA, à Thise &
 Marienfeld S. Cæs. Majestatis Consi-**
 liarius Cameralis Aulicus.

**SACRÆ REGIÆ MAJES. POLO-
 NIÆ ET SVECIÆ UT ET REGNI
 MAGNIQUE DUCATUS
 LITUVANIÆ &c.**

JOAN-

JOANNES COMES à LESZNO,
Palatinus Pofnanienfis, Sæ. Reginalis
Majeftatis Mareſchallus, Generalis
Majoris Poloniæ, Mariæburgenſis,
Corſunenſis Præfectus.

GEORGIUS COMES IN VISNITZ
S. Rom. Imperii Princeps, Supremus
Regni idemque Campi-Mareſchal'us,
Generalis Minoris Poloniæ, Cracovi-
enſis, Szepuſienſis, Chmielnicenſis,
Niſinenſis, Pereaslavienſis, Oſtinenſis,
Caſimirienſis Gubernator.

NICOLAUS IN PRASMOW PRAS-
MOWSKI, Supremus Regni Cancel-
larius, Nominatus Epifcopus Luceori-
enſis, Abbatia Sicciechoviенſis perpe-
tuus adminiſtrator, Præpoſitus Cra-
coviенſis.

CHRISTOPHORUS PAC, Supremus
Magni Ducatûs Lithvaniæ Cancellar-
ius, Vilkovienſis, Koziericenſis, Cle-
ſczelenſis, Oſtrinenſis &c.

JOANNES ANDREAS MORSZTYN,
de Raciborſco, Referendarius Regni,
Covalienſis, Zavichoſtenſis.

VLADISLAUS DE NAGLOWCE
REY, Theſaurarius Curia Regni, Sa-
cra

cræ Reginalis Majestatis Cancellarius;
Neocorcinensis, Libusienſis.

JOANNES IN GNIN GNINSKI,
Succamerarius Palatinatus Pomeraniae, Gnesnensis, Gubernatores.

ELECTORALES BRANDEBURGICI FUERUNT:

JOANNES AB OVERBEECKE in
Euchmedien, Baranow, Geierswalde,
Domkow &c. Dominus & Haeres,
Sereniss. Electoris Brandenburgici Con-
siliarius Status intimus, Electoratusq;
Dapifer Hereditarius, Hohensteinen-
sis Praefectus.

LAURENTIUS CHRISTOPHORUS A
SOMNITZ in Grumsdorf & Drenow
&c. Dominus & Haeres, Sereniss. Ele-
ctoris Brandenburgici Consiliarius Sta-
tus intimus, & Orientalis Pomeraniae
Cancellarius, ejusdemq; Ducatus Ca-
merarius Hereditarius, Lavenburgen-
sis & Bitovienſis Praefectus.

ALBERTUS AB OSTAW in Narpken
&c. Dominus & Haeres Sereniss. Ele-
ctoris Brandenburg. in supremo Prussiae
Ducalis Appellationum Judicio Con-
siliarius.

EX PARTE SVECICA
FUERUNT

MAGNUS GABRIEL DE LA GARDE,
Comes in Lecho & Arensburg, Regis
& Regni Sveciæ Senator & Thesaurarius;
Generalis Livoniæ Gubernator.

BENEDICTUS OXENSTIERNA, Comes
in Korsholm & Wasa, Regis &
Regni Sveciæ Senator & Cancellariæ
Consiliarius.

CHRISTOPHORUS CAROLUS
SCHLIPPENBACHIUS, Comes in
Schövede, Regis & Regni Sveciæ Senator
& Consilii bellici Præses.


ANDREAS GULDENLAW, Regis
Consiliarius Statûs & per Pomeraniam
Regiminis ac Justitiæ Præses.

Aderat quoq; à Rege Daniæ Pasbergius:
Sed impetrare non potuit, ut res Daniæ
in hoc tractatu agerentur: Galliæ
Ministris eâ in re manifestè repugnantibus
Daniæ, quàm alioquin pleriq; proceres
Poloni nolebant deferri. Neq; etiam Ordinum
Belgii fæderatorum Legatus admissus est,
quia Sveci eum nolebant, & Hagæ Comitum
non ita dudum cum Gal-
lis

lis & Anglis de Danico bello componendo, Ordines illi, omisſis rebus Polonis, egerant.

Cæterùm ubi incunte Anno 1660, ad tractandi initium deventum eſt, undiquaque difficultates maximæ obſciebantur. Circa quas ultra quatuor integros meſes laboratum eſt, ſed quicquid hîc actum, peculiari commentario complexus ſum, juſſu Regi^o præſens omnium ſpectatorum & ad Secretorum conſcientiam admiſſus. Hic verò ſufficiat lætū laborioſiſſimæ negotiationis exitum adjeſſe. Eſt enim acerrime ſubindè æſtuârunt conſilia, nonnunquam etiam non procùl abeſſe totius negotii naufragium videbatur, à Mediatore tamen Gallico, viro magni ingenii, atq; inprimis etiam Regis noſtri Reginæq; præſentiâ res ſubinde reſtituta in integrum eſt. Ne mors quidem Regis Sveciæ, quem Gotenburgi Comitæ agitantem dira febris inter adverſos undiq; rerum ſucceſſûs hoc tempore abripuerat, turbavit curſum pacis; imò haud paulum promovit. Nam cùm ille deceſſiſſet, qui res lapſantes magno & intrepido illo animo ſuo reſtituere potuiſſe videretur, eò faciliùs

faciliùs Legati Svecici in multa nostro-
rum & fæderatorum postulata consensê-
re. Tandemq; III. Maji. plenè pax confe-
cta; quâ Poloniæ restitutum est, quic-
quid post inducias Stumdorfianas abla-
tuni, retentumq; hucusque erat à Suecis,
sed & semina ulteriorum bellorum extin-
cta; Rege inter alia hæreditarium suum
in Regnum Svecicū jus, Republicā autem
Livoniam, quantum ejus dudum posside-
batur à Suecis, remittente. Illa autem
omnia ante bellum impetrare à Polonis
Svecia potuit: si Legatos Anno 1655.
Holmiam Regni illius metropolin, mis-
sos audire sustinuisset. Sed Martii Regis
immodica spirans animus, æquitati au-
res præcludendo, provocavit fatum, quo
permittente ea, quæ per pacificum tracta-
tum, tenui negotio ante obtineri potuê-
re, ingente sanguinis diluvio, & æquæ
grandi Ducum, atq; exercituum jactu-
râ, quàm provinciarum ac genti-
um perniciæ emptæ
sunt.



CALENDÆ REGIÆ

Seu

De auspiciatissimo

*Serenissimi ac Potentissimi Prin-
cipis ac Domini*

DNI. JOANNIS
CASIMIRI,

Poloniæ & Sveciæ Regis, Magni
Ducis Litvaniæ, Russiæ, Prussiæ,
Masoviæ, Samogitiæ
&c. &c.

In Obsessum à se & Feliciter
Recuperatum

THORUNIUM

Ingressu

Ipsis Calendis Januarii

Anno M DC LIX.

Celebrato.

Intermixta alia complura ad præsentem
Bellorum Polonicorum statum
pertinentia.

Ec

Qui

Qui ad scribendum autoritate legitima, vel aliis non adspernandis impulsu causis accedunt: ii, quanto magis cetera sibi præsedia deesse intelligunt, tanto curiosius luculentum ac plausibile circumspicere argumentum solent, ut quàm in se non inveniunt gratiam, à rebus dicendis mutantur. Etenim oratio, quæ solis verborum freta coloribus, rerum pondere, & utilitate amœnâ non juvatur, facilè meritoque obnoxia est fastidio; nec quicquam citiùs vilescere cernimus, quàm facundiam sui securam, sui prodigam, Sed ea porrò, nisi in dilectu, explicatuq; rerum magna adhibeatur circumspèctio, non modò gratiam non inuit, verum sæpè etiam incurrit offensam: præsertim ubi de publicis dicendum est negotiis, arduis ut plurimùm perspectu, tractatu lubricis, ipso etiam sæpè tactu nimis quàm delicatis. Adeoq; prout ipsa variam iudiciorum aleam subeunt, ita qui de iis publicè differere sustinent, quantumvis cautissimè agere videantur, vix tamen unquam æquas omnium frontes experiri, multò minus æquare spes ac vota

ta possunt. Nimirum prout cujusq; in id, quod dicitur, affectus est animus, ita Spartam suam ornasse orator scriptorve, ita parem imparemve argumento vim ingenii, judicii, eloquentiæ, ita & decentem veritatis curam judicatur attulisse. Istarum rerum cogitatio alium fortassis, antequam silentii securitatem dicendi consilio postponeret, in ancipiti deliberandi cura, & quodam dubitationum quasi æquilibrio aliquandiu teneret suspensum. Cæterùm ego, etsi ad scribendum minimè omnium præceps, & judicii alieni haud quaquàm profectò irreverens, jam tamen silere citra dedignationem obsequii, aut sequioris de rebus judicii suspensionem, haud possum. Quippe aut non digna laude credenda sunt, quæ his temporibus apud nos acta, publico famæ circumferuntur ore, aut rebus laudem merentibus illaudabilis desidia nostra decus suum patietur deesse. Eam notam quia vitare magis, quàm deprecari consilium est, age de novissimis rerum nostrarum successibus, quantum vires ingenii ferunt, & quantum licet per adversa, quæ subinde adhuc interstrepunt, di-

camus: præsertim quando ita volunt Patroni, quando dicendorum seges dignitasque excitat, & ipsa denique anni tempestas impellit. Revertente enim ad nos magno illo luminis pronocondo Sole, Soli æterno, ejusque in terris nostris Vicario sideri, hostiam gratiarum, hostiam laudum, qualis decet Christianos, mactare par est. Passim jam homines sibi aliisque de superatis anni prioris molestiis gratulatos vidimus, & in futurum nova prosperitatis videntes incrementa. Quod si autem comprecationes ejusmodi, bono & laudabili more, inter privatos percrebuere, multo utique justius palatia Regum Principumque iisdem circumsonant. In Principum enim salute sita est populorum salus, nec maiore compendio vota pro Republ. universâ fundi possunt, quàm si pro bono Reipubl. rectore fundantur. Quominus mirum est, si quæ nobis, sub hunc novi Anni reditum, pro Serenissimo Rege & Domino nostro, suspiria ominaque animum implevere, ea, cum præseas, ut constitueram, non possim, absens qualicumque scriptiois conatu in publicum

publicum evolvam. Quando inprimis singulari, & insolito quodam factorum dispositu, ita pulchrè cecidit res, ut eo ipso tempore Rex Serenissimus THORUNIUM tot mensibus obsessum victor sit ingressus, quo Sol primum annui sui curriculi spatium ingreditur. Non potuit meliore exordio Princeps optimus annum auspicari, quàm ista tam illustri victoria; neq; augustius lemma inscribere factorum suorum fronti, quàm titulum occupatæ tam magnificæ Civitatis. Quid autem dico, occupatæ? Servatæ dicere debebam. At neque hoc ad rei exprimendæ magnitudinem sufficit: in integrum restitutæ dicere oportet. Occupavit Carthaginem Scipio Æmilianus, sed ut eam funditus deleteret. Occupavit Corinthum Mummius, sed ut miserrimè direptam, præcinente publicè tuba, dirueret, populumque omnem venderet sub coronâ.

Alii alias urbes exitio destinatas, proximasve, eripuerè periculo, immortalẽ inde nominis gloriam assecuti. Atque olim ob unum etiam Civem servatum dari solebat corona Civica, coronarum

omnium, ut Plinius major judicat, non pretio, sed honore clarissima. Quanto illustrius decus est, Civitatem totam, Civitatem magnam & celebrem, Civitatem in extremo discrimine positam servasse? quanto major gloria, tot numero Cives, eosque asperissima quæque expectantes, in gratiam suscepisse? de salute denique anxii, libertatem, jura & decora omnia restituisse? Instupescit Orbis tantæ mansuetudinis prodigio; ipsaq; Civitas paulò ante ad armorum Regionum fragorem attonita, nunc ad tam insolens beneficentiæ Regiæ specimen hæret admirabundâ. Apud eos, qui acceptam eminus tantæ rei famam usitatâ judiciorum trutinâ ponderant, laborat propè narrantium fides, & incredibilis his videtur lenitas, cujus rationem non capiunt. Alii longius quoque progrediuntur, & rem, quæ consuetudinem captumq; publicum excessit, modum etiam excessisse judicant. Indigni clementiâ homines, qui tam Divinam virtutem cavillari malunt, quàm vel candidis judiciis expendere, vel reverente saltem silentio venerari. Sed illos, quorû animos aut res ista minùs tangit, pene-

penetratve, aut aliena semper Virtus felicitasq; urit, suæ relinquamus ignorantiae nebulis, vel intemperiiis malignitatis. Tibi ô THORUNIUM, memorabile profectò, & æternâ recordatione dignum hoc anni auspiciū est. Nunquam felicius Tibi in isto Zodiaci spacio Sol luxit, nunquam lætius rediit, quam nunc cum Clementissimo Rege JOANNE CASIMIRO. Nec quicquam profectò absoni dicere videbimur, si simplicem aliis, Tibi geminum Solem, maximo Tuo emolumento, rediisse dicemus. Ac sidereus fanè Sol, qui omnibus lucet, Tibi etiam lucere nunquam desit, etsi tot calamitatibus obrutæ non tam gratum fortassis lumen ejus fuit. Sed alterum Solem tristis & miseranda Eclipsis eripuerat Tibi, fortè ut ipso hoc interceptu tanto liquidius pateret, quàm funesta sit absentia ejus, & ut reditum ejusdem tantò impensius desiderares. Verum de Te, ô THORUNIUM, erit paulò post illustrior dicendi locus: cum Sacræ Regiæ Majestatis labores, quos in Te recuperandâ insumpsit, curatius memorabimus. Atq; eos quidem historico intexi peplo convenit: &

intexentur suo tempore. Nam quæ æternitati scribuntur, tardius procedunt, ipsa intimæ veritatis inquisitione, quâ Historia omnis velut animâ respirat, aliquam temporis postulante moram. Mihi interea primum animi fervorem, quo in hoc tam optato anni exordio incalimus, liberiore sermone, sine cuiusquam tamen injuriâ, fas erit effundere. Neque derogabit Oratorium hoc præludium operi historico, cum ut aliis, ita nobis quoq; non obscurum sit, alio hic, alio illic opus esse & genere dicendi, & rerum delectu, tum ordine. Porro autem è re esse arbitror, ad grande hoc recuperatæ Urbis, clementiæq; Regiæ decus de prædicandum non ante accedere, quàm alia DEI libaverimus beneficia, quæ Serenissimo Regi, & inclyto Poloniae Regno, anno proximè elapso, & paullo ante contigerunt. Postrema enim hæc, quæ nunc attonitum tenent Orbem, dependent ex superioribus, quæ nisi præcessissent, cætera non modo non intelligi, sed prorsus nec sequi potuissent. Commemoratis autem rebus anterioribus, apparebit tantò liquidius, quibus gradibus defer-

deservescere Numinis erga nos ira, hosti-
umque retro ferri potentia, Poloniae ve-
rò felicitas, quod praesciri dixerim, sen-
sim reflorescere coeperit. Eo ardentiori-
bus usque votis invocabitur supremum
Numen, ut non tantum porro nos vince-
re, sed victoriis etiam uti prius, quam
frui doceat: & imprimis, ut animos ad
eradicanda vitia, verissimas scilicet ma-
lorum, quibus flagellati sumus, radices,
magis magisque excitet, atque inflammet:
Quò tandem his suppressis, studia Virtu-
tum, quibus felicitas Regnorum debetur,
splendidiùs efflorescere possint. Cæte-
rum in memoriam retrò actorum regre-
dientibus haud altius jam narrationem
nostram ordiri lubet, quam ab illo tem-
porum articulo, quo Dacia in regno no-
stro tempestas defævit. Nunquam enim
luculentius ultricem DEI manum hostes
nostri sensere. Nemo non intelligit, de
Palatino Transylvaniae Racocio me lo-
qui. Quem meministis, nexibus illis,
quibus jam olim terra ejus Regno nostro
arctissime devincta fuit, posthabitis, au-
toramentis præterea, quibus amicitiam
opemque, ipsius studiosè imprimis quæsit,

meruitq; Polonia, neglectis, non Dacos tantum suos, sed Valachos, Muldavos, Hunnos, & quod maximi momenti erat, turbidissimos quosq; Cosacorum in Rempubl. hanc commovisse. Tot gentium robora trahenti facile fuit, in corpore semivivo & non sanguinem tantum, sed jam pene animam vomente, agere aliquantisper pro libitu suo. Itaq; magnam Poloniæ partem licentissimè pervastavit, ipsumq; Regni Caput Cracoviam insedit. Sed ut iniquissima ejus causa, ita vitrea fortuna fuit. Fracta est, cum splendere vix cepisset. Postquàm enim Rex Sveciz abiisset, hunc imparem ejus socium exercitus Austriacus magnitudinis suæ umbrâ illicò terruit, noster vero, sub Ducum Regni, & Palatini Russiæ felicissimo regimine infestare, fundere, ac persequi non destitit, illatas etiam Regno injurias in ipsâ Transylvaniâ, Duce Magno Regni Marschallo, comitante Castellani de Cracoviensi Joanne Sobiescio ac aliis præclaræ & stirpis & fortitudinis viris, ultus est non persunctoriè. Tandè miser à plerisq; illis populis, quos in perniciem Poloniæ attraxerat, desertus, postquam Aquilas Polo-

Polonicas nullâ fugæ celeritate effugere potuit, circumfessus, atq; ad incitas redactus, miserabili pactione vitam, & abundi libertatem redemit. Atq; ita rediit quidem ipse in Patriam, sed pene inermis, & Polono magis, quam suo milite stipatus. Hic enim in Scythicas incidit manus, & quam Polonia intentaverat, ipse in Tauricâ Chersoneso subiit servitutem. Quas deinde adhuc calamitates eidem Racocio, jam reduci, indignatio aulae Otomannicæ conciverit, & ut principatu suo exutus, alienis jam viribus collapsam restaurare quærat fortunam, qui suis antehac amicissimo Regno, præter causam, impensè gravis fuit, nolo nunc referre. Qui & hæc, quæ dixi, nullâ alieno infortunio insultandi libidine à me dicta esse, ultrò & fidem testans, profiteor. Miseret enim me potius Principis, quem prava consilia opulentissimâ pace, quâ ad invidiam usq; frui visus est, exuere. Otomannici Imperii mentio, quam modò feci, revocat mihi in memoriam terrorem, quo ista Orientis potentia, vere superiori, cum nondum constaret, quem magnis illis belli apparatus peteret, sol-

licitum habuit Regnum nostrum. Circumstrepebant fines nostros ingentes vigintiorum Bassarum exercitus, & constans volitabat fama, arma ista stringi in nos, qui ob exhaustas vires alienis conatibus maximè videremur opportuni. Neque dubium sanè erat, in Aulà Ottomannicà ab hostibus nostris nullum non motum esse lapidem, qui ad nos opprimendos crederetur facere posse. Sed aliter rem direxit, qui corda Principum frangat flectitque pro libitu suo. Ejus potente mutue venit, ut quæ nobis minata videbatur tempestas, in proximas gentes, & eas imprimis, quæ paulo ante in hoc se Regnum vi immani infuderant, decumberet, pœnas veluti exigens eorum facinorum, quibus, dum nos flagellarent, gravius ipsæ flagellum meruerant.

Turcis juncta, atque obnoxia Tartarorum gens est, illorumque adeò arbitrio hæc pacem, & bella capessit. Jam vetera eorum, & non annis, sed seculis multis continua adversum nos bella quis ignorat? At illdem tamen postremis his temporibus, impensè in Regem, & Regnum nostrum benevoli, magnum profectò admi-

mini-

miniculum rebus nostris labentibus dedere: mirè DEO rem adgubernante, ut adversum Christianos, cognatos, & nullâ injuriâ læsos Principes gens barbara, gens olim perpetuò inimica, Regem nostrum sublevaret. Neque enim tantum copiis identidem submissis terruit Poloniæ hostes, sed & apud aulam Ottomannicam cum curâ egit causam nostram, quodq; maxime omnium memorari meretur, Cosacos summo virium connisu eò adduxit, ut primùm manus abstinerent à Poloniâ, & deniq; novo obsequii nexu eidem illigarentur.

Nunc ordo temporis ad commemorandum aliud DEI beneficium me vocat, & id tanti quidem momenti, ut non minimam illi salutis suæ partem debere videatur Polonia. Loquor autem de Serenissimi Electoris Brandenburgici reconciliatione. Is Princeps uti virtutibus animi, & potentiâ inter paucos hodie nominandus est, ità cuicunq; se parti adjungit, huic ingens profecto, confessione omnium, pondus adjicit. Eo tempore, quo Poloniæ nihil non, atque etiam ipsa sibi adversabatur, transmarino autem hosti

hosti fortuna velut sacramento dixisse videbatur, idem Serenisf. Elector magno illo publicæ infelicitatis torrente eò quoque tandem impulsus fuerat, ut quas primum infringere quæsierat, partes hostiles, fœderis deniq; nexu, & virium suarum accessu auget. Ea societas quamdiu viguit, gravissimis sanè damnis ut Electori, ità Poloniæ constitit. Mutuis enim iisq; longè atrocissimis incursionibus provinciæ affines vexabantur. Istibus iisdem pulfabatur utriusq; Principis animus, miserans, ut probos populorum Pastores decet, subditorum suorum fortunam. Ac multis insuper aliis tum domesticis, tum externis stimulis ad redintegrandam cum Polonia necessitudinem accendebatur Elector, ipseq; etiam Serenissimus Rex, missis aliis, atq; aliis internunciis, suum illi pristini affectus magno studio pandebat. Ac dudum is annuisset, (consciis loquor) nisi novus ex Transylvaniâ intervenisset obex. Eo lapide feliciter tandem amoto, facilius Elector Serenissimus Regiis & Cæsarianis hortatibus, quibus ad pacem cum Polonia stimulabatur, cessit. Cessit, & ejurata

ratâ hostium nostrorum societate, ad pristinam amicitiam novis legibus, interposito utrinq; in congressu Bidgostiensis, sacramento rediit. Hoc conciliatu, etsi is magno Poloniæ constitit, plurimum eo tempore rebus, & Regni, & Electoris commodatum est. Nam primum mutuz terrarum populationes illicò conquievêre, Copiæ verò, quæ adversus Electorem excubuerant, ductæ sunt adversus hostem communem. Moscus reverentius mox Lithvaniam, Poloniamq; tractandam sibi putavit, postquam ad Regem accessisse cognoverat eum Principem, cujus amicitiam sollicitè semper, multisq; legationibus coluerat. Cosacis quoq; major Regni veneratio incescit, cum id brachio Electorali viderent subnixum. Quantum porro, & quàm benè ordinatum exercitum idem Princeps trahebat secùm? illum exercitum, cui magnam partem victoriæ Varsaviensis Sueciæ Rex debebat. Illos Duces, qui phalangem pedestrem phalangi, tormenta tormentis, ignem igni aptissimè nôrant opponere. Perspexerat id toties hostis, eò jam magis animo attonitus hæsit, cum quos, in nupero rerum

rum nostrarum orgasmo, pro se, contra Polonos stare viderat, eos postea pro Polonis contra se stare sentiret. Jam illud quanti momenti, quod redintegrata hæc amicitia potius Electorales obstruxit hostibus, iisdemq; omne maritimum in his oris commercium, omnemq; adeo auxilii spem, & ipsa quodammodo spiracula interclusit? Ad hæc cum latissimè pateant ditiones Electorales, ex omnibus penè istis ad primum hostis classicum, & multo magis deinceps ad magnum subito exsplendescantis fortunæ fulgur plurimi accurrerant. Post compositionem avocati sunt isti, & divites illæ scaturigines, ex quibus militum copiæ affluerant hosti, obturatæ, aut aliò averse. Postremò quot quantosq; Principes, catena ista amicitia Electoralis traxit? Quam multi in Germaniâ utraque amicus æstimare cœperunt partes nostras, postquàm pro illis pugnantem viderunt Principem, sanguinis, sacrorum, alioque fœderum vinculo ipsis arctè innexum? Ut exemplò mutavère nonnulli castra, nec committendum sibi putarunt, ut contra eos arma dirigerent, cum quibus sua conjunxisset Elector?

Electoꝝ? Tanti ponderis, tantiq; emolumentū conciliatio, longo labori, & singulari dexteritatē VENCESLAI COMITIS DE LESNO, Episcopi tum Varmienſis, nunc Regni Poloniæ PRIMATIS DESIGNATI potiſſimū debetur, cui eodem in opere, cura perpetua Fratris PALATINI POSNANIENSIS, ſapientiſſimi, & de patriā præclariffimè merentis Senatoris, etſi eminus, efficaciffimè tamen, ſemper reſpondit. Autoritate porro publicā, illuſtriſſimo Antiſtiti, magnus Theſaurarius, idemq; Campiductor Lithvaniæ VINCENTIUS GOSIEVIUS ſpectatiſſimi animi conſiliiq; Senator, hoc in negotio, datus erat Collega. Enimverò prægrande ad eandem rem momentum attulit. Auguſtiſſima DOMUS AUSTRIACA. Hæc jam antè laboranti Poloniæ Regno validum ſubmiſerat Exercitum, ipſo impulſa vicini periculi intuitu, multoq; magnorum Virorum indefeſſo labore jam dudum excitata, poſtremò autem, ubi tempore res maturuerat, feliciffimā ſummi Viri BOGUSLAI COMITIS DE LESNO, tum magni Theſaurarii, nunc Vice-Cancellarii operā,

ad

ad belli societate adducta. Ac fateri profecto oportet, rem maximi momenti tum confectam, quia ipsa, quam novus ac tantæ molis Clypeus jaciebat, Umbra, et postea nonnullis apud nos minus grata, Transylvano tamen aliisque hostibus nostris, multum formidabilis, & ut præsidio suo, sic ipso magnitudinis Austriacæ horrore impensè fuit damnosa. Sed altero non minus illustri beneficio idem Imperator Rempubl. hanc devinxit, cum, ut dicere cœpi, missò experrectissimi ingenii, & edecumatae prudentiæ Legato, BARONE DE LISOLA, Serenissimum Electorem, & Regi nostro, & sibi, & toti huic causæ conciliavit. Utriusque negotii gravitatem vel ipsa effectus lentitudo abundè ostendit, & quæ interveniére obstacula, tam fuerunt grandia, atq; immania, ut non modo optatum diu sufflaminarint eventum, sed & spem ejus interdum prorsus interceperint. Mors præcipuè Imperatoris nonne scopulus ejusmodi erat, cui illisa negotiatio spes omninò nostras frustratura videbatur? Nonne enim ipse ille rerum transitus, per se semper miris, atque insperatis conatibus opportunus, novos hostibus animos,

cœteris novos afferebat metus? Nonne & ipsum Serenissimum Electorem, aliosq; idem negotium volventes, cum adversæ partis machinamenta inspicerent, iusta suspendebat sollicitudo, ac timor, ne à domo Regnatrice aberraret electio? Quod si contigisset, nec ipsa Domus illa, nec Elector tutum sibi putasset, novo se & res suas implicare bello. Sed qui in alto res mortalium dispensat, ita consilia Germaniæ direxit, ut Septemvirale Collegium sumere Principem mallet, quàm quærere. Hoc prætereà effecit, ut de publico Germanici Imperii consilio ad hostem mitterentur Legati, honestis conditionibus suafuri, ut ex finibus imperii arma efferret. Nihil impetrarunt illi, & Holsatiâ, Jutiâque, provinciis Germaniæ, adeo hostis non excescit ultrò, ut annis sit potius æternum facere suas. Uno impetu potiores Holsatiæ urbes opprimere instituit, eodemque tempore Serenissimum Daniæ Regem, factæ novissimè paci fidentem, & jam penè inermem, calidissimo consilio, denuò invasit, ac omni propè Regno exuit. Intra unius Hafniæ fortitudinem stetit totius Regiæ Domus, sceptrique Dani-

ci

cū salus, quasi ostendere volentibus fatis, nullam esse tantam potentiam, nullam audaciam, quam virtus, ubi veris stimulis, & honestā desperatione incaluerit, cælo auspice, sistere non possit. Stitit acerrimum Regem una Urbs, non tam vallo- rum circuitu tūm, quàm fortium, & Regi suo fidorum pectorum oppositur munita, sed inprimis protectore DEO, & Domini sui præsentia animosa. Stitit, inquam, Principem, quem non cætera Dania, u- g- tatis nudata præsidiiis, non hyemis hos- ti nimirum propitia, non flumina, non ma- ria ipsa cohibuerant; exercitumq; nihil non domare posse creditum, invictā con- stantiā à moenibus suis prohibuit, ingens hætenus scopulus fortunæ hostilis, & il- lustrem in posterum Deo volente habitura locum, inter Civitates, præclarā erga Do- minos suos fide celebres, quales sunt, ut alias nunc taceam, Aurelia, Metæ, Vien- na, Praga, Lovanium, Brunnæ, Freiberga, Dantiscum, Zamoscium. Neque passus est Deus periclitanti unā cum Rege suo Urbi deesse auxiliores. Nam cum ter- ræ se succurri à Principibus amicis, quan- tumvis nihil intentatum relinquentibus, non

non posset, mari classis Batava subvonit,
& per infestas freti Danici angustias, per
obstantes undique hostium acerrimè pu-
gnantium ignes manusque, cruentâ qui-
dem, nec parvo emptâ, magnificâ tamen
victoriâ opem intulit; non sine eximiâ
& æternâ laude Thalassiarchi Baronis
Wassenarii, qui ejusdem classis Pro-Præ-
fectis Wittio, & Florissio illie occisis su-
perstes, non minus fortiter, quàm qui pe-
riêrunt, sed magis feliciter dimicavit.
Cæterùm dum hæc aguntur, tota interim
commota Europa bello Dano-Polonico
magis magisque intendit animos, & nul-
lus penè Princeps, nulla provincia est, quæ
hoc incendium ad se non putet pertinere.
Quâ in re quomodo non reverentibus a-
nimis admiremur singularem DEI super
Republ. nostrâ curam? quâ effectum vi-
demus, ut causam nostram olim deser-
tam, major tandem pars Orbis, facto ar-
morum consiliorumq; concursu, agen-
dam suscepit. Non est equidem pie-
tatis nostræ; latiùs se indies spargentibus
belli flammis lætari; potius verò calami-
tatibus, quas Dania fœderata, & tot aliæ
terræ gravissimas patiuntur, ita, ut par
est,

est, ingemiscimus, atque ut honestissimâ tandem pace tam fœda certamina componantur; & improbus bellandi amor exterminetur, animum optamus. Attamē fateri necesse est, nobis multitudinem hostiū variorum obrutis, longè graviolem futurum fuisse hunc Regem, nisi alibi reperisset, cui infringeret potentia suâ genuinū. Ubi vero tot populi in idem bellum conspirarunt, nostri interim Exercitus viam sibi stravere ad hostem ibi quærendum, ubi multis abhinc seculis pedem Poloni non posuerant. Quas ô superi! vices habent res mortalium! Nondum triennium effluxit, cum intimis regni nostri visceribus incubaret hostis; illudq; velut belli spoliū inter Duces suos distribuere cogitaret. Brevi post excussum est cervicibus jugum, & surrexerunt Camilli, qui excitatâ veteri Sarmatarum virtute, vocatoque in libertatis vindicias fortissimo quoque, passim præter opinionem fatigavere invasores, & extremo virium conatu id effecere, ut externæ potentia virtus à mediis Polonia præcordiis, in extremos ejusdem margines ejiceretur. Pauci tamen, in illo redeuntis fortunæ quasi

quasi crepusculo, tam amplæ spei erant, ut brevi fulsurum crederent diem, quo Polonia hostem in cubilibus ejus, Livoniâ, Pomeraniâ, postea vero in ipsis Cimbrorum intimis recessibus vestigaret. Id tamen ecce fieri jam imò factum conspicit, miraturq; Orbis. Sensit non ita dudum vim Sarmaticam Pomerania omnis, quæque antea hostis apud nos peccaverat, illa maximâ clade suâ expiavit, fortassis in posterum etiam expiare perget. Non sine stupore Germania, & Europa penè universa audit, Aquilas nostras circumvolitare Cimbrici maris littora, ibique, præeunte fortissimè Stephano Czarnecio, Palatino Russiæ, & altero Podlachiæ Petro Opalinio cæterisque Ductoribus, viris strenuissimis, summâ passim celeritate famam sui anteire, admirabili audaciâ magna, & aliis invia flumina, sine pontium beneficio, trajicere, incredibili alacritate difficillimas quasque belli operas sibi ultrò deponere, maxima adire pericula, capere urbes munitas, insulas nando invadere, atque occupare, hostes passim fugare, sternere, persequi, præclaris deniq; ausis gentis suæ gloriam latissimè per orbem diffundere,

Sed jam tandem sermo ab extremis Balthici maris anfractibus ad Borysthenem & ultimos Russiæ fines trajiciendus est. Non nescit quibus, primam inde tempestatem surrexisse Poloniæ, quâ ita concussa illa est, ut fessa denique & propè nuda, miserabili modo patuerit aliorum vicinorum libidini. Atque horum occulta quædam, & fortasse fatalis in nos conspiratio fuit. Certe, quod diutius hæc Respublica vapularet, singulis, DEO permittente, velut per manus, tradita est flagellanda. Sed, ut innui modò prima virga, quâ castigati sumus, agrestis fuit, tantoque adeò acerbior, quia famulâ manu infligebatur ingenuis, & in corpus tum adhuc integrum, delicatum & talium plagarum insolens, inciderat. Facilis cuique conjectura est, de Cosacis me loqui, genere hominum duro, laborum tolerante, libertatis, & magis licentiz avido, Rei publicæ cum ad bonale vertit, præsidio egregio, cum secus, pestilentissimo veneno. Nam ut adversum Turcas, Tartaros, Moschos, utilem subinde Regno præstitit operam, ita facile semper, quoties aut robore suo placuit sibi, aut servitute displicuit, rebel-

lavit,

lavit, simulatque inprimis caput reperit
prorum, idoneumq; ad res novas. No-
visime Chmelnicius repererat, homi-
nem à teneris innutritum militiæ, nec li-
terarum rudem, aulæ vero nostræ, & im-
becillitatum publicarum, plus quàm ex-
pediebat nobis, gnarum. Is cum lite pri-
vatâ partem agri amisisset, damni & con-
tumeliæ impatiens, provocavit ad arma,
& collectâ primùm intra scopulos Bory-
sthenis exiguâ sui similibus manu, mox
Scythas vicinos allexit, eorumq; mini-
sterio excubitores Regni exercitus, cum
quicquid ibi Cosacici sanguinis sub signis
Polonis militaret, corrupisset, repente
circumvenit, floremq; adeo militiæ Po-
lonæ aut cecidit, aut unâ cum Ducibus in
Tauricam misit. Dein iis, cum durante
Interregno pro libitu scrutatus esset ma-
tris Reipubl. viscera, tandem exsplende-
sciente novi Regis Majestate flecti se pas-
sus est, ut fortunæ suæ moderaretur. Sed
quoties postea sensit, lacertos denuo Po-
loniam movere, vim illicò aut repulit, aut
prævenit. Fusus aliquando, sed multitu-
dine astuque sæpius prævaluit. Pactis
identidem Reipublicæ conciliatus, sed

nunquam fidens, & in ipsâ semper quiete inquires, animos suorum perpetuò adversum Poloniam tenuit armatos, atque externa insuper fœdera, quibus potentiam suam muniret, circumspexit. Hæc porro ipsa, prout rebus suis expedire videbatur, mutabat. Nam cum Tartari, quorum viribus ante surrexerat, in gratiam cum Rege & Regno nostro redissent, ille uni eisdemque cum nostris parieti innitens nolens, ad Mosci patrocinium confugit, ejusque potestati Kioviam, aliaq; præcipua illius Russiæ oppida tradidit, in precium scilicet tutelæ, & fidei autoramentum. Atque istâ tanti exercitus, & tot munimentorum accessione animatus Moschus, eò profundius unguet barbaros in Litvaniæ præcordia immisit. Postea equidem subito emicans potentiæ Svecicæ fulgor sumpta in nos arma Moscorum stitit aliquandiu; nihilominus pars Cosacorum, connivente Chmelnicio, stimulantibusque occultè aliis, Racocii Transylvaniæ Palatini adversum nos robur auxit, eoque Duce, Poloniam fœdisimè devastavit. Ita homo ille, utcunque simularet amicitiam, per abdita, & magis fida
ad

ad hostes inclinans, occasionem nullam
nervos Polonorum incidendi prætermittē-
tebat. Ac à Moschici quidem Domina-
tus nexu haud temerè unquam is recessu-
rus videbatur, quia abjectâ solidæ cum
Republ. conciliationis fiduciâ, sacra-
mento se obstrinxerat. Despotæ illi, neq;
aliud firmitus contra Tartaros æquè ac
Polonos præsidium reperire se posse puta-
bat. Unde vix spei quicquam supererat,
vivo illo, Cosacos ad obsequium Poloniæ
redituros. DE O' autem, ut ex eventu
didicimus, placuit restituere eos Reipu-
blicæ, à quâ malo fato erant avulsi. Itaq;
obices omnes amovere oportuit, & in
illis ipsum quoq; Bogdanum Chmelnici-
um, quo sublato in diversâ quidem ivère
Cosaci, potior tamen pars, Ductore VI-
HOVIO, homine sagaci & intimorum
defuncti Chmelnicii Ducis consiliorum
socio, Tartaris præcipuè instigantibus, in
Poloniam reflectere cepit animos. Nec
præbenti se fortunæ defuit utraq; Maje-
stas Regia: sed per viros gravissimos pru-
dentissimosque, quorum princeps STA-
NISLAUS CASIMIRUS BINEVIUS,,
Castellanus Wolhinia fuit, surgentem in

illis bonæ erga Rempubl. propensionis affectum, sollicitè aluit, fovitque. Interim verò, re magis magisque indies maturescente, optimi, & sincerissimi quique Cosaci Moschicæ servitutis jugum quaterere, atque excutere incipiunt: confestim etià alios sibi adversos, Duce VIHOVIO, armis aggrediuntur, & ope Scythicâ subnixi, profligant, ipsum vero Ductorem, Puskarencum nomine, palo suffigunt, ostentui cœteris, qui Moschici regiminis pertinaces, libertatem oppugnare quàm defendere mallent. His certaminibus illi, quò magis apud Moschum spem sibi veniæ præcidisse viderentur, eò alacriùs aures præbuerunt Regiæ clementiæ promissis. Tandemque annitentibus utrinque delegatis, in certa capita, quibus illos in unum secû corpus coalescere Respubl. voluit, conventum est: missiq; ad Serenissimum Regem, apud Thorunium, in Castris, tûm agentem, internuncii, qui VIHOVII, & cœteri exercitus Zaporoviani nomine, sacramentum Majestati Regiæ, & Reipubl. dixêre. Magno equidem conatu, magno etiam rerum, quas Respubl. pro carissimis habuit, impendio, nec

nec libertatis tantum, sed summorum decorum suorum communicatione constitit ista conciliatio. Sed fructuum, quos eadem illa nobis promittit, ubertas solatur & pensat omnem precii magnitudinem. Ego nunc emolumenta ejus pacificationis omnia recensere hinc nolo. Hoc tantum addo, quod in confesso apud omnes temporum callidos est, magnum eo nomine beneficium DEO Poloniam debere: eumque porro orandum, ut tanto muneri addat perennitatem, atque initæ conjunctionis nodum fortius indies adducat.

Tandem verò jam ad Te, THORUNUM, redeo, quia, ut sermonis initium fuisti, sic ejusdem Te finem esse volo: ita tamen dictionem temperare meditans, ut minime fortunæ Tuæ insultare, sed potius de tam miti malorum Tuorum termino videar Tibi gratulari. Non enim lubet, nec decet acerbitate verborum gravem esse illis, quibus victor Rex tam voluit esse propitius. Quamquam tristioribus nonnullorum genis, & nodum in scirpo quærentibus, nulla fortassis orationis mollietis satisfaciet. Tales enim vel levisimi

attactûs umbrâ ac suspicione vulnerantur, & sub quovis etiam balsamo causticum metuunt.

Equidem Tibi, ô pulcherrima Urbium, antiquitas Tua, tum continua in Poloniam fides, jam olim inter primas Borussia civitates Principem locum dedit. Tibi Legum, juriumq; suorum Archivum credit Borussia. Tu Pactolum Sarmaticum Istulam, cum Borussiam ingreditur, prima omnium excipis; Tu ubertate illius, totque adeò feracis Poloniae muneribus primalatatis. Te & vicinia ipsa & linguarum communio, & commerciorum proprius usus præ aliis Regno arctissimè innexuit. Certè, quàm indissolubili necessitudine illi injecta hæteres, ipsa satis palam fecisti, cum priore bello Suecico, audaces Wrangelii impetus, & inopinatò mœnibus imminentem vim consilio & ductu magni Viri Gerhardi Dönhofii, invictâ fortitudine repulisti, eo nomine & apud Polonos summam gratiam, & domi facundissimos præcones, & deniq; apud posteritatem immortale nominis decus adepti. Novissimâ hæc rerum vertigine, tempestatq; publica communi Te

cum

cum aliis multis naufragio implicuit. Equidem proditiōis labe intactam Te, & cum hoste, antequam ei subesses, nunquam consilia socialle scimus. Potius vero iniisse Te fatemur rationes, quibus vim illius à mœnibus Tuis quàm longissimè arceres. Cæterum postquam idem, prolabantibus ad obsequium ejus & exercitibus, & Provinciis, ipsâque Regni metropoli, in Prusiam rediret, fortuna venientis ita Te attonuit, ita etiam juncta fortunæ suada se infudit animo Tuo, ut maximæ imprudentiæ esse crederes, portas claudere illi, cui nemo putabatur clausisse, aut clausurus esse. Admisisti igitur Dominum novum, & cum eo numerosum præsidium, novum scilicet cum novo Domino capistrum. Prorsusque ita alterius esse cœpisti, ut propè desineres esse tua. Quantumvis enim lene admodum videretur, cū humeros submittebas, dominium, tale tamen erat, ut id tuo arbitrio excuti non posset, alieno semper posset intendi. Ac sub novâ hac potestate defluxere Tibi tres propemodùm anni, ægtius nimirum lentiusque ex fluctibus suis emergente Poloniâ, quam ut Tibi il-

licò manum posset porrigere. Post Cracoviam recuperatam destinatus equidem in Tui vindicias tendere cœpit exercitus. Sed is hiemis viciniam, & nescio quæ alia obstacula causatus, non multò post, cum Duce annis fesso, ante hyemem ingressus est hyberna. Pars tamen equitatus Polonici, Ductore JOHANN E SAPIEHA, exercituum Regni Commissario generali, eminè circumfidere Te cœpit, Tibique com meatum; & cum reliquis hostium prædiis commercium intercludere conata est. Ubi velitationibus creberrimis commissi utrinq; excursores, multo subinde cruore campum respersere. Perpetuoque cum præsidio Tuo pugnavit magnanimus Sapieha, donec in suburbiis Tuis consisteret. Supervenere postea sub regimine Generalis excubiarum Magistri SUCHII, viri militari laude præclarissimi, Austriacæ aliquot legiones.

Quæ fortiter circa Te figere pedem, & peditatu suo aggeres struere, tandemque machinis admotis opera hostium & Tua verberare cœperunt. Crevit indies obsessor exercitus, quia & illæ copiæ Austriacæ, quæ in Varmienfi Episcopatu hyc-

naverant,

maverant, accessere, Ducis sui HESTERI inopinatâ captivitate nuper tristes, mox reditu ejusdem tantò lætiores, quia is astu astum pulchrè ultus, è carcere Marieburgensi feliciter evaserat. Accessit quoq; CHRISTOPHORUS GRODZICIUS Generalis rei armamentariæ per Poloniâ Magister, idemque meritissimus Regni Senator, qui oppida Vistulæ adlita, & quicquid hæc parte hostilibus rapinis patuisset, legionibus suis strenuè hætenus propugnârat. Ita omni ex parte deniq; cincta Urbs fuit, & hostis intra mœnia, parvamque insulam, in medio Vistulâ sitam, conclusus. Interim verò non defuit ille sibi, captans subinde, atque aperiens etiam sibi occasiones erumpendi. Præcipuè autem copias Austriacas assiduis, & insidiis & aggressionibus sollicitabat. In has enim & præsidarii, & cives ipsi singulari quodam ferebantur odio. Quia nimirum animis infederat opinio, urbem obsessam, si quando ad deditiônem veniendum foret, non veteris Domini, sed Austriacum regimen subituram. Quod ut externum, & religioni suæ formidolosum populus omnis mirificè abhorrebat. Bi-

lovium porro, cui Civitatis defensio commissa erat, super insitam indolem, acrem, cautamque & prorsus ad ardua comparatam, famæ suæ cura stimulabat, ut summâ vigilantia & contentione ageret, quæ Virum nobilem, veterem militiæ, ejusmodi obsidia sæpius cum laude expertum, Generalis deniq; excubiarum Magistri munere præditum decerent. Dabat itaque sollicitè operam, ut in Urbe quam ordinatissimè omnia procederent. Cives advenasque (quorum sanè plurimi ex proximis agris confluxerant, ipsâ rei familiaris jacturâ in populos nostros mirificè exacerbati) non modo ad obsidionis tolerantiam, sed ad arma etiam gerenda firmabat. Intus benevolentiam, quantum posset, servans sibi, extra obsessores noctu diuque nocere quærens, eruptionibus potissimum, quas ita frequentavit, ut qui omnes illas ab initio ad finem annotarunt, plusquam trecentas nobis annumerent. Cæterum his opera equidem nostrorum multum subinde turbata, & ipse peditatus, auxiliaris præsertim, non leviter labefactatus; Sed non minus prædiariorum quoque numerus accisus

eisus est. Ac tametsi hostis identidem aliquos ex nostris caperet cœderetvè, nunquam tamen eò profecit, ut ullum vel militem auxiliarem à suis, vel com-
meatum unquam reciperet. Nostri enim vias, quibus subsidia ventura crede-
bantur, excurrentibus longè latèque tur-
mis equestribus, undiquaq; obsepserant;
& ut ipsi largiore rerum necessariorum
copiâ fruerentur, strato ponte junxerant
utramque Vistulæ ripam. Sed hostis mu-
nitionum suarum robore, tum suppeten-
te victûs necessarii sat ubere usque copiâ
fretus, haud quicquam adhuc submitte-
bat animos. Prorsusque adeò major vis
ad cicurandam ejus audaciam videbatur
requiri. Meritò hîc mirum miserumq;
rerum humanarum genium agnoscimus;
quarum adeò remedia longè tardiora
sunt, quam mala. Morbi repente subin-
de ingruunt, ac si fatalis hora adest, re-
pente etiam occidunt. Ut vero curen-
tur, mensibus opus est, aliquando & an-
nis. Non unius præterea Medici indu-
striam fatigant, multas pyxides Pharma-
copæorum deplent, & ut ægrotantium
corpora, sic crumenas eorundem, aut iis

proximorum exhaustiunt. Ægrotabas Tu quoq; Thorunium, & repentinus quidem, sed idem gravissimus æstus præter opinionem Te Poloniæ & Tibi ipsi eripuerat. Utinam prior valetudo æque citò redonari ægræ potuisset, quæ erat erepta? Sed lente processit restitutio Tui. Iterum quasi parere Te sibi Polonia debuit; & ut feliciter pareret, plusquam novimestre tædium coacta est ferre. Tulit æstivi solis ignes, tulit autumnî nimbos & procellas, tulit brumæ rigores, tulit mille molestias ac incommoda, ut Te ægritudine Tuâ, à quâ possidebaris, liberaret. Nec cessisset forsitan usque illa, nisi præsentem Regiæ Majestatis vim sensisset. Prævisum id maturè à Rege ipso, & Regni Ordinibus, adeoque omnium consensu sancitum est, ut ægri istius restitutioni Rex, non autoritatis tantùm auspicia, sed & manûs suæ ductum commodaret.

Nec cunctatus SERENISSIMUS REX, simul ut Comitiorum laboribus defunctus esset, abiit in castra, comitante SERENISSIMA REGINA; utroque Regni CANCELLARIO, & aliis Proceribus. Sed venit quoq; inprimis alter exerci-

exercituum Polonicorum Dux, idemque Regni Mareſchallus GEORGIVS LUBOMIERSCIUS S. R. J. Princeps, Comes de Viſnice, accelerando cœptæ obſidiōnis operi, ſummâ illa autoritate, quam immenſis virtutibus, maximisq; in patriam meritis, dudum comparavit, ingens daturus robur ac pondus. Qui jam etiam magnam exercitûs ſui partem, ſorem militiæ noſtræ, eodẽ præmiſerat. Tum verò validiſſimè demùm fervere cœpit obſidio, tot nimirum diverſorum nominum, populorumque legionibus, nobili virtutis æmulatione, in hoſtem certatim undiq; pugnantibus. Excitati jam ante erant nonnulli ſuggeſtus, de quibus in urbem non infeliciter quotidie fulminabatur. Ne inferiores cœteris eſſent, qui poſt cœteros venerant, excitarunt & ipſi ſuos, quo nullâ parte quies eſſet obſeſſis. Qui vicissiſim noctu diuque aut eminùs jaculando reſpondebant noſtris, aut cominùs factâ excuſſione inſtabant. Eſſi autem cruenta hæc certamina crebeſcerent, neq; obſeſſi ulla melioris inelinationis præberent indicia, Rex tamẽ Sereniſſimus, ut ab initio alterâ manu arma pertinacibus, alterâ

alterà clementiam respicientibus ostentaverat, ita subinde adhuc scriptis per NICOLAUM PRASMOVIVM EPI-SCOPUM LUCEORIENSEM & MAGNUM REGNI CANCELLARIUM literis æquisssimam pacem omnibus offerebat. Nimirum tibi, Christianissime Princeps, prius, & antiquius erat, Temet vincere, quàm hostem, & minus fortitudini permittere, ut minus sanguinis funderetur. Parcere volebas, ut Tuis, etsi Tui esse desissent, & abscissa membra integra malebas corpori reddere, dum & ipsa modo reddi corpori, quam deleri mallent. Sed qui rerum in urbe potiebantur, hostes, non minus ad verba clementiæ quàm ad ictus telorum occalluerant, seu spe auxilii se sustentantes, seu inania gloriæ tum suæ, tum civium præponentes salutis. Cives autem potestatem sui amiserant. Ad portum salutis & libertatem adspirare apertè, erat res plena periculi. Multi itaque nubilis mentibus serenos induebant vultus, ut præsentibus rebus contenti viderentur, quas tacto voto mutatas volebant. Sed erant quoque in numero obsessorum aliqui, novo do-
minio

minio eò usq; addicti, ut non nisi ferro ab eo divelli posse viderentur. Quos adeo clementia Regia non mollicbat, sed obdurabat. Nolebant agnoscere malorum suorum sanatricem manum, quia non agnoscebant morbum, & patientiam præbere remediis recusabant, quia quod remedium erat, morbum putabant. Cæterùm ubi Regia Majestas benignitate nihil profici vidit, cedendum deniq; putavit bellatorum legibus, quæ quidvis permittunt in hostem cedere nolentem.

Machinis itaque quæ ad vim majorem à nobilissimo ac solertissimo Archimede Regio GÖDKANTIO magnâ & hætenus inauditâ artis Pyrotechnicæ industriâ, comparatæ erant, saxa & tela ignea tandem immitti placuit in urbem. Juxta vero omnem exercitum ad faciendum undiquaque insultum præstò adesse jusserrat magnus Marefchalcus. Neque longi hortationibus invitandus, aut erigendus erat miles. Jamdudum is operosis precibus aggressione ejusmodi ambiverat. Multos opulentæ spes prædæ incendebat. Alii generosiores stimulis gloriæ agitabantur, & indecoram suæ genti tantam

tantam apud unam urbem existimantes
moram, majore severitate aggrediundos
suadebant, qui lenitate hactenus abuti
viderentur. Plurimis etiam ingruentia
hyemis incommoda lentæ obsidionis ta-
edium moverant. Magno itaque labore,
multisq; argumentis hactenus expugnan-
dus fuerat miles, ne tanto & suo, & Urbis
periculo, violentam oppugnationem
præcipitaret. Eoque gratius illi jam fuit
Regiæ Majestatis de urbe adoriendâ de-
cretum. Erat decima septima dies No-
vembris, cum tempestas ignea sævire,
cumque pariter exercitus obsessor incre-
dibili impetu in propugnacula mœnium
undiquaque ruere cœpit. Urbs universa
subito colluxit, ac si undiq; obiecta flam-
mis esset, eademq; inter irruentia undiq;
fulmina tota contremuit, non secus ac si
atrocissimo terræ motu concuteretur.
Sed quas stationes quæque legio, & quo
eventu oppugnarit, quæ damna in Urbe
ignes lapidesq; molares injecti dederint,
historia deinceps plenius exponet; uni-
cuiq; etiam Bellatorum decus suam, ex
fide & merito repensura. Nunc levi men-
tione illud duntaxat propugnaculum
tango,

tango, in quo præcipuum operæ pretii-
um oppugnatores fecêre. Magnus ipse
Mareschallus adortus illud erat, eâ
inprimis legione, cui Ductorem GIZAM,
spectatissimum militiæ Tribunum præ-
fecerat. Egregiâque Ductorum ac mili-
tum virtute ibi pugnatum est, ac multi ab
obsessis tum sauciati, non pauci etiam cæsi
fuêre. Adeo ut pene hæere animi inci-
perent, an continuanda esset aggressio,
quæ jacturam militum Ductorumque exi-
guo hætenus fructu pensaret. Sed Ma-
reschallus cedere nescius, iteratis horta-
minibus, missoq; subsidio novum ardo-
rem injecit suis; adeò, ut hi deniq; omnes
acerrimo impetu connisi hostem propu-
gnaculo ejicerent, in quo ille plurimum
spei reposuerat. Pariter aliis nonnullis
stationibus, tum hoc ipso tempore, tum
post breve intervallum, feliciter res gesta
est, ita ut nostri intra paucos dies, aliquot
hostium munimenta occuparent, inque
ipsis adeò mœnibus figerent pedem. Sensit
hostis exercitui nostro non modò ad pu-
gnandum satis animorum (hos enim jam-
dudum campis patentibus, & ubi manibus
res gerenda fuit, expertus erat) sed ad ex-
pugnandas

pugnandas etiam munitiones satis jam esse industriæ. Itaq; remittere is tandem paulatim cœpit animos, idque eò magis, quòd facile conjiceret, Polonos nullà hætenus vi adversà, nulla cœli inclementià, ab inceptà obsidione avocatos, nunc tantis successibus animosos, eò alacrius operi ad finem jam præcipitanti incubituros. In urbe contrà præsidiariorum numerus, tùm vi nostrorum, tùm novis morborum generibus, magis magisque atterebatur. Nescio quæ enim Sceletyrbe, lentè alioquin homines conficere solens, hîc præter morem rapida, in necem subitam agebat milites. Ita ut denique vix trecenti incolumes & ad pugnandum idonei superessent. Eò magis consternati etiam cives, faciliores jam aures præbebant prudentibus, qui præveniendam esse necessitatem ultimam judicabant. Serenissimus vero Rex, etsi ad iterandam aggressionem generalem omnia haberet parata, & præterea multis precibus, atque etiam quiritationibus militum usq; sollicitaretur, ut vi militari urbem expugnari sine-ret, suæ tamen benignitati magis, quàm votis aliorum obsecutus, denuò per lite-

ras hortatur obsessos (quamvis nemo inde quicquam benevolentiae ostenderet) ne porro fatum, iramque in se Regiam inani pertinacia lacefferent. Capiti imprimis praesidiariorum non obscure ob oculos poni jubet; quid expectandum haberet, si urbem tam nobile suae potius obstinationis victimam, quam Regiae clementiae fieri vellet exemplum. Cum inter ista, Urbis simul mania tormentis majoribus arietarentur, à terrore ipso vim eò efficaciorē habuere literae Regiae. Proindeque colloquia de transactione primum per T R A B U C U M Reg. Maj. Secretarium, postea inter praecipua utriusque partis Capita haberi coeperunt, & cum nulla transactio aut fieri, aut valere posset, nisi quae Principis Adolphi Generalissimi Suecorum in Prussia Gubernatoris consensu niteretur, datum est obsessis armistitium, spatiumque & potestas mittendi Mariæburgum. Postquam rediissent, qui missi erant, & jamjam violentiae militari lenitas Regia, nisi festinata transactio praeveniret, cessura videretur, venerunt ex urbe faciales, qui cum VIRIS ILLUSTRIS. ANDREA MOR-

MORSTINIO Regni Referendario,
VLADISLAO REY, Serenissimæ Re-
ginæ Cancellario, & BARTHOLDO à
Rautensfels/ Regiæ Maj. Secretario,
congressi, in eas cum Rege Serenissimo
leges convenère, quas nescio an unquam
spe conceperint, accipere quidem vix ab
ullo alio, quàm ab ipsâ Clementiâ potuê-
re. Apud exterarum sanè gentes fidem pro-
pè excedit, hostem, qui nihil unquam eo-
rum, quæ summa Martis savities com-
mittere solet, omiserit; qui toto propè
anno eminus cominusq; circumjectos
exercitus nostros exercuerit, ipsam Regi-
am Majestatem utramq; sub Jove frigi-
do, & variis cœli injuriis tamdiu detinu-
erit, tandem imminentibus jam omnibus
extremis, tam æquis tamen, tamq; opta-
bilibus conditionibus, Urbe egressum es-
se. Sed nimirum Serenissimus Rex no-
ster minimè unquam sciens sanguinis
humani victorias suas eò majores putat,
quò magis sunt incruentæ: & gloriæ sibi
ducit, hostem armis quidem, sed simul &
mansuetudine superasse. Armis quippe
vicisse, felicitatis sæpe laus est, ignovisse
victis, solius decus est virtutis. Inter præ-
cipuas

cipuas porro clementiæ istius causas, Urbs ipsa erat. Potius enim Regia Majestas præsidium cum Urbe servari, quàm Urbem cum præsidio perire voluit. Periisset autem hæc, & nimirum in sanguine Civium, matronarum, infantum natasset, si furentis permissa fuisset libidini militis. Nec ignota erat hosti Regia lenitas, quæque animo ejus federat, servandæ Urbis sententia. Hoc itaq; Regis consilio, optimo sane, & maxime commendabili, in rem ille suam usus, urbem tam arctè amplexus est, ut interire ipse non posset, nisi perlatus civium, modumq; invenit, quò Urbis obsessæ incolumitatem faceret pretium honoræ pacis. Nimirum cum aliud jam, quod opponeret, non inveniret hostis, Te Tibi, Rex Serenissime, opposuit: & cum elabendi nulla via esset, in Naturæ Tuæ genio. officium salutis reperit. Instabat illi vel mortis, vel abjectæ pactionis necessitas: sed novâ arte Tibi per Temetipsum necessitatem intulit honestæ dimissionis. Alphonsus Arragoniæ Rex, clementiâ Tibi simillimus, dixisse olim fertur, nullâ re magis adversariorum animos flecti, & conciliari solere, quàm

quàm placabilitatis, & mansuetudinis nomine. Quod dixit, expertus erat, ac cum multos inimicos habuerit, multos solà lenitate superavit, & amicos sibi fecit. Utinam æquè felix Tua clementia sit, & quos perdere in Urbe hostes noluisti, cum posses, eos, admiratio virtutis Tuæ emendet, non effugituros alioqui vindicem Nemesin, si pertinaciæ fomentum esse patiantur, quod correctionis debet esse incitamentum. Facessant vero hinc illi, qui nihil in Regibus nisi solam armorum gloriam admirantur, verum autem fortitudinis nec modum, nec finem nōrunt; rati scilicet moderationem duntaxat succumbentibus esse propriam. Nec Clementiam nisi parvarum mentium virtutem ducunt; ignari, Deum ipsum non minus optimum dici, quàm maximum; nec magis Domini, quam Patris nomine honorari, ad Deum porrò homines nullà re propiùs quàm benignitate accedere posse.

-- -- -- *Nam cum vincamur in omni Munere, sola Deos æquat clementia nobis.*

Illam autem gratià, quàm urbem complexus es, Rex Serenissime, quibus præconiis efferen-

effeſſenda eſt; & quæ eloquentia dignè
illam extollet? Primum enim quantæ
benignitatis eſt, quod ſalvæ eſſe eam
voluisti, quam aliorum Tui diſſimilium.
Regum aſper genius dudum fortalliſ ad
exitium damnaſſet. Cauſam ejus Tu apud
Te, benignus idem Patronus & Judex.
æquiſſimus egiſti: reamq; non à ſuppli-
cio tantum, ſed à crimine etiam abſolvi-
ſti. Quicquid peccatum videbatur, nulli
dolo malo, ſed ſiniſteritati temporum tri-
buit æquitas Tua, & quicquid diſplicuit,
non ut macula indignationem merens,
ſed ut vulnus miſeratione dignum, fidei
& conſtantiæ prioris memoriâ abſterſum
eſt. Meminimus, ferventibus extremi hu-
jus belli initiis, audire nos ex Te, Rex
Sereniſſime, in tantâ lapſorum multitu-
dine Te aliis jamdudum ultrò ac lubenter
ignoviſſe, aliorum caſtigationem DEO
delegaviſſe: ſolum illum optimè & digno-
ſcere, & ulciſci poſſe, quantum quiſque
deliquerit: nec paucos eorum, qui in Te
peccarint, Te etiam quieſcente, caſtiga-
tos. Et de ipſâ hâc Urbe fateri ſanè opor-
tet, illi tranſitum ad hoſtes, etſi haud
ſpontaneum, certè haud quæſitum, tamen
magno

magno admodum constituisse. Tot enim mala, & ærumnas passa, tot fatigata laboribus bellî, tot affecta damnis, tot denique ictibus lacerata est, ut porro à Te nonnisi per vulnera ipsa percuti, & nihil penè ampliùs, quàm spiritum amittere posset. Cepit Te calamitatum ejus miserratio, & cum ab initio obsidii, Civibus impunitatem spondidisses, postea etiam, etsi justam mutandi causam habere videreris, non mutasti propositum: fidei scilicet datæ constantiam & auctoritatem obtendens. Nimirum, quia nullâ re magis, quàm clementiâ gaudes, facilè, & ultrò suscipis vincula, quibus ad eam obstringaris, & nodos fidei, quos alii nullo negotio rumperent, Tibi benignitas animi Tui reddit insolubiles. Atq; eâdem hâc virtute effectum est, ut non Urbem modò, sed omnia etiam jura ejus salvâ esse volueris. Nescivit bonitas Tua partiri beneficia; totam sibi restituit, ut totam se denuò Tibi deberet. Non autem arctius illam Tibi obligare potuisti quàm cum, ut ante fuit, immunem esse jussisti. Fidissimum in subditis vinculum animorum est libertas. Neq; ulli imperio libentius

tius quisq; paret, quam sub quo suus esse potest. Quanquam, ut omnis felicitatis, ita libertatis etiam nonnunquam abusus usu venit. Et sæpè nimium sibi permittunt, quibus multum licet; ipsiusq; tandem libertatis vitiis non in servitutem modò, sed in perniciem ruitur. Tu liberrimæ Nationis Rex, tametsi exundantis subinde libertatis æstus, magno & Tue, & Reipubl. periculo, expertus es, neminem tamen gentilitio hoc bono exuis. Scilicet unumquemq; jam tandem malis domesticis satis edoctum credis, libertatem generoso equo similem esse, qui, si fræna excutiat, & se & sessorem currumve, cui junctus est, rapiat in præceps: sed si modestè ea habeatur, nihil esse in mundo generi humano vel gratius, vel utilius. Nostrium certè Regnum, nullà magis re, quàm libertate ad tantam molem, & ad tantæ potentiaæ florem pervenit. Hoc enim maximè illicio invitatae gentes vicinae lubenter olim cum regno coaluerunt; & vi aliquâ avulsæ, eidem semper optârunt rejugi. Urbs quoq; ista, cum multas lætandi jam habeat causas, hanc habet potissimam, quod benignitate Re-

giâ & Regno, & pristinæ libertati restituta est. Ac meritò Tullium sibi optat, qui tantam clementiam dignis efferat encomiis. Olim Rex ille eloquentiæ Romanæ gratias Cæsari egit, cum is M. Marcello ignovisset. Sed Cæsar viro uni ignovit, tali prætereâ viro, qui olim æqualis ipsi atq; etiam, cum Consulatum, validâ adhuc Republicâ, gereret, superior fuerat: qui prætereâ, si Cæsarem offenderat, patriæ, & libertatis amore credi poterat offendisse. Ignovit porro absenti, ignovit quieto, & nihil jam amplius hostile molienti; ignovit denique cum non tantum frater pro fratre supplicaret, sed & totus surgens Senatus interponeret preces. Rex vero noster multitudini hominum ingenti, multitudini subditæ, & jurejurando sibi obstrictæ, multitudini unâ cum Capitibus suis sub alterius potestatem, & ad arma adversus legitimum Dominum, tandemq; hinc in extrema omnia prolapsæ, ultro, nulloq; prorsus deprecante, plurimis imò ultionem nimis quàm acerbè flagitantibus, veniam dedit. De quâ postquam per Cancellarios certa jam Urbs esset, delecti ex Magistratu, & Civibus,

bus, venerunt in castra, & præeunte Seniore & Majorum suisq; meritis Aulæ Polonicæ notissimo Præ-Consule JOANNE PRUSSO, adversa omnia, quæ necessitas extorsisset, deprecati, pro clementiâ Majestati Regiæ gratias egere. Benignè excepti sunt, nec nisi paternè admoniti eorum, quibus Regia Majestas hætenùs sit offensa. Exin præsidium, quod ex ter mille hominibus ad quadringentos, eosq; magnam partem ægros redactum erat, à Gubernatore BILOVIO, Skittio, Draco, Hammilto, Zögio, Boko, Tribunis & Pro-tribunis propriis. Cal. Januar. educatum est. Egressus etiam, insigni gratiæ Regiæ documento, BENEDICTUS OXENSTIERNIUS Comes, & hoc bello à Rege Sueciæ Palatinatui Culmensi præfectus. His præsidium Regium, cujus pars, jam ante, secundum pacta, portam unam urbis insederat, sub regimine Castellani Camenecensis CHRISTOPHORI GRODZICII, ductu autem PAULI CELLARII, Generalis excubiarum. Magistris, successit. Neque enim custodiæ suæ Urbs visa est sufficere, præsertim bello usque in Prussiæ viscera sæviente. Nani-

etsi armorum suspensio agitari cœperat, ea tamen per gravitatem conditionum, & quod Confœderatos offensura videbatur, caruit successu. Interim de pace perpetuâ jamdudum placuerat aliqua institui tentamenta. Eamque ad rem Rex Serenissimus ipsam hanc Urbem novissimè recuperatam Illustrissimis & Excellentissimis Delegatis suis, Magno Regni CANCELLARIO, & PALATINO POSNANIENSI, Magni denique Ducatûs Lithuaniae Vice-CANCELLARIO; assignavit, invitatis eodem Confœderatis suis, quos belli necessitudine secum sociatos, negotiatione pacis nefas putabat Polonia à se disjungere. Votum est omnium bonorum, ut res prospere cedat, utque Urbs, quæ prima, hoc bello, armorum hostilium in Prussiâ sedes fuit, felix tandem sit pacis officina. Cæterùm ubi Calendæ Januariæ illuxerant, S. Regia Majestas, splendido Senatorum præsentium, & aulico cōmitatu, præviis equestribus turmis Urbem, inter armatos Civium ordines ingressa, rectà ad templum S. Johannis processit, comitante eodem Serenissimâ REGINA. Excepit venientes ILLUSTRIS-

STRISSIMUS JOANNES KOS Episcopus Culmenſis. Mox ſacra ritè peracta, Deoq; hymnus pro victoriâ cantatus, Muſicis templi organis interſonantibus, quia hoſtili deſtructa violentiâ jamdudum obmutuerant. Ex Templo in Curiam itum eſt, ubi Magiſtratus Urbanus novo ſacramento fidem Majeſtati Regiæ obſtrinxit. Quod idem poſtridiè Cives congregati in foro fecère. Poſteà pauci dies extracti ſunt, ordinandis rebus pace belloque neceſſariis, animisque hoſtium, quàm ſeriò ad pacem inclinarent, pertentandis. Sed apud hos omnia & intricata tùm nimis, & infra votum deprehenſa. Regem vero alia negotia, & inprimis Comitiorum habendorum cura Varſaviam, Magnum quoq; Mareſchalum inſtans cum exercitibus ſuper ſtipendiorum ſolutione Commiſſio Lublinum vocabat. Itaq; & Aula, & Militia omnis diſceſſit, relictis præſidiis, quæ cohibendis quidem cohortibus Hoſtis in Pruſſiâ tum ſtabulantibus, non item novo exercitui aliunde venienti, ſufficiebant. Sed quæ poſteà contigerunt, quæque alia in hac narratione omiſſa ſunt, Hiſtoricorum

labor suo tempore narrabit. Ego jam ad Regem Regum & Dominum Dominorū me converto. Nihil enim omni hoc ditionis nostræ conatu egero, nisi illius clementiæ, id quod ante omnia, sub hoc novi anni auspiciū, propositum fixumque habui, quaecunq; animi gratia anathema suspendero. Ejus beneficio Rex Serenissimus, in hoc insigni ætatis suæ climactere, tot gravissimos togæ sagiq; labores, tot objectas difficultates, tot aeris injurias, illæ sâ superavit valetudine, annumque ipsum illustri victoriâ obsignavit. Ejus beneficio Serenissima Regina, ut vitæ socia, sic laborum Regionum comes, inconcussū corporis animiq; vigorem experitur. Ejus beneficio Illustrissimus Poloniæ Senatus, inclytusque Nobilitatis ordo, atque adeo Respubl. universa, ex fatali illâ calamitatum congerie respirare cœpit, hostium aliis debellatis, aliis conciliatis, aliis in diversa terrarum bellorumq; distractis. Ejus beneficio magnanimi Duces militiæ, ipsiq; exercitus matri Reipubl., etsi jam exsuccæ, & in stipendia ægrè sufficienti, promptissimam tamen, fidamq; operam navarunt, patriæ-

patriæque decus longè extrà fines magnificè protulerunt. Eundem Deum Optim. Max. veneramur supplices, ut Pietati, omnique Virtuti vigorem, atque accrementum, Regiæ Majestati utrique longævam & omnigenâ prosperitate cumulatam vitam, Senatui saluberrima consilia, Ducibus fortunatam militiam, vigilemque necessariæ disciplinæ custodiam, Nobilitati moderatos ac concordēs animos, Exercitibus alacre ad nobiles operas obsequium, Urbibus redivivum artium & commerciorum florem, agris quietæ fertilitatis uber, Regno universo Aquilæ juven-
ventam, & pristinam ex felici rerum
successu Majestatem, donet, au-
geat, conservet.

AURORA PACIS,

Seu oratio præsentibus
LEGATIS

Cæsareis, Regis Poloniæ &
Brandenburgicis Gedani in maximâ
frequentia circa initia tractatuum
Olivensium habita.

Post adoratum supremum Numen,
sine quo nihil ritè, nihil auspicate
procedit mortalibus, primo omni-
um mihi veniam dari obsecro, si in hoc
tam illustri theatro dicere ordienti, per-
celli non nihil animus videtur. Circum-
fudit me inusitatus huic loco splendor,
nec inficior, conspectis tot sideribus, ex-
tra sphaeram suam, circa me & hanc ca-
thedram undiquaq; lucentibus, me rapi
extra me, non tam metu aliquo quàm stu-
pore & insigni quodam reverentiæ, gau-
diiq; sensu. Stupore abripior, cum He-
liconem hunc in quoddam quasi palati-
um Regium, dicam liberius, in Olympum.

novâ aliquâ metamorphosi vertisse video, meq; adeò, præter morem, stare in medio Deorum, & universo eorundem tacente concilio, solum loqui, omniumq; in me oculos, aures, animosq; conspicio esse erectos. Jure hinc reverentia simul animum subit, qualis quemlibet hominem decet, qui aut Principes, Dei in terris vicarios, aut vicarios Principum Legatos alloquitur. Accedit præterea ingens vis lætitiæ, quando honorem considero, qui hoc die literis contingit, cum magna mundi capita, cum oracula Principum, sepositis interim, quibus publica salus innititur, curis sublimibus, Athenæum hoc ingredi voluere. Ac tanto magis exuberat gaudium, quod ista, quæ hic splendere video, sidera, sunt ejusmodi, ut illustre lumen suum ad inveniendam publicæ Pacis ac tranquillitatis viam pronissimè cupiant commodare. Pacis autem filia sunt Musæ nostræ, malè convenit illis cum Bellonâ, quoniam illæ fontes Pierios, hæc sanguinem appetit, illæ honestatem docent, hæc ut plurimum evertit, illæ liberale otium adamant, hæc quieta omnia perturbat. Nihil igitur Deabus istis contingere

tingere potest jucundius, quàm intueri hic magnos magnorum Principum ministros, sed eosdem jam pacis feciales, paulo post, si Cælum faverit, Angelos pacis futuros. Assedit hic equidem cum aliis Senatoribus togatis, potens Bellonæ filius: sed idem, exutis tantisper armis, hosti metuendis, Martiâq; positâ severitate, nostris & ipse Musis benignissimæ se hîc attemperat, plenum gratiis vultum, plenum amore erga literas, plenum & literis animum ostendens. Quod pulvinar autem, quam aram, tantis Nutriciis & Vindicibus suis ponent Musæ, quo libamine eorum benevolentia litabunt? Non habent aliud, quod offerant, quàm sacrificium labiorum, quod ita Illustris. Domini, vobis offerunt, ut qui hîc splendidissimæ & virtuti & dignitati Vestræ paratur honor, eum bonâ pace vestrâ, summi Regis Regum honore eadem cupiant præverti. Sequar eâ in re opportunitatem temporis hujus, quo & templa, & palatia, & fora, parietes denique publici & privati bonis omnibus ac votis circum sonuere. Eodem officio mihi quoq; publicè jam defungi fas erit: atque hinc, ut tan-

te acrioribus stimulis ad mutuas gratulationes excitemur omnes, proximi anni-
versum, quem juxta cum Sole emensi su-
mus; gratiâ & comitate Vestrâ, animosus,
semetiar, novum genus fastorum condi-
turus, cum, quemadmodum diebus men-
sibusq; annum describere Astronomi so-
lent, ita ego, spatia ejus, singularibus Dei
beneficiis, ceu oculiferiis maximè splen-
didis, maximè augustis, signa vero. Nec
tamen nisi ea cæli munera commemora-
bo, quæ ad publicam Regni universi, to-
tiusque adeò Orbis Christiani salutem
pertinent. Privata quisq; domi tecum
memori mente revolvat, & grato erga De-
um ore deprædicet. Huic quod ex tan-
tis Orbis luminibus constat, Auditorio
non nisi publica & tam late scilicet, quàm
fœdera nostra patent, diffusa convenire
videntur. Neque enim latet, necessita-
tem publicam & communis curam salutis
multos ingentes Principes populosque
cum Serenissimo Rege & Regno nostro
socialisse, & esse hanc tam arctam neces-
situdinem, ut quæ singulis illorum divini-
tùs contingunt bona, ea in nostras accep-
torum tabulas jure referamus, æquè pro
illis

illis in Deum grati, ac si nobis contigissent. Unde adeò nemini mirum jam videbitur, si quos fœderum sanctitas copulavit, eos oratio nostra non sejungat: potiùs autem lætam dicendi messem, undeunque jure potest, collectura, per multas sese Orbis ditiones, provincias & Regna circumferat; itura alicubi per rosas, itura etiam per spinas, eâ tamen, quantum fieri maximè poterit, cautione, ut cum censor severus alia forsan hîc, quæ culpet, reperturus sit, modestiam tamen & decentem veri curam nemo æquus, & ne hostis quidem, nisi idem & æquitati & humanitati ipsi hostis esse velit, desiderare meritò possit.

Cæterum ritè atq; ordine rem aggressurus, jure à summo Capite nostro ordimur, Serenissimo nimirum Rege, Domino D. nostro clementissimo. Qui singulari divini Numinis favore, annum præterlapsum, recuperato feliciter Thorunio, inter laureas triumphales, Serenissimâ Reginâ comitatûs, inchoavit. Quæ tum vota pro Majestate utrâq; ad Deum misimus, eorum, insigni Divinæ gratiæ autoramento, damnatos nos esse lætamur. Inter
prima

prima vota erat prospera valetudo Regia, quippe in quâ vertitur cardo publicæ salutis. Exauditi sumus, [& memorabili Dei beneficio Majestas Utraque annum hunc integrum inoffenso sanitatis tenore transegit. Nihil illam gravissima curarum perennium, nihil indefinentium laborum catena, indivulsa alioquin Regalis fastigii, his inprimis temporibus, comes, debilitavit.

Valetudini etiam fortuna ut plurimum respondit. Etsi enim illa non omnibus prorsus momentis æque risit (ecquæ enim mortalibus, etiam potentissimis, sine aliquâ acerbitalis mixturâ contingit felicitas?) favit tamen semper, adeò ut & vetera mala, quibus domum Regiam & Rempubl. universam diu satis nec perfunctoriè exercuit, optatis successibus nunc excusasse quodammodo videatur. Nimirum explicat se jam cælum & profitetur, immissas esse illas calamitates, partim ut fides & Virtus, velut injectis auro flammis, tanto fulgidiùs exsplendesceret, partim ut eadem, quasi incussis robustæ Ilici bipennibus, solidaretur, atque ab ipso duceret opes animumq; ferro: partim

tim denique, ut eadem illa mala, prout oneri erant, ita remedio nobis essent, fufumque adeò plethoræ fanguinem, ne luxuriaret, & ne fuâ fibi mole gravis foret, datum deniq; nobis Hidroticum ingens: ut nocitura gnaviter exsudaremus. Utinam fanantis nos DEI mentem recte intellexiffimus atque etiamnum intelligamus, ne peccatis amplius nostris fatigemus patientiam cæli, ne & ipfum nos de nouo fatiget flagellis. Neq; enim unquam post calamitates verè erimus felices, nifi post flagella fuerimus meliores.

Sed qui erga Rempl. Numinis favor, idem erga præcipua Reipubl. Capita, Senatūq; univerfum eluxit. Incolumem enim fervavit, & non nifi paucos ex tanto numero paffus eft implere legem mortalitatis. Sigillum equidem Regni non adeò pridem alterum fui Custodem, Boguslaum Comitē de Lefno, virum ut fplendore natalium, ita ingenio ac prudentiâ maximum amisit, inq; eo Sereniff. Rex noster magno confiliorum & promodo-condo & interprete, Illuftriffimus verò & Reverendiffimus Regni Cancellarius (quem ut præclariffimè de Republ. mereu-

merentem Senatorem diu superesse superi velint) conjunctissimo Collegâ orbarus est. Sed eadem, quæ tanti viri mater fuit, & hunc furculum gravissimè adhuc mæret, Arbor, Arbor antiqua, arbor generosissima, ex semetipsâ supplevit ingens vulnus, inventusq; est in illa Ramus aureus, qui jacturam publicam, summo & Regiarum Majestatum solatio & Regni totius levamine sarciret.

De domestico regimine, salvisque ejus Columnis obiter nobis gratulati, jure ulterius ad Socios & Amicos Regni ad S. Cæsaream Majestatem, ad Serenissimos potentissimosq; Reges & Principes mittimus oculum. Quos pariter omnes hunc annum incolumes transegisse, est profectò, eur plurimum gaudeamus. Si quid enim sinistri vel in unum fœderatorum sibi permisisset fatum, multum utiq; turbata rationes publicæ, neq; modicè omnis luxata consiliorum fuisset compages. Sed memorabili Dei beneficio omnes illi sospites, & ipsa fœderum vincula illæsa mansêre. Jam supplices veneramur æternum Numen, ut perennitatem addat muneribus suis, adeoq; tum Sacram Regiam
Maje-

Majestatem, tum omnes Principes Fœderatos unà cum Imperio, Regnis & provinciis quàm diutissimè florere velit. Servet porrò Causæ nostræ vindices Alcidas, fervet Poloniæ, Lithvaniæ & innexarum provinciarum Camillos, Lælios, Scipiones, Valerios. Idem prout hæctenus Urbi huic, ejusdemque Capitibus, & juxta membris universis gratia suâ, inter res præcipites, atque inter summa sæpè discrimina adfuit, ita porrò cœlitus omnigenæ virtutis robur servet augeatq; & perpetuam optatæ felicitatis constantiam largiatur. Hæc generatim, sed animitus precati, jam ad singula DEI beneficia, quibus hoc annò elapso fortuna Poloniæ nostræ utcunque effloruit, accedemus, ituri per summa rerum fastigia, quia accurata omnium narratio julto Historiæ operi debetur. Atq; ut ab ipso anni illius exordio incipiamus, id equidem longè omnium auspiciatissimum futuris successibus pulcherrimè prælasit. Quò enim die claviger anni Janus novum redeunti Soli curriculum aperiebat, eò favor Divinus, eò efficacissima pariter & felicissima Regiarum Majestatum præsentia,

sentia, eò Illustrissimi Mareſchalli & Ducis exercituum imperterrita Virtus, primum Prussiæ clauſtrum Thorunium, Poloniae noſtræ, recluſit. Quanti res momenti tum effecta ſit, docuere plauſus, docuere gratulationes, quæ illo tempore per Prusiā noſtram perq; omnes ſucceſſibus noſtris faventes terras latè exſonuere. Caterum quia & provinciam hanc univérſam belli calamitas exhaueſcat, & militem noſtrum per duras autumni tempeſtates in ipſam uſque hiemem Thorunii fatigaverat obſidio, tanto magis poſt occupatum illud, & militi à labore, & Prussiæ à milite danda videbatur reſpiratio: ne & ille & hæc inopiā anno næprorſus elangveſceret. Quæſita igitur ſunt militi hyberna extra Prusiā, relicto Thorunii & in aliis oppidis pediatu, cui viri & generis & militiæ decoribus præſignes Butlerus Generalis vigilum præfectus, & Grothufius Tribunus primarius, ſuper omnes autem Chriſtophorus Grodzicius, Caſtellanus Kioviensis idemque Generalis rei armamentariæ magiſter præfuit. Tanti nominis mentio vulnerat, omnium, ut video, animos, quia
nuper

nuper ah ! desit vivere, quem diutissime
vivere publicæ rei intererat. Amisit fi-
delem ministrum, fidelem suū vindicem
Rex Serenissimus, amisit magnum colle-
gam Senatus, magnum bellatorem mili-
tia, magnum amicum Illustrissimus Ma-
reschallus, magnum decus Polonia uni-
versa. Grandem in illo indolem educa-
tio non mollis, tum generosus juventæ
ardor, per terras peregrinas, per labores
varios, per omnes militiæ gradus, transe-
git, eandemq; post deposita bello Turci-
co tirocinia, sub Magno Koniecpolscio
Prussia, sub Valskenio Duce Germania e-
xercuit. Inde revocatum, ut tanto ma-
jorem elaboraret virum fortuna, mirifi-
cè agitavit, novercam prorsus simulans,
cum tamen mater esset. Per ipsas enim
ærumnas belli, carceresq; hostiles idone-
um effecit, qui olim publicis Regni cala-
mitatibus, ut magnum columen & præ-
sidium, opponi posset. Prima ei vincu-
la rebellium Cosocorum perfidia injecit;
quibus se non alia ratione expedire potu-
it, quam fugâ ad Tartaros. Terribilem
fuisse servitutem oportuit, cui à Scythis
illis quæsitum est remedium. Inde ami-
co

co Religiosi viri, Patris Hilarii Carmelitæ ministerio redemptum Cannæ Batonienses denuò Tartaris reddiderunt, felice miseriâ, quòd contracta ante inter Tartaros amicitia servavit penè unum, cum alios omnes Duces, Tribunosq; exceptis paucissimis ferè & milites omnes, crudelitas hostilis hausisset. Iterum ab eodem Monacho exemptus est vinculis, ut mox afflictam & paulò post penè in vincula euntem Rempublicam cum cæteris Camillis servaret. Minabatur huic Patriæ catenas Moscus cum Cosacis, ex Russiâ, minabatur alteràs ex mari Balthico Gothus. Prior ille plus quam centum viginti millibus hominum Leopoldin, & in eâ nostrum hunc Bellatorem, tum jam armamentario Regni totius præfectum, obsedit. Hic noster cum tantum exercitum per decem pene hebdomadas incredibili virtute represisset, invictâ tandem constantiâ suâ victum hostem ad amicitiam pertraxit, idque eo tempore, quo transmarina tempestas Rempubl. nostram inundaverat. Calamitas aliquin fugare amicos solet, hic calamitas eos, qui capitales florentibus nobis inimici

mici fuerant, oppressis fecit amicos. Nimirum per mera miracula servare Sere-
nissimum Regem & Rempubl. voluit De-
us, ut ipsi soli gloria tanti beneficii debe-
retur. Illo jubente factum, ut quod an-
te hac venenum Regno fuerat, postea esset
remedium: illo jubente factum, ut con-
tra Christiani & cognati sanguinis ho-
stes, gens Christiani sanguinis inimica,
primum afflictis ferret auxilium. Cha-
nus certè Tartarorum, at quantus olim
hostis Poloniæ! tum militiam nostram,
extra fidei orbitas prolapsam, minis re-
vocavit ad obsequium, tum Chmelnici-
um minùs jam, aut certè infelicitè re-
pugnantem, in verba extorris adegit Ma-
jestatis, hancque ipsam permissum à de-
functo nostro familiarem Valerianum
Morstinium Centurionem, nunc Vice-
Trib. animavit, effecitque, ut revocantis
Dei digito, tum consilio Procerum, ab
epidemii erroris labe intactorum obse-
cuta, non cederet fortunæ, irasci visæ,
non cederet hosti irato, sed & hunc & il-
lam constantiâ superaret. Divinum hoc
consilium fuisse, agnovit postea eventu
judice Orbis, fallusque est, cælitùs erigi
fortu-

næ Regiæ MANIPULUM, cælitus Po-
loniam defendi. Eodem tempore idem
hic noster defunctus, præter Leopolin,
ubi is reversum deinde excepit Serenissi-
mum Camenecense etiam Samoscianum-
que in fide servavit præsidium. Exin mi-
litia etiam cætera resipuit, & conspirans
mox undiq; Polonia concussit imminens
humeris jugum, inque plenam se liber-
tatem, Deo auspice, asseruit, nostro hoc
inter cæteros Hectoras, fortissimam ubi-
que operam connavante, ut tempore suo
historia plenius docebit. Nunc enim bea-
tis tantum Castellani nostri Manibus
qualemcunq; honorem quasi propter vi-
am exhibituri, pauca hæc ab alto repe-
tere, atque obiter hic delibare voluimus;
ut tanto clarius appareat, cur Senatoris
istius mortem Serenissimus Rex & Prin-
cipes Reipubl. Viri, & omnes qui illum,
omnes qui Kempubl. norunt, tam vehe-
menter doleant. Jam in Prusiam nostram
reverti debebam, quam superiori hyeme
Serenissimus Rex & supremus Regni Ma-
reschalcus illustrissimo huic Castellano
tuendam commiserat. Sed illuc prope-
ranti interponit se mihi Dania fæderata;

& potissimum Princeps ejus Civitas, quā tempore eodem communis noster hostis calidissimo consilio, acerrimoq; impetu expugnare contendit, in eo velut compendio & Serenissimum Daniæ Regem, & omnem sanguinem Regium, omnem Senatum, florem nobilitatis, insignia, ornamenta, & opes Regni omnes oppressurus. Sed felice Serenissimi Regis præsentia, tum ductu strenuissimi Schakii, nec non illustris Thalassiarchi Hollandici Baronis Vassenarii, fortissimè repressus, ac clade æternū memorabili multatus recessit. Avocant me fortissimorum Sarmatarum nostrorum facinora, in penitissimis Cimbrici soli recessibus. Ducibus Stephano Czarnecio Palatino Russiæ, & Petro Opalinio Palatino Podlachiæ, summò fæderatorum nostrorum fructu, summo Poloniæ ormamento patrata. Inprimis autem avocat me Serenissimus Elector Brandenburgicus, qui Holsatiam, Jutlandiam, & procedentibus cum tempore victoriis, inaccessam Alsen exercitū fæderato, & suo, hostibus eripuit, si Neptunus vela submisisset, Daniam totam, iisdem ereptam, redditurus Regi suo. Caterū
cum.

cum omnia, quæcunq; summa fortitudo, dexteritas, & prudentia agere potest, istic acta essent, tandem hostem in proprio ejus cubili quærere visum est, & Pomerani-
am victricibus copiis aggredi. Quam & geminus Cæsareæ Majestatis exercitus, quasi torrente quodam Martio corripuit. Occupatum primò Duce Suchio Barone, Grifenhagium est, occupatum deinde Dammum, oppidum longè firmissimum, & ipsius Stetini velut antemurale. Occupatæ insulæ Volinum, & Isendomia. Capta item viribus conjunctis multa alia, nec parvi momenti loca. Urbes etiam majores, partim eminùs, partim cominùs, obseptæ sunt penè omnes. Potiri autem omnibus præsertim ingenio situs & industriâ artis adeò mirificè munitis, tanto prætereà præsidio, tanto nobilium agrestiumque concursu defensis, nullius denique rei necessariæ egentibus, non erat unius anni opus, non utique anni in hyemem jam præcipitantis. Cæterum omnes tamen gravissimam vim Martis intimè persensere, ipsa etiam Princeps regionis Civitas acerrimè oppugnata ac plerisque jam nudata propugnaculis,

culis, in manibus deniq̃ suis stantem conspexit hostem, & ægerrimè, nec sine præsentissimo periculo, virtute Würzii hætenus victrices manus effugit. Interim si uno ictu tanta Arbor non cecidit, iterato, nisi pax aliqua intervenerit, cadere potest. Quos primi impetûs fervor non perdomuit, diuturnitas tandem belli lassabit. Alimenta, aliaq; & vitæ & belli præsidia dies ipsa consumet. Non semper etiam eruptionibus securitas pariter custodum aut casus favebit. Intereâ habent jam Fæderati satis magnum expeditionis suæ, habent laborum, molestiarû, adversitatum etiam pretium. Tenet Serenissimus Elector cum alia non pauca oppida, tûm inprimis Damum, ingens antehac Stetini propugnaculum, nunc frænum, tenet Demminum, fortissimum Pomeraniæ claustrum, & validum adversus Vismariam aliaq; loca hostilia, munimentum. Nec hoc equidem citra Martium sudorem cessit victori. Operosâ ab Electoralibus cinctum obsidione, gnaviter quoq̃ ab hoste defensum est. Non enim præsidium duntaxat animosè obsessoribus restitit, sed & missæ Vismariâ

suppetiæ abstrahere illos, & sic porrò obsessis auxiliari tentavêre. Sed omnis & præsidiariorū industria, & auxiliariorū conatus frustra fuit. Pervicit laudatissimi Ducis Electoralis Sparrii vigilantia, dexteritas, fortitudo, pervicit militum ejus alacritas, & constantia; adeoq; tandem in Serenissimi Electoris manus traditus est locus, qui multorum prudentium judicio maximi æstimatur. Qui iidem certè, duobus his Pomeraniæ propugnaculis, Damo, & Demmino expugnatis, plus omnino obtentum, quam Stetino non expugnato amissum arbitrantur. Omnia hæc equidem, prout in Holsatia, Insulis Daniæ, inque ipsa tandem Pomeraniâ gesta sunt, commemorare hic possem. Sed aut nimis angustis spatiis strangulandæ res tantæ, aut nimîâ prolixitate fatiganda tam Illustris Auditorum corona foret. Itaque illa alii reservare temporî, meæ autem orationis molem, quàm gratiam minui malo. Nunc verò domum rediens, quæ Prussia nostra egit & passa est, brevissimè narrabo. Cum, ut dixi antehac, post Thorunium recuperatum, militiam equestrem cura annonæ
per

er Poloniæ hyberna distribui jussisset, eâ occasione illectus hostis novas ex Pomeraniâ copias adduxit, quibus & Regiæ & electorali Prussiæ aliquantisper, nonnullum quidem damno nostro, at nullo fructu nostro insultavit. Quin ostendit eventus, quod aliud facile consilium toto hoc bello nequius ei evenisse. Nihil enim solius in rem suam hîc tum effecit, & paulo post didicit, in id potissimum adductum se militem, ut hic vel Marte nostro, vel abbe spontaneâ consumeretur. Pomerania verò interim nudata milite, Federatarum nostrorum violentiæ tanto facilis patuit. Verum primis aliquot mensibus favere illi aliquantum visa est fortuna, neq; statim apparuit hamus latens sub lâ quasi escâ felicitatis. Corripuêre nimirum in illo astu Choiniciam, Culmam, Ipfstadium, Salfeldum, Stargardiam, Persaviam, sed eo eventu, ut quicquid corripuissent, vel vi vel sponte paulo post redderent, velut confessi, se id tueri non posse. Nostram quoq; hanc Urbem Germanensem circumstrepuit armis suis, & excitato in proximis agris incendio, plures ejusmodi ignes minatus est. Mira

fuit hostis nostri immanitas, quæ cum aquâ & igni nobis interdixisset, aquâ tamen & igni nos obruere conata est. Aquâ primum perniciem nobis minabatur, cum positis Vistulæ, ipsiq; Naturæ obicibus; invitum flumen in nos detorsit, aggeres vero flumini oppositos demolitus est, ut tanto procliviùs licentiâ aquarum inundaremur. Sed sensit ille, sibi à nobis ex mediis etiam aquis, vultum atque animum æquè intrepidum obverti. Sensit idem pariter, ignes de prædiis nostris extractos, nulli alii rei serviisse, quàm ut & his flammis lucentibus fides nostra tanto splendidius effulgeret.

Prusliæ porro nostræ eadem illa hiems calamitatibus similem reddiderat Curlandiam, atq; etiam, si recte rem expendimus, multò infeliciorem. Jam ante Provincia illa orbata erat Celsissimo Duce suo, qui inter Reges dimicantes medius, Ducem militiæ transmarinæ, quem amicum sibi crediderat, hostem subito expertus est; Et illaudabilis istius Viri astus Principi securo, tum Serenissimæ ipsius Conjugi, & Soboli omni, cunctis præterea Provinciæ Primoribus, primariam

Du-

Ducum sedem, præter opinionem omnium, in carcerem vertit. Postea captivos Principes cum omni familiâ in solium alienum mittere placuit, deductumque est miserabile agmen Rigam primum, paulò post Nàrvam, deniq; Ivanogrodiam, locum à nominatissimo Mòscorum Tyranno nomen, sono ipso horribile, habentem. Sed hæc nolo hîc exquisitius perquiri, partim quia ante ingressum anni superioris facta sunt, & propòsiti mei limites excedunt: partim, ne res miserandas memorans, novâ dolorum nube offuscam orationem meam. De Provinciâ sâ, fæcundâ semper fortium virorum parente, facere non possum, quin aliquid addam. Ea tum ad primam capti Principis sui famam, incolas equidem omnes, æsertim Equestris Ordinis, in publicæ libertatis vindicias excivit. Sed novo magnam partem, & tumultuariè armato exercitui regimen decens, & proinde ut regimine incerto fieri solet, concordia fuit. Quæ res Comitî Duglasio exerce Mitaviensi in omnes occupandæ provinciæ occasiones excubanti, tantò tentiorè januam fecit voto suo poti-

endi. Progreſſus ille vicina primum oppida, paulo poſt, cum ſine ordine palantes incolarum copias carptim ſubinde attriviſſet, univerſam Curlandiam occupavit, Lithvanicis exercitibus, qui alioquin laboranti vicinæ lubenter opem tuliſſent, & poſtea generoſè feliciterq; tulerunt, circa Moſchum lacertos tum moventibus. Sed quomodo tandem occupator Curlandiæ Duſglasius, eâdem excedere coactus ſit, paulo poſt, ſi temporis anguſtia patietur, memorabimus.

Nunc ex Curlandiâ in mediam Poloni-
am, & nempe à ſago ad togam, ex campo
tendimus ad Comitia, ſolenne remedium,
quo morbis ſuis mederi Reſpublica
noſtra conſuevit. Si quæ autem unquam,
hæc certè, quæ Anno ſuperiore habita
ſunt, varietate & pondere negotiorum
implicatiſſima, adeoque præter ſolitum
per tres integros menſes extracta fuere,
magnâ moleſtiâ S. Regiæ Majestatis, magnâ
Senatûs totius, magnâ Equeſtris Ordinis,
cui tum director contigerat vir
præluſtris & ingenio dexterrimus Joannes
Gninsky, Succamerarius Pomeraniæ
& Gneſnensis Præfectus, nunc Illuſtriſſi-
morum

morum Pacis Fecialium Collega. Præcipuè verò in Cosacorum negotio publica æstuârunt consilia. Qui non multo ante cum Regno, novis magnisq; auctoramentis, conciliati, delegatos jam miserant stabiliendis conciliationis pactis. Sed hi tum arduis maximè postulatis sollicitabant Rempublicam; atq; imprimis sacra inter Romani Græciq; ritûs Ecclesiæ vincula rumpere minabantur. In re tantâ igitur mirificè hæsitavit Respublica. Neque deerant, qui ob istiusmodi difficultates minus felicem Comitii exitum, novasq; ex Rusfiâ turbas ominarentur. Sed idem ille, qui Rempubl. inter extrema sæpè discrimina servaverat, Deus, ostendit nunc quoq; filium, cujus auxilio illa ex hoc se Labyrintho expediret. Atque inter alia adminicula, quæ publica omnium Ordinum prudentia conquisivit, plurimùm profectò contulit fiducia, quam Cosaci erga Cancellarium Magnum, dexteritate, comitate & munificentia ejus deleniti, conceperant. Et sic tandem fine satis optabili soluta sunt Comitia. Jam ad alias Regni nostri prosperitates properanti, magna adhuc &

periculosa Regno attingenda est tempestas, ut tanto clarius liqueat, quàm magno nobis constiterit, & quam diras nubes secuta sit fortunæ serenitas, quæ postea eluxit. Exercitibus nostris uti mala Reipubl. & tot undiq; coorti hostes plurimum dederant negotii, ita stipendia militiæ ob egestatem publicam minus recte processerant. Inde fremebat miles, & inter publicæ patriæ damna, sua esse maxuma ratus, indignabatur, non iusto modo præmia laborum, sed & necessaria penè vitæ præsidia deesse iis, quibus vitam Respubl. videretur debere. In hybernis potissimum fervebant querelæ, & consilia male contentorum: nec unquam negotiosior, quàm in illo otio erat confœderatio. Bellicis igitur Regni Ducibus negare obsequium turbidi, constituere inter se capita capere, scribere denique leges, speciosas quidem & quæ nihil adversum Serenissimo Regi & Regno viderentur sapere, multum tamen à Republicâ peterent. Quò compositior, quò coloratior, eò formidabilior erat secessio. Malo autem surgenti Rex Serenissimus omnidecorâ ratione mederi studebat, nihilque inten-

contentatum relinquebat Senatus, nihil
grandes Viri à Rege & Republ. singulari-
ter delecti ad hoc negotium, & huic soli,
prævio Illustr. Stanislao Potocio Palati-
o Cracoviensi & supremo exercituum
Duce, Demetrio Duce Visnovecio magnis
bellatoribus, sat longum tempus, non si-
ne grandi molestiâ & impensâ, gratifi-
cati. Cum nihil ibi profectum foret, à
Comitiis tandem quæsitum est remedi-
um. Deliberavit super tam difficili mor-
bo suo Respubl. universa, sed & singulari
Dei benevolentia, in medio deliberatio-
um æstu, ab ipso exercitu adversus exer-
itum ingens alexiterium, ingens solati-
um accepit: cum omnes peregrinæ arma-
uræ milites, magna profectò & conspi-
ua militiæ nostræ pars, in facie Reipubl.
legitimis exercituum Ducibus obsequi-
um, sanctè promitterent, illis autem vitio
reatis Directoribus renunciarent, si-
endiorum denique solutionem & ipsi
videm poscerent, ita tamen, ut & pati-
entiam moræ, & interim prona semper
Reipubl. usum defensionemque studia
a alacriter offerrent. Horum exemplo
eteros quoq; tandem ad obsequium re-

dituros sperabamus. Sed illi veterum postulatorum pertinaces, vix temperarunt sibi, quin à patriâ exsuccâ sangvinolenta stipendia gladio extorquerent, & quamvis postea destinata eorum pessima melioribus tandem consiliis, vel potius propitio in Rempubl. fato cederent; tamen opportuna & bono publico utilissima tempora inani cunctatione perdiderunt. Ducem interim Salus Reipubl., movit ne inflexiles illos expectaret. Quicquid igitur usquam militiæ Polonæ sincerum manserat, contraxit, ivitque Deo & Rege auspice fretus, comitatusque auxiliaribus Cæsareæ Majestatis copiis, quas Generalis vigiliam Præfectus Hesterus, vir militiæ decoribus eminens, ducebat, in Prussiam nostram. Hic ordinatis ritè rebus, & strictâ in eos, qui perperam interim rem gessisse comperti essent, acie disciplinæ militaris, hostem, quem, oppidis incubantem, aperti Martis aleam sciebat declinaturum, nidis suis excutere statuit, atque inprimis compedes laxare Vistulæ impositas. Prima vis armorum Grudentum corripuit, oppidum antiquum, Vistulam præterlabentem

em ex alto monte despiciens, à Crucife-
 s olim muro & Arce eminentissima, po-
 ca verò ab hoste variis operibus, &
 uingentorum præter propter militum
 astodiâ munitum, ita ut id festinantem
 & maiora fortissimum Ducem aliquanti-
 er sistere posse videretur. Sed cum cæ-
 um suffragatur, frustra muri, frustra pro-
 pugnacula, frustra manus Martiæ obli-
 unt vîrtuti. Admovet Mareschallus op-
 do exercitum, struit more militari ac-
 cessus, quibus impunè ad ipsa hostis mu-
 nimenta pervadere, struit suggestus, unde
 culminare in locum obsessum posset. Tam-
 opè suggestus tandem est, ut rectè atq;
 ordine videretur facturus, si cominus
 propugnacula adoriretur, & vi sibi faceret
 am in oppidum. Dum id agitur, ja-
 i interim artis fulminatricis industriâ
 astissimi & ignem circumquaq; vibran-
 s globi. Illiduntur illi, quâ ars vel for-
 na tulit, culminibus, fragmenta tecto-
 um & sua longè lateq; spargentes. Utî-
 am his ictibus ut in tecta ædium & mu-
 os, sic in animos obsessorum penetratum
 set: effectumq; ut curæ isti habuissent,
 tempestivâ submissione imminenti sese

discrimini eximere. Sed fatum suum nemo maturus effugit. Miserrimi incolæ, seu suâ, seu alienâ obstinatione occæcati, certè ne servare se quidem Svecis invitis ausi, clausêre sibi januam salutis, quam Optimi Principis benignitas clausis aperuit. Missus enim ab illo tubicen, qui dudentibus se veniam offerret, spretus & parum honorificè dimissus est. Exin quod tuba pacis efficere nequirit, tubo iterum Martio commissum est. Nec multo post, velut compendio rem conficere volente fortunâ, contigit, ut globi aliqui, supremâ Urbi nocte, in fœnum sub tecto servatum inciderent. Ibi concepta, at tamen clausa adhuc flamma, fumo primum monuit obsessores, ut in locum eundem plures ejusmodi globos, sed & aliò simul alios ejacularentur. Quod cum facere Pyrotechnitæ, quâ cuique visum, certarent, ignib⁹ colluxit undiq; oppidû, & brevi tempore ita invaluerè flammæ, ut quantum quantum esset, totum in pyram videret ut conversum. Incendiis istis, ut quisque facile conjicit, exterior oppidi defensio non parùm mox refrixit. Certè non incolæ tantùm, sed & milites nonnulli,

nulli, non adeò quidem ad ignem restin-
gendum, sed ad servandas potius res suas
discurrere. Interea iussu Ducis, in val-
la & propugnacula undiq; eluctatur mi-
les obsessor, intrat oppidum, cedit obvi-
os, spoliat domos, facit deniq;, quod in
urbibus expugnatis facere victoriæ ar-
dor solet. Atq; eò hic excusatio erant
quod quæ auferrentur, non civibus, sed
flammis subduci, servariq; adeò videban-
tur, quæ nullo cuiusquam fructu ac com-
modo peritura erant. Coeterùm in op-
pido ipso, & si ignis quidem non prius
venè cessaret, quàm cum non haberet am-
plius, quod depasceret, hostilitas tamen
in Cives, simul cum nocte cessavit, sisten-
te eam edicto Magni Mareschalli. Qui
fortunam municipii miseratus, gratias
pro eo agebat, quod tanti momenti locum
ne multo suorum sanguine occupasset,
sed simul sibi gratulabatur, quod incola-
rum fluxisset sanguis, eum sine culpâ sua
fluxisse. Bellissimè enim oppidi ruina,
receptatione clementiæ oblata, multo
magis autem maturo ejusdem desiderio
dimi atque averti potuisset. Sed pars
oppidanorum, cum & ignes & victorem
militem

militem prævalescere videret, receperat sese cum milite præsidiario in Castellum. Ubi plerique equidem primum victoris gladii fervorem effugere. At cum illic aquâ mox destituerentur, & pariter à Cæsareanis se circumfessos, cæteros vero victores jam pariter ingruere viderent, Tribunum primo suum hortari cæperunt, ut deditioe spontaneâ extrema præverteret, cum is abnueret, Cæsareanis aperuere portas, Tribunus vero ex turris cujusdam latibulo protractus, cum viginti aliis militiæ antesignanis, gregariis centum octoginta, tormentis triginta quatuor, in potestatem venit victoris. Atq; ad hunc quidem modum brevi temporis spatio recuperatum est Grudentum, iisdem Serenissimi Regis nostri auspiciis, Duce etiam eodem, quo ante hæc Thorunium, sed fato non eodem. Thorunium enim integrum ferè, aut certè non nisi paucis cicatricibus deforme, hoc verò miserrimum & vix nisi parvis sui reliquiis à cineribus emicans, sub imperium Domini sui rediit. Victoriæ cursum profecuturus Marschallus non multò post ducit exercitum versus Mariæburgum, principem olim

olim Cruciferorum sedem, nunc pariter hostis primarium & receptum & penarium. Undiq; enim locus iste feracissimis præpingvium insularum agris circumdatus, haurire inde consuevit ubertatis optimū, quale in his terris quæri aut optari potest maximū. Arce porro protegitur, quæ murorū operumque robore paucas habere pares putatur. Igitur Mareſchallus rem sese maximè arduam, nec modici temporis, aggredi gnarus, primò omnium loco illi promptuarium annonæ, gemmam Cereris, Insulam majorem, eripiendam putavit: ita simul id, quod hostem præcipuè hætenus pavisset, in sui militis alimentum conversurus. Id agitant prima castra ad Album montem posuit, ab ipso Insulæ velut apice, cui mons ille imminet, opus suum auspicaturus. Ingens in ipso, uti antea semper, ita hic tolerantia laboris, parsimonia somni, cura disciplinæ, autoritas apud suos pariter exterosque, liberalitas erga milites, amor apud omnes, (sed incorrupto Ducis honore) eluxit, maxima in primis & per omnes castrorum sinus, perque Prussiam totam & in ipsa hostium arcana sese porrigens vigilantia. Cæterum ut tum con-

filia tum vires hostis distraherentur, habitâ non perfunctoria consultatione, conclusit Princeps, ut, dum copiâ Polonica dicto illi Insulæ apici instarent, manumq; injicerent, Electorales alibi, suo etiam loco Gedanenses irrumperent in Insulam, destinatos huc à Mareschallo magni nominis Ductores, Butlerum inprimis, comitati. Erat molimini tantò designatus dies Septembris vigesimus sextus. Venere nostri ad locum destinatum, & quia machinis rebusque necessariis instructi venerant, nil cunctandum rati, & jam focios operis non procul abesse gnari, trajiciunt flumen, hosti prorsus inobservati. Sequitur eadem nocte copiarum Polonicarum pars. Cæteri quoq; postea, quantum per objecta impedimenta licuit, acceleravêre. Nam aliquorum festinationem venti adversi retardarunt. Juxta verò, tempore eodem, Mareschallus ad ipsum Marienburgum turmas Cæsareas Polonicasque miserat, quæ facto in suburbium impetu, hostem laudabili diversione distraxêre. Tot millium pugnatorum in Insulam ingressus ut prudentiam ita fidem hostium superavit, eoq; major inter illos

illos terror ortus, qui disperfas per Insulam copias ipsorum subito in unum convexit. Cumque in Montaviense Caput Insulæ, præfens ipse Mareschallus, cum suis, omni nisu, terrâ & aquâ incumberet, tandem hostis tantis sese impugnationibus imparem videns, & aliis, qui alibi Insulam intraverant, tergo suo metuens, dictum illud Caput ultrò deseruit. Ita magnum Mareschalli molimen singulari Dei-gratia, sub Serenissimi Regis auspiciis, spe omni & majorem & celericrem habuit, successum. Neque enim quisquam & nec ipse, qui Princeps consilii & autor fuit, crediderat, tam properè & adeò citra sangvinem, tam delicatâ sui nutrice Insulâ cessurum hostem. Cessit en, urgente eum fato suo, cessit, & nullâ in apertis camporum aut pugnâ aut velitatione tentatâ, tribus se claustris Elbingæ, Marienburg, Haupto passus est includi. Nam & Derfaviâ, vicinum nobis oppidum, & ex quo, superiori hieme magnâ ferociâ nobis insultaverat, ad primam mox Grudento venientis supremi-Mareschalli famam, ille trepidus deseruit, & paulo ante Stargardiæ quoque, egregio Pomerelliæ muni-

municipio, post multiplices depeculationes, inuitus quidem, sed deprehendi à Polonis metuens, valedixerat: omni adeò operæ pretio, quod prior hyems illi dedisse videbatur, brevi tempore privatus. Sed Mareschallus, non ignarus, magnâ hostilium copiarum parte infessum teneri Mariæburgum, hoc illis Pergamum, hanc quasi Arcem Tarpejam esse, protenus equidem locum hunc arctissimâ indagine, ac plena in orbem obsidione circumsepere optavit. Sed ea res exercitum multo maximum requirebat. Longo admodum spatio secundum Nogatî fluminis ripam extenditur oppidum: non minus longo porrigitur Arx, tam vasta, ut ampli satis oppidi superet, certè æquet magnitudinem. Ut plenum & numeris suis omnibus perfectum obsidium foret, potens esse debebat utriusque ripæ, & nempe ultra citraque Nogatum toti illi oppidi Arcisq; compagi circumfundendus exercitus erat, quo ita ab Elbingâ Stumâ aliisque hostium locis viæ omnes intercluderentur, omnis ei pabulandi, omnis excurrendi præcideretur facultas. Nemo præterea non videbat, multorum mensium hoc
opus

opus fore, quia loco ad prodigium usque munito sufficiens militum numerus, militibus prudens & bello plurimum spectatus gubernator, abundans præterea alimentorum copia aderat. Sed Ducem ad maxima quæque natum eductumque difficultates rerum non absterrent, sed acuunt.

Interim quod magnitudinem Ducis minimè gentium superabat, superabat magnitudinem exercitus. Etsi enim hic & strenuissimus & mole non parvus, minor tamen numero erat, quam ut pro longitudine loci extendi posset, minor, quam ut utramque ripam obsepire custodiis, & omnia oppidi Arcisque latera opere consummato circumdare posset. Neque enim solitis & ordinariis Regni viribus succinctus venerat Dux: & frustra diu expectavit supplementa, quæ infelix confederatio morabatur; & jam facilis conjectura erat, non ventura illa eo numero, quo oportebat, ventura itidem tardè, & tum demum, cum in terrâ desolatissimâ copia alimentorum defutura esset militi. Non enim huic ita, ut fas erat, (fatendum est enim) liberalitas publica prospexerat: suo

suo plurimum Dux ingenio, suâ ope, curâ, industriâ procurabat annonam, quâ poterat: videns omnino, majore sibi longè contentione adversus penuriam victûs pugnandum esse, quàm cum hoste, quantumvis potente. Ex his itaque causis cum locus tam spatiosus justâ undiquaq; obsidione circumveniri non posset, faciendis equidem ultra Nogatum excursionibus, structo ponte patefactus est campus, & hunc perpetuis infestationibus ita frequentavit equitatus noster, ut hosti exire vix unquam liceret impunè. Cæterum ipsius veræ obsidionis fervor citra Nogatum stetit. Ibi castra longè latèque circumposita, ibi structis decentissimâ & arte & industriâ accessibus, ita prope Nostri hostium se admovère propugnaculis, ita tum in pontem tum in oppidum fulminavère, ut tandem cives inter injectos perpetuò ignes, inter illabentes undique globorum immanium nimbos, vitam suam non amplius credere ædibus audent, sed in Arcem plerique se & sua recipiunt. Summâ profecto virtute, etsi inter magnas annonæ difficultates processit obsidio, & nihil omnino earum rerum

rum

rum omiffum est, quæ à Magno Duce, quæ à prælustri Regni Vexillifero, à generalibus præfectis, Strenuissimis Tribunis & Ductoribus, quæ deniq; à forti, industrio-
que milite requiri aut expectari solent.

Cæterum omnium Marefchalli confis-
iorum caput tum erat, Insulam feliciter
occupatam, fortiter tueri, & Vistulæ im-
primis, prout auspiciatò glorioseq; coe-
pisset, plenam restituere libertatem. Hoc
enim non Prussiæ solùm, nec Poloniæ
modò, sed Europæ totius nutricio vindic-
cato, ingens assidui laboris & pervigilio-
rum suorum pretium ablaturus erat, toti
autem Reipubl. tale præstiturus benefi-
cium, quali toto hoc bello majus & glorio-
sius non posset. Atque idcirco, cum ab
hoste flumen istud non nisi uno adhuc
fræno teneri sciret, hoc in primis rumpen-
dum excutiendunq; putavit. Quisque
lagacium facillimè assequitur, de Haupto
me loqui, castello prioribus jam bellis ce-
lebratissimo, nunc autem ab hoste, ævum
forsitan hîc agere cogitante, ad miracu-
lum usque munito. Certè Ars & Natura
ibi certasse, & quicquid utraque ad loci
cujusquam robur asferre potest, huc vide-
tur

tur impendisse. Procureunt omni ex latere altissima valla, eademque angularibus undiquaque propugnaculis validissime præcincta. Vistula affundit sese lateribus, sed facto aquarum divortio ita bipartitus, ut gemino quasi brachio locum amplectatur defendatque. Quâ parte aquam Natura negaverat, ductâ per transversum fossâ labor accersivit, secutusque artis ingenium fluvius insulam efficit, ubi non fuit. Fossæ quoq; ipsi multa magnæ molis anteposita opera obsessoris maximas moras objiciunt. Illud porro brachium, quod ad Urbem nostram amicissimus porrigit fluvius, ducto jam dudum ab hostibus per medias aquas aggere, ita quasi ligatum est, ut nihil Civitati nostræ, nihil obsidentium castris polliceri aut dare subsidii posset. Paulo superius autem idem brachium, dejectis ab hoste aggeribus nudatum, apertis omnibus quasi venis, in Insulam nostram & ad ipsa Urbis mœnia tantum aquarum profundit, ut novum veluti mare nos circumfluere videatur. Alterum fluminis brachium structa ab hoste ad ripam opera validissimis pariter vinculis implicuere.

Utram-

tramque verò ripam idem hostis ponte
anxerat, ut ita tergo suo miser fluviùs
iniquos Dominos, ipsaque servitutis suæ
alimenta, & sava libertatis venena por-
tare cogeretur. Pontis enim istius bene-
ficio non ex insulâ tantum majore sed
Mariæburgo quoque & Elbingâ petere
poterat loci gubernator, quicquid desi-
deraret. Et profecto irritus erat omnis
obsidere volentium conatus, nisi pons iste
destructus, & omnis in Insulam trajectus
esset interclusus. Pro utroque acerrimè
pugnabat hostis, non nescius, his quasi
piraculis animam loci istius trahi. At
in Insulâ repurganda uti jam dudum mis-
sæ ab Illustrissimo Mareſchallo copię e-
gregiam navaverant operam, ita nunc
quoque nobis minimè defuere. Certè
enim cum Suecis ex ipso hoc Haupto e-
rumpentibus & munitiorum suarum,
passim istic sparsarum, beneficio usis, for-
tissimè pugnarunt, peditatu tandem, cum
omnem jam pyrium pulverem absumsis-
set, laboraturo, nisi insignis Ductoris in-
dustria repente subsidium adduxisset. No-
strorum pariter ut primi sic vehementis-
simi circa pontem & apposita illi muni-
menta

menta conatus fuere. Hosti profecto, omni vi sua irruenti, nobili virtute restiterunt; adeo & fortiter & feliciter, uti alibi, sic intra obvia horti septa, quae fors dederat, cum illo luctati, ac si intramuros ac valla stetissent. Sed haec ut & caetera suo tempore curatius edisseret historia, omnibus singulisque decus suum pro merito cujusque, ex vero, ad mensura. Cum Octobri, ut brevissime rem complectar, caput haec obsidio, magna & memorabili fiducia Urbis, cum satis liquidò constaret, pro loco isto, quem tot annorum, tot sumptuum, tot laborum impendio, hostis firmasset, & unde toti Neringiae, omnique Vistulae leges dedisset, non segnius quam pro aris & focis pugnaturum. Sed animabat Urbem spes posita in Deo, qui ut ante inter summa discrimina, inter desperatas Prussiae, prope & Poloniae res, inter accisas domi opes, inter aquarum ab hoste immissarum diluvia, inter ignes & gladios circumfulgentes, breviter ut dicam, inter malleum & saxum, inter Scyllam & Charybdim, fidem nostram integram, & animos imperterritos servaverat, ita porro pro optima,
cau-

causa, pro Regia Majestate, pro publico egregio, pro fide, libertate, fortunâ nostrâ pugnantis bona consilia, pectora mascula, vires sumptui laboriq; ferendo pares, prosperumq; adeò arduorum moliminum largiturus esset successum. Animabat præterea S. Reg. Majestatis Utriusque favor, qui ex insitâ ipsis erga subditos fideles benignitate, nobis, in re maximè & arduâ & honestâ & utili versantibus, minimè defuturus credebatur. Animabat proximè, Mareſchalli ejusdemque exercituum Ducis benevolentia, qui causam propriam publicamq; agentibus, nunc verò Caput, unde nervi & opes Reipubl. magnam partem dependerent, asserere conaturis, manum auxiliarem & porrexerat jam benignissimè, & deinceps non negaturus erat. Nec profectò illam unquam nobis negavit. Nam & validam Cæsareani Poloniq; exercitus legionem sub prælustris Baronis Ratschinii regimine in subsidium misit & ipse, qua in re cardo negotii totius vertebatur, hostem intra Mariæburgum, Elbingam, & cætera septa ita fortiter conclusum tenuit, ut nullo postea incursu institutum nostrum

turbare, nulla ope præfidiariis intra Hauptum clausis subvenire potuerit.

Interim Urbs quoq; hæc tanto Patrocinio freta, capto suo omni virium suarum nisu incubuit. Nihil in se passi sunt desiderari Urbis Primores, nihil bellici Consilii Præses, nihil collegæ ejus qui omnes sanè diu noctuq; invigilarunt operi, necessariaq; omnia summâ cura, dexteritate, & prudentiâ procurarunt, aliqui etiam cum in finem toto hoc obsidii tempore, in castris versati sunt, variarum & incommoditatum & ærumnarum participes. Conspiravit ad idem opus universa Urbs, civiumq; alii missis ad Deum votis, alii sumptibus & armis rem juvērunt, pleriq; certè, ne miles ibi necessarius custodiis urbanis distineretur, ipsi et tot mensibus, directore vigiliarum Burggrabio Regio Adriano de Lindâ, excubias diurnas nocturnasq; pro mænibus suis, omnibusque Urbis munimentis, egērunt. Dignus est insigni laudis adorea strenuus Tribunus Urbis, qui operas militares prudentissimè distribuit, ipse exemplum laboris, exemplum virtutis, qui tot accessuum suggestuumq; bellicorum fabricas ingenio-

ingeniosâ machinatorum Martiorum solertiâ extruxit, qui lustravit, direxit, ur-
sit omnia impiger & indefessus. Digni
etiâ gloriâ, qui à Tribuno proximi, di-
gni reliqui omnes Ductores, quorum alii
occupatis munimentis, alii aliis facino-
ribus editis, cuncti verò insigni vitæ con-
temptu de publico bene meruere. Digna
præmiis militia universa, quæ inter autu-
mni & hyemis ingruentis aspera, sub pel-
libus, sub Dio, sine murmure egit, nul-
lumque unquam laborem, nullum pericu-
lum recusavit. Ad hunc modum potita
est voto suo Respubl., hostis retibus pro-
priis inclusus captusque superata tot ope-
ra & munimenta, Castrum deniq; ipsum
in potestatem Urbis, ipsiusque adeò Sere-
nissimæ Regis rediit, quem singularis cæli
favor hoc ipso tempore, non in hanc mo-
do Urbem suam, sed in ipsa quoque Ca-
stra feliciter deduxit, ut & terrore matu-
raret deditionem, sed faustissimâ Maje-
statis suæ præsentia totum opus corona-
ret. Sic itaq; magno magnæ Respubl. Cor-
poris Capiti minus Caput * se submitit, ita
idem hoc corpori suo restitutum est: re-

stitutum simul Neringianæ insulæ asylum
 securitatis, soluta, quam hostes Vistulæ
 injecerant, catena servitutis, apertus Ce-
 reri Poloniæ, datus commerciiis liber cur-
 sus, reſeratum nobis verissimum Copiæ
 cornu. Hosti contra magnum militiæ
 suæ robur, magnum prædarum recepta-
 culum, uberrimum annonæ horreum, di-
 cam amplius, magnum causæ totius præ-
 sidium præcipuumq; quod in Prussia ha-
 buit, bonæ spei Caput quodammodo præ-
 cisum est. Non equidem parvo nobis
 constitit victoria, multis ærumnis, discrimi-
 nibus, sumptibus, multis etiam vulne-
 ribus, sanguinisque impendiis emptæ est.
 Interim non piget armorum, quibus suus
 constat fructus, non piget molestiarum,
 quas optati finis præmium solatur: non
 pœnitet sanguinis, quando terram, pro
 quâ fusus est, tenemus. Hæret jam hostis
 intra duarum tantum Urbium angustias,
 eò nimirum, quod præfiscini dixerim, fe-
 licibus Serenissimi Regis auspiciis, eò
 fortissimi exercitus Poloni armis reda-
 ctus, ut viam se servandi vix nisi à pace
 sperare posse videatur.

Sed

Sed mihi ad proxima & novissima Dei beneficia delapso, reflectere non nihil cursum necesse est, & quæ ejusdem DEI benignitas in vicinis Sociisque nostris præstitit nobis, breviter memorare. Ac primum in Curlandiam aliquantisper redeundum est, In quâ equidem Moschus, Lithvanicas distinens copias, proclives aliquandiu Duglassio fecit progressus; sed & ita tamen proclives, ut subinde eos aliqua cladium mixtura interpelleret. Possem, si tempus permitteret, memorare insignem jacturam, quam dudum fecit hostis, cum à magni generis, nominisque ductore Michaële Pacio, Palatinide, tunc Tribuno primario, nunc Castrorum Magni Ducatus Lithvaniæ præfecto profligatus est Columba, Tribunus hostilis, cum Uxelius Vice tribunus captus, Vrangelijs junior cæsus, & omnes illorum copiarum aut prostratæ, aut in fugam, vel vincula actæ sunt. Possem referre, quâ felicitate Libnicus Tribunus alterum Vrangelijs Vice-Tribunum fuderit ad Janiczky oppidum, quâ item dexteritate & fortitudine celebratissimus ille nominati ante Castrorum Præfecti decessor Comorovius,

postquam Moscho feliciter fugato inducias extorsisset, Duglassio ad Würtziana auxilia intercluserit viam: tum eundem Columbam, quem ex priori clade superstitem fortuna servaverat, ut jam denuò vinci posset, ceciderit. Possem adjungere oppressas à Nobili illo Gosieviano ductore Swartzhofio, & Joanne Lubeko suppetias, quibus Duglassum Aderkasius Tribunus, multis aliis ductoribus, & plusquam mille equitibus comitatus sublevatum ibat, captus ipse tum ad Bauscum in conflictu, & unà cum plerisque Comitibus suis, quotquot victorem gladium effugerant, Varlaviam deductus, non minus clementem ibi Regem experturus, quam inclementem belli fortunam fuerat expertus. Possem attexere Mitaviam, primariam Curlandiæ Civitatem, quam eandem à Comorovio Duce missus Swartzhofius, & ejus Comes Lubecus, admirabili celeritate occupavit, non unà dignus uterque laureâ, cum eâdem, quâ plurimis hostium vincula tum iniecere, manu, libertatē captivis Curlandiæ Proceribus restituerint. Inprimis verò egregium nobis excurrendi campum præberet

ret Neuenburgum, quod Generosissimæ
Virtutis Palatinides Alexander Polubin-
scius, exercituum Magni Ducatus Lithva-
niæ Notarius expugnauit, & mox Gol-
dinga, tum temporis hosti cedenti præci-
pius receptus. Sed ipsum equidem op-
pidum fortibus Ductorum nostrorum,
tum Electoralium Schönaichii, & Polensii
facile cecidit armis. Arcem tot illi à Du-
glassio relictæ Ductores & copioso milite,
& magna vi impedimentorum spolio-
rumque impleverant animis in extremo-
rum omnium patientiam obfirmati. Ne-
que vero machinis, ut solet, res acta est;
cum nullæ ad tantum opus idoneæ ades-
sent. Constantia nostrorum obsessos ad
famem, fames ad deditionem coegit: ita
ut mille quingenti circiter homines cum
Ductoribus suis, cumque uberrimâ præda
venerint ibi in manus Victorum. Sed &
durante obsidio, cum Duglassius, factâ in
Samogitiam excursionem abstrahere, obse-
ssores conaretur, populatrices ejus turmæ
à non semel nominato Pacio, & Kmitzi-
tzo, quem Polubinscius miserat, insigni
clade multatæ sunt. Exin nullo loco con-
sistere potuit hostis, persequente illum ad

ipſos Livoniæ fines Pacio, aliis oppida
Curlandiæ liberantibus à manu hoſtili.
Recepta Vindavia, Scronda, Lubavia.
Nec niſi tres Arces retinuit hoſtis, quas
& ipſas tamen jam tùm cingi cœptas duo
milliæ Lithvanæ, poſt ipſos Duces, deco-
ra Polubiniſcius, & Paci⁹ in hunc uſque di-
em, magnâ optimi ſucceſſus ſpe tenent
obſeſſas. *

* Cum iſta publice dicerentur erat XIII.
Jan. Quatriduo ante, Mitaviensis arx,
præcipua Ducum ſedes, ab Illuſtriſſ. Polu-
biſcio, cui duo millia peditum in auxilium
miſerat Illuſtriſſ. Michael Pacius, occupata
eſt, depredante eam, cum alteram ſibi im-
minere aggreſſionem ſentiret, Suecico Ge-
nerali Vigilium præſecto, atq; inde una cum
ducentis octoginta validis militibus, agræ
centum quinquaginta, ita ut pactus erat,
Rigam tendente.

Tum vero inter alia Grubinum etiam,
quod ad vim ſuſtinendam præ aliis arma-
verat hoſtis, ab Illuſtriſſ. Principe Radzi-
villio Pruſiæ Electoralis nunc Guberna-
tore oppugnatum, atque intra dies qua-
tuor, fortem inter alios operam adnavan-
te Vilhelmo Paterſonio Tribuno, expu-
gnatum

gnatum est. Qui idem Dux ex Curlandia in Prussiam revocatus (huc enim oratio quoque mea jam redit) repentino in ipsa Elbingæ suburbia insultu damna hosti, & juxta terrorem tantum iniecit, ut is improvise aliquo dolo se proditum ratus, nec egredi mœnibus auderet, nec intra mœnia se tutum existimaret. Paulo ante autem idem hostis ab Illustrissimi Regni Campique Mareschalli equitatu non levi ictu in fugam erat compulsus; cum egregius ductor Czaplicius in Varmiam, jussu Ducis tendens, submissis quinquaginta equitibus, omnem equitatum hostilem ipsumq; Gubernatorem militiæ eliciisset, mox omni vi eundem adortus, conturbasset ordines, cæsisq; quam plurimis, captis non paucis, reliquis ad ipsa usque mœnia institisset.

Sed eodem tempore rem insignem & ad summam belli haud parùm profecto facientem ipse terror armorum Poloniae, ac sola Mareschalli autoritas sine sanguine confecit. Brodniciam enim ad spontaneam deditionem coëgit, Oppidum ingenio sitûs validissimum, & jam ante bellis veteribus nobilitatum, Nunc ve-

rò Tribunus hostilis, jam dudum machinali scientiâ Serenissimo Regi & Regno, cui servierat, notus, mirificè id contra Regem & Regnum permunierat, defenderatque ad hoc usque tempus; sed cum tandem longius se à suis & à spe subsidii remotum, missas verò ab Illustrissimo Mareschallo turmas sibi propius jam incubare videret, maluit tandem æquis conditionibus liberum exitum pacisci, quam irritâ obstinatione præstolari extrema. Ille igitur, habito colloquio cum illustri meritoque Tribuno Joanne Dönhofio, Præfecto Stargardiensi, quem Magnus Mareschallus idcò miserat, locum eximium, locum inter firmissima Prusis præsidia numerandum, Serenissimi Regis nostri obsequio reddidit.

Propè jam timere incipio, ne prolixitate mea tanti Auditorii patientiâ nimis intemperanter videar abuti. Sed decurrit jam dictio nostra unà cum Anno suo ad finem, nec nisi paucissima restant ad imponendam proposito nostro coronidem. Ac primum levi admodum brachio attingam ea, quæ ultra Borysthenem gesta sunt. Ubi Cosaci, anno superiore Reipubl.

Reipubl. nostræ reconciliati, ductore Vi-
hovio, Palatino Kioviensi, adjutore Cha-
no Tartarico, nostro etiam sub ductu illu-
strum Virorum Andreæ Potocii, Jablo-
novii, aliorumq; auxiliante Equitatu, e-
gregiam de Moscis, ad Conotopum, vi-
ctoriam reportavêre. Ad quindecim
enim millia hominum, ac præter cæteros
omnis ordinis & farinæ milites, ducto-
resque, duo præcipui hostium Duces, Po-
zarski & Leo perierunt. Ipse supremus
Dux militiæ Romadanovius diu pro cæso
habitus, ægerrimâ fugâ evasit. Trube-
cius alter Dux, & paulo ante Conotopi-
ensis oppidi, atque in eo Vlanovii egre-
gii Cosacorum Ductoris obsessor, copias
perpetuis tam Scytharum, quam Cosaco-
rum incurfibus laceratas, cum summo di-
scrimine, Putivlum, primum Moscorum
in illo tractu oppidum, fugienti quam
dimicanti similior, reduxit. Exin Co-
saci in finitimas Moscoviæ ditiones, Tar-
tari verò in penitissima vasti illius Domi-
natûs viscera sese infudêre, ad ipsam usq;
principis ibi Urbis viciniam ferro & igne
longè lateque populati omnia, & deniq;
cum incredibili prædâ & innumerâ ho-

minum captivorum multitudine domum
impunè & secure reversi. A Borysthene
ad Balticum mare, magno quidem, sed
innoxio nec in jucundo saltu trajicimus.
Res, quæ ibi novissimè gesta est, ut est ma-
ximi momenti, ita occupatos usque tenet
animos Orbis, & commemoratione ejus
omnia prope compita nuper personuère.
Ingens profectò victoriæ istic prodigiū,
ingens Orbi spectaculum, Socia nobis
Dania & in primis Eionia præbuit. Quan-
do Insula ista intra triduum, à duobus
Serenissimi Daniæ Regis Ducibus, sed ju-
vantibus plurimum Confœderatis, occu-
pata est universa. Quando omnis exer-
citus hostilis, Septem penè millium capi-
tum, exercitus veterano milite, veteranis
Ducibus ductoribusq; constans, ipso die,
qui Serenissimo Regi Daniæ nominalis
erat, prælio victus, duo millia suorum
desideravit, mox omnis undiquaque cir-
cumfessus, deditione spontaneâ arbitrio
victorum totus cessit. Obstupuit ista au-
diens nuper Orbis, sed pariter eadem re-
ferens Oratio stupefcit quodammodo, ne-
que par est dignè evolvere nomina cap-
torum, Principum, Comitum, aliorumq;

omnis

omnis generis Ducum, Tribunorumque
celebrium. Strepit per tot annorum tra-
ctatus commissa inter se Europa bellis fe-
rè continuis; at vix omnibus his bellis
majorem Suecorum cladem, facile quis-
quam meminit. Sed ad rem tantam ut
dixi, non modicum Batavi Fæderati, ter-
rà marique, ductu Reiteri, Vice-Thalas-
sarchi, aliorumque fortissimorum viro-
rum, contulère: contulère item reliqui
auxiliares exercitus, & inter alios Polo-
nicus noster. Jam dudum is sub Illustris-
simis fortissimisque Palatinis Russiæ &
Podlachia, cæterisq; Comitibus, Aquilas
Sarmaticas per campos & maria Cimbro-
rum prosperrimè duxerat, positis ubique
Virtutis Polonæ victricibus laureis &
trophæis gloriæ. Nunc postquam major
ejusdem pars in Patriam cum Ducibus su-
is remeasset, relictis istis fuerunt mille bel-
latores, qui sub illustris Tribuni Casimiri
Piasiecinii regimine, bello Danico, cum
fœderatis cæteris, colophonem forti &
gloriosâ manu, Deo volente, imponerent.
Navigarunt isti cum aliis in Fioniam: &
ipso adventu suo mirificè terruère hostem,
adeò ut ad frameas Polonas, nondum tam

in manibus, quàm in ore se mutuo cohortantium sonantes, insula tremisceret, & postea, cum ad pugnam ventum est, vix aliunde illa plus cruoris, quàm ex manibus Polonorum hausit. Sed erat in fatis, ut generosus ille bellator Piašecinius, dum ardentissime pugnat, morte suâ eandem & Insulam & Victoriâ nobiletaret: militibus suis primo virtutis exemplum, postea stimulus vindictæ; nam eò acrius præliati sunt, postquam Ducem suum amisissent. Toties vir nobilissimus in Patriâ contra Tartaros, Cosacos, Svecos, dimicaverat, fortiter ubique, & tum hostili, tum suo sanguine non cruentus magis, quàm decorus. Sed tot illis pulcherrimis vulneribus animam in patriâ effundere non potuit, non debuit, qui hostem patriæ, longè extra patriam persequi debebat, qui gloriam Poloniæ ad intimos Cimbrorum recessus deferre, & trophæa Sarmatica in finibus illis renovare, in quibus olim à primo Poloniæ Rege Chrobræo erant locata. Cecidisti igitur, fortissime Piašecini, in terrâ, pro quâ pugnavisti, cecidisti victor, & victoriæ pretium Insulam, cum aliis gloriæ tuæ sociis, Regi fæderato

derato moriens reddidisti. Cæterum cum corpore tuo fama tua non cecidit, in ipsâ illâ, quæ cadentem excepit, arenâ virefcet. Sonabunt eam annales patrii, sonabunt peregrini, nec modicum nobilissimæ familiæ tuæ decus erit, Fionicam Danorum victoriam, inter plurimas magnorum hominum cædes & vincula, Piafiecini quoque vitâ emptam esse. Cæterum quod ad victoriam ipsam attinet, nolo nunc eâ operosè recensendâ diutius morari tam illustre auditorium; cum res istæ jam sint declamatissimæ, & narratione earum ubiq; adhuc hominum linguæ & aures caleant.

Utinam si bella dicenda erant, inter barbaras omnino gentes, citra sanguinis Christiani profusionem gesta dicere possemus. Sed nimirum rebellis ille Deo, ille hominibus inimicus Spiritus adeò bonam mentem excantavit Christianis, ut in mutua & cognata viscera sævire, quàm suis rebus contenti, pacem colere malint. Laceffuntur Reges à Regibus, Sceptrum Sceptro illiditur, madent cruore Regna, vomit Oceanus cadavera, fumant Urbes incendiis, aut intra cineres suos jacent sepul

sepultæ; agri in vepreta, arces in rudera,
templa in ferarum spelæa abeunt, pietas,
justitia, castitas vana nomina sunt, vis,
avaritia, crudelitas, libido & omne scele-
rum genus superbè & impunè dominatur.
O quàm acerba, quàm tristia hæc argu-
menta sunt dicere vel scribere volenti-
bus! Quanto gloriosius, quanto suavius
foret, Templis sanctitatem, Curiiis & Tri-
bunalibus justiciam, agros colonis, colo-
nos, fora & portus commercii, florem
Civitatibus, Musis honorem, virtuti de-
cus, meritis præmia, vel servata vel reddita
memorare! Sed sperari hæc felicitas non
potest, nisi bellis non necessariis, iniquis,
impiis bellum indicatur publicâ Regum
Principumq; consensione, nisi pax bonis
legibus fundata, & rectæ disciplinæ regi-
mini innixa redeat. Vir togatus hoc lo-
quor, qui bella scribere teneor, non tene-
or amare. Unde adeo pacem animum
opto, quanquam non præcipitem, nec nisi
gloriosam, nisi æquam, & securam. Cæ-
terum, quod Deus Opt. Max. felix & for-
tunatum esse jubeat, novum jam & ad-
mirandum Pacis Astrum nuper in Occi-
dente emicuit. Astrum ingens, & siquid
judicare

judicare possum, inter Divina pariter anni, quem emensi sumus, beneficia meritò numerandum. Nec peccabo forsan, si id aliquo modo simile illi esse stellæ dixerò, quæ tres ab Oriente Reges ad cunas Dei servatoris excivit. Nam & hæc profectò stella index fuit altissimæ pacis, quæ sub Augusto Cæsare illuxerat Orbi, duxitque Magos ad Dominum pacis, ad Regem illum, cui nuper nato Angeli ipsi, cælitus delapsi, hymnum pacis, coram Pastoribus, accinuerant. Omnium istarum rerum memoriam Templâ universa religione publicâ celebrant his diebus, quibus ad condendum Pacis templum, vos, Illustris. Legati, acceditis. Filii pacis bonum inde omen capiunt, Astriq; illius nuper orti radios ad Septentrionem quoque nostrum pertinere existimant, & quia magnæ illæ occidentis Sphæræ procul vim suam mittere amant, multi Augusteum sibi in Europâ seculum polliceri audent. Non minus quoq; lætum illis augurium OLIVENSE cænobiū in quo Pacis consilia agitantur, præbet. Cum olim Rex pacis, Dominus & servator Orbis Hierosolymam, Urbem à pace nomen habentem

Tua ad molliendam tanto Hospiti viam:
 parata sunt portare ramos olivæ ad stru-
 endum illi tabernaculum. Parturiunt
 templa Dei altissimi, parturiunt templa
 Musarum lætissimum Hosanna. Tu ô
 Sancte Spiritus, qui olim in specie colum-
 bæ descendisti super æternum pacis Magi-
 strum, descende super Regum Orbis Mi-
 nistros, fac, ut iidem isti nobis Nuncii pa-
 cis esse possint: & quemadmodum tuo
 olim ductu, Sanctissimo Noæ, inter aquas
 diluvii tot mensibus, jactato, columba
 tandem ramum Olivæ, in reflorescentis
 terræ signum, attulit: ita nobis per tot
 annos inter ævillimas bellorum tempe-
 states mirificè quasatis, Tu, ô germana
 ô æterna pacis Columba, apporta verum,
 salutarem, & perennaturum felicitis
 Olivæ ramum, Pacem!

DIXI.



DIADEMA
GLORIÆ

FELICIBUS AUSPICIIS,
SERENISSIMI AC POTENTISSIMI
PRINCIPIS ET DOMINI
MICHAELIS,

DEI GRATIA
REGIS POLONIÆ,
Magni Ducis Lithvaniæ, Ruffiæ,
Pruffiæ, Mafoviæ, Samogitiæ, Livoniæ,
Smolensciæ, Kijoviæ, Volhiniæ, Po-
doliæ, Podlachia, Czerniecho-
viæ, &c. &c.

CRACOVIAE

In Cathedrali Aede S. Stanislai

ANNO CHRISTI M. DC. LXIX.

Die PRINCIPI ANGELORUM *Dicata*

CORONAM SUSCIPIENTIS

CONSECRATUM.

A

IOACHIMO De Hirtenberg PASTORI,
Equite, Commiffar. & Historico
R. MAJEST.

AD
SACRAM REGIAM MA-
JESTATEM
DIE SANCTI MICHAELIS
ARCHANGELI,
CORONANDAM.

Nate Jagelloniâ Regum de Stirpe
MONARCHA,
SOLCORIBUTIADUM, SARMATIEq;
Tuæ.

ANGELICUS Princeps nomen Tibi præ-
buit olim,

Adfuit is fatis Duxq; Comesq; Tuis.

Obtulit ANGELICUS Princeps, Duce Nu-
mine, Sceptrum.

ANGELICUS tribuit nunc Diadema
dies.

Ipsa suo Cælijam Regia munere gaudet,
Gaudet delicio LECHICA Terra suo.

Functa puerperio grandi Respublica
MATER

Leta stupet, PATREM se peperisse sibi.
Exultant Manes Regum, veneranda Pa-
tronum

Excipiunt Sancti MARTYRIS Offa
novum.

In

In plausus gens tota ruit, cuncta adstrepit
etas,

Te fora, Te Regem pulpita sacra sonant.
Attonitus dudum tanto certamine Phœbus
Exciit Aonii, numina cuncta Chori.

At CORIBUTEAS, ZAMOSCANAS QVE
Curules,

Et KOSTKAS reputans, OSTROGIOS-
QVE Duces,

CÆSAREOS QVE videns fasces, RE-
GLUM QVE tiaras,

Palmarumq; strues, laurigerasq; comas:
Et Tibi Divinâ partam Virtute CORO-
NAM,

Filag; Fortunæ prodigiosa TUÆ:
Horret, ait, vastum Parnassia Turba laborē,
Moleq; sub nimia noster anhelat apex.
Hic opus, æthereæ MIRACULA pandere
DEXTRÆ,

Fatorum arcanos hic referare sinus.
ANGELICÆ sunt illa manūs, sunt Orsa
Tonantis:

ANGELICAS poscunt, quas meruere,
tubas.

Serenissime ac Potentissime REX
Domine Domine clementiss.

R Ejuvenescit Sarmatiæ nostræ Aquila, & ad benignum novi SIDERIS exortum, novo spiritu, novo vigore exsurgit. Reviviscunt simul ingenia, & suscitare jam nervos, calamosq; movere etiam illi Scriptores incipiunt, quibus longa desuetudo stylum obtudit, ætasque ipsa talium officiorum gratiam fecit. Inter alios vegetioris ad scribendum facultatis Viros, mihi quoque, etsi ob vergentes annos, & alias occupationes, talium jam laborum insolenti, venit tamen impetus promendi ea, quæ, in hac publicâ gaudiorum exundatione, turgens animus concipit vota, addendiq; alia, quæ præsentē lætissimæ temporis serenitate, ex familiari nobis Historiæ campo evocata, festinant ad Majestatis Tuæ Solem, ut majorem inde lucem accipiant. Enimverò inter cumulos felicitatis, quâ jam omnes exultamus, hoc peculiare etiam beneficium favor Cælestis præbet nunc Scriptoribus, ut non opus habeant in arvis peregrinis quærere Segetem scribendi, aut flores.

res, quos adspergant Soli Tuo. Tu enim Domi, & sub caelo nostro prognatus, domestica TECUM adfers decora, quæ occupandis affatim ingeniis sufficiunt. Principem in laudibus TUIS locum vindicat sibi Polonia Mater, quæ jure maximo gloriatur, & summâ lætitiâ triumphat, quod ejusmodi FILIUM sibi peperit, à quo ipsa regi & possit & velit: eum antehac gignendis quidem magnis sceptroque dignissimis capitibus satis fœcunda, sœpè tamen aliunde potius, quàm à se petere consueverit rectores. Nimirum produxit illa quidem semper Viros, qui fratribus imperare possent, sed plures semper genuit, qui fratribus dare nollent imperium. Timuit libertati suæ æqualitas civium, & libertas æqualitatem, Matrem suam, perdere trepidavit. Te jam, REX SERENISSIME, invenit Polonia, à quo nec æqualitati, nec libertati suæ vereri possit aut velit periculum. De Indole & Virtutibus TUIS tam benè judicavit Respublica, ut nihil non præclarum ac salutare à Te expectare, nihil deforme aut obfuturum timere ausit. TE ita diligit, ita reveretur, ut neutiquam formidet

TE ita æstimat, ut per Te aliis, qui Poloniam non amant, formidanda effici speret. Desideratum diu Polonis bonum, mutua fiducia redit, valere cum causis suis iussâ suspicione & diffidentiâ, quæ animos Civium inter se nimis heu diu commisit, & vires Regni, cum laude alibi exserendas, domi malè detinuit, domi perniciosè collisit. Tandem & ingens illa, plurimumq; formidata cautes amota est æmulationis, quæ æqualibus cedere impotens, parère alibi natis non recusavit, ne pareret indigenis. Nunc novo exemplo enotuit arcanum, quod aliquot seculis penè fidem perdiderat, posse Civem Civibus imperare. Non jam expectanda nobis sunt septennia, quibus Rex populi sui genio, aut moribus Regiis populus advescat. Non per interpretes de capitibus & fortunis nostris informatur, aut pronunciat Princeps. Non necesse jam est vorare alienarum gentium fastidia. Tu, REX SERENISSIME, omnia ea tenes, quæ alii discenda fuissent, nihilque affers TECUM ad Sceptrum, quod dediscere oporteat. Non aliò consilia dirigis, quàm in Patriam, quò animi Tui affectum

affectum ipse naturæ ductus impellit. Non extra sinum subditorum circumspicis, ubi conquiescere vel possis, vel velis. Optimè regnaturus esse crederis meritò, quia à teneris obsequi didicisti. Rectissimè Civibus consulturus es, quia meministi, quid volueris noluerisve sub alio Principe. Amas Poloniam, quia TIBI Patria est. Amas subditos, quia Cives & fratres habuisti. Amaris vicissim à subditis, quia merissimus eligentium factus es: non os tantum de ossibus eorum, sed & spontaneo ipsorum motu ad Sceptrum Electus, cum potuissent non eligere. Habes illustre & caritatis & æstimationis argumentum ipsam Electionem. Non enim aliis TE prætulissent Cives TUI, nisi præ aliis & amore & Sceptro dignum putassent. Non TU prensasti unquam suffragia, aut amicos clientesve subornasti, qui animos TIBI conciliarent. Sedisti in Comitio pars Eligentium, sedisti par cæteris, donec Electio Te omnibus superiorem esse iussit. Audivisti publicè perorantes Legatos, qui Principes natalium dignitate summos, virtutibus, vel invidiâ ipsâ fatente, eximios, fortunis splendidi-

disimè dotatos, amicitiiis, affinitatibus, fæderibus prævalidos, commendabant. Efferuescentes inter diversa studia animos Civium vidisti, exundantes etiam gentilitiæ libertatis torrentes, nihilq; mitte aut pacatum spirantia suffragiorum certamina, præsens spectâsti. Quibus eò interdum Respublica redacta videbatur, ut scissuræ, & præcipitii periculo proximam crederent illi, qui liberæ nationis ignorant genium, fervido subinde spiritu, & dissonis aliquandiu vocibus in diversa tendentem, sed inopinatâ tandem celeritate amplectentem id, quod libertas & salus publica suasit: communi discrimine ad concordiam deniq; ducente animos; atque ipsâ inprimis plerumque interveniente DEI benignitate, quæ (quod præfiscine dixerim) plenissimam huic Regno libertatem indulget, pereundi licentiam hætenus adimit. Illa in hoc etiam Electionis negotio manifestissimis indiciis Orbi sese præbuit conspiciendam. Laborantibus enim inter summa dissidia animis, cum quæque pars pro Candidato suo nihil non egisset, nihil tamen ulla effecit, nec efficere potuit, quia aliud agebat

bat Deus, qui Sceptrum, quod Tibi destinârat, nulli alii permittebat dari. Ille tam amanter, tam providè honori Tuo consuluit, ut alios Regni Candidatos, at non Reges esse sineret: Te non Candidatum, & tamen Regem esse vellet ac faceret. Ille ambientes dimisit voti irritos, Te non cogitantem imò & recusantem protraxit. Cùm enim suffragiorum consensus Te nominâsset Regem, Tu ad rem inopinatam stupens & attonitus, non verbis solùm, sed & lacrymis deprecatus es onus, cui Modestia Tua se imparrem esse credebat. Id ipsum Eligentium erga Te studia exacuit, atque eò magis regnare debere visus es, quò minùs regnare volebas. Certè ut aliis obfuit, per externa suffragia calidiùs quæsisisse Reipubl. favorem; sic Tibi profuit, spontè oblatum, quantum modestè poteras, abnuisse. Non post repulsam quoque datam placuisti amplius Civibus, nec cessatum est pro Te contra Te certari; etsi Te subducere certaminibus laborares. Quin eò acriùs Tibi institit ardor Quiritium, donec penè imperaretur Tibi, ut imperares. Cessisti Tu tandem tam sinceræ, tam immo-

tæ tot capitum consensione, cui diutius
 repugnare, non jam modestiæ, sed obsti-
 nationis fore videbatur. Et religio de-
 nique fuit Tibi, non audire vocem Popu-
 li, in quâ clarè satis vox Dei ipsius audie-
 batur. Mox etiam cessit Tibi omnis in-
 dustria Legatorum, cessit Principum pro
 aliis laborantium autoritas, favor & po-
 tentia, cessit, inquam, Tibi, etsi partes
 Tuas nullus tum Principum seculi tueba-
 tur. Sed TECLIM erat Princeps Princi-
 pum, qui omnia, quæ voluit, facere solus
 potest. Ille, Te quiescente, pro Te vigi-
 lavit, ille in Te, dilecto gloriæ suæ orga-
 no, vicit & triumphavit. Ille, quàm be-
 nè Tibi vellet, miraculo non uno osten-
 dit: verèq; adeò *dextera Domini*, quod
 Tu ipsâ missilium nummorum inscriptione
 gratus proferis, *fecit virtutem*. Ille
 in Solium Te extulit, cum brachium mun-
 di aliò niteretur. Cor populi Tui flexit
 in Te, ne externis quicquam deberes. Il-
 lius quoq; providâ gubernatione factum,
 ut diu ante Electionem, unus ex magnis
 Senatoribus, Columnis & Ministris Stâ-
 tus nostri primariis, postquam libero ju-
 dicio omnes Regni nostri Candidatos ex-
 cuss-

tulisset, Te, etsi non Candidatum, suo tamen calculo, longè lateq; vulgato, dignū imperio censeret, & sic Nomen TUUM, illustri stylo suo, pectoribus Civium penitissimè inscriptum, altiꝑ; deinceps silentii quasi annulo obsignatum, tantisper ibi relinqueret, donec illucesceret hora, quā publicari in terrā oportuit, quod in cælo erat decretum. Certè fidem omnem supergreditur, & miraculo plenissimum est secretum, quo Numen Divinum, id, quod operabatur, tempore non modico operuit. Pressit consilium suum ad ipsam usque Electionis ultimam luctam, quia Tuā intererat, ne, nisi re maturā, sese explicaret. Nimirum in contentionem Te cum aliis venire vetuit, sed in momento dein vincere Te voluit omnes, qui pro aliis contenderant. Neque enim nisi post longa circa externos certamina Te passus est nominari: sed simul ut primā Calissiensis Palatinatūs voce, prævio ejus Capite, illustrissimo Opalinio, nomen TUUM exsonuit, illicò reliqui omnes idem succlamavêre. Num sine prodigio factum est, ut omnium Palatinatum calculi, qui in cæteris gravissimè discrepauerant, in Te

nominando, incredibili protenus harmoniâ consonarent? Unde tam multorum & grandium Capitum, unde plusquam duodecim legionum, unde tot Provincialium Nunciorum tam subitus consensus, nisi à rectore cordium Deo? Cujus adeò nutum omnes jam, etiam qui tardius eum principiò agnoverant, reverentibus animis venerantur. Nemo enim non animadvertit, quanto discrimine constitutus fuerit externus, quicunque præpolluisset. Nam nec Competitores Regni, nec Cives ipsi, cessuri sibi invicem erant sine sanguine mutuo. Coruscat adhuc ante oculos nostros acies illa gladii civilis, nodum hunc Gordium, qui nitentibus in diversa studiis indies magis implicabatur, vi tandem dissecturi, nisi eum dextera Domini per Te, datum cælitus MICHAELEM, inopinatò solvisset. Oberrat usque animis imago populi, in nova vulnera, antequam vetera cõaluerant, prono impetu ruentis. Occursat facies optimæ Matris Reipubl., infestis filiorum suorum & mox peregrinorum simul unguibus concerpendæ; atque, ob alienum ambitum, suis disidiis pessum ituræ.

ituræ. Certè, nisi Tu, REX SERENIS-
SIME, divino dispositu intervenisses, mi-
serabili scissurâ in partes, sub diversis Du-
cibus, ivisset Respublica, aut unus Can-
didatorum, depulso æmulo, perstragem
hominum, tramite cruento venisset ad
Solum, factâq; dein post solitudinem pa-
ce, libertati, delicatissimo gentis nostræ
bono, gravis aut saltem formidabilis ex-
titisset. Nunc non citra tempestuosos
quidem æstus commotæ multitudinis;
attamen citra sanguinem, libertate non
solùm in præsens incolumi, sed & inpo-
sterùm securâ, confectum habemus nego-
tium, & jure nobis gratulari debent,
etiam qui postpositi videntur. Agno-
scendum enim est, Deo, Naturæ, pruden-
tiæ & æquitati repugnaturum fuisse;
quisquis huic Electioni repugnare ausus
esset. Deus, ut in populo olim sibi unice
dilecto, ita nunc in Poloniâ, fratrem, fra-
tribus imperare voluit. Natura sangui-
nem proprium anteponi jussit alieno.
Prudentia prohibuit quæri foris, quod
domi inveniri potuit. Æquitas poposcit,
ut liberrimo Populo plena & integra eli-
gendi potestas relinqueretur, nec Reipubl.

imponeretur Dominus, nisi cui se ipsa ultro submitteret. Et jure illa ostendere Orbi debuit, se, quid sibi conducatur, rectius intelligere, quam quisquam externus, nimiamq; adeo curam remittere iis, qui res Poloniae suis merè utilitatibus metiri solent. Sed si nullus adhuc superest, qui Te electum mirari pergat, is palam facit, se Natales Tuos nescire, se virtutes etiam Majorum & Tuas ignorare, aut malignius cepisse. Nemo, qui vel à primo limine terram aut annales Polonorum salutavit, antiquissima *Ducum Visnoveciorum* decora non aut legit, aut fando accepit. Prima equidem inclytæ hujus Domus initia, uti ferè omnium, quæ vetustate præcellunt, memorias excedunt temporum. Quod imprimis in hoc Septentrione minus mirandum est, cui radii literarum seriùs illuxere. Sed sufficit nobis, ab annis plus *quadringentis* Seriem Progenitorum Tuorum recenseri posse. Ad gloriam verò satis hoc illustre & magnificum est, quod iisdem Natalibus *Visnovecii* censeantur, quibus ortus est Regum clarissimus *Vladislaus Jagiello*, qui primus Lithvaniam ad Sacra Christiana & simul ad Unionem

nem

nem Regni Polonici adduxit. Is quippe *Olgerdi*, Magni Ducis Lithvaniæ filius fuit, sed ejusdem filius quoque fuit *Coributus*, *Dux Sererie*, à quo & originem & nomen illustrissima familia Vestra ducit. *Quatuor penè seculis* regnavit hinc posteritas Jagiellonis, & adeò ob egregia merita, ætlimata est à Polonis, ut ultra mare etiam, & in sexu sequiore aliquando sit quæsita. Nunc postquam ultimus ejus *surculus*, Serenissimus Rex JOANNES CASIMIRUS sceptro quietem ante habuit, in fraternalium Jagiellonis sanguinem felice transitu incidit Electio. Quod si igitur generis ornamenta spectentur, non est, REX SERENISSIME, cur cuiquam Principum postponi debuisse videaris, est, cur anteponi debueris omnibus. TUUM est, quicquid Jagiellonia Domus possidet decorum: quicquid eadem affinitatum cum Europæ Principibus, Regibus, Imperatoribus habet, ad Te pertinet. In Te deficiens Jagiellonica stirpis gloria & nomen verissimè jam resplendescit. A Te insuper novam lucem accipiunt Majores Tui, quorum cognatum lumen Regius Jagellonici Solis splendor diu quasi præstrinxit,

strinxit, quemadmodum fieri solet in his
 oris, ubi Regibus non est integrum, do-
 mum suam magnis honoribus, aut opi-
 bus publicis altè attollere. Interim illi,
 etsi agnatis Regibus minores, egregiis
 semper facinoribus animum excelso ge-
 nere dignum ostendère. Memorant an-
 nales nostri, *Dèmetrium Coributum*, cum
 tribus filiis, in celeberrimo magni *Vitolo-
 di*, contra *Tamerlanem* orbis tótius ter-
 rorem, conflictu, fortissimè pugnando,
 cecidisse. De *Coributéo* etiam genere fuit
 ille *Sigismundus*, quem ob Virtutis famam
 Bohemi aliquando domi discordes, & in
 fide dissoni, ad Sceptrum vocavère. Cui,
 uti eà in re favit *Vitoldus*, ita adversatus
 est *Vladislaus Jagiello* Rex *Poloniæ*, cum
 ob alias pias causas, tùm quod *Sigismun-
 do* *Cæsari*, æmulum illum, ægerrimè fe-
 renti, gratificari vellet. Memorabilis est
 pugna illa, quâ *Constantinus Dux Ostro-
 gius*, inter inclytæ *Matris* *Tuæ* atque adeò
 Tuos progenitores, ut infrà patebit, nu-
 merandus, viginti millia *Tartarorum* ad
Lopusnam cecidit. At pars magna præ-
 lii illius fuit *MICHAEL Dux Visnoveci-
 us* cum filiis suis. Is deinceps quoq; pro-
 prio

prio ductu eosdem subinde hostes feliciter fudit, ipsum etiam cubile Scythicum, TauricamChersonesum invadere ausus, & multâ istic strage datâ, magnos Christianorum greges vinculis Scythicis liberare solitus. Amplissimum hodieq; virtutis virtutis Visniovecianæ monumentum est, Insula quædam Borysthene circumflua, quæ quod olim *Demetrio* Visniovecio à Tartaricis conflictibus revertenti, suffugium dederat, nomen ab illo accepit. Jure dixerimus, gloriosissimam Familiam vestram domandis Tartaris, vindicandisque contra infideles populos Christianis consecratam esse, atque inde CRUCEM, insigne Christianorum, LUNÆ & STELLÆ superpositam, in Stemmate gestare. Facile etiam perspicipote, Pietatem tam Prælustis DOMUS, jam tandem GORONA in his etiam terris dignam à Deo judicatam esse, nihilq; non præclarum Religioni Christianæ promittere. Fuderunt, REX SERENISSIME, Majores Tui inimicum Christo sanguinem, fuderunt etiam, pro gloriâ Christiani nominis, suum. Ille ipse sanguis nunc in Te accipit brabéum Regium,
nunc

nunc in purpurâ Tuâ nitescit. Sub Sigismundo Augusto *Demetrius* Visniovecius, Michaëlis filius, ad Valachia Principatum vocatûs fortiter & gloriosè aliquandiu tenuit clavum, sed ingenti potentia Turcica moli tandem impar, Solymanianæ crudelitatis postremò extitit victima. Sub Sigismundo III, gloriosissimæ memoriæ Rege, *Constantinus* Dux Visniovecius non modicis copiis juvit magnum Regni Ducem & Cancellarium Joannem Zamoscium, Proavum Tuum, cùm is anno millesimo sexcentesimo, arreptis contra Michcelem, nominatissimum eo tempore & multis formidatum Moldavia invictorem, armis, nobilem illam ad Telefinum annem Victoriâ reportavit, debellatoq; Michaële, duos Palatinos, Simonem & Jeremiam, illum Valachiâ, hunc Moldaviâ à Michaële violenter ejectum, dignitati suæ restituit. *Constantinus* item inter præcipuos fuit illorum, qui notâ Orbi universo Demetrianâ procellâ vastissimum Moscoviæ Imperium concussere: quo tempore, nisi Virtutem Polonam hæsitans Aula nostra destituisset, omnis illa Moscorum potentia sub Jagiellonii sanguine

sanguinis fasces venire potuit. Ex *Constantino Visniovecio* Palatino Russiæ, quæ grandævum juvenis noveram, natus fuit *Janussius Supremus Stabuli Regni Præfectus*, *Gubernator Cremenecensis*, Dux generosissimi animi, & domi forisq̃ue de Patriâ benè mereri amans, hæres *Zbarasiorum Ducum*, qui ex eadem Stirpe *Coributeâ* oriundi, præclaris Virtutibus ad illustrem famam & in Republicâ autoritatem pervenerant. Meminimus ex eo genere duos fratres *Georgium & Christophorum*, quorum ille *Castellanus Cracoviensis*, & sic Princeps Senatûs, alter *Archihippocomus Regni*, studiis popularibus Ordini Equestri dilectissimus, illustri imprimis ad Portam Ottomanicam Legatione Orbi innotuit. Sed uterque cælebs mortuus, decora & fortunas amplissimas in proximam, ut dixi, Domum TUAM transfudit. *Janussius Dux*, quem nominavi, cum non unam reliquisset prolem, jam inprimis famam magnæ Domûs, unâ cum Fratre strenuissimo *D. Constantino*, illustrat fortissimus Dux. *

* *Hi duo fratres hoc tempore, quo ista iteratò eduntur, post res contra Cosacos, Tar-*

Tartaros, Turcas præclarè gestas, altius erecti, & Dux quidem Demetrius non solum summum in exercitus Regni imperium, sed & Palatini Cracoviensis dignitatem affectus, alter Palatino Belzensis renunciatus est. Demetrius Palatinus Belzensis, militiæ Campestris Ductor, amor Civium, decus Russiæ, totiusq; Reipublicæ, quam cum cæteris Poloniæ Hectoribus animose defendit. Sed ad Progenitores Tuos, REX SERENISSIME, revertimur. Sunt anni amplius quinquaginta, cum Avus TUUS Michael Dux Vîsniovecius, ductâ Valachiæ Palatini filiâ, contra Tomzam, qui Turcicæ potentiæ patrocínio innixus, legitimum Palatinum dignitate suâ depulerat, privatis auspiciis, fociante operam affine suo, Samuele Corecio, Viro ob fortitudinem celeberrimo, bellum gessit, & multis quidem congressibus (quindecim illustris Scriptor Piascius innuit) Victor extitit, sed prævalente Turcarum potentiâ, & fati præcociis sævitiâ, vitam prius, quàm bellum finiit. Jam inclyti Patris Tui, Jeremiæ, Palatini Russiæ, res gestas, quæ industria styli, quæ verborum cõpia dignè edisserat? Cujus tota vita verissi-

ma fuit militia. Ingenio ad Martem compositus, à primis statim adolescentiæ annis ad tutandos ampliandosq; fines se applicuerat. Et mirificâ quâdam dexteritate, eò vix puber pervenit, ut simul miles, & Dux militum esset; Fortuna Majorum ita ditatus, ut exercitum suo ære, intra brevissimum temporis spatium, conficere posset, ita porro indolē & virtute suâ comparatus, ut quos confecerat, ipse bellissimè & regeret & duceret in hostem. Unde Magno illi *Stanislao Coniecpolscio* in frænandis Cosacis compefcendisq; Tartaris, præcipuus semper comes atque adiutor exstitit. Præclara ipsius, ut alibi, sic in prælio Ochmatoviano, quo Tartari, anno 1644. memorabilem cladem accepere, fortitudo enituit. Et postea inclytis etiam successoribus *Coniecpolscii*, *Potociis Ducibus*, ob promptissima, quæ subinde defendendis Reipubl. limitibus addicebat, auxilia, dilectus cultusque fuit. Sed apud alios quosdam, usitato magnorum Virorum fato, plus invidiæ, quàm gratiæ expertus est, non aliâ ferè ex causâ, quàm quod laudes ejus & merita, aurâ populari, altiùs vehi viderentur.

Et

Et ipse Virtute suâ fretus, censuque proprio dives, æmulos contemnere, quàm conciliare malebat. Secutum postea est belli servilis incendium, quo uti indignis modis ambusta est fortuna ac potentia Principis, ita virtus clariùs exsplenduit: eo tamen maximè dolenda, quod iratum vitiis nostris cœlum necessitatem illi fecit in rebelli plebe exercendi ferrum, quod antehac sanguine Scythico pulchriùs rubuerat. Sed & illam Hydram satis feliciter domare cepit Sarmaticus hic Hercules, profligatis rebellibus copiis ad Constantinovum, & re nusquam non benè gestâ, ubi nutu suo agere potuit. Illis utique laureis tantùm rursus inter Cives favorem sibi peperit, ut, orbatâ & Capite & militiæ Ducibus Republicâ, non alius potiùs belli regimine dignus censeretur. Posthabitus, laborantis sub invidiâ fatum virtutis agnovit, sed simul mox feralia Reipublicæ vulnera vidit, quibus nemo non perspicere potuit, quæ esset illa injuria, quæ tantis calamitatibus expiaretur. Post Pilaucianæ militiæ diffluxum, idem *magnus Parens Tuus*, collectis velut è naufragâ rate tabulis, Zamoscianum

num munimentum, hærede ejus Illustrissimo Avunculo Tuo tum absente, contra hostes firmavit, & alibi passim, quâ potuit, Patriæ sidenti porrexit manum. Vel in Zbarazianæ deinceps obsidionis tempestate, quàm intrepidum ille animi vigorem testatus est. Exigui oppidi terminis inclusus, cum aliis illustribus Viris (inter quos ex proximo sanguine fuit Dux fortissimus Demetrius Visniovecius) & omni penè militiæ Polonæ robore, quàm ad præclara facinora, omnibus, & hortatu & exemplo, præivit? quàm gloriôsè vastam illam Cosâcorum Scytharumque, quos Chanus impulsore Chmielnicio adduxerat, multitudinem plusquam duobus mensibus, non detinuit modò, sed creberrimis excursionibus lassavit, attrivitque, sociantibus strenuè operam Ducibus, militibusq;, qui illic simul erant? Supervenit deinde DEUS è machinâ, qui & Serenissimum Regem alibi ad Zboroviam periclitantem, & deinceps Patrem Tuum cum tot eximiis Reipubl. capitibus, felicissimâ transactione cum Chano factâ, exemit discrimini, sed ut in aliud mox thearrum deduceret, in quo & Rex, & Pa-

ter TUUS illustre iterum Divinae praesentiae specimen caperent, darent fortitudinis. Non multò enim post Cosaci iterum cum Tartaris adversus Poloniam conspiravère. Et vastissimæ molis exercitus in viscera Reipubl. tendebat, Chano ipso praesentiam suam denuò precibus & promissis Chmielnicii commodante. Cum Rex Sereniss. JOANNES CASIMIRUS totius Regni vires ad Beresteciam collegisset, & jam hostis innumerabili numero instaret, tum laudatissimus *Heros, Pater Tuus*, primæ in hostem incursionis honorem à Majestate Regiâ ultrò poposcit : quo obtento, in densissimos Cosacorum cuneos fortissimâ manu investus, rupit aciem, & nobilissimæ de Cosacorum ac Scytharum incredibili multitudine, post Deum & Regem auspiciem, auctor fuit Victoriæ. Sed tanto decori non diu superfuit : cœlo novis adhuc flagellis castigare Poloniam moliente. Et ideò ei placuit, tollere Principem, qui ultri-cem Nemesein maximè videbatur morari. Dum hostis profligata vestigia Dux fortissimus legit, febre inopinâ extinguitur, fato eò magis dolendo mirandoq;, quod

is nuper acerrimè pugnando, morti toties obviàm progressus, incolumis tamen evaserat. Nunc inopinatâ & improvisâ morte ivit ad Heroum sedes Heros incomparabilis, ivit plenus victoriarum palmis, plenus gloriæ laureis, sed omnibus Patriam amantibus dolorem æternum & immortale sui desiderium reliquit: Patriæ verò ipsi immedicabile vulnus præmaturo obitu suo inflixit. Sub id planè tempus Musa nostra in texendo peplo Sarmatico occupabatur, & in ipsius illius Principis laudem moliri aliquid cœperat, cum in medio conatu infelix rumor de morte ejus adstrepuit. Ita læto impetû carmen orsus, inter lacrymas finivi. Quod postea aliquo modo auctum subicere hîc lubet, meæ in laudatissimum Reipubl. olim Delicium & Cûlumen, observantiæ futurum qualecunque monumentum.

An mea, Jeremia Princeps, Te Musa silebit?

O CORIBUTEÆ splendide gentis apex!

Qui Jagiellonios contingis sanguine Reges,

Olgerdosq; refers Gediminosq; Patres,

Qui genus illustras meritis, qui laudibus
annos

Antevenis, Atavos par superare Duces.

Hos

Hos licet antiquis virtus Heroibus aequet,
 Et vebat æternis inclyta fama tubis.
 Arma capeffentem tremuit Te barbara
 dudum

Taurica, & instantem præpete fugit equo.
 Fulmineumq; Tuum sensit Crivonosius
 ensem,

Sensit & Herculeam cætera Lerna manū.
 Non Tibi par habuit fulcrum, cū Rege
 careret

Patria, sub clypeo perstitit illa Tuo.
 Unde Ducem belli toties vox publica legit,
 Æmula sed meritis obstitit ira Tuis.
 Heu mihi dicturo jam plura quis accidit
 ictus?

Strangulat ab vocem, quæ male fama
 meum?

Sit mendax, sit vana precor! falsoq; feratur
 Crimine lethiferas fama gravâsse Deas!
 Si verum memorat: manes age grandis
 honoret

Principis, & tali lemmate fata notet:
 Illa Ducis virtus, bellis invicta, supremo,
 Cui soli potuit cedere, cessit Hero.
 Reddita jam Cælo defendere Lechida cessat,
 Sed cessat nunquam Lechidos esse decus.
 Cætc-

Ceterum Magni Parentis Tui fatum & laudes in opusculo nostro, quod Berestecianam præcipuè victoriam complectitur, legit jam dudum Orbis eruditus, easdemq; proluxiore filo contextas legent illi, qui pleniorẽ Historiam nostram, aliquando edendam, videbunt. Ille enim, etsi brevis nimirum ævi Princeps, magnam partẽ operis mei implevit. Ubi *Tu* quoq;, *Rex Serenissime*, laudatissimi Patris, quem non diu in terris intueri *Tibi* licuit, imaginem, verissimis virtutum coloribus, expressam, legere non abnuēs: oblectaturus animum *Tuum* Herois memoriã, qui, quondam ingens Patriæ ornamentum, summus Civium amor, ipsã illã, quã fruebatur, gratiã, fundamentum posuit fortunæ quã jam *Filius*, Deo auspice, duce Republicã, gaudes. Illius vultum, illius animum in *Te* gratissimã memoriã recollit Polonia. Olim illa te puerum miserabatur, quem florentissimus ille ætate & gloriã Princeps reliquerat tenerum, indigumque alienæ directionis, postea etiam unã cum *Illustrissimã Matre*, magnorum Zamosciorum & Ducum Ostrogienſium Kostkarumque sanguine, publicã infeliciũ

scondit Deus, eaque per longas demùm
 ambages eventibus inexpectatis, solet e-
 volvere: quando inprimis singulare &
 eximium quid molitur. Unde adeò in
 maximis quibusq; Viris admirabiles isti
 Gubernationis Divinæ anfractus identi-
 dem observati sunt ab Historicis. Cæte-
 rum Regius ille educator, ut erat summæ
 probitatis, ita eximiâ illâ, & prorsus san-
 ctâ morum gravitate, tum in rebus agen-
 dis prudentiâ, vitâq; omni ex parte ordi-
 natisimâ, pulcherrimè Tibi adolescenti
 præluxit. Inprimis verò commendavit
 TIBI culturam artium illarum, quæ ma-
 gnâ fortunam illustrant, & plurimùm
 juvare possunt. His TU liberaliter innu-
 tritus, Martium illum ex Majoribus fer-
 vorem decoro sapientiæ temperamento
 ad futuros usus leniisti: Deo jam tum vi-
 tæ Tuæ rationes ita adgubernante, ut ani-
 mum maximarum rerum redderet capa-
 cem. Missus ad externos nusquam levita-
 tis aut luxuriæ, ubiq; generositatis, indu-
 striæ, prudentiæ, moderationis, humani-
 tatis, fidei, constantiæ, & quod summum
 est, pietatis, eximia dedisti specimina, ubi-
 que amorem TUI, ubique, & inprimis in

Aulâ Cæsareâ optima famæ publicæ suffragia, sæpe & præclara judicia atq; etiam præsagia futurorum decorum retulisti. Reversus in Patriam, ærumnoso rerum nostrarum theatro ita interfuisti, ut nullâ TUI ostentatione provocares invidiam, potius verò cultu modico, comitate obviâ, amorem & simul tamen æstimationem TUI augeres, nihil incuriâ negligens, quod ad aptandum summis negotiis animum facere posse videretur. Otio actiuoso tranquillus, Dei nutum spectâsti, inq; illius sinum deposuisti & fortunam TUAM. Illius assidua cura excubuit pro TE, & res TUAS, arcano tramite, duxit ad fastigium. Illius quoq; directione factum, ut, cum civili tempestate in magna & cognata TIBI Capita ingens procella incubuisset, TU gratiam illibatam seruares, quamvis à TE nullâ adulatione, nullo ignobili servitio prensaretur. Neq; etiam favor in TE aulicus Civium benevolentiam deminuit. Admirabili moderatione & quodam singulari seu fortunæ seu prudentiæ beneficio, æquè Principū, quàm populi animos possedisti. Utrobique optimè de TE iudicatum est, utrobique

bique animadversum, in TE, licet privato, & nullis dum honoribus eminente, aliquid esse, quod regere magis, quàm regi mereatur. Nimirùm ita suam super TE manum occultabat Deus, ut à prudentibus tamen observari posset. Et hinc in Aulâ ipsâ, ex ore Augustæ Principis, quæ diu & ad mortem usque materno Te gratiæ suæ gremio fovit, audita aliquando vox: *Si Polonus succedere sceptro debeat, non alium querendum.* Ita, licet in longinquum tenderent tum vota Aulæ, tamen animum sagacissimæ Reginæ tam potenter movit Numen, ut non posset, quin & suum de Te sensum, & simul Cœleste, quod ex eventu jam elucescit, decretum enuntiaret. Nec jam Serenissimus REX JOANNES CASIMIRUS, qui spontaneâ abdicatione suâ Tibi locum fecit, lætari non potest, Te surculum, Te Alumnum, Filiumq; adoptivum Augustæ Domûs suæ, sibi succedere. Et TU jure maximo veneraris PRINCIPEM, in cujus contubernio Regio & gratiâ adlevisti, bonâ malâque fortunâ ejus domi forisq; ad prudentiam, huic ipsi theatro, quod jam ingressus es, necessariam pul-

cherrimè exercitus, Deo ipso admirandis
alieni regiminis casibus, ad regimen re-
rum, TE, quod toties ingemino, præpa-
rante. Cujus occultâ vi quoque factum;
ut, unicus cùm esles Parëntum Tuorum
Surculus, unica Spes Domûs Tuæ, de ma-
trimonio tamen cogitare hætenûs distu-
leris. Cælibem TE manere oportuit, ut
regali tandem thoro Conjugem, tali fa-
stigio dignam, ex usu Reipubl., inducere
queas. Sed qui animo Tuo cœlibatum
hætenûs suavit, idem etiam TIBI potesta-
tem Tui dedit. Pietate, mōdestiâ ita tem-
perâsti aetiones TUAS; ut eo ipso dignus
habitus sis alios regere, quod TE ipsum
tam pulchrè rexisti. A juvene juveniles
culpæ abfuerunt. Virum TE moribus
ostendisti, antequam esses, ætate, & verè
ante sumptam Togam ad purpuram ma-
turuisti. Nusquam, sive Aulam, sive Ca-
stra sequeris, extra limites honesti ab-
iisse visus es. Perpetuò constitisti TIBI,
virtuti semper advigilans, famam perpe-
tuò reverens, & inter tot peccandi occa-
siones, in illo juventæ lubrico, accuratus
semper Tui custos. Dei, Tuamq, pro TE
curam juvat sanctissima *Maternæ Domus*
discipli-

disciplina. Cùm enim, post ereptum TIBI tenello Patrem, & deinceps alterum quoq; Parentem, Serenissimum Carolum Ferdinandum fato sublatum, adolescentiæ Tuæ regimen, in Principum Matronarum Decus, *Genitricem* incidisset, fuisti tam felix, ut in iis, quæ educationem spectant, nec Patrē desiderare posses. Quippe *Mater* Tibi contigit generosissimi animi, gravitate morum, Prudentiâ, peritiâ regendi adeò supra sexum suum eminens, ut multis etiam Viris palmam præripiat. Eminentissimis natalibus orta, nihil unquam, nisi, quod summam fortunam deceret, agitavit. Dignam se maximis Avis Atavisque præstare conata est, & præstitit abundè. Matrem & ipsa suam, magnam illam *Catharinam* expresse, quæ illustrissimâ Ducum Ostrogensium & Kostkarum stirpe progenita, nihil in Domo suâ, nisi summè decorum, eminens, & splendidum viderat. In Russiâ Duces de Ostrog & Jaroslaw multis seculis primas tenuerunt, oriundi à grandi illo Vlodimiro Russiae Duce, nec non Coniuge ejus *Annâ*, Romani, Imperatoris Bizantini Filiâ, Basilii & Constantini Imperatorum Sorore,

eoq; ipso summis Principum, Regum, & Cæsarium aliorum familiis innexi. Unde adeò ingens semper nomen eorum, ingens potentia, & supra potentiam Virtus existit. Sed cum denique, nullâ relictâ sobole masculâ decessissent, magna fortunæ eorum pars aliò, pars in Maternam Tuam, & illustrissimam Ducum Lubomirsciorum Domum defluxit. Verùm *magna Genitrix Tua*, & Tu per illam, non minùs quoque ornamentorum ac decorum ex avità illustrissimorum *Koſtkarum* familiâ haufisti: quæ inter majores suos numerat magnos illos Odrovanſcios, numerat quoq; Conradum Maſovia Ducem, & per hunc multos Cæsares Occidentis, tum & inclytos Poloniae Reges, Caſimirum Juſtum, Boleslaum Crivouſtum, & quotquot hos, ad ipsum usque Miecislaum, sub quo Christianam religionem amplexa est Polonia, præceſſere. Hæc est illa Domus, quæ inter alia præclara nomina, produxit Joannem Palatinum Sendomiriæ, post excessum Henrici Valesii ſceptro Poloniae dignum habitum, ſi indigenam tum fata voluiſſent. Hæc eadem Domus, B. *Stanislaus Koſtkam* tulit, qui Virgineæ caſti-

tatis

tatis flore, & omnigenæ Sanctitudinis fastigio id obtinuit, ut inter cælites Patriæ Patronos reverentissimè colatur. Sed quanta porrò lux, quantus splendor est, quem eadem inclyta Genitrix in TE, REX SERENISSIME, cum sanguine Paterno profudit? Cui enim usquam terrarum ignotus est *Thomas Zamoscius* Genitor ipsius, Avus Tuus, Magnus olim Regni Cancellarius, summæ in Republicâ autoritatis, domi forisq; clarissimus Senator, Civibus Patriæ eximiè dilectus, Regibus etiam ipsis venerabilis, verbo dicam, dignus maximo Parente Filius. Nemo est, qui incomparabilem illum Heroem *Joannem Zamoscium* nesciat; cujus nomen cum audiunt, qui magnitudinem ejus ceperunt, nomen Virtutis & Sapientiæ ipsius audire sibi videntur. Non vanè illi olim tale Elogium posui:

SemiDeos æquans meritis Samoscius hic est

Ille ingens armis, nec minor ille Togâ.

Haud scio, quos Læbi sit terra datura

Nepotes,

Hoc scio, majorem non dedit illa Virum.

Hic jam laudes tanti Viri attrectare horreo, quia vereor, ne vel prolixitate mole-

stus sim, vel brevitatem iniquam in virtutem
 ac merita Herois. Nonnihil tamen de-
 libare fas est, quia nulla pulchrior gemma
 Diademate Tuo addi potest, quàm quæ
 petitur ex gazophylacio Virtutum Joan-
 nis Zamoscii, Proavi Tui. Is ex Castella-
 no Belzensi, Chelmenfi Gubernatore ge-
 nitus, Togatæ primùm Palladis ornamen-
 ta quæsit, tantâq; industriâ & felicitate
 ingenii ad Sapientiæ culmen eluctatus est,
 ut, quotquot in orbe literati illo ævo fue-
 runt, cum pro Principe ingeniorum ha-
 buerint, ac passim, ut talem, de prædicâ-
 rint. In Patriâ deinde eodem ardore
 Martem, quo Musas alibi secutus, eò glo-
 riæ pervenit, ut seculum illud non habue-
 rit bellatorem, qui cum ipso paria faceret.
 Implevit ille trophæis suis Moscoviam,
 Livoniam, Russiam, Moldaviam, Vala-
 chiam, Silesiam. Joannès Basilides Mo-
 scorum Dux, Carolus Sueciæ Moderator,
 sæpiùs victi, Maximilianus captivus, Mi-
 chael Palatinus Valachiâ ejectus, Kázige-
 ejus Tartarorum Princeps profligatus,
 Poloniæ fines non defensi solum, sed la-
 trissimè propagati, monimenta sunt Vir-
 tutis Zamoscianæ. Gestum plurimis an-
 nis

nis summâ cum laude tum Sigillum Regni, tum Exercituum regimen, institutum porro in Patriâ tribunal Justiciæ, fundata Urbs cognominis, & in eâ illustris Academia, servata dextrè authoritas Regum, defensa simul Civium libertas, Stephani Regis in ipsum amor, cum Batoréâ, Regis cognatâ, matrimonium, grandium facultatum prudentissima, atq; ex usu Reipubl. facta dispensatio, & alia infinita Viri magnitudinem clarè testantur. Famam ejusdem auxit ipsa invidia: neque enim hæc, nisi ab eminenti virtute, vel gigni vel vinci solet. Ille, ut magnitudine sua malignam hanc umbram excitavit, ita constantiæ suæ fulgore discussit. Evecta supra odii, livoris, obtreccionis assaultûs gloriâ Zamoscii viget vigebitque in annalibus, in ore & calamis posterorum, interq; exempla virtutum perpetuò erit, quicquid Joannes Zamoscii vel dixit vel egit. — Ego in his regni Tui primis auspiciis, tum Virtuti Herois tanti, tum & gloriæ Tuæ, qualecunq; sacrificium oblaturus, non aliud aptius reperiri posse me credidi, quam, si magni illius Proavi Tui ultima certamina, postquam priora du-

dùm jam edita sunt, unà cum gloriosa
Mortis catastrophe, sine mora in thea-
trum publicum pròducerem. Quò sic Or-
bi extero quoq; liquidius constet, quàm
non solùm TUIAS, sed & Majorum Tuo-
rum virtutes gratia Divina, collato dia-
demate Regio, coronare in Te voluerit,
Tu digna Regis fastigio decora, quæ bre-
vi, Deo volente, exhibebo, non poteris
nisi sereno benignoque vultu suscipere.
Nam & innata planeq; propria Tibi est
clementia, & quæ offeram, sunt ejus colo-
ris, ut nulli, nisi hosti Tuo, displicere pos-
sint. Sunt enim primaria inclytæ Do-
mûs Tuæ facinora, quibus Majores Tui
Polonam Rempublicam, non solùm, ut
communem Patriam defenderunt, sed
singulari studio ac felicitate auxerunt, or-
narunt, non secùs ac si præsensissent, in
Sanguinem suum deniq; regnaturum, &
huic parari, quicquid laboribus suis pub-
lico accederet. TUA, REX SERENIS-
SIME, Generositas, insitis sese stimulis ad
sublimia quæque exsuscitans, omnibus
haud dubiè nervis eò contendet, ut Ma-
jores Tuos, etsi longè maximos, non mi-
nùs omni virtutum laudumq; consensu
exlu-

exsuperes, quàm plerosq; illos jam adito
dignitatis Regiæ fastigio antecellis. Sed
idem Tu ipsum quoq; Nomen Tuum in
gloriæ incitamentum ultrò vertes TIBI,
vel utiq; verti non abnues. Primus Regum
Poloniæ Principem Archangelorum ha-
bes Tibi cognominem. Festa ejusdem
Ducis Angelici luce Regium capeffis dia-
dema. Nefas fuerit augurari aliud, quàm,
& Te omni studio id acturum, ut respon-
deas tam Sancto Nomini, & magnum il-
lum cælestium exercituum antesigna-
num, Deo auspice, fore comitem operum,
fore hospitatorem bellorum Tuorum.
Unde nec futurum dubitamus, ut Draco
impietatis, Draco perfidiæ, Draco discor-
diarum, Draco vitiorum & licentiæ, Dra-
co denique omnis Regno huic adversan-
tis potentiæ, Virtuti & fortunæ Tuæ suc-
cumbat. Quod si Nomini * Angelico
novæ Dignitatis Tuæ vox, transpositis
literis, adjungatur, quid nisi *Lex mera*,
mera justitia emergit? claro omine, Te
verè vivam legem omnibus æquè paten-
tem, Te asylum æquitatis & justitiæ fore.
Pietas porrò jubet, alia quoque animo re-

colere bonæ spei auguria, atq; inprimis
auspicatissima & vere ominosa vota, qui-
bus optimus olim Pontifex, Delicium ve-
rè Orbis Christiani, URBANUS VIII.
celissimorum Parentum Tuorum nuptias,
Romæ, in Collegio Cardinalium, rari ex-
empli solennitate consecravit, quasi sin-
gulari ac Divina quadam vi mentis præ-
cipere visus, te, pretiosissimum Nuptia-
rum istarū & benedictionis suæ fructum,
te fulcrum Ecclesiæ, te decus Poloniæ, te
omnium bonorum gaudium. Cum be-
atissimo quoq; CLEMENTE IX. qui ho-
dieque Christianæ Reipubl. felicissimis
auspiciis præest; non tantum communi
aliis Regibus nexu obsequii, sed & pecu-
liari quadam fati ac temporum harmonia
te connecti, susceptæ ab utroq; Vestrum
dignitatis synchronismus videtur argue-
re. Eo enim tempore Illustriss. Regni
Primas NICOLAUS PRASMOVIUS te
Regem nominavit, quo ante biennium,
Cardinalitii Collegii suffragia illustre *Si-
des Olorinum*, magnum sapientia, ma-
gnam sanctitate *Julium Rospigliosum*
nuncupavere Regem sacrorum. Ille gra-
tissimo admirabilium Virtutum suarum

rore implet, & reficit orbem Christianum.
Tu, etsi ætate & specie regiminis dispar,
similiter tamen pulcherrimos dotium Re-
ge dignarum flores, in ipsâ hac orientis
Imperii Tui aurorâ, pandis. Et quan-
tùm porrò quoq; Te ac fortunâ Tuâ no-
bis promittat cælum, visa in aëre ipso o-
stenta monuisse putamus. Quo enim die
Rex promulgatus es, *Aquila Alba*, genti-
litio Regni nostri Aliti suppar, ingenti-
bus illis eligentium turmis ex alto immi-
nere conspecta est, index haud dubiè vi-
goris & fortitudinis Tuæ. Antehâc quo-
que Columba, ipsi consiliorum publico-
rum loco supervolitavit, nuncia, uti cre-
dimus, illius pacis ac concordix, quâ, post
sopitas contentiones, Rex creatus es, quâ
& deinceps universas regni Tui Provinci-
as, Te auspice, fruituras confidimus. Fas
est insuper sperare, Examine illo *apum*,
quod rarissimo exemplo, inter suffraga-
tores, sine aculei noxâ, confedit, mutuam
Civium fidem, & indivulsum populi cum
Principe nexum, atq; insuper melle omni-
genæ felicitatis fluens seculum nobis esse
promissum. Omnia utiq; quæ hactenùs
vidimus aut cognovimus, in spes amplis-
simas

simas optimorū successuum nos erigunt: Tuumque porrò animum ad asserendam tot auguriorum fidem inflammant. Nôsti, REX SERENISSIME, grande Tibi jam referatum¹ esse theatrum, in quo illustria Pietatis, Prudentiæ, Justitiæ, Magnanimitatis, Fortitudinis, Beneficentiæ, dare specimina possis. Nec ignoras, pretiosissimum esse depositum, quod à supremo rerum Gubernatore fidei Tuæ committitur: dari nimirum in custodiam præcipuūm; in hoc Septentrione, propugnaculum & antemurale Christianorum. Dari Rempubl. latissimè patentem: ex variis populis, lingvarum, morumq; diversitate multum inter se dissonis, sed pari libertatis studio flagrantibus cõalitam: Rempubl. armis hætenus invictam, tot hostium triumphatricem, bona libertatis delicatè & anxie amantem, ipsisq; etiam vulneribus, inter ejus vindicias susceptis, animosè gloriantem. Rempublicam denique Deo, uti infinitis documentis dicimus, inprimis dilectam, ejusq; singulari gratiâ, ex maximis sæpè periculis ereptam. Quàm pauci effluxere anni; cum illa adversum se conjuratum innumerum agrestis

agrestis & armis accinctæ multitudinis numerum, & cum eo conjunctam Tauricam, dein Moschicam, mox transmari-
nam, & cum hac Dacicam Germanicam-
que potentiam sensit? cùm squalidos pas-
sim cruore campos, villas & oppida in
cineribus suis fumantia, Urbes præcipuas
Hostibus infestas, exercitus astu & pretio
corruptos, Cives quasi fulmine attonitos,
& in diversa torrente calamitatum raptos
ipsam etiam Majestatem Arctoæ tempe-
statis violentiæ cedentem vidit. Multi
ex vicinis actum & conclamatum esse
de Republicâ arbitrabantur, quidâ etiam
cæteris avidiores, rapiendis velut ex cada-
vere spoliis inhiabant. Deus autem, qui
flagellari quidem, non tamê interire vo-
lebat Poloniâ, suscitavit in illâ Camillos,
Fabios, Scipiones, qui Matrem in extre-
mis anhelantem refocillarent, hostesq; e-
jus omnes invictâ fortitudine attererent,
feliciter deniq; reliquias eorum finibus
nostris propulsarent. At eandem Patriam
tot flagellationibus fessam, tot vibicibus
lividam, factiones mox domesticæ, sed
ambitu peregrino excitatæ, fatigare cæ-
perunt. Parumq; rursûs abfuit, quin suis
illa

illa in perniciem armis ageretur, quæ vim
externam tam fortiter & prospere depu-
lerat. Ac vidit sanè Mater optima filios
suos infestis inter se gladiis concurrentes,
vidit prælia

nullos habitura triumphos.

Iterùm tum in dubiam fortunæ aleam de-
venerat Respublica, iterùm in se animos
populorum averterat. Sed intervenit
DEUS, & incubantes cognatis cervicibus
enses contudit, sedatisq; motibus intesti-
nis, sudum Pacis subito intulit. Illa igitur
Respubl. DEI beneficio, tot calamita-
tibus, periculis, & sibi ipsi quodammodò
superstes, illa tot monstrorum victrix, il-
la iurium suorum vindex, se, fortunam,
& libertatem suam, tot sudoribus, tot di-
scriminibus, tot vulneribus emptam,
TIBI, REX SERENISSIME, conservan-
dam, defendendam, ornandamq; desert.
Sub TUIS auspiciis, favente suis muneri-
bus Numine, attritum longissimis mor-
bis robur, florem coloremq; pristinum a-
bunde se recuperare posse confidit. Et
TU, quâ indolis magnitudine & indu-
striâ es, conceptas amplissimas de TE
spes non æquare tantum, sed & vincere
incipis

incipis. Moderationem animi, inmotum recti iustiq; amorem, caritatem Patriæ, indefessum in omnigenæ laudis curriculo vigorem, exemplo Tuø commendas omnibus. Et ecquem eorum, qui Vitæ Tuæ rationes inspiciunt, non pudeat, discolorum apparere Principi, qui hoc ætatis, inter tanta obsequia fortunæ, fræno rationis affectûs suos tam bellè gubernat? Ad optima & altissima quæque Senatui & Civibus Tuis alacer præire paras. Hi vicissim TE, eâdem illâ, quâ Te præfecerunt sibi, animorum promptitudine sequuntur. Latè imperiis Tuis subsunt, quia TE boni publici amantem, fidemq; libertatis custodem, non magis supra se, quàm pro se esse agnoscunt. Gloriæ Tuæ libenter & fortunas & capita sua consecrant. Ibunt porrò, quò volueris, quia Te non iturum credunt, nisi quò Patriæ salus & honor vocabit. Id omnibus dictis factisq; Tuis spiras, id etiam nummis missilibus polliceris, in quibus aureum illud epigramma exosculamur, *Salus populi suprema lex esto.* Nec à publici boni scopo aberrabis, quia nonnisi optimis Consiliariis aurem præbes. Habes ad man-

nus Ministros, ingenio summos, judicio admirabiles, experiētiā probatissimos, Reipublicæ intelligentissimos, Tibi fideles, Civibus gratos. Habes in limitibus Regni fortissimos Bellonæ filios, habes exercitus annorum multorum stipendiis cognitos, & in iis non paucos, qui inclyti *Patriæ Tui* memores, nomen illius in TE venerantur, & nihil non sibi promittunt de Te, sanguine Visnioveciorum, quos *Patres militum* semper fuisse nōrunt. Si pro Aris pugnandum fuerit, non inviti CRUCEM in vexillis Tuis lucentem sequentur. Si pro focis Patriæ, eos, tali auspice, gladiis suis incolumes præstare, amissos recuperare; hostes verò antiquam Sarmaticæ virtutis reverentiam, tum ad modestiam æquæ pacis tolerantem redigere certabunt. Sed TU militiam haud dubiè ita componere, ita ordinare conaberis, ut merentibus stipendia, hybernaq; citra detrimentum bonorum Ecclesiæ & Reipublicæ, citra labem nobilium, procedant: ne exhaustis oppidorum villarumq; colonis, fontes tributorum arescant; locaque ipsa, habitatoribus vacua, invalidum disciplinæ legumq; auxilium exprobrent

brent Poloniæ. Sic ab exercitibus, & ab ipsâ Republicâ avertetur ira Vindicis supremi, qui injuriis Pauperum maximè læditur, & missis sæpè propter illas calamitatibus, divites æquat pauperibus. Floreat cum Religionis & liberalium studiorum honore, cura pudoris, cura justitiæ, cura Ordinis, custodia legum, tutela oppressorum. Sint benè meritis præmia, sint pœnæ fontibus. Propitiatus eâ ratione D E U S, persanabit vulnera, quibus hætenùs Respublica ingemuit. Coalescent arctiøre nexu animi tot annorum lustris in diversa rapti. Certabit cum reverentia Majestatis amor populi. Carebunt rebellionibus Provinciæ, scopulis suis Comitibus, privatis stimulationibus Consilia, pax securitatis & luxuriæ vitiis, bella sinistris eventibus, commercia remoris, artes abusibus, morēs licentiâ. Sic porrò Regnum Virtutis attollet fasces, sic prosperitas respiciet Poloniam, sic AQVILA Sarmatica sub T E, generosissimo Pullo suo, sub fortunatis *gentilitiæ Stelle* Tux auspiciis, squalorem senectutis plenè exuet, sic denique Respublica, assumpto robore veteri, orna-
mento

mento erit Majestati Tuæ, Ecclesiæ præsidio, amicis Poloniæ solatio, hostibus terrori, Cælitibus delicio. Hæc animo devotissimo Tibi & Reipubl. ominatus, jam porrò DEUM ter Optimum Maximum supplex veneror, ut omina nostra optato beet eventu, ut TE, REX SERENISSIME, robustæ valetudinis constantiâ, auspicato semper, quâ Togæ, quâ Sagi consiliorum actionumq; tenore, amore Civium illibato, industriâ Senatûs prudentiâ, Conjuge vitis Tuis Regniq; accommodâ, ut porrò Ministris rerum magnarum, uti nunc habes, capacibus, amantibusq; boni publici, milite foris semper, nunquam domi formidando, fluctuosâ vicinorum Principum Populorumq; benevolentia, irritâ amulantium invidia, hostium obstinatorum clade & ruinâ, famâ Poloniæ & autoritate altissimè erectâ, omni deniq; rerum secundarum & gloriæ cumulo, in ultimæ senectutis annos, sospitem Majestatem Tuam florere, & post fera fata, succedente deinceps Augustæ Sobolis & Posterorum Virtute, feliciter, ordine nunquam interrupto, sine nullo, revirescere jubeat.

Ad Serenissimam Poloniae
Rempublicam.

Quem Tua secreto, iot jam vertentibus
annis,

Parturiit Fortuna sinu, tot adire labores,
Perq; tot ancipites duci Te passa meandros,
Reddere dū primæ lucis Tibi certat honores:
Ille JAGIELLONIOS, GENEROSA PO-
LONIA, Fasces,

Et solum Regale tenet. Tu Sceptra gerenti
Oscula jam figis: PROLEM TU MATER
adoras,

Depositem venerans Cœli, & letissima,
tantum

Bis peperisse Decus. Cunabula prima dedisti
Ut tandē Diadema dares. Prævit Olympus,
Qui Sobolem nasci voluit, quam deniq;
PATREM

Efficeret PATRIÆ. Parère at oportuit ante,
Quàm regere: augustum Virtus præcedere
clavum

Debuit, & meruisse prius, quàm sumere
sceptrum.

Mox detrectando Regale MODESTIA
culmen,

Exacuit populum magis, accendiq; SE-
NATUM,

*Dignior & visa est Regnis, dū Regna recusat.
Tu, simul ut Superūm sensisti, PATRIA,*
nutum,

*Nil cūctata sequi, toto jam pectore plaudis,
Non leges Regni, non libertatis habenas
Permissas alii, quā LIBERTATIS A-*
LUMNO:

*Civibus esse Caput Civem, cunctosq; regentē
Acunctis lectum gaudes, magnumq; MO-*
NARCHAM

*Se totum debere Tibi: neq; JUDICIS urna
Arbitrium cuiquam se submisisse favori,
Sed PATRIÆ servisse bono. Quod nemo*
tueri,

*Nec nosse intimiūs potuit, quā natq; eodē
Sub Cælo PRINCEPS, ortus qui Regibus,*
a quas

*Majores animis, laudūq; cupidine; famam
Virtutesq; ferens. Ostro & Diademate di-*
gnas,

*Tu spes ipsa Tuas praegressa faventib; Astris
Et voti Te passa ream, jam Numen adoras,
Ut, quod inexhaustā Dextra Virtute patra-*
vit,

*Porrò gubernet opus. Cælo REX judice lectq;
Vindice florescat Cælo. MICHAELE pha-*
langum

Præsi-

Præsides Cælestium MICHAEL ductore frua-
tur

Et custode simul. Decoret felicibus ausis
Perpetuò Patriã, cumulatæ Martæ trophæis
Augeat, æternisq; inscribat nomina fastis.
Tu verò REGUM GENETRIX RESPU-
BLICA, felix

Progenie viresce Tuâ. Tibi REGIUS iste
Surculus in solidum constanti robore fulcrû
Crescat. Tu laudum generoso uberrima
fructu,

Et Libani superans Cedros, ac nescia vinci
Culmina Palmarum, diffundas nominis
umbram,

Captandam populis: sparsasq; per æthera
frondes

Sidereis figas ARBOR CELSISSIMA
campis,

Et genuisse DEOS, genitis innixa, triumpes.

Pro coronide sint tria Anagrammata ex
nomine Serenissimi Regis, quem inde ex-
litus designatum, Toga & Sago, domi fo-
risque inclytum fore, Respublica
ominatur.

I.

MICHAEL.

LECHIAM.

LECHIA certabat secum, jam proxima
bello,

Inter & adversos præda futura procos.

Mox interveniens calum, quò tenditis, in-
quit,

Rivales? quò Vos irritus ardor agit?

En VIDUÆ SPONSUM jamdudum no-
mine signo,

In SPONSI legitur nomine SPONSA
sui.

Ducere te MICHAEL Princeps, ô LE-
CHIA, debet:

Non alii melius nubere, Sponsa, potes.

Æthereū tacito Vos jungit fœdere Nomen,

Æthereus Vester nexus Amoris erit.

II.

MICHAEL REX,
HIC MERA LEX.

Bellonæ strepitu perculsa Astrea latebat,
Pace redux, reddit me, Duce Rege,
mibi:

Regia mens æqui templum est, & legis
asylum,

Jus nusquã regimen malit habere suum.
Vis alibi regnet: mera lex hîc Sceptra
gubernat:

REX populum, REGEM lex regit æqua
meum.

III.

MICHAEL REX POLONIÆ.
HIC EN LEO PAX MARI MEO.

Barbara cur cristas, cur erigis Arma Ty-
rannis?

Quas rabido spiras ore superba minas?
Auspice surrexi Respublica Martia celo:
Æthereâ semper vindicor usq; manu.

Nunc Regem dedit illa mibi, quem fama
Leonem,

Mentis ob Heroæ robora, jure vocat.

Ille dabit Patriis, palmas præiturus Avitas,
 Vindicias Aris, præsidiumq; focis.
 Conteret hostiles, astris: ducentibus, Enses,
 Et sic grata Lari pax erit ille meo.
 Bella gerant alii sine fine modoq; Monarchæ
 Hoste triumphato condet hic arma Leo.
 Qui leges victis potuit dare, magnus ha-
 betur,
 Qui dabit & victis, & sibi, major erit.



ÆGIS PALLADIA

IN

SERENISSIMI AC POTENTISSIMI
PRINCIPIS ET DOMINI,
DOMINI

JOANNIS III

REGIS POLONIÆ,

Magni Ducis Lithvaniæ, Rusiæ,
Prusiæ, Masoviæ, Samogitiæ, Kioviæ,
Wolinæ, Podoliæ, Podlasiæ, Livoniæ,
Smolensciæ, Severiæ, Czer-
nichoviæ, &c.

CLYPEO GENTILITIO,

SARMATIÆ, ORBISQUE CHRISTIA-
NI PROTECTORE,

ANNO M. DC. LXXVI. II. FEBRUAR.

Sub Ipsam

INAUGURATIONIS REGIÆ
SOLENNITATEM

Adumbrata.

SERENISSIMUM REGEM.

Heroum cœleste genus, quo Vindice
surgit

Patria PELIDEN lata tulisse sibi:

Cui Divina manus meritam Virtute Co-
ronam,

Sarmatiæq₃ suæ libera sceptrâ dedit,

Adspice. PALLADIÆ, quæ cernitur, ÆGI-
DOS UMBRA,

A radiis lumen certat habere Tuis.

Illustrat natale decus tibi MARTIUS
UMBO,

Qui LECHIAM texit fortiter UMBO
suam.

Obvia TUTOREM passim nunc excipit ulnis
MATER, & applausu Terra Polusq₃
favent.

Debitor ipse novû columæ Parnassus adorat,
Devotæq₃ offert Cyrrhea dona manûs.

Suscipe, quæ dantur, REX INCLYTE,
fronte serenâ,

Ac dantẽ CLYPEI protegat Umbra Tui.

Invidiæ nam tela nequit sufferre Camæna,
Sit nisi Regali fulta favore DEA.

Ipsaq₃ vix ausit PALLAS sic Ægide niti,
Vivere sub CLYPEO quin amet illa Tuo.

Nequic-

N Equicquàm dubio secum certamine
 pugnat
 Conscia Musa sui; trepidans pecca-
 re tacendo;

Nec tamē ausa loqui. Luctu perculsa recenti
 Canities Helicon pati, Phœbumq; recusat:
 Ardua que ingenti rerum fastigia mole,
 Virtutumq; immensus apex cantare parantē
 Tardat, & imparibus prohibet tam grandia
 nervis.

Tangere, quæ melius veneretur rauca
 silendo.

Chorda, timens nimio ne pondere victa
 fatiscat.

Publica sed plausum jam poscunt gaudia.
 Supplex

Dona CORONANDO debet Veneratio REGI,
 Et Pietas jubet ipsa loqui. Sic surgit in ausus
 Jam dudum desveta novos, rugæq; senilis
 Immemor, Aonios, ipsâ sese altior, æstus
 Concipit, & Claras mordet mens ignea
 laurus.

Ille en, qui Scythicas radiis victoribus
 umbras

Dispulit, & Patriæ lucē, ceu Phosphorus alter
 Reddidit, emeritas rarâ Virtute Curules
 Scandit, & augusta librat jam fronte Co-

Eccū tam rigido torpescat frigore pectus?
 Quæ linguam glacialis hyems, & plectra li-
 gârit?

Quin fulgente novas capiant hoc *fidere*
 flammæ,

Inq; triumphales se laxent omnia cantûs;
 Quin simul ipsa stupens annis, & saucia curis
 Vena reviviscat, positamq; laceſſat avenam.

Unde sed ingrediens laudum sublime
 theatrum

Pierius trahet orſa labor? me copia rerum
 Circumdans inopem reddit: lux plurima
 mentem

Offuſcat ſplendore ſuo, radiosq; moratur
 Ingenii, & dubiâ ſiſtit molimina curâ.

Si *Generis* luſtrare decus, Cerasq; vetuſtas
 Muſa velit, grandes Lechiæ tranſcribere
 faſtos,

Eſſet opus, tantū nec erit niſi tarda laboris
 Meta; ſed & longo cum plurima dixerit orſu
 Plura tamē dicēda forent. At proxima nobis
 Sit tetigiffe ſatis. Memori non excidit ævo
 Bellonâ præluſtris Avus, qui viribus idem
 Ingenii, eloquiiq; potens, carusq; Monar-
 Et patriæ gratus, liberatiq; decorus, (chris,
 Sceptra Palatini tenuit, lux inclyta gentis
 Sarmaticæ. PATREM ſimili mox tramite
 laudum Fili-

Filius excipiens, procul hunc superavit ho-
norum

Culmine, cum Solio Regali *proxima* cessit
Purpura promerito, *Castellanumq;* creatum
Urbs Regni Princeps coluit, coluere Dynastæ,
Et palmare suum dixit Respublica fulcrum.
Non haic consilio similis, non par fuit alter
Ore Pericléo. Quicquid tum *Pallade* dignum
Gessit utraq; Lechi tellus, hoc *Nestore* gessit.

Ille LADISLAO, Moscum diadema petenti
Jure, quod à populo *Princeps* electus habebat
Magnus Consilii custos, rectorq; juventæ
Additus, huic tandē, cari post fata Parentis,
Conciliator erat Regni, cum Patria tota
JACOBO moderanda dedit suffragia *Campi*,
Qui dare sceptrum solet, magnos & dicere
Reges.

Huic neq; Threjicii sunt formidata Mo-
narchæ

Arma, sed indomitus, tanto frænante capi-
stro,

Osmanes vinci didicit, pacisq; receptis
Legibus, immiti, nec sicco funere bustum
Quod Lechiæ molitus erat, furibund^o inivit.

Sic manus Emathio jam tum SOBIESCIA
Sceptro

Visa fuit fatalis, & ingens fabrica condi

Cæpit, quam tandem major Patre Filius,
astris

Perficis auspiciis, Patrio jam cælitûs Orbi
Defensor, CLYPEUSq; datus. Nam *stemma*
tali

Signarunt illustre *genus* præsaga futuri
Fata, & nobilibus stimularunt pectora
flammis.

MATERNÆ jam mitto decus monumen-
taq; stirpis,

Digna pari monumēta tubâ, si Musa patenti
Credere se vellet campo, spatioq; vagari
Liberiore manus. Sed jam mihi sufficit
Heros

Excelsæ Virtutis *Ajus*, fortissimus ille
Hector Lechigenûm, tremuit quem Moscua
quondam

Patriaq; Oraculum Regis, post fata Samo scî,
Vidit, & æternis commendant clara papyris.
Aula, necisq; genus, cum duri Martis arena
Haussit pro patriis, invicto pectore, terris
Impare pugnantem fortunâ altoq; cadentē
Vulnere. Sed Virtus tumulo sublimior extat,
Et nescit post fata mori ZOLKEVUS, ingens
Sarmaticæ vindex, ac tandē victima gentis.

Sanguine Tu tali genitus, *Fortissime Re-*
gum,

Indole Divinâ, primævo à flore juventæ

PALLADIA.

Heroum Virtutis iter, cœloq; probatos
 Ingredieris calles. Puerum Tritonia Pallas
 Ungue suo format, secretos pectoris ignes
 Delius ipse fovet Pater, & cœlestibus auris
 Suscitatur, arcanis doctrinæ fontibus implens
 Sublimem genium, semperq; ad *Principe*
dignas (gur,
 Extimulans curas, vidit quia præscius Au-
 Quæ maneat fortuna Virum, quid spondeat
 æther,
 Et quàm grande decus posthac sub Principe
 tanto.

Præsidiumq; suis promittant Numina *Musis*.
 Non tamen Aoniis nimium latuisse sub
 Umbris

Permisit Fortuna Tibi. Sistenda theatro
 Lucis erat, puber quò maturesceret ætas
 Sole sub aprico, magnis & idonea rebus
 Surgeret in Lechiæ decus immortale
Corona.

Inde peregrinas placuit Tibi visere gentes,
 Quicquid & Helperiis usquam Sapientia
 terris

Condidit eximium, docili perdiscere menti
 Summa cupido fuit. Sensit Te Roma capace
 Rerum magnarû, sensit cum Teutone Cœna,
 Et Scaldin quicumque bibunt, Rhenumq;
 bicornem, Tuum

Tum Getici latices Istri, scatebrasq; Tibisci.
 Te quacumq; pedem ferres, excepit ubiq;
 Et fovit peregrinus amor. Generosa pla-
 cebat

Omnibus AUGUSTI *Vultus*, & PRINCIPLE digna
 Majestas oris, traxit quoque gratia morum,
 Illaq; tranquillâ spectata modestia fronte,
 Temperiesq; animi, nec quicquam futile
 spirans

Sermo, sed occultis innectens corda catenis.

Patria cum reducê vidit, Bellona lacertis
 Protenus est amplexa suis, aptumq; Gradivo
 Ateneris experta, novum Te capit *Achillem*
 Fingere, perpetuisq; dehinc exercuit armis;
 Non horrere docens hyemes, non cruda
 Bootæ

Flamina, non nimio Phæbi langvere sub
 æstu, (tatu

Nullâ operis trepidare genus, superare na-
 Flumina, pervigiles armatum ducere noctes,
 Esuriemq; sitimq; pati, tolerare pericla
 Intrepidum, valido obstantes perumpere
 ferro,

Non numerare, globos, dextrâ sibi quærere
 laudem,

Vulneribusq; decus, Cœlo patriæq; sacratû
 Ferre caput, quotiesq; opus est, non parcere
 vitæ. His

His tirociniis, tali durare palæstrā
 Vernantes humeros, animamq; ad grandias
 natum

Solennis Tibi ludus erat, Sic Thesalus Heros
 Æquoræ Thetidos dilectū pignus, Achille.
 Ad Martis trabeas primis eductus ab annis
 Sic tener Alcides, agitans præludia laudum,
 Membra fatigabat, tandem domitura Gi-
 gantas.

Sic Geta Threiciis sudantem vidit in arvis,
 Et juga lassarunt puerum Rhodopeia Martē.

Grandia spiranti durum quoq; sidera
 campus

Objecere Tibi. Nec enim truculentior unquā
 Incubuit Patriæ, cœlo irascente, malorum
 Ilías: extremæ miseram damnasce ruinæ
 Fata videbantur, belli tonuere fragores
 Undiq;, penè omnis subito vicinia fudit
 Hostes, & streperi fremuit terrâq; marique
 Vis gladii, vix ipsa salus servare labantem
 Posse putabatur. Rigido *servilis* ab Euro
Prima procella fuit, plebes cum rustica
 frænos

Excuteret, Scythicisq; ferox exurgeret
 armis,

Cervices scrutās Dominas, & Lechidos artus.
 Dirâ fauce vorans, Illi Tu, Martia Proles,

Objectare Tuum, prima inter fulmina,
pectus

Aufus es, Alcidē animis juvenilibus æquans,
Gorgoneosq; acer lacerabas ungvibus Hy-
dros. (stri

Nec semel immanis mersisti in viscere mon-
Arma, quia haud uno dirissima vulnere.

Lerna.

Procubuit, sed sæpè caput rediviva sub auras.
Extulit, atque animos, viresq; à vulnere
sumsit.

Ah! quanto maduit belli hæc feralis arena
Sangvine nobilium! quot Clari nominis
istic

Oppetière Duces! inter primariā gentis
Sidera, quæ præsens ætas, & postera semper
Fama canet, proh fata! Tuus, florentibus
annis,

Unicus occubuit *Frater*, spes altera magnæ,
Gemmaq; Pulchra Domûs, Patriæ virtute
futurus.

Æmilius, fulmen Martis, si sera vocasset
Heroum Lachesis Juvenem. Nunc laude
superstes

Perpetuā vivit, templisq; insertus Olympi,
Semi-Deosque inter, Proavûm, magnique

Parentis

Com-

Complexu gaudens, *Te* Regia sceptrâ ge-
rentem

Cœlo spectat. ovans animis, jugiq; trium-
phum

Latibundus agit plausu, *Fratriq;* faventes
Perpetuò Superos, & candida fata precatur.

Non desævierat furiis excita Cosacæ
Tempestas turbæ, aliam. mox traxit ab Arcto.
Cum mare. Parrhasium. vomuit. numerosa.
phalangum:

Agmina, belligerosq; Gothos. effudit in
agros.

Sarmatiæ, quæ tota sibi tum. dissona, tardas:
Opposuit vires hosti. Sic objice nullo
In medios ruit ille sinus & viscera Regni,
Ac propè cuncta suis reperit, vel fecit aperta
Confiliis. Socias jungebat Dacia turmas
Hunnigenæq; suis. subitò de montibus
ingens

Militiæ robur Lechicas immisit in oras
Ambitione tumens cæsâ *Racocius*; ibat
Hûic. comitum. malefida. cohors, . quam
Russia misit.

Tristibus instupuit tot. fluctibus obruta
Lechis,
Nec satis ipsâ sui compos dedit hostibus
ægrum

Primâ fronte latus, multasq; hæc *naufraga*
puppis

Hausit aquas. Donec pulso *generosa* sopore
Natio commovit vires, quatiensq; lacertos,
 Excussit terale jugum, fecitq; sepulchrum,
 Gentibus externis Patriam, raptasq; curules
 Reddidit ense sibi victrix, terrasq; recepit.

Hic tua Sarmaticos inter spectatâ Ca-
 millos

Emicuit bellâ Virtus, Regiq; fugato
 Martia festinavit opem, Lechicoq; cubili,
 Usque virens annis, pulchris tamen ausibus
 apta,

Depulit Arctoas gladio felice catervas.

Vix verò fulgere minax occæperat ensis
 Gotthe, Tuus, Lechiæ nullo cum jure cieret
 Arma Lycaoniis alius progressus ab oris
 Hostis, regna tenens latè porrecta sub Ursa
 Cardinibus, verè Dominator lege solutus.
 Hûic quoque se junxit nobis infestus, & in
 nos

Præbuit immanis dexteras & tela Cosacus.
 At læsam fortuna fidem Virtusq; Polona
 Ulta fuit, fœdâq; hostes ejecit arenâ,
 Milite non multô, cujus sed siveverat ardor
 Ingentes superare acies, & fræna superbis
 Ponere; pugnantiq; Deum præsentia favit.
 Floruis

Floruit hic rursus, *Tua Dux prosperrime,*
laurus, (ctos
 Hic palmis viruere manus. Non nesciit Ar-
 Sudores *extrema* Tuos. Te Desna videbat
 Indomitū bello, Te victa Borysthenis unda
 Admirata fuit, fusoq; immixta cœuori
 Sæpius erubuit, spectans perjura suorum
 Pectora, pollutasq; manus, arasq; Tonantis.

Jam *Tua* quis contra Precopenses dicere
 gentes

Prælia sufficiat? quæ percensere Camœnæ
 Cuncta queant? Nullus nobis elabitur
 annus,

Vix & hyems, Scythicas quâ non arcere co-
 hortēs

Res jubeat. Cum perpetuis Gens dira rapinis
 Vivat, non Cererem glebâ, non artibus ullis
 Quærere sœta, suæq; simul Mæotidos undis,
 Euxinoq; mari, tum paupertate perenni
 Tuta, celerquē fugâ; sic irrequieta propin-
 quos

Sollicitat populos, Lechicosque incurrere
 fines,

Venariq; hominum passim genus omne,
 gregesq; (rato

Assolet. Hanc contra semper mucrone pa-
 Pervigil excubias egisti, ensesq; latronum
 Fregisti

Fregisti bellace manu, raptorque rapina
 Sæpe fuit, crebròque Tuâ Virtute soluta est
 Infinita cohors, captorum, hæc jure salutis
 Te reparatorem, Te libertatis asylum
 Prædicat, & verè Sicutum columenq;
 Tuorum. (sus.

At Scythia ceu pestē metuit, sine cæde rever-
 Nunquam, cum fluvius, casusvè latere vo-
 lentem

Commisit Tecum, pugnamq; cedere cœgit.
 Ampla cano, sed multa silens reverentia
 transit,

Ut plectris majorameis. Et plura patrasset
 Vis Animi Dextræq; *Tuæ*, nisi livor iniquus
 Atraque suspicio remoras posuisset eunti
 Tramite laudato. Quoties ah tristis Enyo
 In Te surrexit? Quoties per inania Famam
 Invasit violenta Tuam? quam lurida nubes
 Invidiæ textit, quæ Tu memoranda gerebas
 Pro Patriâ? quam sæpe fides præclara mo-
 nenti

Defuit? ô quoties clamabas, *panditur in nos
 Thracia Porta, parat jam dudum tela virosq;
 In Lechiæ jugulum. Vos ô consurgite Cives,
 Et Bizantini dros cohibere Tyranni
 Querite conatus. Sed non permisit Erinnyes
 Esse fidem dâctis; vani signenta cerebri*
 Nec

Nec pravo caruisse dolo sunt credita, quæ *Tro-*
 Pectore sincero, Patriæq; impulsus amore
 Svadebas. Adeò cœco in sua fata ruebant
 Impete discordes, vertigoq; tanta trahebat
 Præcipites animos: qui dum sic volvere
 pergunt

Rixarum fluctus, *rabies Othomannica* vastis
 Ingruit Agminibus, mox & *Camenecia* rupes
 Cingitur, Eo mora detestata Monarchæ,
 Tunc armis instructa minus: Spes deficit.
 omnis

Auxilii; Cives alio quia verterat ardor
 Irarum. Paucis sic *Troja Polona* diebus
 Indomitam Odrysio cervicē subdidit hosti.
 Ingemuit tantæ trepidans vicinia cladi,
 Et pietas diro læsam se vulnere sensit,
 Hic cum Christiadum murus sub Mechica
 lapsus.

Jura fuit. Tardè sapiens post vulnera Lechis
 Indoluit, nudum se prostituisse Tyranno
 Heu confessa latus, quin expectabat in ipsis
 Visceribus ferrum, quod lassâ arcere ne-
 quibat.

Sed Superi, quæis cara magis Respublica
 visa est.

Quam fuit ipsa sibi, frænum posuere Mo-
 narchæ,

Belli

Belli interstitium dantes sub imagine Pacis,
 Pacis at heu! miseræ! veterum quam con-
 scia laudum

Erubuit, lethoq; parem Gens Martia duxit.
 Nec mora. Tu præiens alios, calcaria creber
 Subdebas animis, *ecquis, nisi degener, inquis,*
Indecores Leges, & blando nomine tectum
Servitii tolerare jugum pendendaq; Basfis
Æra queat? Sunt usq; manus, sunt arma
Polono,

Tam grave quæis possit Patriis avertere terris
Dedecus, ignotum Pro-Avis, Seclog; Parentiū,
Quorum si cupimus non inficienda propago
Censeri, maculas stet cura abolere pudendas,
Pupillamq; manu forti tueamur honoris,
Sanguine quem partum Virtus, & Cura re-
liquit

Indefessa Petrum. Satis est Acheronte pro-
fectam

Tisiphonē tantum potuisse, in mutua damna
Ut nos impulerit, nullosq; habitura trium-
phos,

Arma. Redux fraterna novo concordia nexu,
Et Patriæ communis amans nos vinciat
ardor;

Iustaq; in Emathias ruat indignatio gentes.
Libertas animis ingens, & gloria thyrsos

Sub-

*Subjiciat, stimulos imprimis cura Tonantis
 Addat; Agarenæ nostris in sinibus Aræ
 Intolerans; Moveat nos postera turba, nepotes
 Detestaturi pro libertate Parentes (tes.
 Non benè sollicitos, prisca nec laudis aman-
 Surgite, magnanimi Cives, abstergite labem,
 Armag; deformi, Duce me, præponite Paci.*

Scipiade tanti voces generosa subibant
 Pectora, continuò delectus miles, & arma
 Undiq; fulserunt. *Regem* non detinet ipsam
 Vis morbi, quin castra petat: cum membra
 labarent,

Fertur in arduentes bello, imperterritus, oras,
 Et tetigit votis, oculo quas fata negarunt
 Tangere; nam rapuit Lachesis pugnare vo-
 lentem:

Et morbo periit, tanto in discrimine rerum,
 Rex immaturus, natali ah redditus æthræ,
 Vix dum gustata Lechici dulcedine sceptri.

Durius heu nobis, tali sub cardine Regni,
 Consuluisse videbatur *Fortuna*, timorq;
 Magnus erat, ne læva iterum discordia Cives
 Raptaret, quos unanimes veneranda tenere
 Majestas potuit. Sed cum tam vulnere diro
 Iratum Lechiæ rebus se prodidit Æther,
 Clarior ejusdem juxtà clementia luxit,
 Quando triumphali cinxit *Tua* tempora
 lauru, Prin

Principis extincti, tam grandi munere,
famam

Anticipans. Regis sese conflagere miles
Credidit auspiciis, Felix at fidere pugna
Constitit illa *Tuo*. Soli mansere trophæa
Illibata *Tibi*. Patriæ tamen illa modestè
Vindicibus tribuis *Superis*, his omnia gratus
Filius assignas. Tanti sed fama triumphi
Unà cum fato Regis dispersa per orbem,
Vix reperire fidem potuit: transcendere
fortem

Credita sunt nostram tantæ *miracula*
palmae.

Castra adstructa Tyræ, durâq; crepidinæ
ripæ,

Præcipitiq; jugo, & firmis tutissima vallis,
Armorumq; omni, victusq; instructâ paratu
Et plus ter decies millenûm tecta Virorum
Robore, perpetuas jaculantum ex aggere
flammas,

Victori cessisse *Tibi*, vix unius *horæ*
Expugnata morâ, Emathio cum milite
magnos.

Procubuisse Duces, vix agmina pauca cru-
entam

Effugisse necem, scopulos rubuisse madentes
Cædibus, & spisso manasse cadavere flumen.

Ac

Ac plenos spoliis clivos vallesq; Inperbis
 Sarmaticas ditâsse manus, arcemq; *Chotimi*
 Atq; alias Urbes, Pruti quas alluit unda,
 Hostibus ejectis, sceptro cessisse Polono,
 Omniaque hæc modici pretio constare
 cruoris,

Grandia erant nobis portenta, & credita
 cunctis

Mortali majora manu: *Tuq;* ipse faventi
 Hoc opus insolitum totum transcribis
 Olympo.

Non stetit hæc fini cælestis gratia, majus
 Destinât illa *Tuæ, Princeps*, meliusq; bra-
 béum

Virtuti. Lechico dignam *diademate* censet.
 Laurea nulla satis tantos pensare triumphos
 Posse videbatur, *Regum* meruisse curules
 Creditus es Superis. Alii dare sceptra re-
 cufant,

Quàm qui sceptra recens servasset, & usq;
 tueri

Sufficiat prudēte manu. Sed clausa patebant
 Hæc decreta diu: scriptas adamante tabellas
Elector domum referavit *Campus*, & horæ
 Momentū Fatis placitum. Suffragia primū
 Tendebant aliò. Peregrini sanguinis, Ostro
 Imminuēre Proci. Quin id non nemo pro-
 pinquâ Visus

Vifus erat prenfare manu. Sed deniq; Cœlo
 Emicuit fumma, cui parent omnia, dextræ
 Calculus, applaudit populus, pars plurima
 faſces

Cælitus *Electo* mox ſubjicit, Ipſe recuſas,
 Dum quenquam dubitare vides, ſpernisq;
 vocari—

Electus, niſi concordî *Te* nuncupet urna
 Campus, & unanimi cocunt ſuffragia ſenſu.
 Conſenſere omnes tandem, REGEMQUE

JOANNEM

Publica Vota ſonant. Latatur LECHIA

MATER

De gremio veniſſe ſuo, qui tanta gubernet
 Regna, parem magno Virtute animoque
 præeſſe

Orbi, *Davidem* genio, vi Martiſ *Achillem*,
Theuſoſiſ pietate parem, curaq; *Zaleucum*
 Juſtitia, mitemq; tamen, nulliq; timendum,
 Quam quibus eſt odio Virtus, quive arma
 minantur

Inſonti Patriæ, tacitis vel fraudibus obſunt.

Electo ied. deerat adhuc, ut porro ſacratū
 Vinciret *Diadema caput*. Mox ergò rogarunt
 Cives, Regalem properes ut adire *Tiaram*.
 Pugnavit rationum acies nōn vilis, & ad *Te*
 Svada perorabat pro *Te* ſacunda *Senatûs*.

For-

Fortior at cunctis iussit dare causa repulsam
 Quam dederas prior *Ipse TIBI*. Fas omnia
 vinci

A Victore Sui. Ductrix Tua cuncta trium-
 phat

Argumenta *Salus Patriæ*, quæ casside condi
 Polcebat *Regale Caput*. Sic publicus in *TE*
 Privatum prævertit honos, prolataq; Sceptri
 Ornamenta *Tui*. Pergis *Diadema* mereri,
 Sumere quod differs: Tanto sic grandior
 extans,

Quanto es spontè minor: verèq; hoc di-
 gnior *Ostro*,

Quod removens, CLYPEO properas gladio
 que tueri.

Nec mora. Mox toto sonuerunt classica
 Regno,

Concurrîtq; madens effuso sanguine
 Thracum,

Eoîsq; nitens. spoliis, armisq; decora
 Bellatorû acies: sperans cumulare trophæis
 Nuper parta novis. Animos *Dux Martius*
 auges,

Fortunamq; in *Te* comitem sibi miles, &
 ipsos

Credit stare DEOS. Tali putat *Auspice* dextris
 Pervia cuncta suis. Pronus sic ire remotos

Ad

Impiger, extremoq; Tui sub limite Regni
 Excubias egit, patiens, quæcunq; jubebat
 Sub rigido fortuna polo. Sic viscera Matris
 Lechidos haud tetigit damnosa *licentia*

Martis,

Quæ truculenta *lues*, grassata prioribus an-
 nis,

Gangrænâ pejùs, labefecit totius artûs
 Corporis, & populi venas exhaustit egeni.
 His progressa viis Virtus Tua, *maxime Re-*
gum,

Sarmatiam recreat, quæq; hæc amiserat o-
 lim,

Ducis ad obsequium, rediit pars plurima
 plebis,

Quæq; bibunt Urbes Typanim, Rossûmque
 Tiramq;

Cervicem flexêre Tibi, priscaq; sæcures
 Agnoscunt, Regiq; suo se reddere gaudent.

Quas cum Tartaricis nitens Bizantia
 nervis

Porta sui rursus cuperet submittere sceptri
 Imperiis, ruerentq; immensi roboris alæ
 Bistonides, ferrû crudele igneq; minantes:
 His impar numero, bello sed vivida Virtus
 Nostrorum invicto se objecit pectore, Divos
 Militiæ Te dante Tuos, patriæq; salutem

Vindiciasq; dedit felix, vultusq; subinde
 Barbarico latè perfudit sanguine campos.
 Mox quoq; prodigio *Tibi* monstravêre fa-
 vorem

Sidera, quando *nives æstivo* mense tegebât,
 Quêis stetit hostis, agros. Fovit *Te* mitior
 aura,

Illum terret hyems. Cœlum *Tibi* sensit a-
 micum

Barbaries, hostile sibi; Sic cedere campo
 Maluit, & dare terga *Tuis* Scythæ territæ
 armis.

Numinibusq; simul, Sic & sub Vindice tanto
 Intactus sospesq; fuit *LEO RUSSICUS*, ille,
 Impia cui toties ensemq; rogumq; minata
 est

Bizantina manus, voto potitura cruento
 Forsitan, immanē nisi, *Rex invictæ*, stitisset
 Virtutis *Tutela Tuæ*. *Procumbere* malle
 Regius ardor erat caræ sub manibus Urbis,
 Quàm dare Bistonii fœdandâ militis ungui.
 Et stetit ille procul, tenuit Bassasque Cha-
 nosque

Limbo Tuus, pepulitq; truces Mavortius en-
 sis.

O si promissam jamdudum fœdere junct⁹
 Accelerasset opem Populus, quàm pulchra
 dabatur Mare-

Materies iterùm palmis! quàm larga tro-
phæis

Cæca sed invidiæ tabes, odiiq; maligna
Fædavit loligo fidem, timuitq; Polonam
Submissis fultam auxiliis attröllere gentem,
Cujus Achilléas jamdudum experta cõhor-
tes,

Fulmineasq; Aquilas non unâ clade suorum
Senserat. Hostiles sic illa immota furores
Spectavit, captæq; hominum gens aspera
turbæ

Penè nec ingemuit, tenuisse Borysthenis o-
ram

Contenta, & Scythicas non admisisse ca-
tervas.

Sed veniet tandem tempus, quo lubrica
rerum

Invertet fortuna vices, quo barbarus Ister
Lechia signa tremet, Syrius trepidabit O-
rontes

Et fugiens Tanais *Janineum* Heroa pavescet
Cujus *PALLADIAM* nullus jam comminùs
hostis

ÆGIDA ferre potest, vultum nec sustinet
ullus.

Constat, *Buczaviam* nuper cum cinxerat
 Arcem,
 Post & *Trembloviam*, rapido vestigia cursu
 Vertisse *Imbrimum* Bassam, Crimeosq; Dy-
 nastas
 Conspectum fugisse *Tuum*, multumq; pavo-
 rem
 In terras retulisse suas, ipsiq; Monarchæ
 Æmonio movisse metum, movisse furorem.
 Contremuere omnes, cum ripam utramq;
 Polonos
 Constitit insedisse Tyræ. *Muldavia* tota
 Expavit, nostros spectans insistere portis,
 Scrutariq; armis *Geticæ* penetralia terræ.
 Sed brumale *Tuis* dedit intervalla tro-
 phæis
 Sidus, & horrentesurgens *penuria* Campos,
 Nec non dira *lues*, atro labefacta veneno
 Corpora prosternens. Sic mittere *longius*
 arma
 Non Tibi permisit ratio, non suada *Tuorum*.
 Te quippe assiduo revocabat Patria voto,
 Ante alios Regni *PRIMAS OLSZOVIIUS*,
 ingens
 Ille sub auspiciis cari sibi *Principis Atlas*
 Consilii, *Lechiciq; CAPUT* sublime Senatûs
TRZEBICIUS pariter Præsul, quem culmi-
 na *Craci* Suspi-

Suspiciunt, quem Roma colit, quem Civis
honorat

De Patriâ summè meritum, semperq; me-
rentem.

Consonat his, *Magni* cui credita cura *Sigilli*,
LESCINIUS, nostri *Nestor* verissimus ævi.
Consonuere alii *PROCERES*, & quisquis a-
mantem

TE patriæ communis, amat. Post tanta la-
borum

Ausa, & perpetuis hyemes sub pellib⁹ actas,
Post tot in exhaustis curas ac tædia terris,
Servatasq; armis Urbes, hostesq; fugatos,
Cernere *Te* flagrant, tandem & *Diademate*
cinctum

Regali spectare, animis concordibus, optât.
Non *Patre* ulterius Cives, non *Sole* videtur
Posse carere suo: veriti, ne suscitaret ignes
Dissidii, *Te* absente, novos turbator *Avern⁹*.

Destituisse preces, & sistere vota Tuorû,
Sævities *Tibi* visa fuit: patriæq; Salutis
Cura Tuum stimulis animum tam fortibus
urrit,

Ult modica assiduo sudori, & Martis aenæ
Spiramenta dares. Redeuntis fama per
omnes

Sarmatiæ terras animos, afflavit ad insar

Auroræ, quæ Mygdonio progressa cubili,
Gentibus optatam Phæbi succedere lucem
Nunciat, & roseo cum lumine gaudia fundit.

Anxia sed populo quem spes promisit
anhelo,
Jam tandem SOL ipse venis. Jam *principis*
Urbis

Mania celsa subis. Gratus replet omnia
plausus,

Adnutat Pæana canens *Tibi* vertice Pindus.
Undiq; templa sonant. *LUCEM SANCTIS-*
SIMA MATER

Commodat ecce suam: Tua fulgurat inde
Corona

Splendidiùs, tanto rutilans augustiùs *Astro.*
Ipse *STANISLAUS*, Divum quem *Martynæ*
tellus

Lecha tenet, qui sacra *Tuo* jam pandit ho-
nori

Limina, *Te* Patriæ librantem sceptrâ trium-
phans


Spectat, & æthereo *REGEM* sic excipit ore:

*S*alve magnanimis, Princeps, Heroibus orte,
Lumen Avis, Gentiq; *Tuæ*: quem Patria
gaudet

*Se TANTUM peperisse sibi: cui subijcit
ultrò*

*Sceptra, Jagelloniis olim benè credita dextris.
Nunc Tibi se tradit. Tu, quod felicibus armis
Servasti, prudente manu moderabere Regnū
Sarmatiae, Civem Patriae Tu legibus equis
Flectes, Bistoniae fortis Tua Dextera Lunæ
Terribilis, vindex eadem Tutelaq; sacre
Religionis erit. Cape fortunante Coronam
Numine, non aliū sacrum sedet aptius Ostrū,
Virtutem sublime Tuam Diadema coronat,
Ipse coronabis meritum Diadema trophaeis.*





INDEX RERUM

Insigniorum.

- A**cademia Cracoviensis instituta 134
 Academici Cracovienses discedunt seditione motâ 210. 211.
 Adalbertus Gnesnensis Archiepiscop. in Prussia occiditur 28. ejus cadaver Gnesnæ sepultum miraculis nobile ibid.
 Albertus Marchio Cruciferorum magister bellum movet Sigismundo I. 195
 inducias facit 197. fit Vasallus Regni Poloniae 200. damnatur in Concilio Tridentino 207
 Albertus Rosenbergius Consul Gedan. 638
 Alexander Rex 179. ejus prodigalitas 184
 Alexander frater Regis Vladislai moritur 429
 Ambitio potens malum 169
 Amicitiae firmæ exemplum Vladislaus Herman. 49. Lescus Albus 80
 Amurathis bella in Ungariâ 151. Victoriâ ad Varnam 155
 Andinus, vide Henricus Andinus.
 Andreas Comes Gorcanus 248 ad Comitatum 300
 Anna Princeps Sigism. Regis soror moritur 410
 Annam Catharinam Constantiam Sororem Regis

INDEX

<i>Regis Vladislai ducit Princeps Neoburgensis</i>	450
<i>Antonius de Lumbres Legatus Gall. 639. 641</i>	
<i>Annulum Scarbicus in thesaurum Caesaris projicit</i>	54
<i>Appelmannus Polonicae Classis Praefectus Svecicas naves profligat</i>	413
<i>Aquila insigne Poloniae</i>	3
<i>Archiepiscopatus Gnesnae institutus Leopoliensis</i>	25 125
<i>Christoph. Arcissevius</i>	563
<i>Arnheimius copias Caesareas adducit</i>	416
<i>Auxiliator saepe magis quam hostes timendi</i>	82

B.

<i>Barenfis Ducatus Augusto ab Hispano praeripitur</i>	216. 221
<i>Job. Basilidis Moschi crudelitas in captivos, inprimis Virgines aliquot</i>	224
<i>Batorcus, vide Stephanus Bathoreus.</i>	
<i>Bele Ungariae Regnum a Boleslao Audace restituitur 39. perit casu</i>	41
<i>Belzenfis Dux domitus</i>	125
<i>Bellum Svecicum</i>	526 seqq.
<i>Beneficia cum vix unum devinciant, offendunt subinde plurimos</i>	335
<i>Bere-</i>	

RERUM,

<i>Bereſteciāna pugna</i>	509
<i>Joh. Bobartus</i>	634
<i>Bobricii virtus</i>	154
<i>Bogdanus à Valachis rejicitur</i>	226.
<i>ei opem ferunt Poloni</i>	227. 228
<i>Bohemicum bellum</i>	37
<i>Bohemia externis Regibus ſubjicitur</i>	102
<i>Bohemi Jagelloni ſe ſubjicientes repudiantur</i>	141
<i>Bohemi Caſimiro regnum deſerunt</i>	164. 165
<i>Boleslaus Chrobri primus Rex 27. in Robe-</i>	
<i>mos movet 29. in Ruſſos 29. in Saxones</i>	
<i>30. exemplum optimi Regis</i>	31
<i>Boleslai Audacis pulchra initia 37. Bellum</i>	
<i>Bohem. 38. Ungaricum 39. Ruſſica 40.</i>	
<i>41. 42. degenerat 43. S. Stanislaum oc-</i>	
<i>cidit 45. & ſe ipſum poſtea exul</i>	45
<i>Bieganovius mittitur ad Turcam</i>	455
<i>Boleslai Crivouſti pueri reſgeſta 48. 50. bel-</i>	
<i>lum Bohem. duplex 51. 52. Pomeranicum</i>	
<i>ibid in fratrem manſuetudo 53. parrici-</i>	
<i>dium 56. bella cum Cæſare 55. pugna in</i>	
<i>Campo Canino ibid. Ruſſica bella 58. 59.</i>	
<i>fraude vincitur 60. 61. ex mærore obit 61</i>	
<i>Boleslai Criſpi cum Conrado Cæſare tranſactio</i>	
<i>& poſt bellum 66. 67. cum Friderico Barb.</i>	
<i>67. à Pomeranis clades</i>	68

INDEX

<i>Boleslai Padici castitas</i> 83. <i>fuga in Ungariam</i> 85. <i>in eandem seditio</i> 88. <i>calamitates</i>	89
<i>Bona Zfortia in Italiam ab invito filio</i>	215
<i>moritur</i>	216
<i>Joh. Bonerus</i>	186
<i>Borodawka capite plectitur</i>	400
<i>Bozuta Pontifex Gnesnensis</i>	24
<i>Brandeburg. Elector Succis se jungit</i> 551. 578	
<i>Sal. Brandesius</i>	635
<i>David Bredtius</i>	ibid.
<i>Brunberga arx quando extructa</i>	90
<i>Buda fraude à Solimanno capitur</i>	206
<i>Burggravius de Dohna</i>	138
<i>Gothardus Vilb. Butlerus</i>	437
<i>Wilhelmus Butlerus Generalis excubiarum</i>	
<i>Præfectus</i>	632

C.

<i>Cecilia Renata Regina</i> 434. <i>coronatur</i>	436
<i>filium enititur</i> 443. <i>moritur</i>	452
<i>Callimachus Italus in Polonia benigne habetur, ibidemq; obit</i>	173
<i>Nicol. Camieniecius profligat Valachos</i>	189
<i>& Tartaros</i>	190
<i>Cannensi similis clades à Tartaris</i>	84
<i>Caninus Campus unde dictus</i>	55
	Caro-

RERUM.

- Carolus IX. Rex Galliae obit* 252
- Carolus Pro-Rex Sueciae* 340. *tumultuatur*
350. occupat Calmariam 352 *Regis Sueciae*
nomen & dignitatem sumit 362
- Carolus Gustavus Rex Sueciae* 531 *Poloniam*
invadit 541. *moritur* 646
- Casimirus I. e monasterio ad regnum vocatur*
34. ejus prudentia & fortitudo 35 36
- Casimirus Crispi frater respuit Principatum* 71
percussus a Conario ignoscit percussori ib.
- Casimiri Magni ingenium quietum* 116 *Russiam*
Poloniae jungit 117. *leges condit & Jus*
Magdeburg. introducit 118. *Ludovicum*
Ungarum adoptat ibid. Pater Plebejorum
dictus 119. *nuptias cognatae magnificas*
struit 120. *ex casu moritur* 121
- Casimirus III. regnum diu recusatum recipit*
156. 157. Pruthenos in obsequium suscipit
158. bellum ejus cum Ungaris 167. *mors*
prodigiis significata 171
- Catharina Sigismundi III. Mater* 231
- Cesar moritur* 263. *ejus filius pacem quam*
bellum mavult 264
- Steph. Chmelecus Tartaros fundit* 412. 417.
moritur 418
- Chmielnicius* 487. *cum Tartaris contra Po-*
lonos conjurat ibid. moritur 613
- Joh.*

INDEX

<i>Job. Chodkievicius Samogitia Præfectus</i>	244
<i>Lithuanos cum Bathoreo conciliat</i>	261
<i>Carolus Chodkievicius vincit Suecos</i>	365. 366
<i>contra Moschos movet</i>	393. moritur 404
<i>Georg. Chodkievicius Moschos profligat</i>	219
<i>Christina uxor Vladislai maritum incitat in fratres</i>	62
<i>Christina Regina Svec. sceptro se abdicat</i>	527
<i>Sendivojus Ciarncovius</i>	183
<i>Stanisl. Ciolkus provocatus in duellum prodire prohibetur</i>	226. 227
<i>Clementia fortitudine interdum potentior</i>	73
<i>Job. Colonius Gedanensium Præfectus</i>	266
<i>Columnas in Salâ flumine ponit Chrobri</i>	30
<i>Comitia Thoruni habita</i>	264. alibi 294.
	300. 306.
<i>Cometes sub Lesco Albo</i>	81
<i>Samuel Comorovius</i>	498
<i>Franciscus Carolus Comes de Collavrath</i>	642
<i>Job. Conarius inter ludendum Casimirum Principem percutit</i>	71
<i>Adamus Conarscius Legatus Neapoli redit</i>	220. 221
<i>Concilium Tridentinum</i>	206
<i>Job. Coniecpolius Regni Cancellarius</i>	158
<i>Ad.</i>	

RERUM.

<i>Ad. Conarscius Episc. Posnan.</i>	248
<i>Conradi Imperatoris in Asiam, & post in Poloniam expeditio</i>	66. 67
<i>Contemptus hostis noxius</i>	160
<i>Confederatio militum sopita</i>	391
<i>Constantia Regina moritur</i>	419. seqq.
<i>Alex. Coniecpolscius</i>	495
<i>Stanisl. Coricinius</i>	518
<i>Cosaci profligantur 436: eorum descriptio 485. seqq. in ordinem rediguntur 438. occupant castra Polonorum 491. obsident Zamosciam ibid. ad Lojovum à Radzivillo funduntur 497. ad Bereslecciam 509</i>	seqq.
<i>Andr. Cotovicius</i>	437
<i>Cracovia condita</i>	5. seqq.
<i>Cracus abnuat Principatum, susceptum pacat ibid. Draconem conficit, Cracoviam condit</i>	ibid.
<i>Cruciferi pulsi ex Asiâ recipiuntur à Conrado Masovio 82. vocantur in auxilium contra Marchiones 104. arcem Gedanensem sibi usurpant 105. & mox Pomerelliam totam ibid. eorû avaritia & ingratitude 110. III. magno prælio vincuntur à Loctien 113. iterum à Jagellone 137. paciscuntur cû Jagellone 140. redeunt ad hostilia 141. transigunt</i>	cum

INDEX

<i>cum Cafimiro</i>	163.	<i>Domini Crucis quando appellati</i>	134.	<i>Ottocarum in Prussiam excivere</i>	89
<i>Crudelitatis Moschicæ exempla</i>	224.		225		
<i>Crusphicia sedes Principum</i>	14.	<i>deseritur</i>	19		
<i>Crzyvonossius grassatur & profligatur</i>			489		
<i>Joan. Casim. Crassinius</i>			562		
<i>Cunigundis illibata castitas</i>			83		
<i>Curlandiæ Ducum initium</i>			218		
<i>Czarnkovii causa cognoscitur</i>			296		
<i>Steph. Czarnecki</i>	454.	546.	<i>fortiter Sueci resistit</i>	557.	<i>Germaniam ingreditur</i>
				606.	seqq.
<i>Czestochoviense Cœnobium</i>		<i>contra Suecos se defendit</i>			555

D.

Nicol. Danckvartius Lilienström	635
Stanisl. Danielowitz occiditur	434
Dantiscana arx à Cruciferis usurpatur	105
Dantisci situs primordia & incrementum	74
turbæ 214. ob religionem	199
Dantiscanorum privilegia	158
Dantiscanus Magistratus à Sigismundo Au- gusto castigatur	222
Derpatum miserrimè habitum à Moscis	223
Disciplina militaris inchoata 20. restaurata quàm utilis	136
	Discor-

RERUM.

<i>Discordia in Electione Regum</i>	179
<i>Joh. Dlugossus historia Polon. scriptor</i>	162
<i>Gerhardus Dönhofius Comes</i>	416. 460
<i>Theodor. Dönhofius</i>	437
<i>Dolus Russorum 60. Valachorum</i>	119
<i>Dorostaiski Lithvanie Mareschallus</i>	387
<i>Draco confectus</i>	6
<i>Domini Crucis quo tēpore & qui sic dicti</i>	134
<i>Duella bina Polonorum cum Turcis</i>	226. 227
<i>Petri Dunini jocus infelix</i>	63
<i>Dzierzek Prandota</i>	446

E.

<i>Elbinga à Suecis occupatur</i>	550
<i>Electio Regum libertatis nutrix</i>	179
<i>Elisabetha Ludovici Ungari filia 129. nubit Jagelloni</i>	130
<i>Ericus Comes Brahe</i>	340
<i>Ernestus Austriacus Poloniae Regni Candidatus</i>	232
<i>Esterz ob pudicitiam dicta Sigism. I. uxor</i>	195
<i>Expeditio publica sub Sigism. I. 203. 204.</i>	

F.

<i>Vincent. Fabricius</i>	567
<i>Fames sub Lothico 107. sub Casimiro Magno</i>	120
<i>Felici-</i>	

INDEX.

<i>Felicitas periculosa</i>	45
<i>Michael Federovicius Dux Moscorum</i>	388
<i>Eidem servare quorum Ptincipum</i>	77
<i>Sub fidei pio nomine infidelitas plerumque grassatur</i>	344
<i>Joan. Firlei Oratio</i>	244
<i>Nicol. Firlejus Castell. Cracov. & Dux exer- cit. 168. Palatinus Lublinensis & Dux ex- ercit.</i>	187. 195
<i>Henricus Firlejus Pro-Cancellarius</i>	391
<i>Andr. Firlejus Belzensis Castellanus</i>	493. 506.
<i>Fisci avaritia sub Miecislao sene</i>	70
<i>Fortuna ubi se præbet, sine morâ prensanda est</i>	386
<i>Fraudes cautos homines faciunt</i>	59
<i>Maximil. Fredro</i>	518
<i>Fridericus Cardinalis frater Alexandri Re- gis</i>	180. 181
<i>Friderici Barbarossæ in Poloniã expeditio</i>	67
<i>Friderici III. Reg. Daniae epistola ad Czarnec- cium</i>	610. seqq.
<i>Petr. Fuchsius Dragonar. ductor</i>	635

G,

<i>Magnus de la Garde Comes</i>	533
<i>Magnus Gabriel de la Garde</i>	645
<i>Alex. Gasiuvius</i>	428
<i>Geda</i>	

Gedānum vide *Dantiscum*.

Gedānum fidele Regi 552. seq. ab hostibus
violenter aggressum 566. ejus responsum
ad literas Regis Sveciæ 567. seqq.

Gedānenses capiunt *Königsmarckium* 586

Georgius Castriotus Amurathi obses datur 151
Scanderbegus appellatur ibid.

Georgius Bohemorum Rex 164

Germani unde in *Poloniā submontanā*
119

Gedani tumultus 336

Laurent. Gembicius Cancellarius & Episcopus
Vladislaviensis 391

Gladios Poloni stringunt inter sacra 26

Michaël Glinsci turbat *Lithuaniam* 182
conspirat cum *Moscho* 187

Gnesna condita 2

Joan. Gninski 626. 644

Christoph. Gonsiewski 441

Vincent. Gonsievius 522

de Gorca Comes Palatinus Posnaniensis, gib-
bo deformis 312

Sbigneus de Goray Goraiski 462. 526

Laurentius Goslicius Episcopus Camenecens.
320

Gothofredus Ketlerus Curlandiæ Dux crea-
tor 218

Gor-

INDEX

<i>Gothardus Curlandia Dux</i>	306
<i>Franc. Grata</i>	483
<i>Christoph. Grodzicius</i>	517. 555
<i>Christoph. Grzymultovius</i>	572
<i>Gudentum oppugnatur</i>	630
<i>Guilielmus Austriacus ambit Elizabetham Jagelloni postea nuptam</i>	129
<i>Guldensternii in Poloniam ex Sueciâ secedunt</i>	347
<i>Sigism. Guldensternius L. R.</i>	462. 552
<i>Andreas Guldenlaw</i>	645
<i>Gustavus aliquot Civitates in Prussiâ occupat</i>	
411. vulneratur 412, 413. ejus cum Casare bellum	420. 421

H.

<i>Habaankiorum familiae nomen unde</i>	54
<i>Halicia & Halicienses</i>	60. 72. 80.
<i>Halicia Archiepiscopatus</i>	125
<i>Hauptum à Suecis occupatur 566. seq. à Polonis obsidetur 633. seq. occupatur</i>	651
<i>Henricus Andinus ambit Polonia Regnum</i>	
232. communi consensu eligitur 248. Poloniam majorem ingressus excipitur à Karnkovio 250	Cracoviam deducitur, ibiq; coronatur 250. 251
clam Cracoviâ discedit 252. tendit in Galiam	

<i>liam</i> 254. <i>exauētoratur in Polonia</i>	255
<i>Jo. Herburtus Sanocensis</i>	248
<i>Joh. Herburti fortitudo & periculū</i> 227. 228	
<i>Nicol. Herburtus</i>	313
<i>Heroum filii degenerant</i>	33
<i>Matth. Hirschius</i>	635
<i>Hricko versutē ad Ducatum Moscoviæ evehi-</i> <i>tur</i> 377. 378. <i>occiditur</i>	380
<i>Joh. Hülsemannus</i>	462
<i>Joh. Hunniades</i>	151
<i>Hungarorum mores Polonis ingrati</i>	264

I,

<i>Jacobus Dux Curlandiæ à Sueciæ capitur</i> 618 seqq.	
<i>Jagello Vladislaus Christianus fit</i> 131. <i>religi-</i> <i>onem in Lithvaniā propagat</i> 132. <i>ejus cum</i> <i>Conjuge discordia</i> 133. <i>Academiā Cracov.</i> <i>instituit</i> 134. <i>Victoria de Cruciferis insi-</i> <i>gnis</i> 137. <i>Regnum Bohemiæ respuit</i> 141. à <i>Vitoldo incessitur</i>	142
<i>Jagellonidum mascula stirps extincta</i>	231
<i>Janussius Dux Ostrogie Castellanus Cracovi-</i> <i>ensis</i> 334. <i>moritur</i>	396
<i>Jaropelcus capitur, dimissus ulciscitur inju-</i> <i>riam</i>	59
<i>Jazyges</i> 86. <i>internecione pereunt</i>	92
<i>Jere-</i>	

INDEX

<i>Jeremias Dux Visnovecius</i>	454. 492. moritur	511
<i>Iniquitas humana in se & fortunam</i>		61
<i>Jocandum caute cum Dominantibus</i>		64
<i>Joannes Rex Sveciæ moritur</i>		335
<i>Joannes Albertus frater Regis Vladislai moritur</i>		429
<i>Joannes Casimirus Princeps proficiscitur in Hispaniam</i>	437. in Galliâ detinetur	438.
<i>Rex</i>		492
<i>Johannes Albertus Rex</i>	171. infeliciter in Muldavos movet 175. 176. cum fratre bellum gerit	169
<i>Johannes Scepusius Sigism. I. affinis</i>	193. ambit Ungariæ Regnum	201. moritur 205
<i>Johannes Finlandiæ Dux à fratre Erico carceri includitur</i>		219
<i>Johannes Svecorum Rex Poloniæ Regnum ambit</i>		232
<i>Johannes Lucelburgicus Rex Bohemorum Silesiam sibi subjicit</i>	108. dat Pomeraniam Cruciferis nullo jure ibid. Polonis inimicissimus	117
<i>Islan Garejus Chanus</i>		523. seqq.
<i>Iyonix Valachorum Principis crudelitas</i>		226
		Karn-

K.

<i>Karnkovius Andreas</i>	211
<i>Adamus Kazanovius</i>	400
<i>Martinus Kazanovius</i>	428
<i>Kiovia expugnata 42. Capua fit Boleslai</i>	
<i>Audacis exercitui</i>	ibid.
<i>Adam. Kisielus in Moscoviam ablegatur</i>	431.
<i>Chmielnicius sistit</i>	489. 492.
<i>Kloczevius strenuè occumbit</i>	283
<i>Petrus Kmitha Palatinus Cracoviens.</i>	210
<i>Stanisl. Koniecpolski Campiductor capitur</i>	
<i>397. ex captivitate redit 408. mittitur</i>	
<i>in Prussiam 412. profligat Tartaros 427.</i>	
<i>454. moritur & ejus elogium</i>	465
<i>Kodak munimentum exstruitur</i>	435
<i>Stanisl. Kobierzycius</i>	446
<i>Joan. Carolus Konopatscius</i>	437. 441
<i>Königsmarkius à Gedanensibus capitur</i>	586
<i>Petrus Konassevicius Dux Cosacorum</i>	400
<i>Samuel Korecki una cum uxore à Turcis ca-</i>	
<i>pitur</i>	393
<i>Kostka Castellanus Gedanensis</i>	239
<i>Felix Kriski Cancellarius</i>	391

L.

<i>Samuel Lascius ablegatur in Sveciam</i>	347
<i>Stanisl. Lanckoronski Camenecens. Castella-</i>	
<i>nus</i>	493
	Lechus

INDEX

<i>Lechus primus Polonorum Princeps</i>	1.	<i>ejus res gestæ non proditæ</i>	1. 2
<i>Alb. Lascius Palatinus Siradiënsis</i>	248		
<i>Lechus II. fratrem occidit</i>	7.	<i>exulat</i>	ibid.
<i>Legati Provinciales instituuntur</i>	164.	<i>similes potestate Tribunis Romanis</i>	ibid.
<i>Legatus violatur</i>	144		
<i>Leges olim nullæ Principibus</i>	2.	<i>à XII. Palatinis latæ, non scriptæ</i>	4
<i>Raphael Lescinius</i>	198		
<i>Lescus II. ludicro cursu ad Principatum pervenit</i>	11.	<i>optimè administrat res, prioris fortunæ memor</i>	ibid. & seq.
<i>Lescus III. patri virtutē similis, Caroli Magni fœderatus</i>	12.		seqq.
<i>Lescus IV. Pacificus</i>	21.		seqq.
<i>Lesci Albi pueri lites cum Miecislao patruo</i>	75. 76.	<i>in Govoricum fides</i>	80
<i>Lesci Nigri bella cum Russis, Silesiis, Lithvanis</i>	91. 92.	<i>in Cracovienses gratitudo</i>	94.
<i>Vindicta in Masovios infelix</i>	96		
<i>Mart. Lesniowski Castellanus Podlachie</i>	317.	<i>gratiâ Regis excidit</i>	331
<i>Andr. Lesczynski</i>	459	<i>fit Primas Regni</i>	518
<i>Bogusl. Comes de Lesno</i>	499.		506
<i>Jo. Comes de Lesno</i>	526. 532. 554.		643
<i>Lesna exuritur</i>			563
		<i>Libertas</i>	

RERUM.

<i>Libertas aequali Civium jure maxime efflo-</i> <i>scit.</i>	232
<i>Limitaneus miles conscriptus</i>	186
<i>Andr. Lipski Episcopus Luceoriensis</i>	394
<i>fit Pro-Cancellarius</i>	395
<i>Nicol. de Linda</i>	634
<i>Franciscus de Lisola</i>	642
<i>Lithvania cum Polonia unio 130 renovata</i> <i>sub Sigism. Augusto</i>	222
<i>Litvani funduntur</i>	92
<i>Lithvania dissidiis laborat 216. à Mosco oppu-</i> <i>gnatur 217. jungitur Poloniae Regno 218</i> <i>seditionem movet</i>	304. 305
<i>Sanisl. Lubomirscius 399. succedit in locum</i> <i>Chodkievicii</i>	404
<i>Georg. Lubomirski</i>	450. 553
<i>Matth. Lubinski</i>	490. 492
<i>moritur</i>	518
<i>Alex. Lubomirscius</i>	548
<i>Ludovicus Ungarus Rex Poloniae 122. Casimi-</i> <i>ri M. filias abjicit 123. matrem sibi vica-</i> <i>riam facit. ibid. Rusiam Ungariae jun-</i> <i>gere molitur 125. Artium liberalium Pa-</i> <i>tronus 127. habitu dissimulato inquit in</i> <i>mores suos. ibid. Ludovici Ungariae Regis</i> <i>ad Mohacum clades & interitus 200. 201</i>	
<i>O o</i>	<i>Stanis.</i>

INDEX

<i>Stanisl. Lubienſcius Episcopus Plocenſis</i>	373
<i>Ludovica Maria</i> 460. 461. ſolenniter exci- - pitur & coronatur	464
<i>Anton. de Lumbres Legatus Gall.</i>	639
<i>Baſilius Lupuli</i>	513. 519

M.

<i>Majeſtatis cauſâ non retractant facta Reges</i>	198
<i>Marchia vaſtatur</i>	90
<i>Marchiaci proditiõne Pomeraniam occu- - pant</i> 104. vendunt Cruciferis 106. 107	
<i>Maslaus Maſoviam occupat</i> 34. debellatur & ſuſpenditur	35. 36
<i>Maſovia Poloniae Regno accedit</i>	200
<i>Matthias Ungariae Rex</i> 165. ejus bella cum Polonis & Bohemis	166. 167
<i>Mathematici præſagiũ de periculo Auguſti</i> 1214	
<i>Maximiliani I. Ceſaris offeſſa in Sigism. I. & reconciliatio</i>	193. 194
<i>Maximilianus Archidux. Rudolphi Impera- toris frater</i> 315. Candidatus Regni Polon. ibid. eligitur Rex Poloniae 317. ſed fru- ſtra 321. à Zamofcio vincitur & capitur 323. dimittitur	325
<i>Mendocus Litvanorũ Dux Prusiã vaſtat</i> 89	
<i>Andr. Mecinius</i>	394
<i>Meus malus diuturnitatis cuſtor</i>	557
	Alb.

<i>Alb. Miaskowski</i>	442
<i>Miecislaus primus Princeps Christianus</i>	25
<i>natus subito visu donatur</i>	23
<i>Miecislaus II. filius Boleslai Chrobri degener</i>	32. 33
<i>Miecislaus senex cur ita dictus 69. Principatum subinde amittit & recipit</i>	70. 77
<i>Nicol. Mielecius Palatinus Podol.</i>	272
<i>Miesco Boleslai Audacis filius</i>	46
<i>Georg. Mnizek Palatinus Sendomiriens.</i>	377
<i>filiam suam dat simulato Demetrio Duci Moscoviae</i>	379
<i>Moraviam occupat Chrobri 29. amittit ejus filius</i>	32
<i>Andr. Morstinus</i>	528. 625
<i>Joh. Andr. Morstyn</i>	643
<i>Moschus Livoniam penè totam occupat</i>	270
<i>ceditur apud Vendam 271. Polociensis Palatinatus ei adimitur 277. pacem cum Bathoreo init.</i>	292
<i>Mons Regius, arx.</i>	90
<i>Nicol. Moscorovius Procancellarius</i>	132
<i>Moschicum bellum sub Alexandro 180. sub Sigismundo I. 187. 191. sub Batoreo</i>	268
	274
<i>In Moschoviâ imposturae 377. 378. seqq. 381 seqq.</i>	
	<i>Moschi</i>

INDEX

<i>Moschi volunt Uladislaum Principem creare in suum Ducem</i>	383. 384. seq.
<i>Cum Moschis induciæ 395. Polanovienses tractatus</i>	428
<i>Mucha latrocinatur in Russiâ</i>	171
<i>Muldavi ad Obertinum à Joh. Tarnovio caduntur</i>	201. 202
<i>Muldavicum bellū sub Sigismundo I. 203. 204</i>	
<i>Mures Popielum II. devorant</i>	17
<i>Petri Myscovi Plocens. Episcopi Oratio</i>	234
<i>Sigism. Myszkovius Curia Præfectus</i>	361
<i>mittitur ut Constantiam Austriacam Sigismundo Regi adducat</i>	366. moritur 392

N.

<i>Nalewaiko rebellis capite plectitur</i>	345
<i>Daniel Narussevicus</i>	532
<i>Nemira Podlachiens. Castellanus</i>	401
<i>Nevela Moscorum Urbs capta</i>	284
<i>Nicolaus Christoph. Dux. Radzivillius</i>	248
<i>Nowodworscius Eques Melitensis</i>	387
<i>Nummus in Poloniâ incognitus</i>	2

O.

<i>Theod. Odonovicus Moschor. Dux Candidatus Regni Poloniae</i>	315
<i>Borisius Odenovius 375. Dux Moscoviae creatur</i>	376
	<i>Olivense</i>

<i>Olivense Monasterium ad tractatus pacis destinatur</i>	641
<i>Job. Olesnicius Mareschallus scitè dissidium pacat</i>	146
<i>Omina quando observentur maximè</i>	174
<i>Petrus Opalinski Præfectus Stremensis</i>	394
<i>Lucas Opalinski</i>	438
<i>Orichovius celibatu oppugnato turbat turbaturque</i>	213
<i>Ordo Equitum immaculatæ Conceptionis Deiparæ Virg. non admittitur</i>	435
<i>Constant. Ostrogii victoria de Tartaris de Moschis</i>	190 191. 192
<i>Sendivog. Ostorogius</i>	148
<i>Dux Ostrogus Janusius Castellanus Cracoviensis 334. moritur</i>	396
<i>Sbigneus Ossolinus</i>	356
<i>Georg. Ossolinus 399. 427. 430 fit Cancellarius 450 ejus Oratio</i>	468 seqq.
<i>Osmannes Turcarum Imperator 401. à Jinnizaris occiditur</i>	408
<i>Nicol. Ostrog. Regni Pocillator</i>	493
<i>Baldv. Ossolinski</i>	496
<i>Alb. ab Ostaw Legatus Brandeb.</i>	644
<i>Gregor. Otrenovicius impostor simulat Demetrium 381 occiditur</i>	385
<i>Ericus Oxenstiernius Comes</i>	533

INDEX

Joan. ab Overbecke Legatus Brandeb. 644

Bened. Oxenstierna Legatus Svec. 645

P.

Stanisl. Pacius Moschos profligat sub Sigismundo Augusto 220

Christoph. Pacius 518. 643

Michael Pacius 639

Palatini XII. imperant, leges condunt 4
Decem viris Roman. similes ibid. degenerant. ibid: iterum imperant post Vendā 9

Palatinus quidam pudore ignominia se suspendit 61

Palatinus Cracoviens. Castellano postponitur 57

Parnavia à Polonis recuperata 220

Pater rusticorum dictus Casimirus 119

Paulus Polucosius Episc. seditionem movet sub Pudico & Nigro 87. 88. 93

Pauluc⁹ Cosacorū Ductor capite plectitur 436

Pax Polono-Svetica 647

Perfidia exemplum 77. 78

Perstinius Lesciniorum familia auctor 24

Pestis in Poloniā 120. sub Sigism. Aug. 228
sub Sigismundo III. 417

Piaſtus pauper ad sceptrum vocatur non sine miraculo 18. regnat optimè 19. longā posteritate felix ibid.

Casim.

- Casim. Piaſeciniuſ occumbit* 628
Pibraciuſ Andini Legatuſ in via ſpoliatur
255. exauſtorationem Regiſ præſens in
Poloniâ ſpectat ibid.
Pina & Muchawiec fluviorum conjunctio
 430. ſeq.
Hieron. Pinocciuſ 607
Plica morbuſ unde vulgò orta credatur 96
Conſt. Plichta Sochacovienuſ. Caſtellanuſ
 394
Pleſcovia obſidetur à Batoreo 289
Job. Podkowa ferreas equorum ſoleas con-
fringeſbat 273. ob ſeditioneſ punitur 274
Polocia obſidetur 274. deditur 275
Polonia ob Boleſlai Audaciſ cadem excom-
municata à Pontifice 46
Poloni gladioſ ſtringunt inter Sacra 26
Polanovienuſeſ cum Moſchiſ tractatuſ 428
Alex. Polubiſciuſ 639
Pomerania ulterioſ divulſa à Polonia Regno
81 altera proditur Marchionib9 104 occu-
patur à Cruciferiſ 105. 106
Pomeranicuſ belluſ ſub Audace 38. ſub
Criſpo 67. 68
Pomerani victi convertuntur ad Religionem
Chriſtianam 57
Popieluſ

INDEX

<i>Popielus Major degener</i> 13. <i>Crusphiciam</i> ha- bitat	14
<i>Popielus Minor vitiorum mancipium</i> & u- xoris	14. seq.
<i>Patruos veneno necat</i> 16. à muribus con- sumitur	17
<i>Posta quando in Poloniam introducta</i>	483
<i>Potentia recens parta est res timidissima,</i> <i>praesertim quae malis artibus crevit</i>	507
<i>Jacob. Potocius Castellanus Camenecens</i>	387
<i>Steph. Potocius</i> 388. <i>profligatur</i>	391
<i>Nicol. Potocius Cosacos profligat</i> 436. <i>mo-</i> <i>ritur</i>	513
<i>Stanisl. Potocius Palatinus Podoliae</i>	519
<i>Andr. Potocius castrorum Praefectus</i> 629. 639	
<i>Nicol. Prasinowski</i>	643
<i>Premisli aurifabri stratagemata</i> 9. <i>electio in</i> <i>Regem</i>	10
<i>Premislus Majoris Poloniae Dux Regium</i> <i>nomen resumit</i> 97. <i>occiditur</i>	98
<i>Privilegia quo tempore plerumq; dentur</i>	118
<i>Proditorum fatum</i>	59
<i>Provisores in Polonia sub Uladislao</i>	146
<i>Prussiae pars Casimiro III. se subdit</i>	147
<i>Prussicum bellum sub Casimiro Princ.</i> 73. <i>sub Uladislao Hermanno</i> 47. <i>sub Sigis-</i> <i>mund. I.</i>	195. 196
	<i>Prussi</i>

Prussi tributarii Polonis 30. *dedunt se Casimiro III.* 158

Prussorum Privilegia 158. 159. *tribunal & controversiæ quædam discussæ sub Sigismund. I.* 197. 198

Prussia Orientalis ut feudum Poloniæ Alberto Marchioni ceditur 200

Andr. Przyemski Mareſchallus Curie 392

Sigism. Przyemscius 513

Matth. Pstrokonski Regni Cancellarius 368
moritur 372

R.

Georg. Racocius Poloniam invadit 593. *seqq.*
vincitur à Polonis 601. *seqq.*

Nicol. Radzivillius Palat. Vilnensis Livoniam, nomine Regis Polon. regno jungit 218
profligat Moschos 203. 219

Georg. Radzivillius Cardinalis & Episc. Cracoviens. 342

Christoph. Radzivillius profligat Carolsonium 357. *Director Ordinis Equestris* 423

Janussius Radzivillius Dux Cosacos ad Lojovum fundit 497. *fit Dux exercituū* 520. 522

Bogysl. Radzivillius 637

Regium nomen ob Bolesl. Audacis facinora desitum in Poloniâ, resumitur à Premislo

97. 98-

INDEX.

<i>Regia Majestas optimè sibi consulit, cum intra consveta se jura continens, nihil committit, quod novis legibus coerceri mereatur</i>	481
<i>Religio Christiana in Poloniã introducitur</i>	25
<i>Religio inter obstacula crescit</i>	213.
<i>coacta nunquam benè respondet</i>	67
<i>Revalia à Magno Holsatiae Duce obsessa</i>	223
<i>à Uladisl. Rege.</i>	625. 643
<i>Riga dedit se Batoreo</i>	286.
<i>ejus Civibus multa concessit Rex</i>	293.
<i>tumultuatur</i>	304
<i>Riga à Svecis occupatur</i>	407.
<i>obsidetur frustra à Moscho</i>	585
<i>Joh. Rithvanus carpit liberè Regem</i>	161. 162.
<i>Ritigerus ambit Vendam frustra</i>	8
<i>Rokosz movetur contra Sigismundum</i>	368
<i>seqq. sedatur</i>	374
<i>Alb. Rosenbergius</i>	638
<i>Rosvanus palo transfigitur</i>	342
<i>Christoph Rozrazevius perit circa Zavalociam</i>	284
<i>Russi sub Lesco Nigro funduntur</i>	91.
<i>juncti Tartaris deprædantur Poloniam</i>	86
<i>Russia Polonia innexa</i>	117
<i>Georg. Rzecicius</i>	496
S.	
<i>Sacrilegium duorum Lithvanorū punitur</i>	136
<i>In</i>	

<i>In Salisfodinis Vieliciensibus incendium</i>	457
<i>Leo Sapieha Cancellarius Lithvanie</i>	394
<i>Paulus Sapieha</i>	549. 559
<i>Nicol. Sarlejus</i>	159
<i>Matth. Sarbievius</i>	433
<i>Stan. Sarnovius</i>	611. seq.
<i>Christoph. Sborovius Dux</i>	354
<i>Christoph. Sborovius honori restituitur</i>	330
<i>Sbigneus Crivousti frater ab hoc occidi jussus</i>	96
<i>Scarbicus Legatus annulum in thesaurum Cesaris projicit</i>	54
<i>Scarbimirus Palatinus Cracov. excacatur</i>	57
<i>Scepusii Urbes quadam oppignorantur Ja- gelloni</i>	140
<i>Christ. Carol. Seblippenbachius</i>	645
<i>Georg. Schurius</i>	635
<i>Stanisl. Sczavini⁹ 474. ejus oratio ibid. seq.</i>	
<i>Secечи Palat. Cracov. res geste 48. super- bia 49. exilium</i>	50
<i>Seditio sub Crispo 69. sub Casimiro 72. 73 sub Pudico 88. sub Lesco Nigro 93. sub Boetico 106. sub Ludovico Ungaro 123 124. sub Sigism. I.</i>	204
<i>Sehinus obsidetur 426. ad deditionem sub- igitur</i>	427
<i>Valterus Sibertus</i>	634

INDEX

<i>Hieron. Sieniavius, Pincerna Regni</i>	355
<i>Sigismundus Joannis Sveciæ Regis filius</i>	315
<i>Candidatus Regni Polon. ibid. eum com-</i>	
<i>mendant Anna Regina & Zamöscius</i>	316
<i>Rex Poloniæ renunciatur</i>	317.
<i>coronatur</i>	321.
<i>ducit Annam Austriacam multis re-</i>	
<i>clamantibus</i>	332. seq.
<i>Gedani periclitatur</i>	336.
<i>in Sveciam profisciscitur</i>	337.
<i>in Sveciâ</i>	
<i>coronatur</i>	340.
<i>iterum profisciscitur in</i>	
<i>Sveciam</i>	349.
<i>ob tumultus in Prussiam re-</i>	
<i>dit</i>	351.
<i>Regnum Sveciæ ei abrogatur</i>	353.
<i>ducit Constantiam Austriacam</i>	367.
<i>contra eum Rokosz movetur</i>	368.
<i>seqq. à</i>	
<i>sicario petitur</i>	398.
<i>moritur</i>	422
<i>Smolenscum à Polonis occupatur</i>	387.
<i>à Mo-</i>	
<i>schis</i>	522
<i>Marcus Sobiescius Regni Vexillifer</i>	324
<i>Jacob. Sobieski Palatinides Lublinens</i>	394
	408. seqq.
<i>Severiensis seditiosi compescuntur</i>	169. 170
<i>Jacob. Sienjenius à Rege infestatur</i>	162
<i>Sigismundus I. Rex creatur</i>	186.
<i>Bellum ejus</i>	
<i>Moschicum</i>	187.
<i>alterum</i>	191.
<i>iter ad Ma-</i>	
<i>ximil. I. Cesar.</i>	194.
<i>bellum Prussicum</i>	195
<i>Muldavicæ victoriæ</i>	202.
<i>Mors. Virtus</i>	
<i>corporis & animi</i>	207

Sigism.

- Sigismundus Augustus succedit Patri* 209.
matrimonium init. cum Radzivilliâ ibid.
laborat hinc invidia 210. *periclitatur Re-*
giomonti 214. *ducit Catharinam Austria-*
cam 215. *moritur* 229
Sigismundus Marchio ambit Regnum Polon.
 128
Silesia divulsa à Polonia Regno 67. *Batoreo*
infesta 262
Silesia quibus modis Bohemis cesserit 108
Silesii discordes 89. 99
Skirgello Lithvaniae praefectus 132. *rejeclus*
Cruciferis se jungit 133
Smolenscum obsidetur à Moscho & proditio-
ne capitur 191
Joh. Sobjescius 594. *sequ.*
Solestres conspecti 171
Solimanni victoria ad Mohacum 200. 201
Laur. Christ. à Somnitz. 644
Samuel Sborovius Vapovium, Tenczynium
petens clavâ percutit 251. *patriâ exesse*
jubetur ibid.
Christoph. Sborovius Crotosium in duellum
provocat 263. *ad Comitata citatur* 300. *Le-*
se Majestatis reus proclamatur 303
Sokolensis arx occupatur à Mielecio. 277
Solikovius ad Caesarem legatus 262
 Stanislai.

INDEX

<i>Stanislai Karnkovii oratio</i>	240. 241
<i>Stanislaus vir sanctus Regem castigat</i>	44
<i>suscitat miraculosè Petricum mortuum.</i>	
<i>ibid. occiditur à Boleslao Audace</i>	45
<i>Stanislaus Slupecius Castellanus Lublin.</i>	234
<i>Stanislaus Vistempus cum Turcâ duello con-</i>	
<i>greditur</i>	226
<i>Stanislaus Kriscius</i>	248
<i>Stephanus Batorëus Rex designatur</i>	257.
<i>Cracovia coronatur</i>	260.
<i>Lithuanos sibi conciliat</i>	261.
<i>Cesarem placare studet</i>	262
<i>in Gedanenses movet</i>	266.
<i>novum justitiæ tribunal instituit</i>	268.
<i>movet in Moscum</i>	
<i>272. 274. varia Moscorum oppida capit.</i>	
<i>282. 284. 288. 292. severè in quosdam animadvertit</i>	296.
<i>moritur</i>	306
<i>M. Stephani Regis Polon. elogium</i>	307
<i>Stephanus Polon. Rex</i>	308.
<i>candentes globos primus invenit. ibid. captus, utraq; bi-</i>	
<i>ennium in custodiâ habitus</i>	309.
<i>Gedanenses compescit</i>	310.
<i>Bellum contra Joannem Moschoviae Ducem suscipit felici-</i>	
<i>terq; gerit. ibid. Ostroviâ capit. ibid. Plešcoviam obsidet. ibid. Stratagema</i>	
<i>Premisli</i>	9
<i>Georg. Strakvicius</i>	635
<i>Strussii fratres pereunt gloriôsè</i>	182
<i>Subis.</i>	

- Subislaus religionem Christianam suscipit* 74
monasterium Olivense condit ibid.
Suiscianum Sacellum 398. 432
Svecicum in Prussia bellum 411. 412. seqq.
in Polonia 526. seqq.
Sveci profligantur 416. cum iis inducie 6.
annorum 417. jungit se iis Elector Bran-
deburg. 551. 578. eorum clades 560. seqq.
victricia ad Varsaviam 582
Sventopelcus Pomeraniam à Regno Polonia
avellit 81
Flor. Szarii vulnus & dictum ad Loeticum
Regem 114
Mart. Szyskovius Episcopus Luceoriens. 366

T.

- Samuel Targovius* 392
Joh. Tarnovius Castellanus Cracov. 210. 212
contra Turcas mittitur 198. *victriciam præ-*
clarâ potitur de Muldavia & premio raro
 202
Tartari qualis gens 81. eorum in Tauricam
Chersonesum adventus, & inde in Russi-
am. ib. eorum irruptio sub Padico multi-
plex 83. *saccos novem auribus Christia-*
norum implent 84. eorum irruptio sub
Lesco-Nigro 95. *viginti millia Virginum*
abdu-

INDEX

<i>abducunt. ibid. aquas inficiunt. ibid.</i>	
<i>ruptio alia sub Uladislao 148. sub Job. Alberto 172. de iis sub Alexandro victoria insignis 184. sub Sigismundo III.</i>	417
<i>Job. Tarnovius Regni Primas moritur</i>	365
<i>Job. Tastiſius Regæ ad ſuppl cium rapitur</i>	305
<i>Job. Tencinius 148. 248. palat. Sendomir. leges novas defendit</i>	212
<i>Thorunenſe Colloquium</i>	461. 462. ſeq.
<i>Thorienium Sveci occupant</i>	550
<i>Job. Tomicius Gneſnens. Caſtell.</i>	248
<i>Joannes Tonski</i>	532
<i>Trepka ſecretorum inter tormenta tenax</i>	191
<i>Tributa nimia ſub Miecislao ſene</i>	70
<i>Alex. Trzebinski.</i>	451. 454
<i>Andr. Trzebicki</i>	518. 611
<i>Tarce vincuntur 151. 152. vincunt ad Varnam 155. gelu puniuntur divinitus 176 177. Budam occupant fraude</i>	206
<i>Turcarum quorundam duella cum Poloniis</i>	226. & ſeq.
<i>Turcicum bellum</i>	399. 400. ſeq.
<i> cum Turcis Pax</i>	406
<i>Petr. Tylichi Vice-Cancellarius</i>	349
<i>Felic. Tyskiewicz.</i>	396

V

<i>Valachia inter Turcas & Polonos vacillat</i>	173
<i>Valicbi</i>	

Valachi crudelitatem Principis non aver-
santur 225. 226

Valachicum bellum sub Joh. Alberto 173. seq.
sub Sigismundo I. 189

Valsteinius trucidatur 429

Valachorum dolus 119. 175. irruptio gravis-

sima 176. alia sub Alexandra 181. 182.

Valachorum clades Ungarorum 1550

Varsavia obsidetur à Rege Pol. 564. occu-
patur 565

Varsaviensis clades 581. 582. seq.

Ulchanscius inaugurationi Batorei interesse
abnuat 260. 261

Henr. Vecheltus 635

Veisensteinium occupatur 360

Joh. Vejerus Pucensis præfectus 388

Jacob. Veiherus Palat Mariæburg. 552

Goth. Vellingius Rigæ crudeliter accipitur
 305

Venceslai duo Poloniae Reges 100. 102.

Venceslaus Comes de Lesno Pro-Cancella-
rius 399

fit Cancellarius 409

Venda, Virgo mascula proci respuat 8
seipsam in Vistulam præcipitat ibid.

Veringus Consul Cracov. excipit quatuor
Reges 121

Vicinus

<i>Vicinus</i> , malus quanta calamitas	114
<i>Vielisa</i> Moscorū Urbs capitur à Zamoscio	282
<i>Vielkola</i> obsidetur à Batoreo	282
<i>Vinricus</i> Cniperodius vitā excedit 127. ejus encomium	ibid.
<i>Valent. Vinterus</i> Tribunus Gedan.	634
<i>Vitoldus</i> seditiones movet 132. regnum am- bit & prope accipit	142. 143
<i>Constant. Vlsnovecius</i> Dux	354
<i>Vladislai</i> Lothici in Silesios bellum 99. de- fectio de principatu & exilium 100. restitutio 102. oratio ad suos 110. victoria de Cruci- feris 113. encomium	115
<i>Vladislaus</i> Crivoussi successor iniquus in fra- tres 62. fugatur Regno	64
<i>Ukraine</i> descriptio	485. seqq.
<i>Vladisl. Hermannus</i> Audaci succedit 46. Se- cechum egre deserit	49. 50
<i>Vladislaus</i> Casimiri III. filius Bohem. Rex 166	
<i>Vladislaus</i> III. puer regno inauguratur	145
Ungariæ regnum egre suscipit 150. perit ad Varnam	155
<i>Vladislaus</i> Princeps à Moschis petitur ut sit Dux 383. seq. movet contra Moschos 393. paciscitur cum iis inducias 395. peregrina- tur 410. Rex inauguratur 425. ducit Cæ- ciliam Renatam 434. 436. ejus literæ ad Innocent. X. 456. ducit Ludovicam Mari- am	

ERRATA.

887

P Aginâ 4. lineâ 20. lege *Rempubicam*.
 in titulo pag. 10. lege 10. Pag. 10. lin.
 16. lege *Lesci*. Pag. 12. lin. 18. lege *contra*.
 Pag. 16. lin. 5. pone. ibid. lin. 18. lege *inno-*
centiam. Pag. 19. lin. 4. lege *authoritate*.
 Pag. 21. lin. 19. lege *Principatum*. Pag. 34.
 lin. 17. lege *occasione*. Pag. 35. lin. 20. lege
Constantinopolitanorum. Pag. 37. lin. 17.
 lege *Boleslaum*. Pag. 39. lin. 10. lege *præter*.
 Pag. 42. lin. 3. lege *Kiovienses*. Pag. 43. lin.
 6. lege *in*. Pag. 49. lin. 14. lege *petiratus*.
 Pag. 53. lin. 21. lege *Bellum*. Pag. 59. lin. 9.
 lege *redit*. Pag. 61. lin. 19. lege *Bohemicum*.
 Pag. 65. lin. 1. lege *cum*. ibid. lin. 20. lege
concitabat. Pag. 73. lin. 5. lege *colligendi*.
 ibid. lin. ult. lege *nepotibus*. Pag. 82. lin. 12.
 lege *occupassent*. Pag. 90. lin. 2. lege *Pre-*
gelam. ibid. lin. 8. lege *fusoq;*. ibid. lin. 18.
 lege *CLCC LXXIX*. ibid. lin. 20. lege.
Uratislaviensium. Pag. 94. lin. 20. lege
opem. Pag. 96. lin. 14. lege *meminimus*.
 Pag. 98. lin. 5. lege *Principes*. Pag. 126. lin.
 18. lege *Ludovicum*. Pag. 128. lin. 17. lege
captum. Pag. 131. lin. 11. lege *fratribus*.
 Pag. 144. lin. 14. lege *aliquoties*. Pag. 146.
 lin. 11. lege *jussis*. ibid. lege *Vladislao*.
 Pag.

Pag. 155. lin. 21. lege *Turcarum*. Pag. 158.
lin. 9. lege *Johannes*. Pag. 167. lin. 20. le-
ge *filium*. Pag. 169. lin. 2. lege *Alberti*. ibid.
lin. 25. lege *Severienſium*. Pag. 177. lin. 1.
lege *qui in*. Pag. 179. lin. 8. lege *irruptio*.
Pag. 181. lin. 21. lege *primùm*. Pag. 185. lin.
ult. lege *etiam*. Pag. 187. lin. 21. lege *deſe-*
ctoribus. Pag. 192. lin. 23. lege *exercitu*. ibid.
lin. 24. lege *Cæterùm*. Pag. 198. lin. 2. lege
Senatus. Pag. 200. lin. 21. lege *dirempta*.
Pag. 235. lin. 5. lege *illa*. Pag. 238. lin. 24.
lege *educato*. Pag. 242. lin. 16. lege *accedit*.
ibid. lin. 22. lege *Episcopi*. Pag. 249. lin.
ult. lege *transiret*. Pag. 252. lin. 23. lege *in-*
gressus. ibid. lin. 26. lege *diſceſſus*. Pag. 258.
lin. 12. lege *occupaverat*. Pag. 267. lin. 21.
lege *conditiones*. Pag. 279. lin. 10. lege
Oratione. Pag. 286. lin. 12. lege *ſparſit*. Pag.
307. lin. 24. lege *plus*. Pag. 312. lin. 11. lege
Ordines. Pag. 324. lin. 8. & 9. lege *Polonis*.
Pag. 388. lin. 14. lege *reverti*. Pag. 401.
lin. 12. lege *Sochaczovienſis*. ibid. lin. 21. &
22. lege *nonnullos*. Pag. 424. lin. ult. lege
altare. Pag. 427. lin. 21. lege *abeundi*. Pag.
441. lin. 12. lege *inſula*. Pag. 445. lin. 3. le-
ge *violentiam*. ibid. lin. 14. lege *Buczaco-*
ſibus. Pag. 467. lin. 8. lege *inſolentem*.
Pag. 469. lin. 23. lege *atq;*. Pag. 486. lin. 19.
lege

829
lege *frangere eos*. Pag. 511. lin. 17. lege *per-*
commoda. Pag. 537. lin. 25. lege *consilium*.
Pag. 538. lin. 15. lege *tamen*. Pag. 579. lin.
ult. lege *conflictum*. Pag. 583. lin. 21. lege
Pragam. Pag. 611. lin. 17. lege *minore* Pag.
633. lin. 26. lege *hostes*. Pag. 658. lin. penult.
lege *illis*. Pag. 684. lin. 15. lege *cessisset*.
Pag. 711. lin. 8. lege *intellexissimus*. Pag. 719.
lin. 8. lege *oppressurus*. Pag. 730. lin. 16.
lege *Vigilum*. Pag. 733. lin. 21. post *quid* de-
leatur, *si*. Pag. 734. lin. 23. lege *in cineribus*.
Pag. 735. lin. 2. lege *penuarium*. Pag. 737.
lin. 7. lege *ab aliis*. Pag. 744. lin. 5. lege
si. *ibid.* lin. 15. lege *firmaisset*. Pag. 745. lin.
9. lege *fideles*. Pag. 747. lin. 22. loco *sed*
pone &. *ibid.* lin. ult. lege *suo*. Pag. 753.
lin. 20. lege *insignem*. Pag. 756. lin. 4. lege
in iucundo. *ibid.* lin. 11. lege *in primis*. Pag.
762. lin. 11. lege *inter alia*. Pag. 773. lin. 21.
lege *Nam*. Pag. 775. lin. 1. lege *excussisset*.
Pag. 776. lin. 19. lege *eum*. Pag. 779. lin. 4.
lege *Severie*. Pag. 782. lin. 14. lege *Michae-*
lem. Pag. 783. lin. penult. & ult. *uti* & pag.
784. prioribus lineis, *quæ cursivis literis*
sunt scripta in margine poni debebant, nam
turbant textum. Pag. 788. lin. 25. lege *pro-*
fligati. Pag. 790. lin. 15. & 16. lege *mala &*
meam. Pag. 802. lin. ult. lege *Stanislaum*:

Pag. 804, lin. 4. lege *diademati*. ibid. lin.
 24. lege *Kazigerejus*. Pag. 809, lin. 6. lege
de Te. Pag. 814, lin. 16. lege *ad antiquam*.
 Pag. 815, lin. 19. lege *sinistris*. Pag. 816, lin. 12.
 lege *rebus tuis*. ibid. lin. 17. lege *Princi-*
pum. Pag. 821, lin. 4. lege *latebam*. ibid.
 lin. 16. lege *Lari*. Pag. 828, lin. 28. lege *Or a-*
culum. Pag. 831, lin. 2. lege *grandia*. ibid.
 lin. 5. lege *Achilles*. ibid. lin. 13. lege *cam-*
pum. Pag. 838, lin. 18. lege *Patrum*. Pag. 84.
 lin. 14. lege *crepidine*. Pag. 841, lin. 24. lege
demum. Pag. 851 lin. 1. lege *peperisse*. In
 Indice lit. A, lin. 15. lege *prodigalitas*. ibid.
 pag. alterâ lin. 10. lege *Leopoliensis*.
 ibid. lin. 13. lege *sape*. lit. H, lin.
 ult. lege *Cracoviâ*.



~~Am 461. militem dimittere capitulum 480~~
 moritur 488. ejus elogium 480
 Ungaricum bellū sub Bolestno Audace 39. 41
 Ungarorum ad Varnam cladēs 135. ad Moha-
 cum 200

Fromondus Wolfius de Ludingshausen 523

Z

Zabrzezinius Lithvanie Marefchallus 187

Joh. Zamoscius 114 Cancellarius creatur 270

ejus oratio 279 Griselidi Bator. matrimo-

nio jungitur 297 vincit Maximilianum &

capit. 323. seq. moritur 364. ejus elogiū ib.

Stanisl. Zamoscius 218

Thomas Zamosci9 Procancell. 414. moritur

Zaremba persequitur Cruciferos 196 (436

Zaporovii Cosaci 485

Zbarasiana obsessio 495. seq.

Joh. Zborovii fortitudo in Moschos 218

Nicol. Zembocii uxor castitate laudata 43

Nicol. Zebrzydowski Dux Rokoffianorum 368

Zimomislus quietis amans 22

Ziemovitus ordines militares instituit, vir

fortissimus 20

Ziemovitus Masoviae Dux 129

Stanisl. Zolkievius Cosacos coercet 345. Sve-


cos fundit 360 Moschos profligat 384 Mo-

scuam occupat 385. fit Cancell. 395 in Mol-


daviâ à Turcis obtruncatur 397

~~et peruenit~~ ~~Colonos~~ ~~de~~
la liz. est. 107.











005651493



58

